





H. 64



DE POTESTATE ECCLESIASTICA
SUMMORUM PONTIFICUM
ET
CONCILIORUM GENERALIUM

LIBER

UNA CUM VINDICIIS AUCTORITATIS
PONTIFICIÆ

CONTRA OPUS

JUSTINI FEBRONII

AUCTORE

PETRO BALLERINIO

PRESBYTERO VERONENSI.

Accedit APPENDIX de infallibilitate eorundem Pontificum
in definitionibus Fidei.



VERONÆ
MDCCLXVIII.

EX TYPOGRAPHIA MARCI MORONI
SUPERIORUM PERMISSU AC PRIVILEGIO.



AD LECTOREM.



Uⁿ confutatio Febroniani operis, quo Pontificia auctoritas multis nominibus impetitur, tamdiu dilata fuerit, non obscuram rationem asserre licet. Cum totum Febronii opus falsis principiis innitatur; nisi ipsorum falsitas antea detegeretur, & principia contraria apte constituerentur; inanis prorsus inutilisque fuisset omnis confutandi labor. Explicanda primo erat natura & ratio Pontificii primatus, a quo omnis Pontificia auctoritas dimanat, & præcipua primatus prærogativa in materiis fidei, idest infallibilitas definitionum dogmaticarum, quæ ab adversariis catholicis in magnam controversiam adducitur, ex fine & ratione primatus, ac ex principiis, quæ ab iisdem adversariis probentur concessa, ita erat deducenda, ut qui concesserunt principia, coherentem nequeant repugnare. Num id ex æquo præstitum sit in libro ante biennium vulgato, cum titulo *De vi & ratione primatus* &c. lector non preoccupatus dijudicet. Secundo explicanda erat Potestas Pontifici,

IV

comparata cum potestate Conciliorum generalium , de qua non levis est cum iisdem adversariis quæstio præsertim in Canonibus disciplinæ antiquæ , pro quibus Febronius maxime laborat; & in hanc rem discutienda erant multa circa jurisdictionem Episcoporum , jurisdictionisque originem atque propagationem , & circa celeberrima decreta Concilii Constantiensis , quæ longam meditationem atque disputationem postulabant. Hæc est argumentum ejus operis , quod mox subjicietur inscriptum : *De Potestate Ecclesiastica Summorum Pontificum & Conciliorum generalium*. His principiis præmissis & præstitutis brevior & evidentior fiet Febronii confutatio hoc titulo edenda : *Vindiciæ auctoritatis Pontificiæ contra opus Justini Febronii*. Accedet tandem *Appendix de infallibilitate Pontificia in definitionibus dogmaticis*, quæ in hoc themate non pauca utilia , vel etiam necessaria suppeditabit . Ita pro uno tria opera hoc tomo procedunt.



TITU.

v

TITULI

OPERUM, CAPITUM, ET SECTIONUM

Quæ hoc in Tomo continentur.

DE POTESTATE ECCLESIASTICA SUMMORUM
PONTIFICUM ET CONCILIORUM
GENERALIUM.

Proœmium.

pag. XXI

CAPUT I.

De jurisdictionis Ecclesiasticæ origine, & de discrimine
juris inter S. Petrum & ceteros Apostolos eorumque
successores, qui in varios Episcoporum gradus distin-
guuntur.

§. I.

Jurisdictio Ecclesiastica Petro & Apostolis immediate colla-
ta fuit a Christo: nec Ecclesie immediate tradita dici
potest, perinde ac si Petrus & Apostoli illam acceperint
ab Ecclesia quoad idrum ministerium. ibi

§. II.

Eadem jurisdictio Petro & Apostolis immediate tradita in
bonum Ecclesie non debebat cum Petro & Apostolis ex-
tingui, sed in Petri & Apostolorum successores debebat
transire, ac in istis æque immediate residere & perma-
nere usque ad consummationem sæculi, sicut usque ad sæ-
culi consummationem debet permanere Ecclesia, ob cujus
regimen a Christo fuit instituta. S

§. III.

§. III.

Jurisdictio propria S. Petri ratione primatus ipsius singularis ac personalis ea fuit, ut ceteris omnibus etiam Apostolis potestate ceteroquin equalibus præfesset non mera ordinis & honoris, sed peculiaris in ipsos juris prærogativa bono unitatis, jusque ipsi esset in omnes non distributive solum, sed etiam collective sumtos ad custodiam unitatis. Idem omnino jus competit similiter Romanis Pontificibus successoribus S. Petri, ad quos idem primatus ob idem unitatis bonum jure successionis pervenit. 6

§. IV.

*In Episcopos Apostolorum successores non idem omnino jus Apostolorum transiit. Jus quod illis in initiis compete-
bat Apostolis in universam Ecclesiam, extraordinarium fuit, quod in Episcopos eorum successores non transiit: in solo autem S. Petro fuit ordinarium ratione primatus, & idcirco competit Romanis Pontificibus ejusdem primatus hereditibus jure ordinario. Nulli Episcopo nisi successoribus S. Petri competit jurisdictio in alios Episcopos Apostolorum successores institutione divina, sed jure tantum Ecclesiastico quibusdam insigniorum sedium Episcopis tributa fuit, ita tamen ut omnes cum successoribus S. Petri in unitatis bonum conspirent: nihilque hæc institutio Ecclesiastica præjudicare possit juri S. Petri & successorum ejus, quod est institutionis divine. 10*

§. V.

Episcoporum jurisdictio, licet sit institutionis divine, subest tamen juri Romanorum Pontificum, ita ut Episcopales illorum facultates in bonum Ecclesie possint ab ipsis limitari & restringi quoad usum & exercitium. 16

§. VI.

Hæc limitatio ac restrictio, licet versetur circa facultates Epi-

Episcoporum, quæ in origine sunt juris divini, quomodo referatur, ac referenda sit ad materiam discipline, & ad jus Ecclesiasticum. 22

CAPUT II.

De jure Romanorum Pontificum & Generalis Concilii.
Num alterum alteri præster in materia fidei. 26

§. I.

Num Romani Pontificis definitio si præcessit ipsum Concilium generale, cogat Patres Concilii, ita ut non possint ab ea dissentire; & quatenus Episcopi sint in Conciliis judices, etiamsi eidem definitioni unitatem & consensum debeant præstare. ibi

§. II.

Quid dicendum cum generali Concilio nulla præcessit Pontificia definitio. 32

CAPUT III.

De jure summorum Pontificum & generalium Conciliorum in materia discipline. 40

§. I.

De Canonibus discipline editis in generali Concilio, quibus accessit assensus, seu confirmatio summi Pontificis. Hos canones ipse debet observare non jure eorumdem canonum, sed altiori naturali ac divino, quibus iidem Pontifices obstringuntur. ibi

§. II.

Adeo vero hoc altiori naturali divinoque jure ad executionem

VIII

nem & observantiam canonum disciplinæ, quamdiu vigent, obligantur summi Pontifices, ut licet pro suprema sua potestate possint in ipsis dispensare, vel eosdem etiam aliquando restringere vel mutare; non tamen debeant nec licite id possint absque legitima causa 42

§. III.

Criminatio, quæ multorum odio & invidiæ Apostolicam auctoritatem exponit, disjecta, 46

CAPUT IV.

De canonibus disciplinæ in generali concilio editis, qui Pontificio consensu seu confirmatione carent. 48

§. I.

Canones ejusmodi non approbati auctoritate summi Pontificis ipsum non obligant. ibi

§. II.

De necessitate approbationis Pontificiæ in canonibus disciplinæ, ut generalis concilii vim & auctoritatem obtineant. 51

§. III.

De jure summi Pontificis in omnes Episcopos etiam collegios in generali synodo, ex quo omnibus superior, conciliaribus ipsorum decretis in materia disciplinæ ejus approbatione caventibus cogi non potest. Distinctio inter Episcopos distributive, aut collectivè sumptos ab adversariis ingesta, quam sit inanis, & rationi primatus repugnans. 56

CAPUT V.

De fera origine & novitate opinionis , quæ Conciliis generalibus auctoritatem & jus tribuit coactivum in summos Pontifices. 66

§. I.

De gestis Conciliorum generalium usque ad octavam synodum œcumenicam. 67

§. II.

De gestis synodorum particularium , ac de aliquot insignioribus testimoniiis quæ præiverunt schismati sæculi XIV. conciliisque Pisano & Constantiensi. 74

§. III.

De schismate, cujus occasione adversariorum sententia orta est paullo ante synodos Pisanam & Constantiensem. 84

CAPUT VI.

Num Pisana synodus celebrata ad excindendum schisma , fuerit certo œcumenica . Cur gesta ejusdem , ac depositionis sententia in duos contententes edita, adversariorum opinioni nihil profint, sed potius obfint, confirmantque antiquam sententiam , quæ generali quoque concilio jus super Pontifices denegat. 87.

§. I.

De jure convocandi Concilia generalia. 88

b §. II.

§. II.

Quinam convenire debeant, ut Concilium sit vere œcumenicum. 89

§. III.

De jure & qualitate suffragii Episcoporum & Papæ in synodis generalibus. 92

§. IV.

Cur Pisana synodus auctoritate generalis Concilii careat. 93

§. V.

Quatenus Pisana gesta adversariorum sententiæ obfint potius, quam profint. 97

CAPUT VII.

Decreta Constantiensia sessionum quartæ & quintæ de Synodorum generalium auctoritate supra Romanos Pontifices vim non habent generalis Concilii ob plures defectus, ac præsertim quia carent saltem confirmatione Apostolica. 101

CAPUT VIII.

Eadem decreta Constantiensia alio nomine vim & auctoritatem peremptoriam non habent, quia non fuerunt edicta tamquam certum dogma fidei, sed (ut acta præterunt) per modum constitutionum synodaliū, cujus formulæ vis decreta indicat, quæ non ex fide, sed ex mera opinione in ejus temporis circumstantiis constituenda visa sunt ad tollendum schisma. Singula decreta expensa, & quatenus æqua interpretatione explicari queant.
Quid

XI

Quid in ipsis difficilem explicationem ferat. Ex necessitate remedii ad abolendum schisma eadem opinio inducitur; & quatenus juri supremo summorum Pontificum nequeat præjudicium asserre. 109

CAPUT IX.

Objectio ex necessitate remedii in casibus extraordinariis a Constantienſi memoratis expuncta. 120

§. I.

De remedio in casu reformationis morum præsertim in capite. 122

§. II.

De remedio in casu hæresis circa fidem. 127

§. III.

De casu schismatis, quo duo vel plures se se gerant tamquam Pontifices. 130

§. IV.

Quomodo in Constantienſi schisma sublatum, & unitas restituta sine usu potestatis concilii supra Pontificem. 135

§. V.

Animadversio de appellationibus a Papa ad Concilium generale. 139

CAPUT X.

Principia & summa totius ratiocinii, quo generalibus conciliis negandum est jus supra Romanos Pontifices. 141

VINDICIÆ AUCTORITATIS PONTIFICIÆ CON-
TRA OPUS JUSTINI FEBRONII INSCRIPTUM
DE STATU ECCLESIAE ET DE LEGITIMA
POTESTATE ROM. PONTIFICIS.

Præfatio.

149

CAPUT I.

Quantum Febronius detrahat legitimæ potestati Pontificiæ
in decidendis controversiis fidei.

153

CAPUT II.

Quenam potestas Romano Pontifici competat in materia
disciplinæ, & quantum ei Febronianum. systema detra-
hat.

160

CAPUT III.

De suprema & plena Ecclesiastica potestate; quæ Romani Pontificibus competit jure primatus. Quibus limitibus divini ac naturalis juris circumscripta, & quam aliena a monarchico arbitrario & effræni dominatu, quem ipsi affingit Febronius. Summa, sed non sola potestas est in Ecclesiæ regimine, quippe quæ cum potestate Episcoporum a Deo instituta copulatur, & regimen non simpliciter monarchicum, sed ex monarchico & aristocratico temperatum constituit.

171

CAPUT IV.

Explicatur quænam sit ea suprema & plena potestas Romanis Pontificibus tribuenda supra facultates Episcopis competentes, & in ædificationem Ecclesiæ tradita. Distinguenda potestas ab ejusdem usu; nec ex abusibus, quæ potestati tribuendi non sunt, sed ex vitio abutentium dimanant,

manant, ipsa potestas neganda. De actibus abutenrium
illicitis, sed non irritis. 183

CAPUT V.

De supposititiis Pseudo-Isidori decretalibus, ex quibus Fe-
bronius supremæ & plenæ auctoritati Apostolicæ nimi-
um multo detrahit, quæstiones tres propolite & solu-
te. 192

§. I.

*Num decretales antiquis Pontificibus a Pseudo-Isidoro at-
tributæ, in gratiam Romanorum Præsulum ob augendam
eorum potestatem fuerint confictæ.* 193

§. II.

*Num ea, quæ de summi Pontificis auctoritate in consiliis
Pseudo-Isidori decretalibus traduntur, novi quidpiam in-
dlexerint, quod anterioribus temporibus nunquam fuerit
auditus, usque nuppiam receptum.* 195

§. III.

*Num discipline novitas, siqua ex apocryphis Pseudo-Isidori
decretalibus invaluit, usque posteriorum temporum obti-
nuit, jus falsum & corruptela sit, quæ antiquo canonum
juri derogare nequerit.* 198

CAPUT VI.

Num antiquorum canonum disciplina sit revocanda, seu
num Episcoporum & Metropolitaram potestas seu juris-
dictio actualis sit restituenda in statum primitivum, a-
bolito jure quod jam a multis sæculis viget. 205

CAPUT VII.

Media, quæ in restitutionem disciplinæ veteris a Febronio
pro-

XIV

proponuntur, quantam Pontificiæ auctoritati offensionem præterant.

211

CAPUT VIII.

Observationes in alia quædam Febronii loca, quæ etsi in antecedentibus prætermissa sint tamquam non necessaria confutando illius systemati, possunt tamen aliquam difficultatem facessere.

224

§. I.

Quam male ex iextu Actorum c. 8. v. 14. Febronius cum Gersono colligas, S. Petrum fuisse subditum Apostolis (seu Ecclesiæ) qui eum cum Joanne miserunt Samariam.

151

§. II.

In illa Febronii c. 2. §. 3. quibus contendit Ecclesiam posse transferre primatum a Romano ad alium Episcopum.

225

§. III.

Animadverso in verba alloquutionis S. Cypriani ad Patres Concilii III. Carthaginensis, & in commentarium a Febronio iisdem verbis subjectum cap. 2. §. I. n. I. tom. I. pag. 71.

227

§. IV.

Num Tridentinum generale Concilium supra Papam auctoritatem exercuerit. In cap. 6. Febronii §. I. num. 5. I. I. pag. 181.

232

§. V.

De potestate jurisdictionis distinguenda a potestate ordinis.

234

§. VI.

§. VI.

In textum Febronii c. 8. §. 3. ubi nonnulla quorundam antiquorum sanctorumque Pontificum gesta augendæ potestatis consilio attribuit. 238

§. VII.

In quædam loca Febronii, ubi auctoritatem Pontificum in provinciales synodos & in majoribus causis vellicas. 239

§. VIII.

Num auctoritas Pontificia utilitati aut necessitati Conciliorum generalium opponatur. 244

APPENDIX de infallibilitate Pontificia in definitionibus dogmaticis, qua brevius explicatur atque statuitur, quænam & qualis auctoritas summis Pontificibus tribuenda sit, quando ex fine & officio primatus obconservandam in tota Ecclesia fidei unitatem definiunt controversias dogmaticas. 249

§. I.

PRIMA PROPOSITIO.

Pontificia auctoritas, instituta ob finem conservandæ unitatis maxime in fide, esse debet per se sufficiens ad hunc finem obtinendum. 251

§. II.

SECUNDA PROPOSITIO.

Ut auctoritas summorum Pontificum sit per se sufficiens ad conservandam in tota Ecclesia unitatem fidei, debet esse non meri ordinis & honoris prærogativa, sed jurisdictionem

XVI

Auctoritas aliquam peculiarem sibi competentem requirit, quæ per se exigat & obliget ad fidei unitatem. 252

§. III.

TERTIA PROPOSITIO.

Auctoritas, quæ in definiendis fidei controversiis sit per se sufficiens ad exigendam & conservandam fidei unitatem, ita per se sola debet obligare atque sufficere, ut alius auctoritatis præsidio non egeat: ac propterea Pontificia auctoritas, quæ per se sufficiens est, ac dici debet ad conservandam & exigendam fidei unitatem, ad hunc finem obtinendum nequit egere consensu Ecclesiæ. 253

§. IV.

QUARTA PROPOSITIO.

Auctoritas, quæ sit per se sufficiens ad exigendam & conservandam fidei unitatem in tota Ecclesia, ea vi prædicta esse debet, quæ ad unitatem obliget non aliquos tantum, sed omnes Christianos, non tam distributive quam collectivè sumptos, ex quibus sumptis collectivè constat ipsa catholica Ecclesia. 258

§. V.

QUINTA PROPOSITIO.

Auctoritas, quæ in conservationem unitatis fidei definitiones dogmaticas edit, his definitionibus dogmaticis, ut in conservandam fidei unitatem sufficiant, obligare debet omnes, non ad meram externam observantiam, sed ad assensum & obsequium mentis: quod cum fidei necessarium sit, sine eo fidei unitas servari non posset. 260

§. VI.

§. VI.

PROPOSITIO SEXTA.

Pontificia auctoritas, quæ ab omnibus Christianis etiam Episcopis exigit obsequium & assensum internum proprium fidei erga definitiones a summis Pontificibus editas, omnem dubitationem debet excludere, ita ut dubitare non liceat, num illi, cum fidei controversias definiunt, in ipsa definitione errent. 263

§. VII.

PROPOSITIO SEPTIMA.

Auctoritas Pontificia, cujus definitiones dogmaticæ in conservationem unitatis fidei editæ obligant totam Ecclesiam ad assensum fidei ipsius definitionibus præstandum, omnino dubitatione exclusæ, in definiendo infallibiles dicenda est, ut ipsa Ecclesia ex promissis Christi est infallibilis. 265

§. VIII.

PROPOSITIO OCTAVA.

Eadem Pontificum infallibilitas evincitur vel maxime ex promissis Christi factis S. Petro, ac ex traditione Patrum. 268

§. IX.

Effugium Bossueti distinguens inter seriem & personas Pontificum quam inane & repugnans. 271

§. X.

Erroris Pontificum, qui ab adversariis opponuntur, ut in rem præsentem probarent aliquid, duo probanda essent: 1. errorem, qui opponitur, ita esse certum errorem fidei,

XVIII

ut nulla possit apta interpretatione purgari: II. esse præterea errorem definitionis dogmaticæ. Unus ejusmodi error congrue probatus, ad everiendam propositam thesim sufficeret. Nullus vero adversarius prodess, cum ex omnibus, qui obijciuntur, erroribus nullus sit error fidei certus, vel non sit error definitionis dogmaticæ. 272

§. XI.

Num sententia, quæ infallibilitatem Pontificis definitionibus in materia fidei tribuit, antiquis fuerit ignota. 281

§. XII.

Quantum ferat contrariæ sententiæ insinua, & quatenus inter catholicos recipi atque in scholas induci & propagari coeperit, veteri sententiæ ac traditione non omnino exclusæ. 282



DE POTESTATE ECCLESIASTICA
SUMMORUM PONTIFICUM
ET
CONCILIORUM GENERALIUM.

THE UNIVERSITY OF CHICAGO
LIBRARY
CHICAGO, ILL.
1954



PRÆFATIO.



N præfatione operis præcedentis inscripti, *De vi ac ratione primatus Romanorum Pontificum, & de ipsorum infatigabilitate in definiendis controversiis fidei liber singularis*, ubi utrumque explicavi atque constitui ex principiis concessis ab iis ipsis adversariis catholicis, contra quos tantum ageadum suscepi; memini me promississe alias, si vacabit, disputaturum de eorundem Pontificum potestate collata cum potestate concilii œcumenici: quod ad eam questionem refertur tantopere inter catholicos Theologos agitatam, num Romano Pontifici ratione primatus jus & potestas sit supra ipsa concilia generalia, an generali concilio

XXII. P R O Æ M I U M.

lio jus & potestas sit supra summum Pontificem. Nunc promissum libens solvam. Adversarii catholici, quibuscum tantummodo non minus in hoc quam in precedenti opere est disputatio; dum contendunt concilia potestatem habere in summos Pontifices, non conciliis particularibus, sed generalibus tantum hanc prerogativam vindicandam existimant. Ulro enim fatentur, alia quavis concilia, quae non sint oecumenica, jurisdictionem non habere in summum Hierarcham, quem cuique personae, seu concilio particulari, etiam amplioris regionis, & ex pluribus provinciiis coacto, quod universalem Ecclesiam non representat, nec totius Ecclesiae jurisdictionem continet, sup̄e universalis primatus superiorem agnoscunt; nullus siquidem inferior in superiorem suum jus habet, aut habere potest.

Adversariorum
sententia
explicata.

2 Neque aliter sentire queunt, qui in hac materia Constantiensis synodi Patres duces suos praeferrunt, atque sequuntur. Hi enim cum ex una parte solis conciliis generalibus, quae universalem Ecclesiam representant, jus in summos Pontifices asserunt celebribus ejusdem synodi decretis actionum IV. & V., tum ex parte altera act. VIII. propositionem 41. Joannis Wicleffi, *Non est de necessitate salutis credere Romanam Ecclesiam esse supremam inter alias Ecclesias*, censura erroris notarunt, pro quanto negaret primatum summi Pontificis super alias Ecclesias particulares. Primatum, qui ex catholica doctrina tribuendus est Romanae Ecclesiae, eique praesidenti Romano Pontifici, non esse meri ordinis & honoris, sed praecipuae jurisdictionis, propriae & personalis solius Petri & successorum e-

dentibus,

*De vi pri-
mat. c. 2.
Or 3.

dentibus, probatum fuit. De primatu ergo jurisdictionis accipienda sunt Constantiensium Patrum verba in memorata censura, ita ut *erroris* notam affixerint Wicleffianæ propositioni 41. quatenus negaret summis Pontificibus primatū jurisdictionis, seu jurisdictionem propriam *super alias Ecclesias particulares*. Hinc in eandem Constantiensium censuram * Bossuetus animadvertit: *En ut Ecclesias partis* * lib. 5. al. 9. *Defens. declarat.*
epilaves . . . Pontifici submisserint; additque exinde Gallicanos cum Gersono illa sumpsisse, *Dandum esse supremam Cler. Gallic. c. 15. t. 1. p. 416. novis. edit.*
et plenam Pontifici potestatem, sed in comparatione ad fideles singulos, et (1) ad particulares Ecclesias: quod idem est ac profiteri, Ecclesias particulares, seu particularium Ecclesiarum concilia, quæ non ita repræsentant universam Ecclesiam, uti repræsentatur a conciliis œcumenicis, subijci *supreme & plenæ* potestati Pontificum, nullumque in eos jus ac potestatem habere. Hac de causa * lib. 10. *De- * tom. 2. p. 224. Conser infra*
fensionis al. 15. c. 20. expresse docuit: *Sis ergo profecto* NOBIS ETIAM AUCTORIBUS Romani Pontificis sacrosanctæ majestatis. Nulla eam synodus particularis judicare audeat. Hoc pariter sensu malos quoque Pontifices * non * lib. p. 260.
subesse particulari concilio affirmavit lib. 11. cap. 4. illudque vulgatissimum axioma, *Prima sedes non judicatur a quoquam*, ne hæc & adversariorum nostrorum sententiæ oblit, ita * interpretatur, ut valeat *de Romana et particularibus synodis* tantum, non autem de generali, cui soli * laudat. lib. 10. al. 15. c. 20.
 memorata Constantiensia decreta ceterique adversarii catholici potestatem in summos Pontifices tribuunt (2).

3 Hac

(1) Vide, si placet, eundem Bossuetum lib. 1. *Defensionis*, nunc in Appendicem novæ editionis traducto c. 3. pag. 9.

(2) Hac de causa idem Bos-

XXIV P R O Æ M I U M.

3 Hac vero in re, de qua una nunc superest questio (num scilicet concilium œcumenicum potestatem habeat supra Romanos Pontifices) antequam decidatur, præmittenda sunt nonnulla de Ecclesiasticæ jurisdictionis origine, ac de distinctione juris inter Episcopos ac summum Pontificem; sine quibus Romani Antistitis & generalium conciliorum jus probe discerni ac definiri non posset. Cum porro editum nuper Justinii Febronii opus, quo Pontificiæ auctoritas pluribus impetitur, *Vindictis* ejusdem auctoritatis lucubrandis ac subjiciendis occasionem dederit, in quibus non paucæ mox constituenda, aliis identidem momentis confirmanda sunt; aliquot *Vindictiarum* loca sive ad marginem, sive in notationibus aliquando allegabuntur, ut ea, quæ ibidem adjiciuntur, lector, si libuerit, conferat, veritasque quoad fieri possit, magis magisque elucescat. Præcedentem vero librum *De vi & ratione primatus*, cum opus erit, allegaturi, brevius indicabimus sic: *De primatu*, vel *De vi primatus*.

suæ lib. 10. *Defensionis* c. 12. pag. 104. affirmare non dubitavit: *Sedes Apostolica, tametsi subiecta est universali Ecclesiæ, eamque representanti concilio generali; tamen suprema*

est respectu singularium Ecclesiarum, quemadmodum tradit, non modo schola Parisiensis, verum etiam ipsum Constantiense concilium, ut sæpe diximus.



D E

DE POTESTATE ECCLESIASTICA SUMMORUM PONTIFICUM

ET

CONCILIORUM GENERALIUM.

CAPUT I

De jurisdictionis Ecclesiasticæ origine, & de discrimine juris inter S. Petrum & ceteros Apostolos eorumque successores, qui in varios Episcoporum gradus distinguuntur.

§. I.

Jurisdictio Ecclesiastica Petro & Apostolis immediate collata fuit a Christo, nec Ecclesie immediate tradita dici potest, perinde ac si Petrus & Apostoli illam acceperint ab Ecclesia quoad merum ministerium.

I



JURISDICTIO ECCLESIASTICA a Christo ducit originem, qui eandem S. Petro & Apostolis immediate tradidit, quando ipsis una cum clavibus regni cælorum dedit potestatem ligandi atque solvendi, quæ potestas idem est ac jurisdictio; ac propterea hæc in origine est juris divini. Hæc quidem potestas, seu jurisdictio S. Petro & Apostolis immediate tradita fuit in ædificationem & bonum Ecclesiæ; at tradita antequam

A

Christus

Christus in cœlum ascenderet; & (1) antequam ab iisdem Apostolis ipsa ædificaretur Ecclesia: ac proinde dici non potest immediate collata eidem Ecclesiæ, quæ nondum ab illis erat ædificata, nec ita immediate tradita Ecclesiæ dici potest, ut illam Petrus & Apostoli acceperint ab Ecclesia, quos ab ipso Christo eam accepisse Evangelica verba testantur. Id autem multo minus dici potest, si Ecclesiæ nomine tota Christi-fidelium societas intelligatur comprehensis etiam laicis atque mulieribus, quos omni spiritali Ecclesiastica jurisdictione carere omnibus catholicis certissimum est.

2 Hocce commentum ab hæreticis inductum, & a refractariis deinde susceptum, ut Pontificum & Episcoporum auctoritatem sibi insensam eluderent, plures Theologi etiam ex adversariis disertissime confutaverunt. Hinc etiam Richerianum systema, quo Ecclesiastica jurisdictio primario & proprie & essentialiter Ecclesiæ data & convenire traditur, Romano autem Pontifici atque aliis Episcopis *ministerialiter* competere, & *quoad executionem* tantum; hoc, inquam, systema ab Edmundo Richerio propositum in libro *De Ecclesiastica potestate*, ut primum in Galliis prodit, statim in duobus provincialibus Conciliis Senonensi & Aquisi reprobaturum fuit, & a doctis Gallicæ Scriptoris, manifestis Scripturæ & traditionis documentis confutatum. Vide inter alios P. Dionysium Perayium lib. 3. *De Hierarchia Eccles.* c. 14. & seqq. Quodsi S. Augustinus alique nonnulli Patres alicubi affirmant, claves regni cœlorum, idest jurisdictionem Ecclesiasticam, a Christo datas fuisse Ecclesiæ in S. Petro, qui Ecclesiæ figuram gerebat; non ea mente affirmarunt, ac si claves, seu

(1) Ita sane S. Cyprianus scribens in epist. 73. *Ecclesia una est, & super unum qui & claves ejus accepit, Domini voce fundata*, Petrum claves Ecclesiæ, seu jurisdictionem Ecclesiasticam a Christo accepisse indicat, antequam idem

Christus super ipsum ædificaret Ecclesiam. Petro quidem, non autem Ecclesiæ claves a Christo traditas, ipsa Christi verba palam significant, cum post verba *Ecclesiam meam* non dixerit *Ei*, sed *TIBI dabo claves regni cœlorum*.

seu jurisdictionem ipsi immediate Christus non dedit, nec promiserit (quod repugnat verbis, *Tibi dabo claves*); sed duplici ratione affirmarunt, tum quia Petro (2) unitatis & Ecclesie typum gerenti datæ fuerunt in bonum & ædificationem Ecclesie (neque enim illas Petrus accepit sui causa, & propter se, at Ecclesie gratia, ut Christianis omnibus in commune prodesset); tum etiam quia voluerunt intelligi veram jurisdictionem Ecclesiasticam non inveniri nisi in Ecclesia, & in unitate cum Petro, quem Christus catholicæ unitatis & Ecclesie caput centrumque constituit: qua de re post pauca redibit sermo. Alia ratio satis congrua ex Petavio subjicietur numero 4.

3 Neque vero moveant illa Christi verba apud Mattheum c. 18. v. 15. quibus Petro dixit, *Dic Ecclesie*. Hæc quam male a nonnullis afferantur ad confirmandum systema de clavibus immediate datis universæ societati Ecclesie, non vero Petro & Apostolis nisi tamquam ministris Ecclesie, ex toto contextu & ex perpetua Ecclesie praxi manifestum est. Agitur ibidem de correctione fratris, qui Petrum offenderet. Hunc privatim primo fraterno amore corrigendum Christus docuit. Quodsi inutiliter cedat, jussit adhiberi unum testem vel duos; & siquidem hi quoque nihil proficiant, *dic Ecclesie*, inquit; addensque statim, *si autem Ecclesiam non audieris, sit tibi sicut Ethnicus & publicanus*, excommunicationem aperte significavit, qua ille præcisus ab Ecclesie corpore habendus sit velut Ethnicus & publicanus. *Ecclesie* igitur nomine, cui denuntiandi sint criminosi, ut, si non acquiescant ejus judicio,

A. 2

dicio,

(2) Unitatis & Ecclesie figuram ac typum in Petro non esse disjungendum a jure coæsivo ad unitatem, probavi in præcedenti libro *De vi & ratione primatus* c. 9. pag. 39. & 42. ibidemque præterea ostendi Christum ipsi non merum officium representandæ unitatis tribuisse, sed vim præ-

cipuam ad eam formandam, continentamque in Ecclesia, quæ vis primatui non meri honoris & ordinis, sed veræ jurisdictionis necessaria est. Quam in rem conferenda erunt adnotata in Pacianum & Optatum ibidem c. 13. n. 17. & 19.

dicio, excommunicandi sint, quinam intelligendi nisi illi, qui jus clavium & ligandi solvendique potestatem acceperunt a Christo? Hos autem non fuisse totam societatem Ecclesiae laicis quoque feminisque comprehensis, sed Petrum & Apostolos, patet ex iis quae mox ipse Christus subdidit: *Amen dico vobis: Quaecumque alligaveritis super terram &c. Vobis*, inquit, non omnibus Ecclesiae membris. Jure ergo S. Joannes Chrysostomus in Marth. c. 18. illa *dic Ecclesiae* explicavit *de praepositis Ecclesiae* (3), quibus tantum ea clavium potestas data fuit. Ipsa praxis, quae in Ecclesia universa perpetuo fuit, custodita, idipsum confirmat. Inobedientes enim & contumaces Ecclesiae Praepositis delati fuerunt, nec aliis quam Petro & Apostolis, eorumque successoribus, quibus non nudum ministerium tantum, sed jus ipsum clavium a Christo traditum catholica Ecclesia perpetuo credidit. Hinc maneat certum hoc principium, Ecclesiae nomine, cum de potestate clavium & jurisdictionis Ecclesiasticae agitur, intelligi Praepositos Ecclesiae; ea item omnia, quae jurisdictionem eandem involvunt, cum dicuntur proficisci atque pendere a consensu & approbatione Ecclesiae, ex eorundem successorum Petri & Apostolorum consensu vel approbatione vim habere: quae animadversio non exiguum abusum vocis *Ecclesiae* apud nonnullos adversarios non infrequentem detegit. Quare cum S. Petrus & Apostoli eorumque successores appellati inveniuntur *Ecclesiae ministri*; non idcirco hic titulus iisdem tributus intelligi potest, quasi ab Ecclesia acceperint potestatem clavium, quam illos non ab Ecclesia, sed a Christo immediate accepisse vidimus (unde frequentius vocantur *ministri Christi*); sed quia potestas ejusmodi ipsis immediate tradita a Christo fuit, ut in Ecclesiae bonum ea potestate uterentur, ipsique Ecclesiae sacra ministrarent.

§. II.

(3) Hac de causa & S. Augustinus serm. 195. num. 2. scripsit, *claves non homo unus, sed unitas accepit Ecclesia*, se se explicans serm. 24. de San-

ctis al. 147. n. 2. *unitatem omnium pastorum* in Petro significatam prodidit, propterea quod corpori pastorum clavium jurisdictio a Christo data fuit.

§. II.

Eadem jurisdiclio Petro & Apostolis immediate tradita in bonum Ecclesiæ non debebat cum Petro & Apostolis extingui, sed in Petri & Apostolorum successores debebat transire, ac in istis æque immediate residere & permanere usque ad consummationem sæculi, sicut usque ad sæculi consummationem debet permanere Ecclesiæ, ob cujus regimen a Christo fuit instituta.

4 Cum porro regimen Ecclesiæ, cujus causa hæc jurisdiclio S. Petro & Apostolis tradita fuit, ex Christi institutione ita futurum esset perpetuum, ut perpetua futura erat Ecclesiæ; jurisdiclio, Petro & Apostolis collata ob regendam Ecclesiam, non debebat cum illis extingui, sed ad eorum successores debebat transire. Hac de causa optime Petavius lib. 3. de Hier. Eccles. c. 16. n. 8. hanc maxime congruam rationem addidit, cur interdum a Patribus antiquis non tam Petro quam toti Ecclesiæ communicata dicatur Ecclesiastica jurisdiclio: ut hoc pacto demonstrent non sic affixam & additam uni illi fuisse, & quasi circumscriptam unius persona, ut eo sublato, etiam illa periret, nec amplius in Ecclesia maneret. Ergo eatenus Ecclesiæ traditam fuisse intelligunt, quod perpetuo habes illa successores potestatis ac dignitatis istius. Quemadmodum qui dicit Francorum populo regiam potestatem concessam fuisse, nihil significat aliud, nisi esse ibi semper aliquem qui regnet, & potestatem illam non exequatur modo, sed in se herentem ac residentem circumferat. Hoc quidem sensu Christus perpetuam durationem significaturus, Petro & Apostolis dixit: Ecce ego vobiscum sum (utique in successoribus) usque ad consummationem sæculi. Eadem itaque potestas seu jurisdiclio Ecclesiastica, ex Christi institutione in Petri & Apostolorum successores propagata, ad Romanos Pontifices,

Matth. 28.
30.

ces, qui succedunt S. Petro, & ad alios, quos Apostoli constituerunt Episcopos, quique Apostolorum successores existunt, pervenit; atque idcirco eodem divino jure his competit; ac in iisdem, qui constituunt corpus primorum Pastorum, immediate residet, ut in Petro & Apostolis residerebat. Hinc autem liquet quam iners & inane sit illud quorundam adversariorum argumentum, qui ut probent claves immediate non fuisse collatas Petro & Apostolis, hac ex sententia sequi dictitant, ipsas claves cum eorum morte defecisse in Ecclesia; neque enim defecisse dicendæ sunt, quæ post illorum mortem Christo instituyente in eorum successores debebant transire, & in successoribus ipsis semper manere. *usque ad consummationem sæculi* (4).

§. III.

Jurisdictio propria S. Petri ratione primatus ipsius singularis ac personalis ea fuit, ut ceteris omnibus etiam Apostolis potestate ceteroquin æqualibus præesset non mera ordinis & honoris, sed peculiaris in ipsos juris prærogativa boni unitatis, jusque ipsi esset in omnes non distributive solum, sed etiam collective sumtos ad custodiam unitatis. Idem omnino jus competit similiter Romanis Pontificibus successoribus S. Petri, ad quos idem primatus ob idem unitatis bonum jure successionis pervenit.

§ Discrimen potestatis inter Petrum & Apostolos, nec non inter Romanos Pontifices S. Petri successores & alios

(4) Ipse primatus, licet singulari personæ S. Petri tributus a Christo, cum ejus morte non defuit, quia debebat ad successores ejus transire; vis autem primatus in unitatem

fidei, quæ Ecclesiæ est maxime necessaria, sede etiam vacante, viget in Pontificis definitionibus, decretisque dogmaticis, quæ Pontificibus mortuis vim suam non amittunt.

alios Episcopos successores Apostolorum notandum maxime est. S. Petrum & Apostolos omnes potestate pares fuisse excepto tantum jure proprio ac personali primatus, qui fuit non meri honoris & ordinis, sed præcipue jurisdictionis primatus, exploratum fecimus ex iis, quæ annuentibus quoque adversariis catholicis probavimus libro *De vi ac ratione primatus* c. 2. & 3. Ex hoc autem præcipue jurisdictionis primatu, quem uni Petro inter Apostolos Christus tribuit, jus aliquod peculiare ipsi debuit competere, quod aliis commune non fuerit: alias primatus ipsius inane nomen fuisset meri honoris, non juris. Hoc porro jus primatus proprium ex fine instituendi ipsius primatus est colligendum: qui cum ob formandam & perpetuo custodiendam in tota Ecclesia unitatem fuerit institutus a Christo, jus ad hanc totius Ecclesiæ unitatem compingendam atque tuendam præcipuum S. Petro collatum fuisse dicendum est, quo omnes Christiani ad unitatem cogantur. Hoc jure S. Petrus præstabat omnibus etiam Apostolis ratione primatus, adeo ut licet hi aliis Apostolicis facultatibus Petro essent æquales, in jure tamen cogendi ad unitatem subessent Petro, quippe qui debebant unitatem cum ipso tanquam unitatis catholicæ centro servare necessariam Ecclesiæ, nimirum non solum unitatem communionis, sed etiam, immo potissimum fidei unitatem, quæ potior est Ecclesiæ unitas; & in eandem unitatem Ecclesias, quas ædificabant, & Episcopos, quos præficiebant Ecclesiis, debebant informare, ut ostendi in memorato opere cap. 12. n. 49. & seqq. Ita & ab Apostolis, & ab Episcopis, & a cunctis fidelibus eadem unitas cum Petro tenenda erat, ac in eandem unitatem ab omnibus exigendam jus erat Petro peculiare ratione primatus.

6 Hinc porro jus istud primatus proprium fuit jus in omnes Episcopos & fideles omnes, non distributive tantum sumtos, sed etiam collective: neque enim obtineri potuisset finis a Christo sibi propositus in instituendo primatu, unitas scilicet totius Ecclesiæ, nisi omnes & Episcopi & fideles, qui sunt Ecclesiæ membra, ad eam cogerentur. Ex his principiis de jure primatus S. Petri clare deprehenditur, quodnam jus peculiare Romanis Pontificibus S. Petri successoribus competat ratione primatus, qui in ipsos tantum

*Vid. lib.
De vi ac ra-
tione primi-
tus c. 8. & 9.*

*Jus propri-
um primatus
S. Petri.*

*Jus fuit in
omnes etiam
collective
sumtos.*

Jus idem in
Rom. Pontifi-
cibus.

tantum eadem cum jurisdictione transivit: est enim jus in omnes totius Ecclesie Episcopos & fideles omnes idem omnino ac fuit in Petro; inanisque cognoscitur illa quorundam adversariorum distinctio, qua idem Pontificium jus in totam Ecclesiam ex primatu proveniens institutione divina, in omnes quidem Episcopos & Christianos distributive, non autem collective sumtos accipiendam comminiscuntur; de qua re plura dicenda erunt cap. 4. §. 3.

Quomodo
ex hoc prop-
rio prima-
tus jure cete-
rae preroga-
tive R. Pont.
emanant.

7 Ex hoc proprio primatus jure in universam Ecclesiam, quod bono unitatis S. Petro & successoribus ejus jure divino tribuendum est, dimanant ceterae prerogativae jurisdictionis Pontificiae in totam Ecclesiam, quas hic recensere non vacat, nec opus est. Ideo enim iis prerogativis & facultatibus Romani Pontifices uti possunt in universa Ecclesia, quia ex primatu universae Ecclesiae Christo instituentae praepositi sunt. Id autem verum est agnoscendum non tam ex jure divino, quod divinae institutioni primatus annexum est, quam ex naturali ordinis jure, quo si (5) Paulo docente inferiores quicumque subesse, & subordinati esse

(5) Cum ait Paulus ad Hebr. c. 13. v. 17. *Obedite praepositis vestris, & subjacete eis*, verbo *subjacete* subordinationem, quae naturali lege ordinis aequae ac divina praescribitur, indicat; verbo autem *obedite* non meri honoris externi, sed actualis jurisdictionis subordinationem cum debito obedientiae conjunctam declarat. Cum duo Episcopi in una civitate facultatibus omnino pares esse non possint sine subordinatione unius ad alterum, ne ex omnimoda aequalitate oriantur dissidia & scissurae contra bonum unitatis Ecclesiae necessarium; Nicenum Concilium c. 8. de Ca-

tharis statuit, ut ipsorum Episcopis ad catholicam Ecclesiam accedentibus, si sint iis in locis, ubi inveniuntur Episcopi catholici, presbyterii honor, aut merum Episcopali jure tribuatur, *ne in una civitate duo Episcopi praebentur existere*, quorum neuter alteri sit subordinatus. Hanc subordinationem unitati conservandae penitus necessariam, suo cuique Episcopo ab omnibus inferiorum clericorum gradibus praestandam S. Ignatius Martyr, aliique Patres maxime commendarunt. Huic quoque subordinationi erga S. Petrum Apostolorum Principem, & ex pri-

esse debent præpositis suis, multo magis summo omnium præposito, atque pastori subordinati esse debent omnes inferiores Ecclesie pastores etiam Episcopi: sublata enim subordi-

B

ordi-

matu jurisdictionis superiorem suum ipsi Apostoli fuerunt obnoxii & obligati, non quod in Apostolicarum facultatum usu, & in Ecclesiarum regimine iidem afflati S. Spiritu, qui caritatis & unitatis Spiritus est, possent a Petro desciscere, sed in Episcoporum, qui sibi succederent, nec eodem Sancto Spiritu futuri erant confirmati, institutionem & exemplum: ac propterea Gallicani Episcopi ad Apostolicam sedem detulerunt, jureque damnatam agnovere propositionem de bicipiti Ecclesie capite Petro & Paulo eo sensu proscriptam & explicatam, ut ponat omnimodam æqualitatem inter S. Petrum & Paulum **SINESUBORDINATIONE** & subjectione S. Pauli ad S. Petrum in potestate suprema & regimine universalis Ecclesie. Enimvero si nemo dubitare potest quin S. Petrus Apostolorum omnium, ac ipsius S. Pauli princeps fuerit veræ & propriæ jurisdictionis primatu; neque poterit ambigere quin S. Paulus superiori & supremæ potestati S. Petri fuerit subordinatus in regimine universalis Ecclesie. Vide quæ hac de re notavi lib. *De vi & ratione primatus* c. 3. n. 2. Hanc eandem S. Pauli subordinationem ad S. Petrum ex

primatu debitam, quam adversarii nequeunt inficiari, nisi contra Constantiensis doctrinam primatus jurisdictionem negent etiam in Apostolos & Apostolorum successores distributive sumtos ex adnotatis in proœmio hujus operis; hanc, inquam, subordinationem S. Pauli ad S. Petrum satis indicasse videtur S. Cyprianus epist. 71. ad Quintum, ubi laudans S. Petri moderationem, dum Sancto Paulo sibi in faciem resistente nihil sibi arroganter assumsit, animadvertit eum primatum suum non opposuisse, ex quo sibi a novellis & posteris (idest ab ipso Paulo) obtemperari oportebat. Id subordinationem inferioris superiori debitam innuit. Quodsi aliquam ipsius Petri subordinationem erga Paulum fraterna correptione utentem in contextu indicavit, ea non est subordinatio Petri quasi inferioris Paulo, sed pertinet ad subordinationem debitam divino ac naturali juri, quod veritati & rationi legitima a Paulo licet inferiore propositæ ipsum Petrum consentire & acquiescere jubebat: de qua subordinatione eodem divino ac naturali juri a summis quoque Pontificibus præstanda inferius plura.

ordinatione inferiorum pastorem ad summum pastorem superiore suum, & omnimoda aequalitate juris inter ipsos constituta, quis non videat facilem patere aditum ad dissensiones & schismata, ex quibus regimen & unitas Ecclesiae detrimentum capiant? Qua vero moderatione hac summa potestate uti oporteat, cum potestas a Deo sit in edificationem, non in destructionem; ad aliam disputationem pertinet, de qua hic mihi agendum non est, * alibi dicentur plura. In rem enim praesentem de primario tantum & radicali, ut vocant, primatus jure statuisse sufficiat.

* *Vid. infra*
473. §. 3. &
Indicium 6.
3. n. 10.

§. IV.

In Episcopos Apostolorum successores non idem omnino jus Apostolorum transiit. Jus quod illis in initiis competebat Apostolis in universam Ecclesiam, extraordinarium fuit, quod in Episcopos eorum successores non transiit: in solo autem S. Petro fuit ordinarium ratione primatus, & idcirco competit Romanis Pontificibus ejusdem primatus heredibus jure ordinario. Nulli Episcopo nisi successoribus S. Petri competit jurisdictio in alios Episcopos Apostolorum successores institutione divina, sed jure tantum Ecclesiastico quibusdam insigniorum sedium Episcopis tributa fuit, ita tamen ut omnes cum successoribus S. Petri in unitatis bonum conspirent: nihilque hac institutio Ecclesiastica praepjudicare potest juri S. Petri & successorum ejus, quod est institutionis divine.

§ Praestituto & explicato haecenus praecipuo ac radicali

cali jure primatus Romanorum Pontificum successorum S. Petri, ut aliqua dicamus etiam de jure Episcoporum, qui successerunt Apostolis, non eadem omnino potestas ad ipsos pervenit, quæ in Apostolis extitit. His enim jus fuit in totum mundum, cum æque omnes in totum mundum misit fuerint a Christo, ut Evangelium prædicarent omni creaturæ: sic enim illis in initiis utile vel necessarium erat. At cum Apostoli Episcopos certis in locis constituerint, ut iis suam curam & operam impenderent; expediret autem hos iisdem locis alligari; ipsorum jurisdictio non in totum mundum, ut Apostolorum erat, sed intra certos fines circumscripta & circumscribenda fuit ob Ecclesiæ bonum, ut quilibet suo cuiusque gregi studiosius vacaret, juxta illud Petri, *Pascite, qui in vobis est gregem Dei*, nec distraheretur in greges aliis Episcopis assignatos, quod scissurarum & dissensionum seminarium esse soler non sine magno unitatis, pacis, & boni publici detrimento. Quodsi ob hoc unitatis bonum, Episcoporum, qui succedunt aliis Apostolis, jurisdictio certis locis alligata & circumscripta esse debebat; non idem dicendam de Romanis Pontificibus, qui cum in divinæ institutionis primatum succedant S. Petro, ex eadem institutione divina ob catholicæ unitatis custodiam jus obtinuerunt in universam Ecclesiam, æque ac obtinebat S. Petrus; nec quispiam poterat aut poterit eidem divino ejusmodi juri aliquid detrahere aut derogare. Hinc Apostolorum jus in totam Ecclesiam *extraordinarium* quodammodo fuit, quod in Episcopos eorum successores non descendit, uti cum Petro de Marca alii docti Gallicani etiam adversarii appellarunt: Petri autem fuit *ordinarium*, quod una cum primatu transivit in Romanos Pontifices ejusdem primatus & juris heredes.

9 Sicuti porro nullus Apostolorum, qui inter se potestare erant æquales, jure divino aliis Apostolis præerat nisi solus Petrus, qui ratione primatus ex institutione Christi non tam universæ Ecclesiæ, quam ipsis etiam Apostolis Ecclesiæ Principibus peculiari jure præstabat; ita nulli quoque Episcoporum, qui in Apostolorum locum successerunt, jure divino competit jurisdictio in alios Episcopos nisi Romano Pontifici, in quem idem S. Petri primatus divinæ institutionis descendit. Hac quidem de causa nulli

Patriarchæ, Metropolitæ nulli (6) jure divino instituti sunt, quibus jurisdicção in suæ regionis aut provinciæ Episcopos eodem divino jure competat; sed omnes Ecclesiasticæ aut Apostolicæ institutioni sicut originem, ita & auctoritatem referunt. Cum enim S. Petrus, ejusque successores Romani Pontifices nec ubique præsto esse, nec omnibus Episcopis per orbem disperis, quotiescumque opus esset, possent pro suo jure æque & immediate prospicere; Ecclesiastica vel Apostolica institutione provisum fuit, ut in singulis provinciis singuli, & alii rursus in amplioribus regionibus majorem, quam simplex Episcopatus fert, in ipsos provinciæ aut amplioris regionis Episcopos haberet auctoritatem, quæ soli Petro ejusque successoribus jure divino competeat; & hac ratione, quam verissimam arbitror, jurisdicção Petri & successorum ipsius peculiaris ex institutione divina jure primatus, Ecclesiastica quodammodo delegatione aliis, qui subinde appellati sunt Patriarchæ, Exarchæ, vel Metropolitæ, communicata fuit. Huic profecto Ecclesiasticæ institutioni, & quasi delegationi bono publico maxime necessariæ S. Petrum ac successores ejus aliqua ratione consensisse dubitare non licet: nemo enim alius per se ea jurisdicçãoe expers, illam potuisset cuiquam communicare, eo inscio vel invito, qui eandem solus non humano, sed divino jure obtinebat, ut notavi in Observationibus ad dissertationem V. Quesnelli tom. 2. editionis S. Leonis col. 979. Quodsi Apostoli pro extraordinario Apostolatus jure in universam Ecclesiam, quod in successores ipsorum non transivit, cum supra Episcopos jurisdicçãoem haberent, poterant hanc aliquibus communicare; eamque re ipsa quibusdam majorum sedium Episcopis communicasse præsumantur; quandoquidem hac in hypothefi communicassent jurisdicçãoem, quæ jure ordinario ac divino uni Petro & successoribus ipsius competeat, non sine aliquo saltem tacito istorum consensu eam communicasse dicendi essent; vel saltem sine ipsorum Petri successorum præju-

(6) Vide S. Petri Damiani Archidiaconum tom. 4. Re-
Epistolam ad Hildebrandum rum Italic. col. 27. 2.

præjudicio, ne jurisdictio, quæ ordinario ac divino jure ad ipsos pertinet, detrimentum caperet.

10 Memorati porro gradus hierarchici inter Episcopos cum peculiari ipsorum jurisdictione constituti fuerunt in idem unitatis bonum, cui tuendo primatus S. Petro ejusque successoribus divino jure tributus fuit: ita ut hi omnes gradus in promovendam & custodiendam communionis & fidei unitatem cum S. Petri sede unitatis catholicæ centro debeant conspirare. Ipsi sunt centrum unitatis earum provinciarum vel ampliorum dioceseon, quibus præsent: at centrum unitatis omnium est sedes Petri, cui ut omnes, qui ipsis subsunt, adhæreant, debent contendere, maximeque cavere ne quis ab eâ unitate desciscat. Hæc est explorata S. Leonis Magni doctrina, quam coherentem cum aliorum Patrum traditione alibi fusiùs exposita idem Sanctus Pontifex in litteris ad Anastasium Thessalonicensem perspicue declaravit his verbis: *Hæc connexio totius quidem corporis unanimitatem requirit; sed præcipue exigit concordiam Sacerdotum, quibus cum dignitas sit communis, non est tamen ordo generalis: quoniam & inter beatissimos Apostolos in similitudine bonoris fuit quædam discretio potestatis; & cum omnium par esset electio, uni tamen datum est ut ceteris præmineret. Da qua forma quoque Episcoporum est orta distinctio, & magna ordinatione provisum est ne omnes sibi omnia vindicarent, sed essent in singulis provinciis singuli, quorum inter fratres haberetur prima sententia; & rursus quidam in majoribus urbibus constituti, sollicitudinem susciperent ampliorem, PER QUOS (nota scopum unitatis) AD UNAM PETRI SEDEM universalis Ecclesie cura conflueret, & NIHIL USQUAM A SUO CAPITE DISSIDERET*. Id intelligendum esse, ne quis præcipue dissideret a fide capitis vi ac ratione primatus, qui unitatem fidei potissimum respicit, colligere licet ex ejusdem epistola 10. ad Episcopos provincie Viennensis c. 1. ubi sermonem faciens de fidei prædicatione, *Hujus muneris sacramentum, inquit, ita Dominus ad omnium Apostolorum officium pertinere voluit, ut in beatissimo Petro Apostolorum omnium summo PRINCIPALITER collocavit, & ab ipso quasi quodam capite dona sua velit in corpus omne manare, ut exortem se mysterii intelligeret ef-*

Ep. 14. al.

12. c. 11.

se

se divini, qui ausus fuerit a Petri soliditate recedere. Ad verbum principaliter subjectum vocibus *Apostolorum omnium summo* ad primatum refertur; verba autem *a Petri soliditate* solidam fidem a Petro prædicatam, & in Romana sede depositam, quam idem Petrus ex Christi institutione fundamentum totius Ecclesiæ posuit, & semper in suis successoribus loquutus est, atque loquitur, eam, inquam, fidem innuunt, a qua nemo ob necessariam fidei unitatem absque salutis periculo recedere potest.

Omnes hierarchici gradus subordinati Romano Pontifici-bus in bonum unitati.

II Ex his omnibus patet Episcoporum & summi Pontificis jurisdictionem esse quidem juris divini, sed ita ut jus in Episcopos ipsos, soli Romano Pontifici competens institutione divina, aliis majorum sedium Episcopis in suæ provincie aut amplioris regionis Antistites Ecclesiastica tantum institutione communicatum sit ea lege, ut cum eodem summo Pontifice omnes unitatem communionis & fidei, quam primatus ratio ab omnibus exigit, custodiant atque conservent, nihilque ex hac Ecclesiastica institutione (sicut neque ex jurisdictione divini juris ipsis Episcopis competenti) præjudicii inferatur utrique unitati cum Romano Pontifice ex primatu debite, & nulla jurisdictione majorum sedium possit huic Pontificiæ auctoritati & unitati reluctari quocumque nomine, aut eam impelire. Hinc quorumcumque Episcoporum jus jurisdictioni Pontificiæ in unitatis bonum subordinatum ita subest, ut nihil illi possint nisi in unitate eam Apostolica sede, nunquam vero contra eam unitatem. *Bona enim unitatis*, ut notavit Optatus, *B. Petrus & præferri omnibus Apostolis meruit, & claves regni cælorum communicandas ceteris* (7) *SOLUS accepit* & potestas autem ligandi & solvendi, quæ e clavium potestate pendens Ecclesiasticam jurisdictionem significat, etiam ceteris

1.7. in Parm.
h. 3.

(7) Id factum ob conservationem unitatis affirmat S. Thomas lib. 4. adversus Gentiles c. 6. Petro *SOLI promisit* (Christus): Tibi dabo claves regni cælorum, ut ostenderetur potestas clavium per eam

ad alios derivanda ad conservationem Ecclesiæ unitatem. Idem indicavit etiam S. Anselmus in cap. 16. Matth. *Eam potestatem* (clavium) *quasi uni Petro concessit specialiter, ut ad unitatem nos invitaret.*

teris quoque Apostolis ab ipso Christo tradita fuit; non tamen ita cuilibet singillatim fuit tradita, ut S. Petro*, sed in commune & collective cum Petro, qui utique cum aliis erat, cum Christus dixit: *Quaecumque ligaveritis super terram* &c. (8) ut omnes intelligerent Episcopos Apostolorum successores nihil posse nisi in unitate cum Petro & successoribus Petri, qui *solus* claves aliis communicandas acceperat, quemadmodum animadverterunt inter adversarios Petrus de Marca, Bossuetus, atque Nicolius. Primus in differt. *De discrimine cleric. & laic.* c. 3. n. 2. considerans Ecclesiasticam jurisdictionem Petro promissam illis verbis, *Tibi dabo claves regni caelorum, & quoscumque ligaveris* &c. quae ceteris quoque Apostolis eorumque successoribus communicata fuit, idcirco ea verba ad unum Petrum directa affirmat, ut scirent omnes Pontificii potestatem semper cum Petri Ecclesiae capitis communione & unitate retinendam, ad quod ipse praecipue cum potestate ligandi contumaces huic unitati cogere possent. Clarius autem Bossuetus in celebri sermone de Unitate Ecclesiae ad Comitia Cleri Gallicani an. 1681. *Discimus ex doctrina S. Episcopi Ecclesiae Gallicanae* (allegat in margine S. Caesarii Arelatensem in epistola ad Symmachum t. 1. Conciliorum Galliae) *auctoritatem Ecclesiasticam, primum constitutam in unius persona, non fuisse propagatam nisi sub conditione, ut revocetur semper ad principium suae unitatis, & quicumque eam exercendam susceperint, omnes debeant se praestare inseparabiliter unitas cum eadem cathedra*, id est cum Romana, de qua multa statim subjicit. Nicolius tandem in articulum 9. Symboli Apostolorum part. 1. c. 2. brevius & expressius idipsum declarat. Interroganti enim, *Nonne Apostoli ceteri eandem Petri potestatem accipere?* respondet: *Verum est ipsos eam accepisse, sed ut eandem exer-*

* *Quodcumque ligaveris*
Matth. 16.

Matth. 18.

(8) Alvarus Pelagius, quem adversarii quoque maximi faciunt, lib. 1. de Plantu Ecclesiae c. 55. id paucis explicat: *Petro ergo dictum est sine aliis, & non aliis sine Petro, ut in-*

telligatur sic ei attributa potestas ejusmodi, ut alii sine ipso non possint, ipse sine aliis possit ex privilegio sibi collato, & concessa sibi plenitudine potestatis.

exerceant in unitate cum S. Petro. Num si qui potestate clavium uterentur contra voluntatem Petri aut successorum ejus eadem prerogativa fungentium, eam exercerent in unitate ipsius Petri, an contra unitatem? Recolarur illud principium, centrum & radicem unitatis catholice ratione primatus situm esse in Petro & successoribus ejus, ut unitas servetur ab omnibus, & schismatum ac dissensionum occasio eorumdem auctoritate auferatur. Nonne si quidam Episcopi contra istos aliquid molirentur & auderent, aperta scissurarum causa contra bonum unitatis prodiret? Quis in hoc conflictu prevalere dicendus esset? nonne ille, cui vindicande unitatis cura jure primatus fuit a Christo commissa cum potestate, ad ipsum finem obtinendum idonea? ut ex adversariorum consensu probavi lib. *De vi & ratione primatus* c. 9. Irritum ergo & inane esse deberet, quidquid alii Episcopi contra hanc unitatem tentarent; illique tantum rata, quibus jus suum exererent in unitate cum Petro & successoribus Petri.

§. V.

Episcoporum jurisdictio, licet sit institutionis divine, subest tamen juri Romanorum Pontificum, ita ut Episcopales illorum facultates in bonum Ecclesie possint ab istis limitari & restringi quoad usum & exercitium.

Suprema potestas Pontificis & plenitudo potestatis.

12 Ex hac porro divini juris potestate summorum Pontificum supra ipsos Episcopos in bonum unitatis Ecclesie catholice dimanat illa suprema potestas, & plenitudo potestatis Ecclesiasticae iisdem Pontificibus tributa a SS. Patribus atque Conciliis, ob quam Episcoporum jurisdictio tamen institutionis divine (9), ita subest jurisdictioni summorum.

(9) Hæc summorum Pontificum potestas eam subordinatam requirit, qua inferiores jure

morum Pontificum, ut ab his iustas ob causas in Ecclesiæ bonum tendentes moderari & restringi queat. Episcoporum quidem potestatem a Christo in Apostolis institutam, non omnino illimitatam, sed ob subjectionem & subordinationem sedi S. Petri, in qua est potestatis Ecclesiasticæ plenitudo, posse ab hac aliquot limitibus circumscribi, notavit Clerus Gallicanus in Comitibus extraordinariis diei 8 Maii an. 1728. Loquens enim de Episcopali potestate a Christo instituta ait: *At Jesus Christus ipse sua institutione limites præscripsit huic potestati, quam subiecit sedi Petri, in qua posuit plenitudinem Apostolicæ potestatis.*

C

Perspi-

divino ac naturali superioribus subieciuntur. Cum enim Deus sit Deus ordinis, ordinem inter Potestates omnino servandum constituit. Ordo autem naturalis omnino exigit, ut inferiores sint superioribus subordinati atque subiecti juxta illud Petri ep. 1. c. 2. v. 13. *Subditi igitur estote omni humane creatura propter Deum, sive Regi quasi præcellenti, sive Ducibus &c. nec non ex illis Pauli ad Romanos c. 13. v. 1. Omnis anima Potestatibus SUBLIMIORIBUS subdita sit; non est enim Potestas nisi a Deo: quæ autem sunt, a Deo ORDINATÆ sunt.* En ordinem inter Potestates a Deo ita dispositum, ut inferiores quantumvis potestate aliqua præditi, sublimioribus sint subordinati atque subiecti. Vide, quæ attuli supra not. 5. ubi ipsum S. Paulum Petro Apostolorum principi aliqua ratione subordinatum ostendi; & confer quæ adduntur in *Vindictis* c. 2. n. 3. & seqq. Hinc

inane prorsus agnoscitur illud nonnullorum argumentum pro asserenda æqualitate juris Apostolorum & Episcoporum cum S. Petro & successoribus Petri ductum ex illis Christi verbis ad Apostolos Jo. c. 20. v. 21. *Sicut misit me Pater, & ego mitto vos:* quasi Apostoli eorumque successores Episcopi ita sine ulla restrictione potestatis, sine subordinatione ulla mittendi fuerint, uti sine ulla restrictione Pater Christum, & Christus Apostolos misit. Hæc autem ratione primatus jurisdictionis Petri supra Apostolos, & Romanorum Antistitem peculiaris supra Episcopos omnes, & quævis istorum subordinatio jure divino instituta, ac primatui jurisdictionis annexa, esset excludenda: quod neque adversarii catholici admittent, qui in æqualitate potestatis ac juris inter ipsos Pontificum primatum (utique jurisdictionis) excipiunt, uti ex catholico dogmate excipiendus est.

Perfpicue Gerson in tractatu *De statibus Ecclesiasticis* sermonem faciens de statu Prælatorum, postquam docuit Episcoporum institutionem esse juris divini, tradit eorum *Status* subesse summis Pontificibus, non ita tamen quod illum possit Papa annullare, sed ita ut quoad usum & exercitium possit potestatem illorum limitare & arcere. Et consideratione tertia: *Status prælationis Episcopalis habuit in Apostolis & successoribus usum vel exercitium sue potestatis sub Petro & successoribus ejus, tamquam sub habente vel habentibus plenitudinem fontalem Episcopalis auctoritatis, Unde & quoad talia minores Prælati subsumunt Episcopis, a quibus usus sue potestatis quandoque limitatur vel arceatur: & sic a Papa posse fieri circa Prælatos majores ex certis & rationabilibus causis non est ambigendum*. Similia habentur in ejusdem Gersonis dialogo *De potestate ligandi & solvendi* tom. 2. part. 2. pag. 399. Cujus potestatis (loquitur de potestate jurisdictionis) plenitudo residet penes summum Pontificem, & est in ipso tota potestative: ceteris vero per partes derivatur juxta determinationem legitimam ipsius fontalis & primæ potestatis, idest ejusdem Pontificis; insertque hunc idcirco posse prohibere Prælati absolvere a quibuscumque casibus, quod est restringere solvendi facultatem. Hunc adversariorum ducem alii Gallicani adversarii sequuti paria tradidere.

13 Id quidem omnes catholici exemplis evidentibus maximeque probatis fateri coguntur. Ita ex. gr. potestas ligandi & solvendi, quam in Episcopis Apostolorum successoribus esse institutionis divinæ nemo potest negare, per reservationes quorundam graviorum criminum potuit a Pontificibus restringi; & ita pariter intra diocesem Episcoporum fines quædam loca & personæ a jurisdictione Episcoporum potuerunt subduci; quorum utrumque etsi parce faciendum visum est, alterum vero * ob irreperentes nonnullorum abusus exemptionis nomine indultos quorundam Sanctorum querelas incurrit; pro suprema tamen Romanorum Antistitem potestate ac potestatis plenitudine ratum per se se præsumpsit Tridentina Synodus, ubi de casibus reservatis, & de Regularium exemptionibus statuit. Hæc nimirum Synodus sess. 14. c. 7. casuum Apostolicæ sedi reservandorum facultatem refert non in consensum Episcoporum,

* *Id. S. Bonavent. l. 3. de Consuetud. c. 4.*

porum, sed in supremam Romanorum Antistitem potestatem his perspicuis verbis: *Merito Pontifex Maximus PRO SUPREMA POTESTATE sibi in Ecclesia universa tradita causas aliquas criminum graviores suo potuerunt peculiari iudicio reservare*. Qua in re illud præsertim animadvertendum est, quod si quæ potestas Episcopis jure divino tradita videri poterat intacta relinquenda, ea procul dubio est potestas absolvendi a quibuscumque peccatis, quam sine restrictione ulla ab ipso Christo Apostolis & Episcopis Apostolorum successoribus collatam liquet. Si ergo hæc tanta ac tam illimitata potestas ita (divino utique jure) subest auctoritati Pontificiæ, ut *pro suprema* Romanorum Antistitem potestate restringi per reservationes merito potuerit; quidni aliæ eorumdem Episcoporum facultates, cum expellere visum fuerit, eadem suprema potestate moderari seu restringi similiter poterunt? Dum porrò eadem Tridentina Synodus exemptionum abusibus prospectura, locorum Episcopis non omnes, sed quasdam tantum facultates concedens in loca & personas exemptas, eas fere non ordinariæ ipsorum jurisdictioni concessit, sed tanquam sedis Apostolicæ delegatis; nonne exemptiones ejusmodi ratas præsumpsit? Certe quoad exemptionum privilegium si nemo jure succensere potest duabus antiquis Synodis, Carthagenensi anni 525. & anteriori Arelateni in ipsius Carthagenensis actis laudatæ, quarum altera sibi competere non dubitavit facultatem eximendi in quibusdam capitibus a jure diocæsani Episcopi monasterium Lerinense, prima vero quoddam monasterium provinciæ Byzacenæ primati Africæ addictum confirmavit; quis in dubium revocet similem potestatem Romanis præsulibus, quibus suprema plenissima potestas in universam Ecclesiam jure divino concedenda est?

T. 5. Concil.
Pæn. edit. Co-
stet. col. 77a.
& seqq.

14 Neque vero quoad istorum auctoritatem in moderandis vel restringendis Episcoporum facultatibus vetustiora defunt exempla. Nihil apud adversarios frequentius ingeritur, quam Episcopos jure divino esse iudices in controversiis fidei. At nonne S. Petrus Chrysologus suam sententiam rogatus ab Euryche in materia ad fidem pertinente, se excusavit rescribens: *Nos enim pro studio pacis & fidei extra consensum Romanæ civitatis Episcopi causas fi-*

Ep. 25. in-
ter Leonima
nov. edit.

T. 4. Concil.
Ven. edit. col.
1402.

dei audire (seu ex Græco *dijudicare*) *non possumus*. Hæc manifesta restrictio est juris Episcopalis, cujus similem Ægyptii allegarunt in concilio Calchedonenſi aët. 4. *ut nihil absque ipſo* (Antistite Alexandrino) *ageretur ab aliquo subjacente Episcopo*. Vide nostram adnotationem in recitatum Chrysologi locum. Divino quoque jure pertinere ad Episcopos conferre sacros ordines iis; qui regimini suarum ecclesiarum utiles, & multo magis si necessarii sint, quis ignorat? Africanæ autem ecclesiæ sub finem quarti & initio quinti sæculi magna sacrorum ministrorum laborabant penuria, adeo ut multæ earum plebes essent desertæ, nec unus saltem diaconus alicubi reperiretur. Providi huic necessitati poterat partim recipiendo in suis gradibus eos, qui e Donatistis ad catholicam unitatem revertebantur, partim vero promovendo ad ordines saltem illos, qui apud Donatistas baptizati in infantia, rationis usu præditi ad catholicam redierant. Duo autem interdicta Romanorum Antistitum in transmarino concilio edita obstabant, unum quod memoratur in synodo Carthagenensî anni 401. Id.

Conc. Carth.
Afric.

Septembris, *ut ordinati in parte Donati, si ad catholicam corvelli transire voluerint, non suscipiantur in suis honoribus*; alterum indicatum in alia synodo Carthagenensî anni ejusdem XVI. Kal. Julias, ne infantes Donatistarum ad ecclesiæ redemptionem ad ordines promoverentur. Vide Codicem canonum ecclesiæ Africanæ can. 57. ejusque proemium; ubi traditur decreta legatio ad Papam Anastasium, & Venerum Mediolanensem, uti necessitate exposita ad ordinationem infantium dispensatio peteretur, *quia ab his sedibus hoc fuerat prohibitum*. Hæc duo interdicta restrictionem potestatis Episcopalis evidentissimam præferunt; quam cur Africani non uni Romanæ, sed Mediolanensî etiam sedi tribuant, explicandum est, ut appareat Romanæ auctoritatis in ipsis Episcopaliū facultatum restrictionibus præcipuam habitam fuisse rationem. Concilium transmarinum, in quo a memoratis sedibus ea interdicta manaverant, non aliud fuisse quam Capuanum anni 391. probabilissimum est. Hæc synodus coacta potissimum ob extinguendum celeberrimum schisma Antiochenum. Ut exoptata ab omnibus, & maximè necessaria restitueretur Antiochenæ Ecclesiæ unitas, non solum S. Ambrosius, qui a Theodosio Magno plurimi habebatur,

Ed. Tillem.
in Ambros.
p. 68.

barur, sed & summus Pontifex apud eum Imperatorem egerint. Captum tandem consilium de convocando Capuæ concilio. Cum mos olim non esset ut Episcopi Romani extra Urbem ad Concilia accederent, S. Ambrosio præcipuam curam fuisse commissam, eundemque forsitan ipsius Romani Episcopi vices quasdam gessisse satis credibile est. Etsi vero idem Ambrosius omnium quidem actorum moderator & quodammodo auctor habeatur; summi tamen Pontificis auctoritatem in iisdem gestis potissimum valuisse, ipsumque S. Ambrosium eidem auctoritati summam vim detulisse patet ex ejusdem epist. 9. ad Theophilum. Capuanæ enim synodi Patres in causa indicati schismatis, quæ ab ipsis terminari non potuit, totius negotii cognitionem & examen Theophilo aliisque Ægypti Episcopis ita demandarunt, ut de gestis hujus examinis referrent *ad S. Fratrem nostrum Romanæ sacerdotem Ecclesie* (sunt ipsius Ambrosii verba), *ut cum id gestum esse comperimus, quod ECCLESIA ROMANA haud dubie comprobaveris, læti fructum ejusmodi examinis adipiscamur*. Cur non ad Mediolanensem, sed ad Romanam solam selem relatio decreta; nisi quia hujus auctoritas ab Ambrosio, aliisque Capuanis Patribus maxime habita, ac si ad ipsam referre de examine, quod ab iisdem fuerat commissum Ægyptiis, sit referre ad eam, cujus solius auctoritas in Capuano Occidentali concilio ita præstabat, ut cum sola ob universalem primatum in Patriarchales etiam Orientis ecclesias verum jus haberet, ejus solius comprobatio ad Antiochenum dissidium extinguendum crederetur sufficere? Hujus quidem sedis auctoritas id obtinebat, ut decreta etiam in frequenti Romana synodo constituta solius fere Pontificis nomine inferberentur, quod unus pro omnibus ad vim decretis gignendam valeret. Hinc quoque cum Orientales Apollinaris atque Timothei depositionem petierunt ab Occidentalibus, quos S. Basilius generatim memorat, eam a Damaso Pontifice bis petiisse (*a me denuo postulatis*) affirmat idem Pontifex epist. 14. apud Constantium num. 3. idque *ut debitam Apostolicæ sedis reverentiam præstarent*, ex ejusdem epistolæ num. 1. quæ verba potiorum hujus auctoritatem significant.

15 Expressius vero Africani hanc potiorum Romanæ
sedis

a. 68. Cod.
Afric.

De prospero.
6. 34.

T. 3. edit.
J. Leonis.

sedis auctoritatem declararunt, cum ob memorata transmarinæ synodi interdicta decrevere, ut *litteræ mittantur ad fratres & Coepiscopos nostros*, & *MAXIME* (nota hoc adverbium) *ad sedem Apostolicam*; ad eam scilicet sedem, unde nobis auctoritas præsto est, ut jamdiu ante Tertullianus Afer scripserat. Ceteri enim licet magnarum urbium Occidentis Episcopi, nullum per se jurisdictionis titulum in Africam obinebant, nisi quatenus uniti Romano Antistiti in aliqua synodo unam cum eo sententiam ferebant. In ea autem, quam exposuimus, animarum necessitate, nonne potuissent Afri providere suis plebibus ex Donatistis conversis, nihil obstantibus interdictis synodi transmarinæ, a quibus ipsa necessitas justam dispensationis causam præbebat? Ita quidem egissent, qui hanc restringendi facultatem Apostolicæ sedi denegassent. Sed Africani hoc jus eisdem competere non ignorantes, etsi magnis premerentur angustiis, nihil ausi sunt ipsis interdictis contrarium facere, nisi prius missis legationibus transmarinam Ecclesiam, & *MAXIME* Romanam sedem consularent. Conser quæ in hanc rem notavimus in Tractatu *De antiquis canonum collectionibus* part. 2. c. 3. Qui autem vel in maxima clericorum inopia conversos ex Donatistis ordinare noluerunt, ne interdictum in transmarinis partibus factum dissolverent, nisi prius eorum, qui interdictum sanxerant, & *MAXIME* Romanæ sedis consensum obtinerent; nonne legitimam profecto interdicendi, seu restringendarum facultatum Episcopaliū potestatem agnoverunt?

§. VI.

Hæc limitatio ac restrictio, licet versaretur circa facultates Episcoporum, quæ in origine sunt juris divini, quomodo referatur, ac referenda sit ad materiam disciplinæ, & ad jus Ecclesiasticum.

16 Supremæ Pontificiæ potestatis plenitudinem, cui Episcopaliū facultatum modus & exercitium subijcitur, alia

alia animadversione clarius forsitan explicare & confirmare liber. Jurisdictio, prout distinguitur a potestate ordinis, absque subditis, in quos exeratur, sterilis est, omnique usu & exercitio caret. Hinc designatio & attributio subditorum, seu regionis, aut diœcesis, in qua Episcopale jus exerceatur, ad jurisditionem actualem est necessaria: & qui subditos Episcopo aut diœcesim assignat, is Episcopo jurisditionis ejus, quæ in origine est institutionis divinæ, usum & exercitium tribuit. Romanorum Pontificum jus in totum orbem, ipsaque totius orbis subjeccio ex Christi institutione, ac jure primatus iisdem, ut vidimus, competit. Eadem vero jurisdictio etsi aliis quoque Apostolis in universum mundum a Christo missis extraordinario jure communicata, ut illis in initiis opus erat; soli tamen Petro & successoribus ejus competit jure ordinario ex institutione divina, cui nulla Ecclesiastica institutio derogare quidpiam potest, ut paullo ante observavimus. Porro sicut designatio subditorum hujus vel illius regionis aut provincie, quæ Patriarchis, Exarchis, aut Metropolitibus attributa fuerunt, non pender a divino jure, quia Christus ejusmodi partitionem aut designationem non instituit; sed pertinet ad institutionem Ecclesiasticam, quippe quod eam partitionem ac designationem Apostolis, eorumque successoribus Christus reliquit; ita etiam diœceseon Episcopatum instituit, subditorumque designatio, quæ Christum non habuerunt auctorem, ac propterea jurisdictio Episcopalis, quæ in origine est juris divini, quoad designationem attributionemque diœcesis ac subditorum, & quoad actualem ipsius jurisditionis facultatumque Episcopatum usum in subditos, qui ab eorumdem diœceseon attributione dimanant, Ecclesiasticæ institutioni referenda est; & eatenus pertinet ad disciplinam, cujus materies variare, mutari, augeri, vel restringi potest, prout expedire judicetur ab iis qui superiori in eas diœceses auctoritate fiuntur. Cum scilicet Episcopalis potestas in bonum Ecclesiæ instituta fuerit a Christo jure divino; si in idem bonum expediat Episcopatum facultatum usum & exercitium moderari vel restringere, hæc moderatio vel restrictio, quæ publicum Ecclesiæ bonum a Christo præcipue intentum respicit, iis proculdubio attributa dicenda est, quibus eas diœceses & subdi-

Jurisdictio
aut distincta
potestate
ordinis cur
limitabilis.

subditos designare, atque huic vel illi Episcopo attribuire; eumque Episcopatum facultatum usum & exercitium, quod Ecclesiæ esset utile vel necessarium, præfinire ab ipsomet Christo relictum fuit; ut ne divinæ institutioni Episcoporum quicquam detractum credatur; cum ejusmodi moderatio seu restrictio non versetur circa id quod in Episcopis est originis ac institutionis divinæ, sed circa id quod a Christo Apostolorum, & Ecclesiæ Præpositorum dispositioni relictum, a jure Ecclesiastico proficiscitur, & ad disciplinam refertur.

17 Si vero hanc potestatem nemo negaret Apostolis, qui in universum orbem missi a Christo extraordinario jure jam explicato §. 4. suebantur; nemo, inquam, hanc potestatem ipsis negaret, siquidem in Episcopales dioceses, & facultates Episcopis tributas pro varietate circumstantiarum, & Ecclesiæ bono moderationem, aut restrictionem aliquam inducendam putassent: quis eandem potestatem negare poterit successoribus S. Petri, qui jure eodem, sed ordinario in totum mundum a Petro manante primatus causa potiuntur; eademque de causa (utique institutionis divinæ) in omne jus aliorum Apostolorum extraordinarium, Petri autem ordinarium ita succedunt, ut ei per se nulla potuerit aut poterit Ecclesiastica institutio derogare? Nullus, credo, ex adversariis catholicis in dubium vocabit antiquissima provincialia concilia potuisse Episcopatum facultatum usum præfinire, moderari, vel restringere, prout bono publico expedire videbatur. Jus quidem antiquarum synodorum, quæ fere fuerunt particularium provinciarum, vel regionum ampliorum, ita illi legitimum habent, ut ad harum normam nostri quoque temporis disciplinam revocandam contendant. Ratio veri & proprii earum juris alia non est, nisi quia eadem concilia, licet particularia, non autem œcumenica fuerint; cum tamen ejusdem provincie vel regionis Antistitibus jurisdictione præstarent, poterant ipsis eum Episcopatum facultatum usum præscribere vel mutare, qui utilior esset, & in ædificationem Ecclesiæ conferret. Hoc jus si tribuitur conciliis particularibus, quæ solo jure Ecclesiastico toti provincie vel regioni, ejusque Episcopis jure divino in origine institutis præsent; quanto magis concedendum successoribus S. Petri, qui omnibus Episcopis

piscopis, ipsisque particularibus synodis præsunt jure divino? Poterunt ergo & hi, si ex varietate circumstantiarum expediat, in ædificationem Ecclesiæ Episcoporum facultates moderari, vel etiam restringere. Ex his autem omnibus facile est intelligere, quo æquo sensu jurisdictio Episcoporum, quæ quoad institutionem a jure divino provenit, a jure simul Ecclesiastico quoad subditorum ac dioceseon designationem, & quoad facultatum Episcopaliū moderationem & exercitium dependeat, & Petro ac successoribus ejus Romanis Pontificibus aliquatenus sublit: quod si adversarii suum antesignanum Gersonem sequentes non inficiuntur, licet verbis videantur discrepare, nobiscum reipsa convenient.

18 Noli hoc loco contendere, quoniam sensu intelligenda sint illa Patrum & antiquorum Pontificum testimonia, quibus claves per Petrum ipsis Apostolis communicatas, & Episcopatum a Petro & per Petrum originem ducere pronuntiantes, Episcopalem jurisditionem a Petro & Petri successoribus in alios dimanare, videntur innuere. Sententiam enim de suprema & plena istorum potestate supra Episcopos ex minus certa & controversa interpretatione nolim pendere & arguere. Dum Episcoporum jurisdictio seu auctoritas, quæ juris divini negari non potest, Pontificiæ subordinata & subiecta concedatur quoad subditorum designationem, & quoad Episcopaliū facultatum exercitium atque limitationem, ut adversarii ex constitutis concedant oportet; satis mihi nunc est, quocumque modo explicanda sit ejus origo & propagatio.



CAPUT II.

De jure Romanorum Pontificum & Generalis Concilii. Num alterum alteri præstet in materia fidei.

§. I.

Num Romani Pontificis definitio si præcessit ipsum Concilium generale, cogat Patres Concilii, ita ut non possint ab ea dissentire; & quatenus Episcopi sint in Conciliis judices, etiamsi eadem definitioni unitatem & consensum debeant præstare.

NUNC veniamus ad Concilia generalia, in quibus & summi Pontificis & Episcoporum intervenit & concurrit auctoritas. Ut autem clarius decidatur quæstio, quodnam sit jus Patris & Episcoporum in ejusmodi synodis, & utrum generalis synodus auctoritate præstet summo Pontifici, an e contra, distinguendum est. Vel enim agitur de materia fidei, vel de negotio disciplinæ. Si de primo agatur, iterum est distinguendum. Vel enim in materia controversa ad fidem pertinente edita præsumitur ante Concilium Apostolicæ sedis proprie dicta definitio, vel non. Si sermo sit de fidei definitione a summo Pontifice edita ante convocationem aut definitionem generalis Concilii; ex principiis jam constitutis in libro præcedenti *De vi & ratione primatus* decisio manifesta est. Cum enim ea Pontificis definitio per se se ad unitatem cogat omnes fideles & universam Ecclesiam,

De vi definitionum, quas ediderunt Pontifices ante Concilium.

siam, si præsertim (1) infallibilitatis privilegio gaudeat, uti eam gaudere probavi in eodem libro cap. 15., coget etiam ad assensum & unitatem omnes generalis Concilii Patres. Adversarii catholici, quibuscum agimus, si concedant præstituta principia, ut ex ipsorum sententiis ea comprobavi eodem in opere potissimum c. 14. coherentem loquentes non poterunt repugnare, & quæstionem movere in hac thesi, quæ exinde fluit, nisi concessis principiis contradicentes, secum ipsi pugnent.

2 Neque vero his refragatur, sed potius suffragatur quam maxime primæ Hierosolymitanæ synodi exemplum. In ea S. Petrus primus omnium sententiam tulit; alii autem omnes eamdem amplexi, unam cum eo definitionem elidere. Idem dicendum de Romanis Pontificibus, qui eadem, qua Petrus, definiendi potestate atque auctoritate fruuntur. Si nimirum in fidei quæstionibus eorum præcedat definitio; cum ea omnes Concilii Patres ita debent concinere, uti Hierosolymitanæ synodi Patres cum Petri sententia convenerunt. Omnes quidem definitiones Pontificiæ in materia fidei inveniuntur semper receptæ a Conciliis vere œcumenicis, nullæ rejectæ. Quodsi quandoque ad novum examen res deducta fuit in Conciliis, id factum non cum libertate dissentienti, sed ut nova discussione dissentientes aut dubitantes ad unitatem debitam revocarentur. Vide præcedentem librum *de primatu* c. 13. §. 13. & conferre pariter juxta §. 11. num. 59. Excitati sane nonnunquam non exigui tumultus per eos, qui errori ab Apostolica sede prædamnato favebant; sed semper ratum est habitum, quod a summo Pontifice fuerat definitum; & qui definitioni noluerunt acquiescere, inter hæreticos recensiti. Adde quod pauci semper fuerunt, qui repugnarunt definitioni Pontificiæ, præ illis qui acquieverunt & præstiterunt

D 2

debi.

(1) Bossuetus quidem in *disputatione prævia Defensionis Declarationis*, quæ præmissa est novæ editioni anni 1745. c. 2. pag. 2. sententiam illius, qui

sit infallibilis, neque generali Concilio subesse fatetur. *Infallibilem, quæ quidem in re talis est, cuicumque subesse ne-
fas.*

debitam obedientiam atque unitatem; neque ex illis paucis a capite & centro unitatis catholicæ dissidentibus, qui non poterant dici aut haberi generale Concilium, jus generalis Concilii supra Papam colligere licet. Quodsi etiam complures contra Apostolicam definitionem conspirarent (quod nonnisi per dolum aut vim posset accidere); nemo his œcumenicæ synodi nomen & jus posset attribuire, sed Pseudo-synodi & Conciliabuli, uti Ariminensi & Pseudo-Ephesinæ synodis evenit, quæ sane nullum habuerunt jus in summum Pontificem, aut in Episcopos eidem adherentes, qui ex unione cum capite & centro unitatis generalis Concilii titulo ac jure potiri poterant.

Episcopi
quantenus sint
in Conciliis
judices.

3 Atqui, inquires, si Patres in Conciliis etiam generalibus sequi debent definitionem fidei, quam antea Romanus Pontifex edidisset; quomodo ibidem erunt veri judices, uti eos esse nemo inficiari potest? Quidni? Num judicisratio in libertate dissentendi collocanda est, ita ut cum obligatione assentiendi stare non possit? Nonne Episcopi in Calchedonensi judices fuerunt, tametsi Leonis definitioni in Eutychie errore antea editæ, & ab Episcopis tant Orientis tum Occidentis subscriptæ, & ita catholicæ Ecclesiæ non solum tacito, sed etiam expresse consensu approbatæ, ex nostrorum quoque adversariorum sententia assentiri opus esset? Nonne * judices itidem egerunt illi totius Orbis Episcopi, qui post Calchedonensem definitionem utique peremptoriam, Leone Imperatore postulante, novum judicium protulere litteris, quæ in *Codice encyclo* continentur? Nonne judices haud dubie fuerunt Apostoli & seniores in Hierosolymitano Concilio, cum omnes in S. Petri sententiam transierunt, ut notavit S. Hieronymus, etiamsi idem S. Petrus Spiritu Sancto certissime afflatus, controversiam ante omnes definierit ea utique sententia, contra quam licite nemo catholicus poterat reluctari? Nonne (ut alia omittam) in ipso Tridentino Concilio veri judices fuerunt Episcopi quoad ea quoque fidei decreta, quibus damnarunt hæreses a novatoribus repetitas, & pluries etiam antea damnatas, etsi nemo de justa illarum condemnatione posset ambigere? Si adversarii non negent, Episcopos in hisce circumstantiis fuisse veros judices, licet de definitis antea non possent dubitare, vel ab iis dissentire; non ergo judi-

* *Vid. lib. de
vi & rat. pri-
mor. c. 13. n.
20.*

*Epist. 75. in-
ter Augustina.
n. 7.*

judicii proprie dicti in materia fidei essentiale est, ita posse Episcopos in utramlibet partem sententiam ferre, ut si id quandoque non possint licite, veri judices nec sint, nec haberi queant. Non inficiandum Episcopos posse, immo etiam debere dissentire a definitione, si eam doctrinæ fidei contrariam cognoscerent. At cum hæc hypothesis in memoratis circumstantiis sit omnino falsa (certum quippe est & S. Petrum Spiritu Sancto afflatum, & definitiones in generalibus Conciliis editas, seu comprobatas, vel Episcoporum subscriptionibus atque consensu receptas errori obnoxias esse non posse): falsum pariter est Episcopos in dictis circumstantiis, in quibus judices agebant, potuisse ab iisdem definitionibus dissentire, perinde ac si judicii ratio dissentiendi potestatem semper requirat.

4 Idem est de fidei definitionibus Romanorum Pontificum, quos *ex Christi pollicitatione Petro facta* ita a Deo dirigi, *ut ipsorum judicia pro sancienda regula fidei DIVINA æque ac SUMMA auctoritate nitantur*, cui *Christiani OMNES ipsius quoque mentis obsequium præstare tenentur*, testati sunt tres ac triginta Episcopi Galliæ in litteris ad Innocentium X. an. 1653. Gallicani, qui ita credebant, dum in recipienda definitione Apostolica judices egerunt, ut adversarii cum Bossueto contendunt; judicii utique rationem cum potestate ambigendi vel dissentiendi connexam non judicarunt. Numquid enim liberum ac licitum credere poterant dissentire vel dubitare *de judicio divina æque ac summa auctoritate*, nec non *Christi pollicitatione nixi*? Egerint quidem illi in recipienda definitione, de qua tunc agebatur, tamquam veri judices, non tamen independentes, sed subordinati, ea scilicet *hierarchica subordinatione*, cujus iidem Gallicani Antistites meminerunt * in aliis litteris ad Episcopos regni in eodem negotio scriptis. Hæc autem subordinatio, dum juris æqualitatem inter inferiorem & superiorem excludit, cum generatim efficit, ut inferior, qui superiori judici est subordinatus, nequeat contra istius judicium legitimam ferre sententiam: tum multo magis efficit, ne id possint Episcopi subordinati summo Pontifici, cui cum Christus in finem custodiendæ unitatis præsertim in fide idoneam auctoritatem dedit, ut in dissensionibus circa fidem definitionem ederet,

Vide lib. De primat. pag. 254. not. 1.

* *Ibid. pag. 255.*

quæ

quæ omnes obligaret ad unitatem atque assensum; Episcopis profecto etiam iudicium personam post Pontificiam definitionem gerentibus, eam solam potestatem dedidisse credendus est, ut in eandem unitatis finem cum Pontificis iudicio conjungerentur, non vero ut contrariam ferentes sententiam, unitati obicem ponerent, & unitatis centrum in Romana auctoritate a se constitutum defererent. Hoc sensu memorati Episcopi Gallie in laudatis litteris ad Episcopos regni scripserunt, se ita recepisse Apostolicum iudicium, *cui per UNITATEM Christiani Episcopatus hierarchica SUBORDINATIONE colligati erant* (nota *hierarchica subordinationis* debitum in bonum unitatis) *ut merito crederent propositionum condemnationem UNA CUM EO* (Romano Pontifice) *a se quoque esse prolata, & pronuntiatam*, eo nimirum mentis obsequio, quod etsi ab ipsis Episcopis, etiam cum iudices agunt, *divinæ æque ac summæ auctoritati Christianique pollicitationi nixæ*, hierarchica subordinatione *præstandum est*; non tamen idcirco iudicii rationem exiit vel excludit. Et jure quidem.

5 Iudicium enim proprie dictum tunc fertur, cum quis ex causæ cognitione sententiam pronuntiat: fertur autem sententia ex causæ cognitione etiam post auditum summi Pontificis iudicium, cum habito sufficienti materiei controverſæ & momentorum examine illud iudicium cum veritate convenire dignoscitur & iudicatur; tamenſi alio nomine, ex. gr. ob prærogativam primatus atque ob debitam fidei unitatem ad assensum cogat. Quodſi expendamus accuratius quænam causæ cognitio ſufficere poſſit ad ferendum iudicium ſeu definitionem fidei; inveniemus ſatis eſſe cognoscere, num ſententia aliqua conveniat nec ne cum traditione Eccleſiæ catholicæ. Cum vero traditionem omnium eccleſiarum inquirere nimis longum & ſere impoſſibile ſit; S. Irenæus in celebri textu quem ſuſe explicavi in præmiſſo libro c. 13. §. 1., & quem ipſi Galliani adverſarii laudant, ſatis eſſe dæxit ad veritatem catholicam diſcernendam & ad hæreſim dijudicandam cognoscere Romanam traditionem. Hanc autem cum exhibeant definitiones Romanorum Pontificum, * in quibus S. Petrus loquitur, & explicatur Romanæ Eccleſiæ fides; iudicium

* 191. lib. de
primat. c. 13.
n. 72.

cium fidei satis idoneum feretur ab his qui sententiam, de qua sit controversia, catholicam, si cum definitione Pontificia concordem; secus vero a catholico sensu iudicent alienam, si discordem inveniant. Hoc quidem iudicii genere usi Gallicani Episcopi in Eurychis causa scribentes ad S. Leonem Pontificem, nonne ex concordia cum definitione ejusdem Pontificis suarum Ecclesiarum doctrinam iudicarunt veram atque catholicam; Eutychianam vero ex discordia jure damnatam suo quoque calculo comprobant? Hæc ab iis potissimum animadvertenda sunt, qui crebunt non agere tamquam iudices eos Episcopos, qui Apostolicis definitionibus acquiescentes, aliud examen ad ferendam sententiam necessarium non arbitrantur. *Quæ ratio si quid valeret* (inquit Gallicani in Comitibus Parisiensibus anni 1728. diei 8. Maii); *nullum esset amplius generale Concilium, cujus decreta similiter impugnari non possent; cum a Pontifice antea fuissent proposita: semper enim dicerentur perique Episcopi ipsis subscribentes non aliud fecisse, nisi submittere se auctoritati, quam infallibilem iudicant.* ibi n. 76. & 77.

6 Præclare admodum D. Fenelonus Archiepiscopus Cameracensis in epistola, seu instructione pastorali diei 20. Aprilis anni 1715. explicat qua ratione assensus Episcoporum Pontificiis definitionibus adhibitus & adhibendus iudicii naturam induat, exemplisque subscriptionum, quæ generalis Concilii decretis pariter subjiunguntur, confirmat. *Judicare post iudicium Pontificis est suum iudicium cum Pontificio conjungere. Huc ratione Episcopi olim subscripserunt ipsorum Conciliorum generalium decretis. Eorum submissio erat iudicium, & eorum iudicium erat submissio. Subscribentes se se submittebant sicut & confirmabant decisionem synodi. Id constat ex actis, & ex his aliisque similibus subscriptionum formulis. Judicans subscripsi; recognoscens consensi Obtemperans sententiæ sanctissimorum & beatissimorum Episcoporum consensit & ego subscripsi. Cognoscens discussionem sanctorum Patrum, & cum sequi debeam eorum iudicium, subscripsi &c. Si in Conciliis iudicant Episcopi tunc etiam, cum obedienter subscribunt definitioni, quam sequi debent; quidni eadem iudicii ratio habeatur, cum in iisdem Conciliis Patres definiunt, quod antea definivit summus Pontifex, quamvis*

vis sequi debeant ejus judicium? Quodsi quidam inter hos non ex intrinseco causæ & momentorum examine, sed ex auctoritate Pontificis atque ex debito unitatis & obedientiæ consentientes, ferrent sententiam; nonne rationes, quæ ad hujusmodi consensum movent ex primario fine, & ex Christi institutione atque promissis, nec non ex traditione Patrum, quibus unitatis debitum, & inerrantiam Pontificiam in definitionibus libro præcedenti statuimus, certum & dogmaticum proprie dictum judicium eliciunt? Hoc sane si extra occasionem concilii vel per adversarios sufficere dicendum est ad statuendum tacitum illum Ecclesiæ dispersæ consensum, quem judicio œcumenicæ synodi æquivalere, & æque cogere omnes Christianos fatentur (Episcopi siquidem in tota Ecclesia dispersi non ob alias fere rationes Pontificiis, quæ extra Concilium generale eduntur, definitionibus assentiuntur & parent); haud video quomodo in Concilio œcumenico judicium ejusmodi insufficiens judicari queat.

§. II.

Quid dicendum cum generali Concilio nulla præcessit Pontificia definitio.

7 Si porro agatur de questione fidei, quam ante Concilium non definierit Romanus Antistes, quid sentiendum, si qua inter Concilii Patres & summum Pontificem oriretur dissensio? Contingere quidem potest ut in discutiendis ante definitionem momentis, & in veritate inquirenda multi & plures Concilii Patres aliter atque aliter opinando discrepent & inter se, & ab ipso Romano Pontifice. At quoad discutiendo & inquirendo dissentiant, ac definitio nulla ex parte proferatur; erit hæc dissensio opinionis, non definitionis, nec fidei: nec quisquam utrinque alterum coget ad assensum, cum coactio ex definitione edita atque Ecclesiæ proposita oriatur. In ejusmodi dissensionibus, quæ ex difficultatibus hinc inde ingestis, dum veritas quaeritur, provenire solent, illud fere accidit, ut definitio.

initio differatur, quoad veritas manifeste clucescat. In definiendo autem numquam factum est, & numquam fiet ut Concilii generalis Patres aliter circa fidem definiant, aliter Papa: ac proinde in hypothesi, quæ numquam fuit aut erit, immo nec esse potest, non est laborandum. Dixi *numquam fuit* (2) in generali scilicet synodo libera, ut excludantur Pseudo-synodi, in quibus fraus, seu vis, & metus dominetur, ut de Ariminensi & Pseudo-Ephesina diximus, quæ generalis Concilii nomen & vim nequeunt obtinere. Addidi *nec esse potest*. Sicut enim fieri nequit ut Petri ac successorum ejus fides vel momento definat esse illa *petra*, cui bono unitatis ex Christi institutione tota Ecclesia catholica, seu totius catholicæ Ecclesiæ fides superstructa, in unitate ejusdem fidei debet consistere; ita fieri nequit ut eadem Ecclesia & Episcopi catholici, saltem plerique, desciscant ab ea petra, & ab unitate fidei Petri ac successorum ejus dissentiant sive in Concilio, sive extra Concilium, cum institutionem Christi nec Ecclesia, nec Episcopi catholicæ Ecclesiæ infringere vel mutare, aut deferere unquam possint. Semper itaque generalis ac liberi Concilii Patres, qui una cum capite legitime adunati universam Ecclesiam repræsentant, si non omnes, saltem plerique in definiendo conspirabunt cum definitione summi Pontificis: & si qui pauci dissentiant, horum judicium extra petram & centrum catholicæ unitatis, immo contrarium unitati fidei, quæ Apostolicæ sedi debetur, nullo jure coactivo gauderet, jurisdictione nulla, quæ solum habet locum & vim in unitate cum Petro, & cum successoribus Petri, ut in eam unitatem conspirent & conferant,

E non

Phil. De
primat. c. 10.

(2) Inepta hoc loco, ubi de definitionibus fidei agimus, esset oppositio ex quinta Synodo, quæ si separatim a Vigilio judicium suum protulit, non tamen discordia fuit unquam in substantia fidei, sed in questione de personis tantum; & in hac ipsa questione

Patrum ejusdem Concilii decreta vim generalis synodi non habuere, nisi postquam Vigilius, qui prius dissentiebat, peremptorio judicio consensum præbuit. Vide librum *De primatu* cap. 15. §. 10. num. 37.

non vero contra unitatem, quemadmodum statui cap. 7. num. 11. Hæc ex præmissis certa.

8 Cum adversarii vim & auctoritatem in summum Pontificem tribuunt definitionibus fidei, quas Episcopi congregati in generali synodo ante sententiam ipsius Pontificis ederent; idcirco tribuunt quia censent dogmatica ejusmodi decreta tametsi Pontificio suffragio carentia, vere esse & vim habere decretorum concilii œcumenici. At hæc ipsorum hypothesis falsissima est. Concilium enim vere œcumenicum, quod ex tota Ecclesia convocatum, repræsentat universam Ecclesiam, non ex solis Ecclesiæ Episcopis constat, sed ejusdem Ecclesiæ caput Romanum Antistitem requirit, idque non ob meram ejus materiale præsentiam, sed præcipue ob directionem & auctoritatem, quæ sine assensu & vi coactiva ejusdem intelligi nequit. Vide quæ in hanc rem animadvertuntur cap. 4. §. 2., nec non addenda cap. 6. §. 2. & 3. Hac de causa sicut generalis concilii definitionem non constitueret præcedens solius Papæ sententia, nisi Episcoporum quoque suffragia cum ipsius definitione jungerentur; ita nec istorum concors licet decretum dogmaticum ante Pontificis approbationem editum sufficeret ad constituendum proprie dictum œcumenici concilii judicium, quod ex concordii Episcoporum & capitis judicio coalescit, & vim ejusdem synodi propriam obtinet. Certe si in materia disciplinæ decreta cujuscumque frequentissimæ synodi, quibus desit Pontificia approbatio, vim non habuerunt nec habere poterant generalis concilii, nec coegerunt, nec cogere poterant summum Pontificem, uti capite quarto probabitur latius; idipsum multo magis dicendum de sanctionibus in materia fidei, in qua fides a concilii Patribus definita, nisi concordiam præferat cum fide successorum S. Petri, nequit dici illa *petra* Ecclesiæ, quæ in Romanæ sedis fide a Christo constituta, est fundamentum illud, cui totam Ecclesiam adhærere & incumbere necesse est, ut in libro *De vi primatus* demonstravi. Negari quidem nequit, quin Episcopis in generali concilio definitivus conveniat illud prolatum in Hierosolymitana synodo, *Visum est Spiritui Sancto & nobis*: at id ipsis non convenit, nisi in eo concilio Episcoporum sententiæ ita conciperent cum sententia summi Pontificis, uti Apostoli atque senio-

seniores in Hierosolymitana synodo conspirarunt cum S. Petri sententia. Neque dicat quispiam: Cum Ecclesia catholica sit *columna & fundamentum veritatis*; nonne columna pariter & fundamentum veritatis haberi debent generalia Concilia & Patres, qui in generali Concilio universam Ecclesiam repræsentant? Ea enim prærogativa sicut convenit Ecclesie, quatenus fundata & ædificata est super eam *petram*, quam, ut ait Augustinus, *non vincunt superbe inferorum portæ*; ita non aliter ipsis œcumenici Concilii Patribus convenire potest. Hinc ad eos, qui etiam in generali synodo non ædificarent super ipsam petram, seu in unitate fidei Petri & Apostolicæ cathedræ, ea prærogativa & Christi promissiones non pertinerent: cum Christus prius de Petri fide dixerit, *Super hanc petram ædificabo Ecclesiam meam*, ac dein promiserit, *Et portæ inferi non prævalebunt adversus eam*, idest adversus eam petram, sive etiam (si velis) adversus eam Ecclesiam, quæ tamen super illam petram fidei ædificanda, ipsi tamquam fundamento & unitatis centro debebat incumbere & adhærere.

*Ps. In petra
Domus.*

9 Infallibilitas definitionum & doctrinæ fidei, quam Christus promisit Ecclesie docenti, seu Episcopis docentibus Ecclesiam, cum fuerit promissa Apostolis non separatim a Petro, sed una cum Petro, cui omnes quoque Apostoli ratione primatus, ut * probavimus, debebant in unitate fidei adhærere; promissionem quidem huiusmodi ad Episcopos Apostolorum successores extendi certum est, quando una cum Petro, seu cum Petri successoribus in unitate ejusdem fidei definiunt & judicant: non autem omnino certum pariter est, nun Episcopi in hujus fidei unitate definiunt, eaque infallibilitatis prærogativa gaudeant, nisi ex consensu vel confirmatione summi Pontificis constet, ea Episcoporum judicia cum Apostolicæ sedis fide convenire. Ferrandus Carthaginensis ecclesie diaconus in altera epistola Pelagio & Anatolio Romanæ Ecclesie diaconis tradita c. 9. ad certitudinem & plenam confirmationem statutorum concilii generalis sufficere scripsit, si *perducta in notitiam totius Ecclesie Apostolicæ fidei CONVENIRE firmentur, Apostolicæ sedis roborata CONSENSU*. Lege etiam capita 6. & 7., ubi iisdem conciliis universa-

** I. De primatu c. 22.
n. 49. & 50.
& c. 14. n. 10.*

v. lege Bossueti
t. xxi. c. 4.
n. 4.

libus secundum auctoritatis locum post canonicos libros tribuit ex accedente Romanæ sedis consensu, definitionibus autem fidei ex eodem consensu vindicat *robur invictum*. Adversarii quoque, qui cum Bossueto conciliarium definitio-
num * *robur invictum* eliciunt ex consensu Episcoporum cum Apostolicæ sedis sententia, & in hac unitate plenam firmitatem sitam prædicant, nequeunt profecto tantam vim asserere Episcopis, si cum horum iudicio sedes Apostolica nequaquam consentiat; a qua (3) *fidei certitudinem esse petendam* Joannes Gerson in sermone coram Alexandro V. affirmare non dubitavit. Consensus quidem vel dissensus capituli non æque æstimandus est, ac dissensus vel consensus cuiuslibet alius Episcopi, cuius assensus si desit in generali concilio, ubi alii Patres cum capite concordent, nihil præjudicæ firmitati sententiæ; uti præjudicaret, si Romani Pontificis assensus vel deesset, vel vocaretur in dubium.

10 Hac de causa Marcianus Imperator sollicitus de confirmatione definitionis Concilii Calchedonenfis, eandem uti necessariam ad tollendam omnem, quam maligni interpretes

(3) Gerson. serm. in die Ascens. Domini t. 2. edit. Dupin. pag. 136. de Indis scripsit: *Facile in eis sinceritas corrumpitur, cum Ecclesia Romana non cohereant, a qua fidei certitudo petenda est*. Cur verum sit certitudinem fidei ex Romana fide esse petendam, non solum ex eo patet, quia Romana fides certis Christi promissis munita indefectibilis est, ut in lib. *De vi primatus* c. 15. probavimus, & in Appendice hoc tomo eadem confirmaturi sumus; verum etiam quia ex antiquorum traditione ac dogmate catholico certum est, veram Christi fidem esse Apostolicam, quæ scilicet ab

Apostolis tradita, & ab Apostolicis Ecclesiis suscepta, ac per successionem Episcoporum conservata, ad nos usque intemerata pervenit. Olim quamdiu certum fuit Ecclesias Apostolicas acceptam ab Apostolis fidem incorruptam servasse; ut discerneretur vera fides Apostolica, receptum erat ad sedes Apostolicas provocare, ut ex Irenæo liquet. Cum autem inter Apostolicas jamdiu omnes defecerint a catholica fide, una Romana sede excepta, quæ sola avitam traditionem custodivit; hinc jure ab hac fidei certitudinem esse petendam Gerson prodidit. Confer *De vi primat.* c. 13. n. 42. & 43.

pretes sparserant, dubitationem, his verbis enixe petiit : *Quod nonnullorum animis, qui Eutychetis etiam nunc pravam opinionem & perversitatem sectantur* (4), *ambiguitatem multum iniecit, utrum tua Beatitudo, quæ in synodo decreta sunt, confirmaveris. Et ob eam rem tua pietas lites mittere dignabitur, per quas omnibus ecclesiis & populis manifestum fiat, in sancta synodo peracta a tua Beatitudine rata haberi.* E contra vero Nicæna Synodus II. generalis VII. act. 5. Pseudo-synodo Iconomachorum Episcoporum CCCXXXVIII. auctoritatem abrogavit, propterea quod non habuerat adiutorem illius temporis Romanum Papam, vel eos, qui circa ipsum sunt, sacerdotes, nec etiam per vicarios ejus, neque per encyclicam epistolam, quemadmodum *LEX DICTAT conciliorum.* Ex conciliorum itaque generalium lege in materia potissimum fidei, ut eorum statuta vim œcumenicæ synodi habeant, aliquam Pontificum Romanorum approbationem necessariam esse septima generali Synodo affirmante dubitare non licet.

*Epist. 119.
inter Leon.
et post ep. 118.*

II In-

(4) Omnis quidem ejusmodi ambiguitas de Pontificio assensu definitioni Calchedonen- si cunctis Patrum suffragiis editæ debebat excludi ex Leonis epist. 28. ad Flavianum, ad cujus normam ipsa definitio exacta fuerat; & multo magis ex epist. 106. ad Anatholium, in qua gesta concilii quoad fidem expresse approbata leguntur. Sed cum in iisdem gestis ad Pontificem missis præter definitionem fidei continerentur canones aliquot disciplinæ, in quibus unus circa prærogativam sedis CP. a Patribus editus, a Leone fuerat reprobatus; occultata Patribus hac epistola, maligni interpretes Eutychiani erroris fautores sparserunt in vulgum,

ea gesta Pontificiam confirmationem non potuisse obtinere; & ita definitionem fidei, etsi a Leone certo approbatam, in dubium adducere nisi sunt. Huic ambiguitati extirpandæ aliam epistolam 117. ad totius synodi Patres idem Pontifex dirigendam credidit, ne infirma aut dubia haberentur, quæ nulla, inquit, sunt consensus mei sententia roborata. Hæc dubitatio a perversis licet interpretibus ingeri non potuisset, nisi eo quoque tempore apud catholicos obtinuisset sententia, ad vim dogmaticæ definitionis a generalis quoque concilii Patribus editæ necessarium esse Apostolicæ sedis consensum sive confirmationem.

L. 7. De offi-
ciis. 12. c. 13.
h. 2. p. 16. 19.
204.

II Ingerat nunc Bossuetus illa, quibus verbum *confirmare stylo Ecclesiastico* (seu ex Ephesinae synodi actis) nihil aliud esse ait, quam plenam & manifestam suam *assensionem facere*: cumque id non solum Apostolicæ sedi, dum conciliorum decreta confirmat, sed omnibus etiam ecclesiis aptans, allatis verbis Philippi legati Apostolici, qui sententiam in Nestorium ab omnibus Orientis & Occidentis Episcopis approbatam, firmam, seu plane confirmatam dixit *iuxta omnium ecclesiarum decretum*, subdit: *Hinc elucet, ut se se mutuo ipsa ecclesiarum decreta confirment. Ea enim omnia vim habent confirmandi, quæ ecclesiarum omnium consensionem unitatemque declarant, cum ipsa unitate & consensione mutuo decretorum Ecclesiasticorum firmitudo constet.* Quidnam hinc contra nos? Decretorum confirmationem fieri declaratione consensus nemo negaverit. Decreta item non solum Apostolicæ sedis, sed Episcoporum quoque ecclesiarumque ceterarum consensu confirmari, ita ut ipsæ definitiones Apostolicæ ab Episcopis sive in concilio præsertim generali adunatis, sive per orbem dispersis subsignatæ, seu receptæ & comprobatæ, ex hac omnium unitate, unanimique consensu maximum robur acquirant, in præcedenti opere *De vi primatus* pluribus affirmavimus. Nulla igitur in hoc vertitur quæstio. Solum videndum ne quis vim coactivam ad unitatem Apostolicæ sedis definitionibus neget, quandiu non pateat hæc Episcoporum & ecclesiarum consensio; tribuat vero definitionibus Patrum generalis synodi, antequam ejusdem sedis confirmatio seu consensus accesserit. Eam vim coactivam ad unitatem ratione primatus ex institutione Christi competere Pontificiis definitionibus ante omnem consensum Ecclesiæ, in memorato libro probatum est. Vide præcipue cap. 14. §. 8. Num vero definitiones Patrum concilii vi coactiva fruuntur, etiamsi quovis assensu sedis Apostolicæ careant, hæc ætenuis dicta, ut arbitror, satis declarant. Hic autem mirum maxime debet accidere, quosdam adversarios, qui ad vim propriam generalis concilii necessariam existimant consensionem Episcoporum cujusque saltem notabilis portionis, seu regionis Ecclesiæ catholicæ, ita ut ob defectum hujusmodi generalia habita non fuisse putent Concilia VI. & VII. quamdiu defuit Hispanorum & Gallorum consensu.

fus: e contra vero necessariam non credere consensionem capitis ejusdem Ecclesie, licet caput negari nequeat pars præcipua & maxime necessaria corporis, ac in materia fidei fides Romanæ sedis ex institutione Christi sit *petra* & fundamentum Ecclesie, ac *centrum unitatis* fidei, cum quo totius Ecclesie fides conveniat & in unum coalescat necesse est.



CAPUT III.

De jure summorum Pontificum & generalium Conciliorum in materiis disciplinæ.

§. I.

De Canonibus disciplinæ editis in generali Concilio, quibus accessit assensus, seu confirmatio summi Pontificis. Hos canones ipse debet observare non jure eorundem canonum, sed altiori naturali ac divino; quibus iidem Pontifices obstringuntur.

SI loquamur de altera questione in materiis disciplinæ, circa quas plerique canones generalium Conciliorum versantur, quæstio, num in his Concilium generale sit supra Papam, huc revocatur, num ejusmodi Conciliorum decreta in materia disciplinæ summos Pontifices obligent per se se, idest num jure generalis synodi istos obstringant, nec ne. Hac autem in re est distinguendum. Vel enim est sermo de canonibus disciplinæ, quos Papa una cum Patribus Concilii sanxit, seu a Patribus jam constitutos sua quoque auctoritate confirmavit; vel de iis qui statuti a solis Concilii Patribus, Papæ assensu & confirmatione carent. Hoc capite agetur tantum de primis. Certum est autem canones in œcumenicis synodis constitutos, quibus ipsius Pontificis assensus vel confirmatio accessit, obligare ipsum Papam. At ejusmodi obligatio non provenit ex humano jure, cui summus quoque Pontifex sublit. Concurrent enim in statuendis ejusmodi canonibus & summus Pontifex & Concilii Patres. Obligatio autem humani juris, quod in subditos & inferiores tantum vim habere potest, summum Pontificem aspicere nequit, neque ex jure ipsius assentientis aut confir-

mantis

mantis Pontificis, neque ex jure Patrum concilii. Non ex jure ipsius Pontificis; neque enim is in se aut in successores suos sibi æquales habet imperium. Non ex jure Patrum Concilii; hi siquidem per se, etiamsi collective accipiantur, cum subditi & inferiores sint summo Pontifice, uti capite sequenti §. III. demonstraturi sumus; nullam in ipsum superiorem suum jurisdictionem proprie dictam obtinent, aut obtinere queunt. Solum iis canonibus, quibus summi Pontifices assensu sunt, ita obstringuntur, uti suis & prædecessorum legibus obligantur, quas æque ac sacros canones se servaturos olim in solemnibus professionibus etiam jurejurando firmatis pollicebantur. Id autem non juri humano coactivo tribuendum, sed *vi directive*, ut ajunt, idest altiori juri naturali atque divino, quod exigit ut in iis, quæ bono publico constituta sunt, superior præcedat exemplo, nec aliis violandarum legum viam aperiat, quod in magnum scandalum cederet.

2 Bossuetus in sermone ad celebria Comitia Cleri Gallicani habito Parisiis an. 1681. distinguens inter potestatem Apostolis & Petro traditam, illam, quam *super omnes sine restrictione* S. Petro a Christo collatam confessus est, nullos alios terminos habere affirmavit, nisi quos præscribit *REGULA*. Elle n'a des bornes que celle, que donne la *REGLE*. Hæc autem regula, cui suberat idem S. Petrus, qui *super omnes sine restrictione* præfectus fuerat, nulla lex humana esse poterat, sed naturalis tantum ac divina, quam indicavimus. Hac de causa Gelasius epist. 13. ad Dardanos scripsit: *Uniuscujusque synodi constitutum, quod universalis Ecclesiæ probavit assensus, non aliquam magis exequi sedem præ ceteris oportet, quam primam, quæ & unamquamque synodum sua auctoritate confirmat, & continuata moderatione custodit*. Alia similia aliorum Pontificum leguntur. Nullus est Princeps, qui licet nulli humano coactivo juri subdit, eodem tamen directive, & naturali ac divino jure suis quoque legibus non obstringatur, ne destruat exemplo, quod in bonum publicum statuit. Quare S. Ambrosius epist. 32. ad Valentinianum, *Quod præscripsisti aliis, inquit, præscripsisti & tibi. Leges enim Imperator fert, quas PRIMUS ipse custodiat*. Et Theodosius, ac Valentinianus ipse L. 1. Cod. tit. 14.

1. 5. Const.
Frm. edit. coh
126.

De leg. & Const. Digna vox est majestate regnantis, legibus obligatum se profiteri : quin tamen idcirco se iisdem aut prædecessoribus suis sibi æqualibus, vel sibi metipsi coactivo jure subesse dici possit. Hoc ergo sensu cum Romani Pontifices se obnoxios affirmarunt sacris disciplinæ canonibus, non idcirco conciliorum quandoque etiam non generalium, in quibus dicti canones fuerunt constituti, & ab Apostolica sede recepti, jus in ipsos exinde deduci potest, cum ad eorum observantiam non humano, sed naturali ac divino jure obligentur,

§. II.

Adeo vero hoc altiori naturali divinoque jure ad executionem & observantiam canonum discipline, quamdiu vigent, obligantur summi Pontifices, ut licet pro suprema sua potestate possint in ipsis dispensare, vel eosdem etiam aliquando restringere vel mutare; non tamen debeant, nec licite id possint absque legitima causa.

3 Potestatem dispensandi in materiis disciplinæ constitutæ canonibus conciliorum etiam generalium, quæ antiquissimis exemplis probatur, summis Pontificibus competere adversarii negare non possunt. Hanc quoque a Calchedonensis œcumenica synodo agnitam & approbatam demonstrat exemplum Maximi Antiocheni, qui tamquam Episcopus in ea fuit receptus ex sola Apostolicæ sedis auctoritate, atque dispensatione a rigore canonum, ex quibus illegitima illius ordinatio ipsum repellebat. Quia tamen eundem S. Leo dispensatione usus tamquam Episcopum receperat, synodus quoque inter Patres recepit. Actionem, quæ hoc factum aperi-

peritissime probat, in dubium revocare studuit Paschasius Quæfnellus. Eam vero cum & ex diversæ originis codicibus, & aliis monumentis vindicamus luculentissime in Observationibus ad dissertationem IX. Quæfnelli insertam nostræ editioni Operum S. Leonis tom. 2. adstipulantibus cum * Tillemontio aliis doctissimis criticis; exinde concludendum est ipsius Quæfnelli verbis: *Jam præclarissimum antiquissimumque præ manibus habemus testimonium summæ auctoritatis Pontificis Romani tum IN SYNODOS, tum in Orientales Episcopos, majorum, inquam, ac primariorum sedium.* Hoc & alia similia dispensationum exempla sunt. Quodli hæ dispensationes non passim, nec temere, nec sine justa causa a Pontificibus concessæ aut concedendæ sunt; id non ex eo pendet, quod canones Conciliorum, in quibus est dispensandum, jus coactivum in ipsos Pontifices habebant; sed ne dispensantes sine justa causa, potestate in ædificationem Ecclesiæ a Deo collata utantur, aut potius abutantur in destructionem: quod in divinam ac naturalem legem pugnaret. Huc pertineat illa S. Bernardi ad Eugenium Papam: *Non sum tam rudis, ut ignorem, positos lib. 3. de Con-*
vos dispensatores, sed in ædificationem, non in destructio-
nem. Denique queritur inter dispensatores, ut fidelis quis
inveniat. Ubi necessitas urget, excusabilis dispensatio est.
Ubi utilitas provocat, dispensatio laudabilis est, utilitas,
dico, communis, non propria. Nam cum nihil horum est,
non plane fidelis dispensatio, sed crudelis dissipatio est.
 Qui autem ex causa necessitatis, vel publicæ utilitatis in canonibus disciplinæ a generalibus quoque synodis constitutæ potest propria auctoritate dispensare; superior utique, vel saltem non inferior probatur: neque enim facultas dispensandi in legibus superioris ulli umquam inferiori competit, nisi forte ex interpretativo saltem ipsius superioris consensu, quo nomine Episcopos in ordinariis & frequentioribus calibus potuisse ac posse ne dum in canonibus disciplinæ, sed aliquando etiam in votis dispensare, Theologi docent. Summis autem Pontificibus facultas dispensandi in generalium synodorum canonibus ab iisdem synodis concessa, & quodammodo delegata probari nullo ipsorum Conciliorum testimonio poterit. Immo cum Tridentina synodus sess. 25. c. 21. declaratum voluit, ea, quæ statuit,

* Not. 34. in
 Leonem.
 Quæfnel. dis-
 sert. 9. n. 3.

lib. 3. de Con-
 sid. c. 4. n. 11.

ita decreta fuisse, ut in his (1) salva semper auctoritas sedis Apostolicæ & sit, & esse intelligatur; hæc formulæ, Apostolicæ auctoritatis præservativæ, auctoritatem eidem proprio jure competentem, non autem ab ipsa synodo concessam seu delegatam significant: potestas enim *salva* dici nequit illa quæ cuiquam tribuitur, sed quæ eidem aliunde competere præsumitur. Hæc de causa assentiri non possum iis qui ea verba ita interpretantur, ac si idem concilium verbis ipsis facultatem summis Pontificibus concesserit, quæ alias caruissent. Nisi prius probetur Papam, æque ac Episcopos reliquos, inferiorem ac subditum esse conciliis æcumenicis; suo jure dispensare poterit, neque hæc concessione atque consensu indigebit. Tridentina certe synodus, quæ Apostolicæ sedi plurimum detulit, ejusque consensum & approbationem quæsit, de hac facultate concedenda ne cogitavit quidem.

4 Ea porro auctoritate, qua Romanus Pontifex dispensare, ubi expedit, in generalium etiam Conciliorum canonibus ad disciplinam pertinentibus potest, potest etiam, ubi æqua causa adsit, abrogare vel mutare disciplinam canonum, ut aliquot exemplis etiam vetustis probare liceret; quod ad supremam ejus potestatem declarandam confert. Cautius id & multa cum moderatione agendum, atque ita, ut ex abrogatione vel mutatione vitentur scandala, publicumque bonum promoveatur: quæ (2) conditio jure ipso, naturali ac divino. imposita, summos Pontifices non.

(1) Huc referuntur illa etiam sessio 7. in præmio decretorum *de Reform. Salva semper in omnibus sedis Apostolicæ auctoritate.*

(2) S. Bernardus epist. 131. quasdam Pontificis facultates extraordinariæ & supremæ potestatis recensens, necessitatis vel utilitatis condiciones adjicit, *si utile judicaverit, si necesse visum fuerit, quoties, ex-*

pedire videbit. Et e contra Gelasius in decretali epistola ad Episcopos per Lucaniam & Brutios ac Siciliam constitutos c. 9. scribens, illa decreta non immutanda, *aut nec ulla necessitas, nec Ecclesiastica presus extorqueat utilitas, dispensationes, aut mutationes, nonnisi ex utilitate vel necessitate Ecclesiastica, esse faciendas significat.*

non canonibus conciliorum, seu humano juri, sed naturali ac divino subiectos adstruit. Hac de causa etsi multa possint Romani Pontifices pro summa ipsorum potestate in universam Ecclesiam; si tamen non expedit, animadvertenda erunt illa Apostoli: *Omnia mihi licent, sed non omnia expediunt*; ex quibus S. Bernardus sermonem faciens de quibusdam privilegiis, quæ non omnino nec universim expedire judicabat, non dubitavit modeste scribere ad laudatum Eugenium Papam: *Sic faciendo probatis, vos habere plenitudinem potestatis, sed iustitiæ forte non ita*. *Fa.* ^{1. 3. de Con.} ^{lib. 6. 4.} *citis hoc, quis potestis; sed utrum & debeatis questio est.* Qui potestatem non negat, sed adesse proficitur; & solum ejus exercitium & usum contineri vult intra iustitiæ limites, ne ad id excedat, quod (3) non expedit; eandem non canonum juri subesse censet, sed naturali atque divino, quod supremam quoque potestatem Principum non absumiliter obstringit. Ita etiam cum S. Irenæus in questione de die paschatis S. Victorem Papam removere studuit, ferenda excommunicationis sententiâ contra Asianos, ni Romanam ac ceterarum Ecclesiarum consuetudinem amplecterentur, non negavit illius potestatem, sed ostendens non expedire eos hac de causa separare a corpore Ecclesiæ, usum tantummodo potestatis intra eosdem limites, non humano, sed naturali divinoque jure, cuique supremæ etiam potestati præfinitos, coercendum indicavit.

§. III.

(3) Confer, si libet, quæ in hanc rem explicavi in Observationibus ad dissertationem V. Quetnelli tom. 2. Operum S. Leonis edit. Ven. part. 1.

c. 7. pag. 979. n. 5. & seqq. Vide etiam c. 6. ibidem n. 30. Plura de his inveniuntur in sequentibus Vindictis c. 3. & 4.

§. III.

Criminatio, quæ multorum odio & invidia Apostolicam auctoritatem exponit, dissecta.

*Confer. Plac.
de Stat. c. 4.*

5 Ex his facile, ut arbitror, agnosces lector, quam perperam quidam adversarii ad invidiam nostræ sententiæ constandam jactitent, Pontificiam potestatem ab ejusdem sententiæ defensoribus ita esse, quasi summis Pontificibus tribuant posse ad se attrahere omnia, Episcoporum auctoritatem posse ad libitum extenuare, sacris canonibus universalis Ecclesiæ veneratione consecratis pro arbitrio contrahere, nullisque limitibus supremam & plenam potestatem eorumdem Pontificum coerceri. Nonne hæc satis jure illo divino ac naturali confringitur, quod eam solam potestatem ipsis traditam concedit, quæ in Ecclesiæ ædificationem vergit; vetat autem eam, seu eum potestatis abutum, qui cederet in destructionem? Immo cum canones in ædificationem Ecclesiæ fuerint constituti; iisdem quoque aliqua ratione constringi dici possunt summi Pontifices, quatenus cum ipsis, si vigeant, copulatur naturale ac divinum jus prohibens, ne sine iusta causa in iis dispensetur, aut aliqua mutatio arbitraria inducatur: siquidem in ipsis particularium quoque ecclesiarum moribus nullo canone, sed sola consuetudine firmatis, ubi de mutatione etiam utilis inducenda agatur, magna circumspectione utendum est: *Ipse quippe mutatio consuetudinis, etiam quæ adjuvat utilitate, novitate perturbat*, ut Augustinus recte monuit epist. 54. al. 118. ad Januarium num. 6. Velim hæc adversarios attente perpendere: & num ii qui potestatem plenissimam & supremam quidem, at indicatis divini ac naturalis juris limitibus circumscriptam, neque a canonum receptorum norma, nisi ubi expediat aut necesse sit, omnino solutam Romanis Pontificibus asserunt, nimium & per excessum asserant, æquo judicio decernant; & , ut confido, objectam criminationem odii plenam agnoscent ac respuent. Id autem multo magis præstabit, quisquis consideret potestatem dispensandi, derogandi, aut mutandi in canonibus discipli-

nz, quæ ex sola iusta causa publicæ utilitatis aut necessitatis Papæ tribuitur, ipsos canones reipsa nequaquam impetere: *quia* (ut in epistola ad Avitum docuit Symmachus Papa laudatus a Bossueto) *quod sit præter regulam, modo sit EX JUSTA CAUSA, non infringit regulam* (canonum regulam intelligit) *quam sola perveracitas & antiquitatis contemptus ledit.* Nam *quavis a Patribus statuta diligenti observatione, & observanti diligentia sunt custodienda; nihilominus propter aliquod bonum de rigore legis aliquid relaxatur; quod & ipsa lex cavisset, si prævidisset: & sepe crudele esset insistere legi, cum observantia ejus esse præjudicialis Ecclesiæ videtur; quoniam leges ea intentione latæ sunt, ut proficiant, non ut noceant.* Quo uno testimonio diligens lector nostram sententiam firmatam comperiet.

tit. 10. De
sens. c. 19.



CAPUT IV.

De cānonibus disciplinæ in generali concilio editis, qui Pontificio consensu seu confirmatione carent.

§. I.

Canones ejusmodi non approbati auctoritate summi Pontificis ipsum non obligant.

EX PEDITA præcedenti capite prima questionis parte de disciplinæ canonibus in generali concilio editis, quos Apostolicæ sedis probavit auctoritas, nunc agendum de altera parte quoad eos scilicet generalium conciliorum canones, quibus summi Pontificis assensus aut confirmatio defuit. Hos autem non obligare ipsum Pontificem nemo jure vocabit in dubium, si memoria recolar celebrem canonem pro Constantinopolitanæ sedis prærogativa Calchedone constitutum, qui tandem per se irritus & inanis fuit, quamdiu Romanæ sedis caruit assensu. S. Leo quidem adeo se eo canone non obligari credidit, ut eidem repugnarit acerrime. Neque dicas eundem canonem etiam contradicente S. Leone effectum obtinuisse. Obtinuit sane in Oriente, obtinuit, sed factis, & cessione atque assensu eorum, quorum intererat, non autem jure obtinuit, ita ut Occidentales aut Orientales ipsos cogeret; multo autem minus ut cogeret S. Leonem, qui ab adversariis quoque laudatur ob zelum atque constantiam, qua restitit. Neque vero eo solo nomine ei canonem potuit repugnare, quia Nicænos canones impetebat, verum etiam quia canon in quacumque frequentissima synodo

odo editus, quoad desit Pontificia approbatio, œcumenicæ synodi canon nec est, nec appellari potest. Cum generalium conciliorum sit æqualis auctoritas, in rebus autem disciplinæ, quæ variari sunt obnoxie, synodus, quæ vere sit generalis, abrogare possit atque mutare, quod in alia generali synodo statutum fuit; cur Calchedonenſis in edendo canone pro Constantinopolitanæ sedis prærogativa Nicænis canonibus derogare non potuit, nisi quia hi confirmati a Romana sede infringi non poterant Calchedonenſi decreto, quod ejusdem sedis approbationem non obtinuerat? Quid ita? Quia scilicet illi ob approbationem Romanæ sedis vim & auctoritatem generalis synodi fuerant conſequuti, & idcirco totius Ecclesiæ veneratione erant consecrati: memoratum vero Calchedonenſe decretum, ejus approbationis expers, carebat generalis synodi auctoritate, qua accedente (uti postea tandem accessit) Nicæni Concilii disciplina in Calchedonenſi mutari potuisset.

2 Ad hoc apertissimum argumentum elidendum quam infirma sunt illa duo, quæ Bossuetus reposuit. Air primo eos, qui hæc obijciunt, ne statum quidem quæstionis intelligere. Defendimus enim Constantiense Concilium, quo nempe Concilii potior auctoritas agnoscat in fide, in schismate, in reformatione generali promovenda. At Orientales Episcopi isto canone Episcopo Constantinopolitano consulebant, Imperatori gratificabantur, non fidei, non schismati, non reformationi generali providebant: immo vero rectum ordinem, & primarum sedium honorem ab antiquo institutum evertebant, qui rei universæ Ecclesiasticæ conducere videretur ac proinde ad nostram quæstionem non pertinet quidquid actum ab illis fuit. Nihil hæc nisi fucum & confusionem rei, de qua disputamus, offundere queunt. Nonne vera & genuina præſens quæstio in eo sita est, num Concilium generale per se sit potioris auctoritatis auctoritate summi Pontificis, ita ut ejus decreta ipsum Pontificem obligent etiam invitum, & ad eundem obligandum ipsius approbatione & consensu non epeant? Qui per se se Pontifice superior, & potioris auctoritatis esset, num in tribus illis gravioribus & extraordinariis casibus tantum, de quibus Constantiense concilium loquitur, & non in aliis etiam potiori auctoritate fieretur? Scio Bossuetum

lib. 8. Dissert. c. 8. n. 2. p. 55.

alibi conciliorum generalium necessitatem ad eos tantum tres casus extraordinarios atque rarissimos restringere, ne, si extendisset ad omnes etiam frequentiores & obvios, improbis hoc tribunal, quod semper præsto non est, nec facile præsto esse potest, appellantis favere videretur. Ipsorum vero conciliorum generalium auctoritatem, quacumque occasione cocant, si per se sint supra Papam, intra eosdem rariores casus coercere non licet; & canones disciplinæ ab illis editi ligare deberent ipsum Pontificem, si per se iisdem esset inferior, sicut alios quoslibet inferiores Episcopos ligant. Rectus ordo ac primarum sedium honor a Nicæna institutus seu confirmatus, cum nec divini nec naturalis sit juris, mutatis rerum circumstantiis, a posteriori æqualis auctoritatis œcumenico concilio potuissent mutari non assentiente Romano Pontifice, si ad vim generalis concilii hujus approbatio aut assensus non requireretur. Canon controverfus legatis absentibus conditus actione XV. cum Patres nihil de contradictione cogitarent. Cum vero in sequenti actione XVI. legatis petentibus recessus, istorum contradictionem incurrit; num Patres Concilii contenderunt, canonem omnium consensu statutum ob dissensum ejusmodi generalis concilii vim non amittere, nec posse ab ipso summo Pontifice, utpote inferioris auctoritatis, irritum fieri? Immo tota synodus, ipse Imperator, & Anatolius CP. Episcopus ad Leonem scripsere petentes, ut eum canonem probare dignaretur; & synodi Patres iis verbis sunt usi, quibus se inferiores, Papam vero superiorem prætulerunt. *Rogamus igitur*, inquit, *et tuis sententiis nostrum honora iudicium; et quemadmodum nos consensum in bonis CAPITI consulimus; sic et CAPUT FILIIS, quod decet, adimpleat.* Nonne caput membris superior est, patre autem filii sunt inferiores? Quis ergo neget Pontificium consensum requiri, quem tam expresse & adeo necessarium agnovere ipsi generalis Concilii Patres, ut Anatolius testatus sit, *vim omnem et confirmationem auctoritatis vestræ Beatitudinis fuisse reservatam?* Neque enim alia de causa fuit reservata post decretum a Patribus absolute editum, nisi quia audita legatorum contradictione ad vim generalis Concilii Pontificis approbatio necessaria habebatur.

Ep. 98. al. 77.
Inter Leon.
c. 4.

Inter Leonis
ep. 132. al.
105. c. 4.

3 Alterum porro, quod Bossuetus subdit, thesim, quam debebat statuere, quodammodo destruit. *In eo canone statuendo*, inquit, (Patres Concilii, qui erant Orientales) *nequaquam Concilii generalis auctoritate gaudebant, a quorum decretis in ea actione cum sede Apostolica univ-*
ersus Occidentem recedebat: quia scilicet concilio præter Orientales soli ex Occidente Pontificis legati aderant, qui contra eum canonem Pontificis nomine protestati fuerant. Si hi, aut Pontifex assensisset laudato decreto, nonne generalis concilii vim & auctoritatem obtinuisset, tametsi alii Occidentales Episcopi, qui non acceperant ad eam synodum, assensum suum non declarassent? Id sane sufficiens crediderunt Patres, dum solius Papæ approbationem confirmationemque petierunt, & vim quidem totam ejus judicio reservatam declaravit Anatolius: idipsumque adversarii, ut arbitror, non inficiabuntur. Orientalium ergo frequentissima synodus, ejusque canones indigent Papæ confirmatione & assensu, ut generalis concilii vim & auctoritatem consequantur; carent vero tali auctoritate ac vi, si desit ejusmodi assensus, pateatque dissensus. Id autem dum thesim nostram, quæ Pontificiam approbationem requirit, Chalcedonensi facta satis evidenter probatam adstruit, contrariam a Bossueto præsumptam, eodemque Chalcedonensi facta reprobam destruit. Sed alia in id evidentiore adjiciam.

Ep. 98.

§. II.

De necessitate approbationis Pontificiæ in cano-
nibus disciplinæ, ut generalis concilii vim &
auctoritatem obtineant.

4 Necessitatem quidem Pontificiæ approbationis five consensus ipsa generalium Conciliorum communis notio atque natura demonstrat. Quid enim est generale Concilium, nisi Episcoporum ex toto Christiano orbe convocatio atque conventus sub Romano Pontifice totius Ecclesiæ capite? Ut habeatur synodus vere œcumenica, haud necesse est omnes omnino Episcopos convenire, cum id pene impos-

Concilii generalis notio.

Romanus
Pontifex quod
necessarius.

sibile sit ; & siquidem esset possibile , non expediret omnes simul ubique locorum proprias ecclesias deserere . At Romanus Pontifex vel per se vel per legatos œcumenico concilio adesse ita necessarium est , ut , si desit , synodus etiam si Episcoporum numero frequentissima , generalis non sit , nec esse possit . Synodus nimirum generalis idcirco per se maximi est præ quibuscumque particularibus conciliis , quia ob Episcopos ex tota Ecclesia congregatos repræsentat universalem Ecclesiam . Hæc autem cum sit corpus Christi visibile , visibili capite prædita est , quod ipsi a Christo in S. Petro ejusque successoribus constitutum fuit . Hocce caput per se Ecclesiæ personam gerens (ut de S. Petro Augustinus loquitur) quomodo Ecclesiam repræsentare queat , commodè explicare & intelligere licet : solum vero corpus non ita ; cum corpus sine capite truncus sit , qui totum hominem nec repræsentat , nec repræsentare potest . Episcopi , qui suarum cujusque ecclesiarum , metropoleon , vel ampliorum diœceseon sunt capita , earum personam repræsentare queunt ; totius vero Ecclesiæ , cuius nemo illorum est caput , nequeunt personam gerere , nec eandem universalem Ecclesiam repræsentare (1) , nisi cum ipsis sit summus Pontifex , qui solus jure divino est totius catholicæ Ecclesiæ caput . Hoc porro caput non ob materiale tantum præsentiam generali concilio necessarium est , sed præcipue ob directionem & assensum , qui capiti præ ceteris membris potissimum competit . S. Cyprianus , qui Ecclesiam definivit , *Plebs sacerdoti adunata , & pastoris suo grex adherens* , vocibus sacerdotis & pastoris Episcopum

Cur.

Ep. 69.

(1) Cum verissima sit illa S. Ambrosii ratiocinatio , de qua in opere præcedenti De vi & ratione primatus c. 11. n. 2. & 3. egi : *Ubi ergo Petrus , ibi Ecclesia* ; si loquamur de Concilio generali , quod Ecclesiam repræsentet , vera pariter erit ista : *Ubi ergo Petrus , aut Petri successores* (qui

eodem jure conciliis generalibus præsident) *ibi concilium generale* : & consequenter vera erit pariter hæc : *Ubi ergo nec Petrus , nec Petri successores adsint , quæcumque sit Episcoporum congregatio , ibi generale concilium nec erit , nec esse poterit* .

pum cujusque ecclesie designans, ita hunc cuique particulari ecclesie necessariam & essentialem ejus partem habuit, ut non dubitarit statim subjicere, *Episcopum in ecclesia esse, & ecclesiam in Episcopo*: quæ non obscure significant, sine Episcopo, qui tamquam caput præsit Ecclesie, corpus Ecclesie mysticum atque visibile constitui atque intelligi nequaquam posse. Num caput, quod in qualibet particulari ecclesia necessarium est, in sola generali Ecclesia, & in generali synodo, quæ visibile universæ Ecclesie corpus repræsentat, non erit necessarium? Necessitatem Episcopi capitis in quavis particulari ecclesia, non in meram præsentiam aut repræsentationem ipsius ecclesie retulit idem Cyprianus, sed in auctoritatis necessitatem, *Ut ecclesia super ipsos constituatur, & omnis actus ecclesie per eosdem præpositos gubernetur*: & in hunc finem jurisdictionem ac potestatem clavium a Christo traditam præmissum ab eo testimonium ex Matthæo c. 16. satis indigitat. Id ipsum clarius explicans Clerus Romanus in litteris ad ipsum Cyprianum datis post S. Fabiani mortem, innuit se non posse quicquam decernere in causa de lapsis, de qua Africani scripserant, hac ratione allata, quia nondum Fabiani successor fuerat constitutus, *qui omnia ista moderetur, & eorum, qui lapsi sunt, possit cum AUCTORITATE & CONSILIO habere rationem*. Consilium ad directionem, auctoritas ad jurisdictionem & vim coactivam refertur. Si in concilio particulari Romanæ Ecclesie tanta capitis necessitas est, nonne in universalis quoque Ecclesie synodo, si non major, eadem saltem capitis necessitas, eademque necessitatis ratio est agnoscenda, ita ut S. Petri successores tamquam universalis Ecclesie & generalium Conciliorum capita potestate sibi a Christo tradita utentes, omnia gesta non minus consilio dirigant, quam muniant auctoritate atque consensu? Hunc quoque consensum profecto exigit illud pluries repetitum & ingestum adversariorum veluti axioma, quo generalium Conciliorum vim omnium maximam ac plane invictam collocant in consensu corporis Episcoporum cum capite. Quo respiciens Bossuetus lib. 7. *Defensionis* al. 10. c. 13. n. 9. post laudata quædam ex actis Ephesini & Chalcedonenis concilii verba, quibus idem consensus exprimitur, scripsit: *Hæc ergo summa auctoritas*, T. 2. pag. 20,

summa

Ep. 32. inter
Cyprian.

summa vis, quod membra & inter se, & Romano Pontifici conjunguntur: quod ex consensione invictum Ecclesiastici judicii robur. Et similiter lib. 8. c. 9. constitutivum & quasi characterem, quo synodi œcumenicæ assertantur, esse, ait, *Ecclesiæ universalis consensum cum Apostolicæ sedis confirmatione conjunctum.* Ubi igitur desit consensio, seu approbatio capitis, ex solis Episcoporum suffragiis non erit summa decretorum vis, nec robur illud invictum, quod generalis synodi proprium sit.

21. pag. 87.

vid. si pacet.
§. L

§ Quodli consideretur jurisdictio Ecclesiæ collata a Christo Domino, ex qua eorumdem conciliorum generalium vis maxime pendet; cum adversarii hanc Ecclesiæ immediate collatam affirmant in Petro & Apostolis; Ecclesiæ nomine proculdubio intelligunt Episcopos Apostolorum successores, & Romanos Pontifices successores S. Petri, ex quibus cum constet generale concilium, generali quoque concilio eandem jurisditionem immediate traditam & competentem pronuntiant. Ipsam vero jurisditionem cum clavibus & potestate ligandi atque solvendi S. Petro promissam & datam per se se independentem ab aliis Apostolis, his autem postea traditam non separatim a Petro, sed simul cum Petro superius observavimus c. 1. num. II. quia nimirum Apostoli & Episcopi istorum successores jurisditionem quidem habent in unitate cum Petro & successoribus ejus, non vero extra, & multo minus contra hanc unitatem, nec contra ipsum caput, centrum, & radicem unitatis: hoc autem caput cum jurisditionem & claves separatim sine aliis, seu ab aliis independentem acceperit, ligare alios poterit, ligari autem non poterit ab aliis qui nonnisi in unitate ejus jurisditionem obtinuerunt. Ubi ergo in conciliorum decretis Romani Pontificis assensus, seu confirmatio desideratur; deest id quod est maxime necessarium, ut decreta vim & jurisditionem generalis concilii habeant. Cum scilicet Ecclesia a Christo jurisditionem non acceperit nisi in Petro, & in unitate cum Petro; quomodo concilia œcumenica universam Ecclesiam representantia jurisditionem exercere poterunt decretis, quæ nec edant cum Petro, nec in unitate cum ipso? Hinc quidem frequentissimæ quoque synodi decretis, assensu aut confirmatione sedis Apostolicæ carentibus, vis generalis synodi tribui

tribui non potest ; & licet quædam disciplinæ decreta Romano Pontifice non contradicente aut non irritante obligare & cogere potuerint eos , qui ejusdem synodi Episcopis suberant ; non tamen cogere & obligare potuerunt supremum caput summum Pontificem , in quem nemini illorum jus erat , ut vel ex Calchedonenſi canone antea laudato manifestum est. Hac de causâ consensus & approbatio Romanæ sedis a synodis œcumenicis quæſita fuit etiam in canonibus disciplinæ , ut (2) ex Nicænæ , & Ephesinæ , Calchedonenſis &c. gestis liquet , nec non ex novissimo Tridentino generali Concilio . Cur tanta confirmationis obtinendæ sollicitudo fuit , nisi quia ob ejus defectum vis œcumenicæ synodi decretis & canonibus deesse persuasum erat ? Vera est siquidem illa S. Leonis ſententia epist. 104. al. 78. ad Imperatorem Marcianum scripta occasione memorari canonis Calchedonenſis pro Constantinopolitanæ sedis prærogativis constituti , quem idem Pontifex approbare noluit : *Nec præter illam petram , quam Dominus in fundamento*

(2) Nicænos quidem Patres omnia gesta miſiſſe ad Papam Silveſtrum tradit præſatiuncula Nicænſis canonibus præfixa in quibusdam antiquis diverſæ originis verſionibus , quæ ex Græco fonte proficiſcuntur : confirmationemque rerum atque auctoritatem Romanæ Eccleſiæ ab iſſdem petitam , affirmare non dubitarunt Patres Romanæ ſynodi anni 485. uti explicavimus tomo III. noſtræ editionis Venetæ Operum S. Leonis col. 45. not. 43. Quodſi hæc confirmatio a Nicænſis Patribus non credatur miſſis geſtis quæſita ; aſſenſus ſaltem per Pontificios legatos iſſis canonibus præſtitus , & ſubſequenti receptione eorundem

canonum comprobatus , ad vim generalis ſynodi ſufficere potuit . Non recenſui hoc loco in textu Conſtantinopolitanum concilium , quod generale ſecundum appellari ſolet ; hoc enim ex ſolo Oriente congregatum , per ſe ab initio generale non fuit ; nec poſtea inter generalia computari cœpit quoad canones , quos ſedes Apoſtolica non approbaverat , ſed quoad ſymbolum fidei tantum , cum deinceps huic ſymbolo ejusdem ſedis approbatio acceſſit. Vide hac de re *Traſtatum de antiquis canonum collectionibus* , quem præmiſimus tomo tertio memoratæ editionis pag. LIII. & ſeqq.

mento posuit, stabilis erit ulla constructio. Ipsi adversarij id sane præsumpserunt, cum in Declaratione Cleri Gallici an. 1682., ut Constantiensibus decretis vim & auctoritatem œcumenicæ synodi assererent, ea *a sede Apostolica comprobata* affirmarunt num. 2. quod vere ne, an falso affirmarint, postea expendemus c. 7. Quæ generalis concilii vim & auctoritatem obtinent, accedente approbatione & assensu summi Pontificis, ejus sunt generis, de quo egimus capite præcedenti, nullumque in ipsum Pontificem jus coactivum, nullam ipsius concilii jurisdictionem in eundem adstruunt: vis enim omnis, quæ ex alicujus assensu pendet, omnem coactionem & imperium excludit. Quæ vero ejusmodi approbatione & consensu carent decreta, & ob ejusmodi defectum generalis concilii vim non habent, quomodo obligare & cogere possint Papam, quem soli generali concilio subjectum adversarii existimant, nemo coherenter ratiocinans intelliget. Numquid enim generalis concilii decreta sunt & dici possunt, quæ ob eum defectum generalis concilii vi & auctoritate privantur?

6 Sed quid morosius in his distineor, si vim coactivam in Papam hujusmodi decretis inesse nemo suaserit, nisi prius ostendat, Patres Concilii, cum aliquid statuunt in materia disciplinæ, non assentiente vel etiam dissentiente summo Pontifice, licet per se se inferiores sint ipso supremo Hierarcha, jus tamen in eundem superiorem suum habere, quod plane repugnat: nemo enim nisi superior in inferiores, sibi que subjectos jus coactivum habere, aut exercere potest. Hanc potissimam rationem, & *a priori* (ut scholæ appellant) nisi adversarii æqua responsione solvant, inani conatu laborabunt.

§. III.

De jure summi Pontificis in omnes Episcopos etiam collectos in generali synodo, ex quo omnibus superior, conciliaribus ipsorum decretis in materia disciplinæ ejus approbatione carentibus cogi non potest. Distinctio inter Episcopos di-
juribus

stributive, aut collective sumptos ab adversariis ingesta, quam sit inanis, & rationi primatus repugnans.

7 Vide autem quid illi excogitarint, ut memorarum efficacissimum argumentum eludant. Dicunt nemini quidem Episcoporum & Patrum Concilii, si separatim ac distributive considerentur, jus coactivum competere in Papam, qui singulis superior est; sed aliter sentiendum de omnibus sumptis collective & adunatis in generali Concilio. Velim adversarios, qui antiquitate gloriantur, hanc distinctionem aliquo antiquo textu probare. Verus certe Ecclesie traditio contraria est. Romanis enim Pontificibus jus attributum fuit ab antiquis non modo in singulos Episcopos distributive sumptos, verum etiam collective in omnes & in universalem Ecclesiam. Sicut enim antiqui passim affirmant S. Petrum fuisse prepositum omnibus Apostolis, totique Ecclesie catholice; ita & de successoribus S. Petri, quos pariter pronuntiant cunctis non solum fidelibus, sed etiam Episcopis Apostolorum successoribus, totique prefectos Ecclesie. Audiantur ex antiquis Gallicani Episcopi Metropolis Arelatenfis, qui in epistola ad Leonem Magnum non dubitarunt scribere: *Per Beatum Petrum Apostolorum principem sacrosancta Ecclesia Romana (in successoribus ejusdem Petri) tenet SUPRA OMNES TOTIUS MUNDI ECCLESIAS principatum*. Audiat quoque pro ceteris alius Gallicanus S. Bernardus, qui anteriorum Patrum, ac Gallicane, immo & catholice Ecclesie doctrinam expressit: *Plenitudo siquidem potestatis SUPER UNIVERSAS ORBIS ECCLESIAS singulari prerogativa Apostolice sedi donata est*. Non *super singulas*, inquit, sed *super universas*, quod potestatem in omnes collective acceptas designat. In his Episcopos ecclesiarum capita comprehendendi, & omnes quidem collective, declarant illa ejusdem Sancti ex libro secundo de *Consideratione* ad Eugenium Papam c. 8. n. 15. *Tu es, cui claves tradite, cui oves credite sunt. Sunt quidem & alii celi janitores, & gregum pastores: sed tu tanto gloriosius, quanto & differentius utrumque præ ceteris nomen hereditasti.*

Huic distinctioni contrahit traditio.

Ep. 65. al. 29. c. 2.

Plenitudo potestatis Apostolice sedi data.

H

Ht.

Habent illi singuli sibi assignatos greges, singuli singulos : (3) tibi universi crediti, uni unus. Non modo ovium, sed ET PASTORUM tu unus OMNIUM pastor. Unde id probem queris? Ex verbo Domini. Cui enim non dico Episcoporum, sed etiam Apostolorum sic absolute & indiscrète totæ commisse sunt oves? Si me amas, Petre, pascere oves meas. Quas? Illius vel illius populos civitatis, aut regionis, aut certi regni? Oves meas, inquit. Cui non planum non designasse aliquas, sed assignasse OMNES. Et post pauca de Episcopis n. 16. Alii in partem sollicitudinis, tu in plenitudinem potestatis vocatus es. Aliorum potestas certis arctatur limitibus; tua extenditur & in ipsos, qui potestatem super alios acceperunt. Et dein: Quisque ceterorum (Episcoporum) habet suam, tibi una commissa est grandissima navis facta ex OMNIBUS ipsa UNIVERSALIS ECCLESIA toto orbe diffusa. Qui universali Ecclesie, omnibusque etiam pastoribus & Episcopis jurisdictione præstet, nonne in omnes collective jus habet?

8 Hinc in decreto pro unione Græcorum, cui subscripserunt ipsi Græci in Florentino Concilio, jure definitum legitur Sanctam Apostolicam sedem & Romanum Pontificem in UNIVERSUM ORBEM tenere primatum, & ipsum Pontificem Romanum successorem esse Beati Petri principis Apostolorum, & verum Christi vicarium, totiusque Ecclesie caput, & omnium Christianorum patrem ac doctorem existere, & ipsi in B. Petro pascendi, regendi, & gubernandi UNIVERSALEM ECCLESIAM a

D. N.

(3) In hanc sententiam S. Gregorius lib. 5. epist. 20. ad Imperatorem Mauricium, *Voce Dominica*, inquit, sancto & omnium Apostolorum Petro Principi TOTIUS ECCLESIE cura commissa est. Et antiquus Gallicanus Episcopus sub Eusebii Emiseni nomine vulgatus, in Natali SS. Petri &

Pauli Sanctum Petrum non solum pastorem, sed & pastorem pastorem constitutum affirmans, addidit: *Pascit igitur Petrus agnos, pascit & oves; pascit filios, pascit & matres; regit & subditos & Prælatos. OMNIUM igitur pastor est, quia præter agnos & oves in Ecclesia nihil est.*

D. N. Jesu Christo plenam potestatem traditam esse, (4) quemadmodum etiam in gestis conciliorum & canonibus continetur. Si Romanus Pontifex ex Christi institutione plenam potestatem accepit pascendi, regendi, & gubernandi universalem Ecclesiam; non in singulas & particulares tantum Ecclesias distributive & separatim acceptas, sed (5) in omnes collective sumptas, ex quibus sane sumptis collecti-

Leſſio decre-
ti Florentini
vindicta.

H 2

ve

(4) Quidam adversarii præferentes hoc loco lectionem editionis anni 1526. his verbis expressam, *juxta eum modum, qui & in gestis conciliorum, & canonibus continetur*, contendunt potestatem Pontificiam in universam Ecclesiam vi eorundem verborum subjici canonibus conciliorum, damnantque alias editiones, ac si textum corruptum exhibeant. Verum editionibus non est opus, ubi quinque, vel potius sex originalia exempla latinum & græcum textum proferentia cum originalibus, seu autographis subscriptionibus supersunt, quæ verba a me exhibita vindicant, illa vero editionis anni 1526. ignorant. Vide hac de re fuse differentem Cardinalem Ursinum cum P. Thoma Mamachio lib. 6. de Romani Pontificis auctoritate cap. 11. art. unico, ubi quinque originalibus exemplaribus laudatis (sextum, quod addidi ex nostro Maffeo Hist. diplom. l. 1. p. 87. custoditur in archivo publico Bononiensi) genuinum quoque eorum verborum sensum, coherentemque cum textu græco, & cum

ipsis etiam conciliorum gestis demonstrat, omneque effugium de medio plenissime tollit. Quamquam etiamsi recipienda esset lectio editionis 1526. *juxta eum modum* &c. nihil nos turbaret, offenderet nihil. Quis enim negavit umquam Pontifices in pascenda, regenda, & gubernanda universali Christi Ecclesia debere adhibere modum contentum in sacris canonibus, quos abs se quoque sequendos ipsi Pontifices professi sunt? Nulla in hoc quaestio, sicut & nulla ex hujusmodi professionibus Pontificum, de quibus dixi capite præcedenti num. 1. & 2. Tota autem quaestio est, num id debeant jure ipsorum canonum, & eorum quidem canonum, quibus assensus Pontificum defuit, ac si juri ipsorum coactivo subſint; an vero altiori illo divino ac naturali jure, quod sine præjudicio supremæ auctoritatis obligat, uti eodem capite explicavimus.

(5) Hanc eandem potestatem Romani Pontificis in omnes Ecclesias satis clare præsumpſisse atque indicasse videtur

ve constat universalis Ecclesia, potestatem habet, ac proinde habet etiam in Patres quoque Conciliorum generalium, quæ illam repræsentant, nec majori quam ipsa universalis Ecclesia privilegio gaudent.

Censura in
propositio-
ne Wicleffii,
quatenus non
tuit, expli-
catur.

9 Non deerunt fortassis, qui hisce testimoniis opponant decretalem *Inter cuncta* Constantiensis concilio approbante editam a Martino V. sessione ultima, ubi Wicleffii propositio, *Non est de necessitate salutis credere, Romanam Ecclesiam esse supremam inter alias Ecclesias*, hac censura configitur: *Error, si per Romanam Ecclesiam intelligas universalem Ecclesiam, aut Concilium generale, aut pro quanto negaret primatum summi Pontificis super alias Ecclesias particulares*: quibus postremis verbis Ecclesiæ quidem particulares, non vero ipsa universalis Ecclesia, aut generale Concilium eam repræsentans, primatui seu Pontificiæ jurisdictioni subijcitur. Hæc Martinus V. totidem verbis expressit

ipsa generalis synodus Nicæna I. eum decrevit paschalem diem quotannis ab Alexandrina ecclesia ob peculiarem ipsius in paschali calculo peritiam Romanæ Ecclesiæ significandum, ut hæc pro sua auctoritate in universam Ecclesiam omnes adigeret ad eundem diem sine ulla disceptatione ubique celebrandum. Sic enim de hoc decreto Nicæno scribit S. Cyrillus Episcopus Alexandrinus. in prologo paschali apud Bucherium: *Cum iis igitur, atque huiusmodi dissensionibus (circa diem paschæ) regula turbaretur; sanctorum totius orbis synodi consensione decretum est, ut quoniam apud Alexandriam salis esset reposita Ecclesia, qua in huius scientia claretur, quæ Calendarum vel Iduum, quæ Luna pascha debeat celebrari,*

per annos singulos Romana Ecclesia literis insinaret, unde APOSTOLICA AUCTORITATE UNIVERSALIS ECCLESIA per totum orbem definitum paschæ diem SINE UL- LA DISCEPTATIONE cognosceret. Vides Apostolicæ auctoritati in universalem Ecclesiam eam vim coactivam attribui, quæ omnem dubitationem de medio tolleret? Cur id non Alexandrino, sed Romano Pontifici adtributum, & huic quidem adtributum non ex delegatione quadam ipsius concilii, sed ex Apostolica ipsius auctoritate, nisi quia non Alexandrini, sed Romani tantum Antistitis Apostolicam auctoritatem ad universam Ecclesiam omni sublata dubitatione cogendam per se sufficere Nicæni Patres certissime noverant?

scripsit ex actis Patrum Constantiensium in condemnandis erroribus Wicleffi; Patres autem Constantienses jure notarunt erroris, & erroris sane contra fidem, de qua tum decidendum fuit, negare primatum & jus Pontificium super particulares Ecclesias. Num vero par error contra fidem dici posset negare primatum & jurisdictionem Pontificis super universam collectivè Ecclesiam, de qua re tunc tanta erat controversia; quis non videat non fuisse pariter decidendum ab iisdem Patribus in eo concilio, in quo jus supra ipsum Pontificem generali synodo tribuere ex circumstantiis ejus temporis necessarium videbatur? Cum itaque Martinus V. sub finem synodi ea verba suæ constitutioni inserta recepit confirmavitque, illud recepit & confirmavit, quod certum & verum erat ex catholica fide; neque hoc approbare idem est, ac negare potestatem Pontificis in universam Ecclesiam, sed est tantum id præmittere, quod tum in magnam controversiam adductum apud catholicos, ita certum de fide affirmari non poterat, uti certum erat ex ea parte, quæ particulares ecclesias respicit. Hinc ergo deduci tantummodo patet, primatum & potestatem Papæ supra universalem collectivè Ecclesiam, & ex consequenti supra generales synodos eam representantes tunc non fuisse definitum. Num vero quod tunc definitum non fuit, ex testimoniis antiquorum Patrum aliisque momentis hæcenus allatis, & mox adjiciendis satis manifeste colligatur, quivis haud præoccupatus adversarium præjudiciis facile dignoscet.

IO Ratio quidem Pontificii primatus idipsum exigit. Cum enim primatus non meri honoris & ordinis, sed peculiaris jurisdictionis institutus fuerit a Christo in bonum unitatis Ecclesiæ, ut capite constituto scissurarum & schismatis tollatur occasio; vim profecto coactivam in omnes collectivè debet habere, sine qua latus schismatibus & scissuris aditus pateret, unitatisque bonum obtineri non posset. Hinc qua ratione ea vis in singulos ab adversariis conceditur causa primatus, eadem in omnes collectivè concedenda est, cum universæ Ecclesiæ unitas non ex singulis tantum, sed ex omnibus collectivè sumptis & in unum coactis redeat. Quodsi hæc non valere credantur in materia disciplinæ, in qua non ita unitas omnium necessaria est, ut in

Primatus
ratio exigit
vim in om-
nes.
Fid. De vi
primat. c. 2.
& 9.

ut in negotio fidei; nonne ex primatu Romanis Pontificibus jus a sanctis Patribus & potestas tribuitur non solum præcipiendi singulis, verum etiam ferendarum legum disciplinæ, quæ ex legum natura non singulos tantum, sed omnes etiam obligant? Caput, quod præest non tam singulis quam omnibus membris, non tam singula quam omnia pro suo jure regit & moderatur. Cum Patres Calchedonenses de se in Concilio collectis scripserunt ad Leonem Papam, *Quibus tu quidem sicut membris caput præeras*; nonne verbo præesse superiorem in se collective sumptos auctoritatem eidem tribuerunt, qualis capiti in membra collective sumpta competit? Patres quoque in Ephesina synodo adunati, cum se coactos litteris Coelestini affirmarunt ad depositionem Nestorii, nonne potestatem in se coactivam pariter agnoverunt? Summus pastor, cui subordinati sunt atque subiecti inferiores pastores, imperare utique non solum singulis verum etiam omnibus potest. Obedientiæ quoque debitum, quo singuli obligantur summo Pontifici, cum neminem excipiat, omnes etiam collective sumptos adstringit. Jure propterea inter ipsos recentiores heterodoxos Jo. Laurentius Moshemius (6) in dissertatione *De Gallorum appellationibus ad concilium universæ Ecclesiæ unitatem Ecclesiæ visibilem tollentibus*, hanc eorundem celebrem distinctionem de potestate summorum Pontificum in omnes singillatim seu distributive, non vero collective sumptos paucis refellens scripsit: *Quod universis, sive singulis Ecclesiis præesse Pontificem dicunt, non universæ Ecclesiæ, id tam mihi scitum videtur, ac si quis affirmaret, membra quidem a capite regi, non vero quod ex membris constat corpus; aut urbes quidem omnes, villas, & prædia subesse Regi, non vero, quæ his continentur, ipsam provinciam*. Bossuetus etsi distinctionem distributivæ & collectivæ alicubi ingerit; tamen in *Defensione* lib. 10. al. 15. c. 5. Romanos Pontifices *universæ Ecclesiæ præesse* affirma-

(6) Legitur inter ejus *Disser- sionem pertinentes* edit. Altonæ
ertationes ad historiam Ecclesiæ viz 1733. t. 1. pag. 612.

affirmare non dubitavit : quod ex antiquorum formula communique sensu totam Ecclesiam collective acceptam denotat.

11 Audirem libenter, undenam adversarii colligant probentque, Pontificium jus, quod negare nequeunt in singulos, non æque posse vim suam in omnes in œcumenica synodo collectos exerere. Dicent fortassis ex natura concilii generalis, in quo totum jus Ecclesie refidet? Qui id affereret concilio sejuncto a capite, cui scilicet caput non præbet assensum, principii, quod negatur, & in questionem venit, vitiosam, ut vocant, petitionem incurreret; decretis enim editis sine assensu capitis, concilii generalis vim & auctoritatem detraximus, quippe quam ipsi adversarii docentibus sitam esse vidimus in consensu membrorum, seu corporis Episcoporum cum capite. Num ex sola convocatione legitima, cui Papa assensus sit, generalis concilii vis Patribus collective sumptis ita acquiritur, ut etiam sine capitis assensu, vel potius cum dissensu, illorum decreta omnes ipsumque Pontificem obligent? Nonne concilium Ephesinum II. convocatione legitimum, deficiente assensu capitis nihil potuit non solum in materia fidei, sed neque in negotio disciplinæ? Nonne Calchedonense fuit legitime convocatum? Cur ergo canon de prærogativa Constantinopolitanæ sedis, cui Papa assensus non est, vim generalis synodi, qua Leonem cogeret, ex ipsa legitima convocatione non est consequutus? Nonne ipsi Patres Calchedonenses, cum Pontificiam approbationem præsertim pro eo canone sollicitè postularunt, Pontificii assensus necessitatem agnoscences, solam convocationem legitimam ad vim coactivam nequaquam sufficere præsumperunt?

12 Nemo hic omni alio subsidio destitutus, ut suadeat a distributivo minus recte argumentum deduci ad collectivum, exemplum afferat ejus, qui potest per se movere, ac ferre singulos cujusdam magni acervi lapides, non tamen omnes collective; vel ejus, qui potest pugnando singulos hostes vincere, non tamen collective omnes &c. Inepta enim prorsus hæc sunt in rem præsentem, in qua non de potentia virium corporalium, aliorumque similium agitur, sed de potestate auctoritatis atque jurisdictionis nemini

mini (7) subordinata, atque suprema, qua qui fruitur in singulos distributive, fruitur etiam collective in omnes, cum non tam singulis, quam omnibus jurisdictione præsit. Ita Dominus non tam in singulos alicujus familie homines, quam in omnes collective jus habet; Rex non tam in singulos, quam in omnes sui regni subditos; pater non minus in singulos, quam in omnes filios &c. neque ullum reperietur exemplum, quo is, qui auctoritatem seu jurisdictionem habet in singulos, non habeat etiam collective in omnes. Quomodo igitur hæc distinctio adstruatur in summo Pontifice, qui vi primatus universæ Ecclesiæ præpositus fuit a Christo, & in unitatis bonum ita præpositus

(7) Excipiendus quidem esset casus, quo quis a suæ potestatis auctore ita præpositus esset singulis alicujus magistratus, vel communitatis, ut omnium collectioni subordinatus fuisset. Quis autem hoc de S. Petro, aut de Romanis Pontificibus suspicetur? S. Petrus, qui non ab Ecclesia, sed a Christo institutus fuit Apostolorum princeps jure primatus ob custodiendam totius Ecclesiæ unitatem, jus non tam in Apostolos singulos, qui Petro erant subordinati ex cap. 1. §. 3. not. 3. quam in omnes collective obtinuit (*super omnes sine restrictione*, inquit Bosluetus laudatus supra c. 3. n. 2.); & similiter dicendum de Pontificibus Romanis, qui in idem jus primatus succedunt. Bonum enim unitatis, ob quam jurisdictionis primatus ipsi, ejusque successoribus tradita sunt, exigebat, ut qui ob custodiendam unitatem omnibus fuissent præpositi, nulli ipsorum,

nec omnium collectioni essent subordinati, ne facilis dissidiis aditus pateret; quæ si sua auctoritate ille non posset componere, munus unitatis conservandæ sibi commissum defectu potestatis ad id sufficientis non posset implere. Romanorum Pontificum potestatem in spiritualibus cum *supremam* vocat Tridentina synodus ex traditione Patrum, qui eos præpositos affirmant *UNIVERSE ECCLESIE*, jurisdictionem Pontificiam nemini subordinatam declarat, ac proinde omnibus etiam collective sumpris superiorem significat; neque distinctio antiquitati ignota inter distributivum & collectivum hac in materia induci coepit, nisi postquam ob remedium pertinacissimi schismatis necessarium visum est illorum potestatem concilio generali subicere: quod quæ sit infirmum ex sequentibus patet.

tus, ut nisi omnes collective posset cogere ad ea, quæ omnium unitatem Ecclesiæ necessariam respiciunt, idest ad fidei & communionis unitatem, inanis & inefficax esset auctoritas, Christi quæ institutio? Ex hac autem Pontificia potestate in omnes collective ob unitatem communionis & fidei profuit, ut alibi monuimus, illa suprema & plenissima Romanorum Pontificum potestas in universam Ecclesiam in rebus ceteris; quæ regimini ejusdem Ecclesiæ utilia vel necessaria videantur, etiamsi in ipsis omnium unitas non perinde sit necessaria, uti in materia communionis & fidei: neque enim idem, qui singulis distributive sumptis præpositus sit, ex parte præesse omnibus collective dici potest, ex parte autem subesse. Si vero ex constitutis Romano Antistiti jus est in omnes etiam Episcopos collective sumptos, non minus quam in universam Ecclesiam; quomodo Episcopis in generali synodo collectis jus esse potest in ipsam Pontificem? Num jus juri repugnans utrinque æquale licet adstruere? Cum ergo jus summorum Pontificum in omnes collective Episcopos, & super ipsa generalia Concilia tot momentis probatum nutare non possit; irritus semper erit eorum conatus, qui jus eorundem Conciliorum super Pontifices nulli antiquo firmo fundamento innixum, immo toti antiquitati repugnans, nec non rationi jurisdictionique propriæ primatus, defendere student. Id autem quod dixi *nulli antiquo firmo fundamento innixum, immo toti antiquitati repugnans*, multo patebit evidentius, si opinionis adversariorum seram originem novitatemque detegamus.

Ceteræ potestates Papæ quomodo ex primatu dimanant.



CAPUT V.

De fera origine & novitate opinionis, quæ
Conciliis generalibus auctoritatem &
jus tribuit coactivum in sum-
mos Pontifices.

SI tota lustretur antiquitas, cum multa documenta
supremam illam summorum Pontificum auctori-
tatem indicant in universam Ecclesiam, quæ ex
divini juris primatu fluit; & indicant quidem in
totam Ecclesiam etiam collectivè sumptam, uti primatus
ratio & scopus exigunt; tum vero nullum antiquum docu-
mentum licebit reperire, quod illos generalis concilii ju-
risdictioni subiciat. In hanc rem demonstrandam juverit
vetusta gesta recoleutes, initia ejus sententiæ inquirere, quæ
memoratis conciliis jus supra Pontifices asserit.

2 Novitatem & feram opinionum originem in mate-
riis fidei certam esse erroris notam inter omnes catholicos
convenit ex principiis Tertulliani, Vincentii Lirinensis, &
aliorum Patrum: dogmata enim fidei cum ex revelatione
divina, seu ex doctrina, quam Christus aut Spiritus San-
ctus Apostolos docuit, provenerint, nova esse non pos-
sunt: quidquid autem posterius inductum antiquam origi-
nem nequit ostendere, non revelato dogmati, sed errori
deputandum. Fieri quidem potest ut doctrina aliqua a
Christo & ab Apostolis tradita, quæ ab initio Ecclesiæ
explorate cognita, erat certum dogma, ita cursu temporis
hominum opinionibus disputationibusque obscuratur, ut quam-
diu inter catholicos controvertatur ante definitionem Ec-
clesiæ, neutra ex parte dogma certum suppetat, nec hære-
tici habeantur propugnantes sententiam, quæ subinde defi-
nitione Ecclesiæ error & falsa declaretur. Ita S. Cyprianus
& alii.

Novitas er-
roris nota in
materiis fi-
dei.

& aliorum Africæ Asiæque Episcoporum opinio de baptismo extra Ecclesiam collato hæresis non fuit, antequam Ecclesiæ definitio prodiret: & similiter hæreseos notari nequit eorum ceteroquin catholicorum sententia, qui re nondum definita summos Pontifices Conciliorum generalium jurisdictioni & auctoritati subjiciunt. Juvat nihilominus disputando hujus opinionis originem querere; & si mihi succedat ostendere, eam inter catholicos noviter inductam atque susceptam occasione schismatis pertinacissimi sub tempus Conciliorum Pisani & Constantiensis, falsitas ejus ipsa novitate demonstrabitur.

§. I.

De gestis Conciliorum generalium usque ad octavam synodum œcumenicam.

3 Cum jam inde ab initio Ecclesiæ ex perspecta divina Pontificii primatus institutione exploratum inter catholicos esset, Romanos Pontifices jurisdictionem habere in universam Ecclesiam; num eisdem subessent ipsa generalia concilia, quæ universalem Ecclesiam repræsentant, apud illos dubium non fuit. Soli hæretici post condemnationem suorum errorum appellantes a Papæ sententia ad synodum œcumenicam, hujus auctoritatem Pontificia superiorem prætulere: appellatio enim proprie dicta ab inferiori ad superiorem deferretur. At cum ipsi ad id proruperint non ex catholico sensu (omnes enim catholici ejusmodi appellationes damnabant), sed ex pertinacia in errore, ut se a legitima sententia appellationis titulo subducerent; hæc errantium & pertinacium hominum exempla apud catholicos nihil probare & evincere poterunt. Conciliorum quidem generalium Patres quantum detulerint auctoritati Apostolicæ non solum in materiis fidei, verum etiam in negotiis discipline, cum non minus in istis, quam in illis ad generalis synodi vim Pontificio assensu indigerent, patet ex constitutis cap. 2. & seqq. Cum Ephesini Patres se dixe-

runt *coactos* Cælestini litteris ad ferendam contra Nestorium sententiam, quæ ex parte definitionis pertinebat ad fidem, ex parte autem iudicii circa personam Nestorii spectabat ad disciplinam; utraque in materia jus Pontificium super se & super generalem synodum plane coactivum factis declararunt.

4 Boffuetus ut antiquitatem contrariæ nobis sententiæ constitueret, licet expenderit diligentissime omnia vetera generalium synodorum acta & documenta; nihil tamen potuit reperire, ex quo jus earum supra Romanos Pontifices uspiam colligeret. Solum excerpit quædam gesta, quibus (1) novum examen, novumque iudicium post Apollolicam definitionem institutum fuit. Istud autem cum non fuerit institutum, nisi ut dabantes ad unitatem Pontificiis definitionibus debitam revocarentur, aut hæreticorum pertinacia apertius revinceretur (vide quæ in hanc rem attulimus *De vi & ratione primatus* cap. 13.) ; nihil hæc evincunt pro asserenda ejusmodi Conciliorum potestate supra ipsas definitiones Pontificias, si præsertim infallibiles dicendæ sint ex late constitutis cap. 15. ipso Boffueto exploreat affirmante, *Infallibilem, qua quidem in re talis est, cuiquam subesse nefas.*

*Differ. præ-
vis Defensio-
nis 2.*

5 Ex generalibus antiquis synodis: unum opponi possidetur sextum, Concilium, quod in Papam Honorium anathema tulit. Id autem opponeretur omnino inepte. Ut enim hoc factum probaret generalis concilii jurisdictionem in summos Pontifices, duo probanda essent, nimirum & Honorium, jamdiu ante e. vivis, sublatum, adhuc fuisse summum.

*De Concilio
VI. sententia
infallibilium.*

(1) Hoc quidem uno argumento idem Boffuetus lib. 10. *Defensionis* c. 22. tom. 2. pag. 216. revinci posse credidit S. Gelasium, cum scripsit nulli licuisse de iudicio sedis Apostolicæ judicare: *Neque tantus Pontifex ignorabat antecessorum suorum Cælestini Leonisque sententias in Ephesina & Calche-*

donensi synodis retractatas, deque iis canonicè judicatum. Verum hoc argumentum quam sit imbecille patebit ex iis, quæ tum de Cælestini Leonisque sententiis, tum de actis Ephesinis atque Chalcedonensibus differuimus in opere *De vi primatus* cap. 13. §. 11. & 13.

summum Pontificem actuali primatu fungentem, & Concilium eo anathemate veram in ipsum jurisdictionem exercuisse. Utrumque autem falsum est. Summi enim Pontifices, una cum vita Pontificatum actualem amittentes, secum non deferunt primatum, sed in sede Apostolica relinquunt ad successores transferendum: & sicut nullam primatus jurisdictionem habent amplius, nec exercere possunt in Ecclesiam; ita Ecclesiastica proprie dicta jurisdictio atque potestas, quæ Petro & Apostolis eorumque successoribus a Christo tradita fuit *super terram* tantum, ad mortuos non extenditur, quorum iudicium soli Deo reservatur, ut monuit S. Gelasius in epistola ad Dardanos de causa Acacii, & in gestis synodalibus de absolutione Miseni. Damnatio vero & anathema, quod aliquando latum fuit ab Ecclesia in mortuos, sicut & quorundam, qui obierant, absolutio, non fuerunt actus jurisdictionis proprie dictæ in ipsos, quasi mortuos extra Ecclesiæ iudicium constitutos ipsa posset ligare vel solvere, nec sortem ipsorum, cui post mortem divina iudicio fuere addicti, potuit mutare (indulgentiæ pro animabus purgantibus *per modum suffragii* impertiri ab Ecclesia, ad jurisdictionem proprie dictam, non sunt referendæ); sed tota earum vis ac jurisdictio quedam vivos respicit, ut absolutos ex. gr. ab excommunicatione donare possint Ecclesiastica sepultura, atque juvare suffragiis; vel damnatos ex. gr. ob errorem, quem docuerunt, vel cui favorem præstiteri, ita caveant, ne ipsorum scriptis aut auctoritate decipiantur. Ita Honorius damnatus, quia sua minus recta œconomica dispensatione, de qua diximus * antecedenti opere, Monothelitarum hæresi favisse iudicatus est, (2) non eam quidem approbando, sed expref-

* De vici-
tatione pri-
matus cap. 15.
§. 9. Vid. Ap-
pend. §. X.

(2) Si quid gravius in Honori condemnatione perstrinxisset credantur sextæ synodi Patres, non eum litterarum ejus sensum perstrinxerunt, quem obvia earundem litterarum verba præferunt, sed il-

lum, quo eadem verba œconomica quadam dispensatione minus caute expressa, in prævum sensum a Monothelitis fuerunt detorta, ut suo errori patrocinium ex ipso Pontifice quærent. Non ergo obvi-um.

sam condemnationem omittendo, licet ob implexas tunc circumstantias facti ita bona fide omisisse videatur, ut coram

verborum sensum, qui, ut alibi ostendimus, ab hæresi Monothelitica abest, damnarunt concilii Patres, sed eum, quem Honorii litteris prava interpretatione affixerunt Monothelitis; eademque de causa ipse Pontifex cum iisdem Monothelitis concinere, novæque hæresi favorem præstitisse, ac idcirco una cum illis damnandus visus est. Hoc quidem sensu tantummodo condemnationem ejus factam in sexto concilio approbavit Leo II. in litteris ad Imperatorem Constantinum, quæ cum ejusdem concilii confirmationem contineant, unde conciliorum generalium vis pendet; non alio sensu condemnatio concilii rata dici potest. Enimvero harum litterarum Leonis latinum originale exemplum non suppetit, sed Græca tantum interpretatio actis concilii subiecta, ex qua subinde duæ antiquæ versiones latinæ factæ fuerunt: ita ut Græcus ejus epistolæ textus pro originali habendus sit, sicuti & pro originali habetur textus Græcus epistolæ Agathonis, & synodice Romani concilii, quæ & latino originali, quod desideratur, tempore concilii in Græcam linguam traductæ actisque insertæ leguntur. Porro antiqua versio latina epistolæ Leonis ad Imperatorem in editis conciliorum recepta, mi-

nus accurata invenitur, ut patet ex emendationibus, quas Harduinus ex Græco ad suæ editionis marginem notavit. Ex his corrigendus ille textus latinæ antiquæ versionis in conciliis editus, quo Honorius Monothelitis idcirco accensetur, quippe qui hanc Apostolicam Ecclesiam non Apostolicæ traditionis doctrina lustravit, sed profana traditione immaculatam pervertere conatus est, quæ hæreticam pravitatem innuunt, Harduinus ex Græco legendum notavit, *immaculatam maculari permisit*. Hanc quidem lectionem Leonis menti congruentem, & omnino præferendam vulgatæ versionis comprobant aliæ duæ ejusdem Pontificis originales epistolæ latinæ eodem tempore, & eadem de causa scriptæ, quæ ex originali latino in Hispaniam misso conservatæ fuerunt in codicibus amplioris collectionis Hispanicæ, de qua vide *Tractatum de antiquis collectionibus & collectionibus canonum præmiffum* tomo III. notæ Venetæ editioni Operum S. Leonis part. 3. cap. 4. §. 4. num. 12. ubi etiam earundem epistolarum germanitatem vindicavimus. Una ex his Leonis II. epistolis ad Episcopos Hispanos missa est; altera ad Regem Ervigium. Lectio, quæ in memoratis ad Imperatorem litteris,

ram Deo a culpa saltem gravi excusari potuerit. Itaque anathema, latum a synodo VI. in Honorium post mortem, ad probandum jus ejusdem generalis synodi in ipsum Pontificem mortuum nihilum confert.

6 Notanda porissimum hac in re verba tertiæ allocutionis Hadriani II. ad Romanæ synodi Patres, quæ lecta subinde, & inserta fuerunt gestis octavi Concilii œcumenici act. 10. *Romanum Pontificem de omnium ecclesiarum Pontificibus judicasse legimus, de eo vero quemquam judicasse non legimus. Licet enim Honorio ab Orientalibus POST MORTEM (cum scilicet non erat amplius actualis Pontifex) anathema sit dictum; sciendum tamen est, quia*

T. 10. Concil.
Ven. edit. Co-
let. col. 397.

ex Græco præfert, *Immaculatam maculari permisit*, concinit cum originali latino epistolæ ad Hispanos: *Flammam hæretici dogmatis, non, ut decessit Apostolicam auctoritatem, incipientem extinxit, sed negligendo consolvit: & non absimiliter cum originali epistolæ ad Regem: Immaculatam Apostolica traditionis regulam . . . maculari consensit*. Verba *maculari permisit*, & *negligendo consolvit*, seu hac permissione ac negligentia *maculari consensit*, non expressam erroneam definitionem significant, sed omissionem definitionis, respiciuntque ea minus cauta ipsarum litterarum verba, quibus fraude Monothelitarum in erroris favorem traductis, Honorius fidem immaculatam maculari permisit, atque consolvit, seu (ut legitur in professione Pontificum *Diurno inserta*) *pravus eorum Monothelitarum erroribus favorem impen-*

dit. Quodsi ex ejus condemnatione facta a Patribus concilii VI. id saltem inferri dicas, eos non judicasse Papam infallibilem in materia fidei, cum eum in dogmate Monothelitico errasse crediderint; nisi antea probetur Honorii litteras continere definitionem fidei, & tales habitas a Patribus sextæ synodi; nihil aliud ex ea condemnatione deduci ad summum potest, nisi eosdem Patres censuisse Papam errasse, & potuisse errare circa fidem extra definitionem fidei, quod nec ego prorsus inficio, cum solis proprie dictis definitionibus infallibilitatis privilegium asserendum contendam. Hanc animadversionem, quam satisfactorius objectioni sumptæ ex Patribus concilii VI. omisi in præcedenti opere, huc reservavi, ubi de eorumdem Patrum sententia in Honorium ex proposito differendum fuerat.

quia fuerat super heresi accusatus, (3) propter quam solum licitum est minoribus majorum suorum moribus resistendi, vel praves sensus respuendi: quamvis & ibi (in casu Honorii) nec Patriarcharum, nec ceterorum Antistitam cuiuspiam de eo quamlibet fas fuerit proferendi sententiam, nisi ejusdem primæ sedis Pontificis consensus præcessisset auctoritas.

Ibi not. 379.
A.

7 Adeo vero octavæ synodi Patribus persuasum fuit, neminem posse contra primæ sedis Antistites sententiam ferre, ut nec ipsis œcumenicis conciliis hanc potestatem attribuerint. Sic enim illi act. 10. can. 53. *Si qua vero œcumenica synodo collecta de Romana etiam Ecclesia controversa existerit; licebit cum decenti reverentia de proposita questione veneranter percontari, responsumque admittere, & sive jurari sive jurare, non tamen impudenter contra senioris Romæ Pontificis sententiam dicere.* In textu græco verbum *ἀνατίθεσθαι* legitur, quod hic redditur *sententiam dicere*. At si vim ejus verbi propriam spectemus, significat potius *in jus vocare* subintelligendo *ᾠκισμῶν*, vel *ῥίμῶν*, quæ formula est usitatio. Cur vero generali synodo non liceat nisi per impudentiam atque temeritatem Romanos Pontifices in judicium vocare, aut contra ipsos sententiam dicere, ubi rebus expensis causa justa credatur, si legitimam supra ipsos generale concilium jurisdictionem habeat? Hoc œcumenicæ synodi testimonium nulli obnoxium controversiæ quantum præstet aliis quibuslibet posterioris ævi, & inferioris multo, aut nuntantis auctoritatis, quæ ab adversariis opponi solent, facile est judicare. Hic certe generalis Concilii canon, quo Romani Pontifices ab œcumenicæ quoque synodi sententia atque jurisdictione subtrahuntur, satis superque omnem excessus, aut assentationis notam detergit ab eo generali axioma, *Prima sedes non judicatur a quoquam*, quod ex antiquitate ac ex quodam principio naturali depromptum, generalis quoque concilii jus in summorum Pontificum personas evidenter excludit. Ea verò Bossueti explicatio, qua eundem octavæ Concilii cano-

De illo axiomate *Prima sedes a nemine judicatur.*

Lib. 10. De sensu. 11.

(3) De exceptione casus hæresis inferius erit sermo n. 15.

canonem restringendum putat ad eos casus, de quibus Phottius contra Nicolaum Pontificem egit, haudquaquam congruit generalibus illius canonis verbis, quæ de quibuscunque controversiis & casibus circa Romanam Ecclesiam aut summos Pontifices aliquando excitandis, & ad œcumenicam synodum afferendis generalem regulam constituunt: Neque cum eodem Meldenſi Episcopo reponas, ipsum canonem accipiendum de casibus vulgaribus & ordinariis, quorum causa convocatione synodi generalis Pontificiam majestatem laceſſere *effet revera impudentissimum*; non autem intelligendum de casibus extraordinariis a Constantienſi synodo memoratis, in quibus tantum œcumenicam synodum posse de summis Pontificibus judicare pluribus in locis pronuntiat. Id enim etsi in speciem conciliaris auctoritatis restrictionem ac moderationem præferat; * retamen cum principiis juris non convenit. Si enim Concilio generali per se jus esset supra Papam in extraordinariis casibus; nonne in ordinariis & minoris momenti multo magis? Neque enim ex causarum qualitate extraordinaria vel ordinaria supremi judicis jurisdictione pendet; nec qui in extraordinariis & gravioribus causis superior legitimus est, in vulgaribus desinit esse superior. Id vero magis multo dicendum, si non agatur de generali synodo convocanda ob casum vulgarem & ordinarium, cujus causa omnes Ecclesiæ convocatione generali non essent commovendæ, sed agatur, ut canon loquitur, *de œcumenica synodo collecta*, & ad quam quæstio delata, in discussionem etiam sit adducenda, ut innuunt illa: *Licebit cum decenti reverentia de proposita quæstione veneranter percontari, responsumque admittere* &c. Cur in hac quæstione, quæ non versaretur circa casus extraordinarios in Constantienſi indicatos, *impudens* dici potuisset, generale concilium *contra senioris Romæ Pontifices sententiam dicere*, si Patres credidissent ipsam generalem synodum per se jus habere supra Romanos Pontifices? Quot minores aliorum Episcoporum causæ inter extraordinarios casus non referendæ in generalibus synodis fuerunt definitæ? In causis autem circa sedem Apostolicam aut Romanos Pontifices in hypothesi, qua non solum delatæ essent ad œcumenicam synodum jam collectam, sed ad examen etiam deductæ; num impudentiæ adscribi pos-

* Confer idem
fra c. 9. n. 2.

set sententia, quam cognita causa superior in inferiorem ferret? Hæc utique generalis censura canone laudato alia de causa affecta non fuit, nisi quia generali quoque concilio jus per se se in Romanos Antistites nullum competere crediderunt octavæ œcumenicæ synodi Patres, qui cum fere Orientales fuerint, quanto magis ab omni præjudicio & affectu liberi, tanto minus suspecti esse queunt.

§. II.

De gestis synodorum particularium, ac de aliquot insignioribus testimoniis quæ præverunt schismati sæculi XIV. conciliisque Pisano & Constantiensi.

*Vid. præm.
huj. operis, &
6. 4. n. 9.*

*Lib. II. De
sens. c. 4. l. 2.
p. 5. 260.*

8 Quodsi nulla generalium synodorum testimonia aut gesta adversariorum sententiæ profunt; multo minus suffragari poterunt particularium synodorum gesta. Cum enim ex constitutis in Constantiensi, adversariis quoque consistentibus, certum omnino sit particulares synodos, sicut & ecclesias particulares subesse auctoritati summorum Pontificum; nullæ profecto ejusmodi synodi possunt legitimam in ipsos jurisdictionem exercere, ne simul eidem subesse & præesse dicantur: ex quo Bossuetus ultro concessit, *Romanos Pontifices, etiamsi peccasse videantur, non tamen subesse particulari concilio*. Hac de causa quæ aliquando a conciliis non generalibus gesta leguntur circa summos Pontifices aliquot criminibus accusatos, etsi valere potuerunt ad vindicandam probandamque eorum innocentiam, accusatorum autem pravitatem declarandam; ad ipsorum tamen conciliorum jus in illos adstruendum nihil conferre queunt. Hinc quoque irritæ omnino habendæ nonnullæ depositiones Pontificum a particularibus synodis, seu veriùs Pseudo-synodis gestæ. Quodsi ipsi summi Pontifices sua innocentia confisi se se particularis synodi judicio voluntarie

rie subijciant; id voluntati ipsorum Pontificum, non autem juri ejusdem synodi tribuendum erit; ut declaravit Romana synodus, quam in causa Leonis III. congregandam Carolus Magnus censuit: *Visum est piissimo Principi, & universis Episcopis, & sanctis Patribus, qui ibi adfuerunt, ut si ejus (summi Pontificis) VOLUNTAS fuisset, & ipse petiisset, non tamen per eorum judicium, sed SPONTANEA VOLUNTATE se purificare debuisset: & ita factum est.* Verba sunt Annalista Lambeciani, qui eo tempore vixit. Hac eadem ratione se quoque purgare voluit S. Pontifex Damasus, cum calumniis impetitus, ad prædicandam Episcopi conscientiam severioribus SE DEDIT IPSE judiciis sacerdotum, uti testantur Romani Concilii Patres in litteris ad Gratianum & Valentinianum Imperatores: *Severioribus, inquit, judiciis*, quia in synodalibus judiciis non ea solum fuerant expensa, quæ accusator protulit, sed mores etiam accusati, ac tota vitæ ejus ratio ad calculos revocata: unde additur: *A quibus non nominis, sed etiam morum ratio pensatur, ne quis iterum calumniator existens, dum memoratum conatur appetere, virum quidem ipsum non queat ledere, quem innocentia sua munit.*

*Epist. 6. inter
Damas. apud
Constant. n.
10.*

9 Si porro considerentur quæ in particularibus, nec illegitimis ejusmodi synodis evenerunt, deprehendetur magis magisque confirmari illud principium, quo summorum Pontificum auctoritas omnibus eminens nulli Ecclesiasticæ potestati subijcitur. Notæ sunt accusationes in Symmachum Papam ad Romanam synodum III. impellente etiam Theodorico Rege delatæ; Episcopi autem ejus synodi hoc judicium sibi non competere ea de causa declararunt, quia *Nec antedictæ (Romanæ) sedis Antistes minorum subjacuisse judicio in propositione simili facile forma aliqua testaretur*: quibus verbis & principium laudatum proferunt, hocce judicium minoribus seu inferioribus in superiorem suum nequaquam competere, & præterea addunt nullo anteriorum temporum exemplo id probatum iri. Licet vero ipse Symmachus se se illorum judicio subiecisset, affectu purgationis suum culmen humilians, paratus coram illis causam agere: non quod jus supra se aliquod in synodi Episcopis agnosceret, sed ut hac purgatione innocentiam suam palam fa-

ceret); adhuc tamen illi solum Deum summis Pontificibus superiorem rati, totam causam Dei iudicio reservavunt, arbitrio divino remisissent.

10 Idem principium ingessit etiam Ennodius postea Episcopus Ticinensis in ejusdem Symmachi Apologia scribens: *Si vera est Episcoporum assertio, sedis Apostolicæ Præsules minorum numquam subjacuisse sententiæ, cur ad iudicium dissimila conventionem productus est? Numquid gloriabatur securis contra eum, qui secas in ea?* Et post aliquanto laudata Pontificis humilitate, qua venerando concilio auctoritatem etiam contra se, si mereretur, indulsit, summi Pontificis causas a Deo ipso suo iudicio reservatas pronuntiat: *Aliorum sorte hominum causas Deus volueris per homines terminare. Sedis istius Præsulem suo sine quaestione reservavit arbitrio.*

Epist. 31.

11 Ne vero Ennodii Ticinensis, aut Romanæ synodi verba in favoris & gratiæ suspensionem adducantur, subdam testimonium Aviti Archiepiscopi Viennensis, quod totius Gallicanæ ecclesiæ sententiam & principium cunctis nationibus naturali lumine notum similiter protulit in eadem Symmachi causâ. Primo omnium Gallicanorum nomine scribens ad Senatores Urbis ait: *A cunctis Gallicanis fratribus meis ad hoc ipsum non minus per mandata, quam per litteras oneratus, quæcumque vobis omnes ambimus, unus suggerenda suscepimus.* Tum omnium item nomine conqueritur concilium congregatum fuisse in causa Pontificis memorati, qui si seculo primum fuerat accusatus, Confacerdotum suorum solatium potius ascescere, quam recipere debuisset iudicium: & rationem subjicit: *Quia si cut subditos nos esse terrenis potestatibus jubet arbiter cæli, staturos aut Reges & Principes in quacumque occasione prædicens; ita non facile datur intelligi, quæ vel ratione vel lege ab inferioribus eminentior iudicetur. Audin', nec ex ratione naturali, nec ex lege ulla posse inferiores de superiore judicare?*

12 Hoc idem principium satis indicavit etiam S. Nicolaus I. in epistola 8. ad Michaellem Imperatorem scribens: *Cum secundum canones, ubi est major auctoritas, iudicium inferiorum sit deferendum, ad dissolvendum scilicet, vel ad roborandum; patet profecto sedis Apostolicæ, cujus aucto-*

auctoritate major non est, judicium a nemine fore retrahendum; nec cuiquam de ejus licet judicare judicio. Eadem scilicet est de judiciis Pontificum, ac de ipsorum personis ratio, ita ut nemini inferiori competat de illorum, qui majoris auctoritatis sunt, sententiis vel personis judicare.

13 Hoc quoque principium, quo summi Pontifices a quolibet Ecclesiastico judicio subducuntur, cum ex primatu toti Ecclesie superiores sint, non obscure significavit Quintilineburgense concilium, de quo hæc referre libet ex cœvo scriptore Bertoldo præbytero Constantienſi in Appendice ad Hermannum Contractum ad an. 1085. Cum omnes juxta ordinem suum confedissent, prolata sunt in medium decreta SS. Patrum de primatu sedis Apostolicæ &c. Quidam Barbengensis clericus nomine Cunibertus, Romani Pontificis primatui derogare volens, in mediam synodum se contulit asserens Romanos Pontifices hunc sibi primatum ascriptisse, non aliunde concessum hereditasse, videlicet ut nullus de eorum judicio judicare debeat, nec illi alicujus judicio subjaceant. Qui cum aperte a tota synodo confutaretur, præcipue tamen a quodam laico convictus est per illud Evangelicum, Non est discipulus supra magistrum. Cum enim hoc generaliter in omnibus Ecclesiasticis ordinibus observandum deputetur, NE MAJOR A MINORE JUDICETUR; qui hoc Vicario Sancti Petri denegare potuit, quænam omnes catholici pro Domino & magistro venerantur? Non solum præmissa primatus ratio, sed etiam Evangelicum illud, Non est discipulus supra magistrum, referuntur ad principium omni jure notum, quo superior ab inferiorum jurisdictione eximitur.

14 Hanc eandem doctrinam viguisse etiam apud Gallicos sæculo XII. ex Ivone Episcopo Carnotensi discimus. Privilegium de investituris a Paschali II, per vim licet extortum, magnas toto Christiano orbe turbas excitaverat, multisque hæc quæstio ad fidem pertinere videbatur. Hæc de causa aliquot Episcopi zelo permoti eundem Pontificem duxerunt excitandum, ut ipsum privilegium revocaret. Guigo Viennensis Archiepiscopus & Apostolicæ sedis Legatus an. 1117. coæſio in sua Metropoli provinciali concilio, in quo aderant S. Hugo Gratianopolitanus &
S. Go-

S. Godefridus Ambianensis Episcopi, idem privilegium rescidit; & data ad Pontificem epistola una cum synodi decretis, quibus omnes privilegium resciderant, confirmationem omnium nomine petiit hac comminatione addita: *Si, quod minime credimus, aliam viam aggredi coeperitis, & nostræ paternitatis assertiones roborare nolueritis; propitijs sit nobis Deus, quia nos a vestra obedientia repelletis.* Id autem etsi aliquid schismatis redoleat, non tamen jus aliquod in Pontificem indicat. Ita vero nihilominus exorbitans Ivoni visum est, ut (quod * P. Natalis Alexander notavit) summo Pontifici erranti non minas scissuræ intentandas, nec de eo aut contra eum ab inferioribus ferendum iudicium, sed meris caritativæ correctionis suasionibus cum ipso agendum scripserit: *Quia verenda patris debemus potius velare quam undare; familiaribus & caritatem redolentibus litteris admonendus mihi videtur, ut se iudicet, aut factum suum retrahat. Quod si fecerit, reservamus Deo gratias, ac gaudeat nobiscum omnis Ecclesia, quæ graviter languet, dum caput ejus laborat tanta molestia. Si autem in hoc languore insanabiliter ægotaverit, NON EST NOSTRUM JUDICARE DE SUMMO PONTIFICE. Habemus enim Evangelicam sententiam, quæ securos hos (al. nos) facit: Super cathedram Moyse sederunt Scribæ & Pharisei. Quæ dicunt, servate & facite: secundum vero opera eorum nolite facere. Vult enim hæc sententia præcepta prædicantium ad cathedram pertinentia obedienter impleri (etiamsi tales sint, quales erant Pharisei) non eos suspecta conspiratione a suis sedibus removere. Si vero ea præcipiant, quæ sint contra doctrinam Evangelicam vel Apostolicam, ibi non esse eis obediendum exemplo docemur Pauli Apostoli, qui Petro sibi prælato non recte incedenti ad veritatem Evangelii in faciem resistit, non tamen eum abiecit.*

15 Cum ob hanc eandem quæstionem sub idem tempus convocatum fuisset Lugdunensis provinciæ Concilium, & ad ipsum invitati fuissent etiam Episcopi provinciæ Senonensis, inter quos erat laudatus Carnotensis Episcopus Ivo, horum omnium nomine scripta fuit epistola ad Joannem, seu melius * cum Norisio ad Josteranum Lugdunensis primæ sedis Archiepiscopum, in qua illi inter rationes

* Dissert. 4.
in sec. XII.
art. 32.

Epist. 231.
ad Henricum
Abbatem.

March. 23.

* Noris. l. 1.
de l. 1. c. 1.
t. 5. Oper. col.
435. d.

tiones, cur ad synodum non accederent, hanc tertio loco posuerunt, quia in eadem synodo de privilegio Romani Pontificis decernendum erat, quod inferiorum potestati non convenit: *Non videtur nobis utile consilium ad illa concilia convenire, in quibus non possumus eas personas, contra quas agitur, condemnare vel iudicare: quia nec nostro, nec alius hominum probantur subiacere iudicio.* Et post pauca: *Hec dicentes non instruimus prudentiam vestram, sed excusamus innocentiam nostram, quia & principales Ecclesiae claves nolumus potestate sua privare, quaecumque persona vices Petri habeat, nisi manifeste ab Evangelica veritate discedat.* Haud credo Joannem, seu Iotseranum, qui non solum Lugdunensis erat Archiepiscopus, verum etiam Pontificia Legatione fungebatur, quicquam tentare voluisse in personam Pontificis, sed tantum de privilegio, quod extortum fuerat, iudicium a Viennensi non dissimile edendum putasse, quo Papa ad revocationem conjunctis cum Viennensi stimulis impelleretur. At ratio ab Ivone allata principium comprobatur quod statuimus, neminem Episcoporum, nullumque concilium sibi arrogare posse neque hac nec quacumque alia de causa personam Pontificis sua auctoritate ac dignitate spoliare, quia nullus ipsi superior est: cui rationi cum in responsione satis prolixa ad Ivonem idem Archiepiscopus, qui ceteris, ut potuit, respondit, nihil reposuerit; eandem satis certam & ipse cognovisse videtur. Notanda autem exceptio, qua eo solo casu posse privari potestate clavium ipsum Pontificem innuit, *si manifeste ab Evangelica veritate discedat*; nimirum ob hæresis manifestæ crimen, quo cum a Pontificatu ipso facto decidens Pontifex amplius non esset, nihil mirum si subiectus concilio, potestate clavium spoliari, seu potius spoliatus atque depositus posset declarari, ut pluribus explicabitur c. 9. §. 2.

16 Eandem exemptionem summorum Pontificum ab omnium hominum iudicio confessus est etiam Philippus, qui de imperio certabat cum Ottone: sic enim scripsit ad Innocentium III. in epistola apud Raynaldum an. 1206. num. 16. *Si nos in aliquo vos, vel Romanam Ecclesiam offendisse videamur, nos pro honore Domini nostri Jesu Christi, cujus vicem in terris geritis, & ob reverentiam B. Petri*

Epist. 236.
Ivoni.

Petri Principis Apostolorum, cujus vicarius estis, & ob salutem nostram nos ad satisfaciendum vobis supponimus. Si vero vos in aliquo nos vel imperium læsisse videmini; conscientia vestra super iis vos relinquitur. Cum enim nos pie credamus & ante passionem & post passionem Dominum nostrum Jesum Christum B. Petro claves regni cælorum contulisse, & tradidisse jus ligandi atque solvendi; scimus & protestamur, quod vos, qui in locum suum cum plenitudine potestatis successistis, in hujusmodi articulis ab homine non estis judicandus, sed judicium vestrum soli Deo reservatur, cujus judicium & examen, quod sibi soli debetur, nobis non querimus usurpare. Qui judicium de summis Pontificibus soli Deo reservatum juxta antiquorum traditionem affirmavit; eosdem exemptos proculdubio censuit a quorumcumque etiam generalium conciliorum judicio. Mirum autem maxime accideret, si quidam adversarii eam S. Cypriani sententiam, qua in concilio Carthaginensi III. pronuntiavit judicia De Episcopis soli Deo reservata, ingereret atque laudarent, ut ipsos Episcopos a Romani Pontificis judicio subducerent; in reprehensionem autem vocarent non dissimilem Ivonis aliorumque doctrinam, qua Romanus Pontifex subtrahitur a judicio Episcoporum, quibus ille jure primatus superior est.

Confer Vindicias in Febronium c. 2. §. 4.

17 Sub hoc tempus audiri cœperunt appellationes a decretis Pontificum ad generale concilium. Sed catholici, qui sic appellarunt, cum non intellexerunt concilium generale, quod careret consensu Pontificis; tum non cogitarunt concilium, quod vim coactivam haberet in eundem etiam invitum quasi subiectum & inferiorem concilio, nec ad eum, si opus esset, deponendum; unde appellationes ejusmodi eo consilio tantum interpositæ, ut in quibusdam gravaminibus opem Patrum concilii quærerent, non vero quasi jus istis in summum Pontificem esse arbitrarentur, tamquam extraneæ a nostro proposito prætermittendæ sunt; jureque Petrus de Marca veri nominis appellationes a Papa ad synodum œcumenicam quoad catholicos a veteri disciplina alienas prodidit. Hujus generis appellationes in remedium gravaminum proprius novam causæ recognitionem requirunt, quæ vel olim supremi Principis indulgentia concedebatur, ut eadem auctoritate, qua gravamen illatum fuit,

fuit, tolleretur, nec superiore auctoritate opus esset.

18 Ad hanc speciem procudabo referenda pariter est illa appellatio, quam occasione celeberrimi dissidii inter Bonifacium VIII. & Philippum Regem, Galli a decretis ejusdem Pontificis interposuerunt non solum ad generale concilium, verum etiam ad futurum indubitatum parisque cum Bonifacio auctoritatis Pontificem, quæ ab inferiori ad superiorem delata dici nequit. Neque ob provocationem primo loco ad concilium generale hujus auctoritas auctoritate Pontificia superior habebatur ab illis Gallicanis, qui in ejusmodi synodis ad decretorum robur ac vim requirebant assensum Pontificis, ut liquet * ex libello a Bonifacii accusatoribus oblato Clementi V. ubi significant, ad damnandam, uti petebant, Bonifacii memoriam haud esse opus generali concilio, sed sufficere solum Pontificis auctoritatem, hac ratione allata: *Estis enim vos, Pater sanctissime, Jesu Christi Vicarius totam Ecclesiam representans, qui claves regni cælorum habetis: nec congregatum TOTUM GENERALE CONCILIUM SINE VOBIS, ET NISI PER VOS potest cognoscere de negotio*. Cur autem iidem Galli appellationem ad Papam vocarint appellationem ad futurum indubitatum, seu verum & legitimum Pontificem, qualem habuerunt Bonifacii VIII. successorem Clementem V. ea de causa factum est, quia dubium inter ipsos excitatum fuerat, num vivente Cælestino V. quem non potuisse pontificatui renuntiare quidam censebant, ipsius Bonifacii legitima fuisset electio. Hoc quidem dubium erat inane: definitum enim fuerat Cælestini constitutione licitum esse etiam summo Pontifici renuntiare; idque confirmatum alia constitutione Bonifacii VIII. in sextum librum decretalium inserta, & a tota Ecclesia recepta, sicut & Bonifacius ipse tamquam legitimus ab eadem Ecclesia receptus fuit. Addi potest in confirmationem Paschalis I. auctoritas & exemplum. Hic enim jamdiu ante Cælestinum in Pontianam insulam secedens, pontificatui renuntiare se posse credidit, ipsamque renuntiationem iterum in concilio Lateranensi publice declaravit, ut ex duobus cœvis scriptoribus Sagerio & Hildeberto refert * Cardinalis Norisius; nec reasumpsit Ecclesiæ regimen, nisi prius e solitudine revocatus a Romanis, dein precibus eorum cessisset.

* *Ex eo inter probationes hujus dissidii.*

Num licet pontificatum renuntiare.

* *Uter, de de Tovelet. l. 5. Oper. col. 444. & seq.*

19 Interim dum Bonifacius VIII. Anagnizesset, Galliz Rex Guillelmo de Nogareto, qui in Italia erat, in mandatis dederat, ut concilii generalis convocationem abs se & a Gallicanis expetitam, nec non eorum appellationem ad ipsum concilium illi coram significaret: nam *ad hoc dumtaxat* mandatum acceperat, ut Nangii Continuator testatur. Verum ille mandati limites prætergressus, conspiratione facta cum conjuratis, ipsum Papam appellatione denuntiata captivum fecit, ut in Galliam ad concilium adduceret. Sed ereptus post triduum e conjuratorum manus, Romæque receptus, cum mox lethali morbo e vivis excessisset, nihil de appellatione ad generale concilium agendum fuit; satiusque visum est agere cum successoribus ejus, ad quos pariter fuerat provocatum. Et primo quidem immediatus Bonifacii successor Benedictus XI. ad quem missa tum a Rege, tum a Clero Gallicano legatio, ipsi Regi nec petenti excommunicationem relaxavit, resciditque quid Bonifacius in Regis, regnique dignitatem statuerat. Dein mortuo post paucos menses Benedicto, Clemens V. illi successus, omnia Bonifacii occasione ejusdem dissidii gesta atque decreta erasit, ut ex ipsis Regestis Raynaldus probat. Nihil hic tentatum de Bonifacii depositione, sed de rescissione decretorum, quæ regis jurbus obesse visa sunt. Solum Joannes de Parisiis in libro, quem *De potestate regia & Papali* ob idem dissidium lucubravit, primus, quem invenerim, depositionis indicium præbuit. In memorato enim dissidio inter Bonifacium & Regem Galliz Pontificis deponendi facultatem non obscure attribuit non solum generali concilio, sed etiam Cardinalium (4) Collegio, im-

mo

(4) Potestatem Collegii Cardinalium in depositionem summi Pontificis hac ratione adstruit, quia ex quo *consensus eorum facit Papam loco Ecclesie, videtur quod simpliciter possit eum deponere, siquidem fuerit causa rationabilis*. Hæc vero ratio cum pontificatus seu

primatus collationem tribuat Cardinalibus electoribus ipsius Pontificis, qui primatu expertes nequeunt ipsum electo tribuere, evidenter falsa est. Esto enim illi Papam eligant sede vacante, hac tamen electione tamquam conditione posita, non ipsi, sed Deus pri-

mo & ipsi Principi seculari, at *indirecte* tantum, (5) subtrahendo scilicet subditos ab obedientia Papæ etiam certi, *si esset criminofus, & scandalizaret Ecclesiam, & incorrigibilis esset, inhibendo omnibus & singulis, ut nullus obediret vel serviret Papæ; unde compelleretur cedere*. Hanc vero sententiam idem Gallicanus Theologus non absolute decidendo, sed potius inquirendo & opinando paucis indicavit: nullumque alium (quem noverim) vel inter Gallos ob Bonifacii gesta (6) male animatos suffragatorem tunc habuit. Non defuisse quidem inter Gallicanos hujus quoque temporis Theologos, qui antiquam tenerent sententiam quoad ipsum generale concilium, liquet inter cetera ex (7) opusculo tempore ejusdem diffidii scripto, ubi auctor utique Gallicanus aperte professus est, Pontificatum a nullo homine posse adimi summo Pontifici, quia omnes etiam co-

L 2

acti

matum divini juris electo confert, ex quo cum Papa electoribus fiat superior jure divino, nequit ab ipsis judicari atque deponi. Hac quidem in re neque adversarii nostri repugnabunt, quippe qui solum generale Concilium universam Ecclesiam representans summis Pontificibus jurisdictione præstare, eisdemque posse deponere arbitrantur. Neque illud ipsum Collegium Cardinalium utriusque obedientiæ, qui tempore schismatis paullo post memorandi duos de papatu contententes deponendos censuerunt, hanc sibi potestatem attribuire ausum est, sed in id generalem synodum Pisæ convocandam censuit.

(5) Subtrahitio obedientiæ a Papa, non tamen juris certi, sed dubii, ut in obicurißimi schismatis circumstantiis acci-

dit, illa via est, quam ad ipsum schisma auferendum Rex Galliarum duxit recipiendam in conventu Parisiensi an. 1398. Vide tom. 15. Concil. Ven. edit. Coleti col. 1072.

(6) Nihil itaque mirum, si sub hujus gravissimi diffidii tempore, Gallicanis in Bonifacium VIII. male animatis, sicut semina sparsa fuerunt, ex quibus subsequutum pertinacissimum ac exitiosum schisma originem duxit; ita principia quadam auctoritati Apostolicæ minus obsequentia apud nonnullos Gallos audiri ceperunt, uti sunt illa Joannis Parisiensis, & alia nonnulla Durandi Episcopi Mimatenfis.

(7) Huic opusculo titulus est: *Rationes, ex quibus probatur, quod Bonifacius legitime ingredi non potuit Calesino vivente.*

aſti in Concilio Papa inferiores ſunt . En ipſa illius verba, quæ in memorato opusculo leguntur pag. 453. *Summus Hierarcha Romanus Pontifex ſuperior eſt omnibus, ipſe verus prælatus & paſtor eſt Domini gregis &c. Subditorum ſubtrahitio nullo modo cadit in ſummum Hierarcham, nec poſſibile eſt per hominem ſibi ſubtrahi ſubditos, quoniam non habet ſuperiorem in terris; ſed omnis anima ſibi ſubdita eſt, ejuſque curæ commiſſa, neque a quopiam iudicari poteſt, ſed cunctos iudicaturus a nemine iudicandus eſt, niſi deprehendatur a fide devius: & hæc ſuperioritas non eſt humano privilegio, ſed divino, a quo eſt inſtitutio, & qui ſibi paſcendi gregis curam commiſit. Omni enim Clevo & populo IN UNUM CONGREGATO manet obſequendi ſibi neceſſitas, & non auctoritas imperanti. Ex hac itaque geſtorum ſerie, quam ex antiquitate deduximus, apparet manifeſte, nihil vel fere nihil haſtenus inter catholicos potuiſſe obtinere, quod Pontificiam auctoritatem cuiuspiam Eccleſiaſticae iuriſdictioni ſubjiceret, ſed ſemper apud ipſos valuiſſe principium illud, quod antiqui variis occaſionibus ingeſſerunt conſtanter, iudicium de ſummis Pontificibus nemini hominum competere jure primatus, quo cum ipſi ſuperiores ſint omnibus, non poſſunt ab inferioribus iudicari.*

§. III.

De ſchiſmate cujus occaſione adverſariorum ſententia orta eſt paullo ante ſynodos Piſanam & Conſtantiensem.

20 Solum tempore pertinaciſſimi ejus ſchiſmatis, quod poſt electionem Urbani VI. per annos fere quadraginta diſcidit Eccleſiam, de ſubjiciendis contententibus juriſdictioni concilii œcumenici ſerio cogitari cepit. Sed juriſdictione ejusmodi in eoſdem adeo nova viſa eſt, & primatus rationi

ni a majoribus traditæ adeo contraria, ut non facile fuerit hanc sententiam recipere firmiterque decreto statuere. Generalis quidem concilii auctoritatem initio ejusdem schismatis agnoscens ipse Urbanus ac tres Cardinales Itali, (8) convocationem faciendam proposuerunt Cardinalibus Gallicanis, ut statim synodi judicio schisma impediretur: (9) iterumque post electionem Clementis ad comprimendum schisma hac electione constarum ipsam generalem synodum statim indicendam & congregandam postularunt. Hac autem convocatione illud unum justribuendum erat concilio, quod & ab antiquis probatum fuit, nimirum (10) cognoscere & judicare, num & cujus electio fuerit legitima, ut reciperetur ab omnibus legitime electus, & reprimeretur intrusus: quod nullum coactivum jus concilio in verum legitimumque Pontificem, sed in intrusum tantummodo vindicaret. Cum vero Gallicani Cardinales huic convocationi (11) se semper opposuissent, ad alia remedia confugiendum fuit. In id varæ consultationes, & aliquot concilia, seu conventus præsertim Gallicani habiti sunt; in quibus dum aliæ arque aliæ viæ schismatis exscindendi fuissent propositæ, & incassum cessissent; ita res inquirendo & disputando in plures annos distracta, & involuta fuit implicatissimis difficultatibus juris & facti, ut spe omni sublata decidendi, cujusnam contententis legitima fuisset electio, necessarium visum fuerit jus asserere generali concilio ad depouendos etiam contententes, si alias vias æquas refugerent.

21. Hoc consilium primi proposuerunt Gallicani Doctores

(8) Raynald. an. 1378. n. 42. & 43. pag. 331. ubi Itali Cardinales scribentes ad Urbanum, dum se cum Cardinalibus Gallicanis de convocanda synodo loquutos affirmant *juxta conditio eorum vestra presentia*, Urbanum ipsum hac in re consentientem significant.

(9) Idem an. 1379. num. 2. & 3.

(10) De hac questione agendum ac decidendum in concilio liquet ex documento apud eundem Raynaldum an. 1379. num. 4. pag. 371.

(11) Raynald. loc. cit.

Stores Universitatis Parisiensis an. 1395. idest annis decem & octo post exortum schisma, cum ob recusatam a Benedicto XIII. cui adhærebant, viam omnium optimam renuntiationis, inter quaestiones varias hanc octavo loco discutendam posuere : (12) *Utrum Papa subijciatur concilio generali suæ obedientiæ in casu recusatæ prædictæ cum sequela usque ad depositionem inclusivæ in casu pertinaciæ.* Adhuc tamen hoc jus generali concilio tribuere multis dissentientibus non statim obtinuit; dilataque res usque ad an. 1409. quo synodus Pisis celebrata fuit : in qua nihilominus Patres non ausi sunt quemquam e duobus contententibus sua auctoritate deponere, nisi postquam eos alio titulo depositos ex communi sententia existimarunt : sicuti etiam in Constantiensi evenit, ut ex sequentibus capitibus patet. Ipsa quidem novitas opinionis, quæ jus coactivum deponendi contententes in schismate concilio quantumvis generali tribuens, in tota antiquitate nulla congrua auctoritate, nullo exemplo fulcitur, satis per se ipsius opinionis falsitatem detegit. Ne vero moveant earundem synodorum Pisanæ & Constantiensis gesta, quibus adversarii maxime insistant; quamvis auctoritatis hac in re iisdem synodis tribuenda sit, enucleatius expendendum est.

(12) Idem an. 1395. n. 9. pag. 390.



CAPUT VI.

Num Pisana synodus celebrata ad excindendum schisma, fuerit certo œcumenica. Cur gesta ejusdem, ac depositionis sententia in duos contententes edita adversariorum opinionioni nihilum profint, sed potius obsint, confirmetque antiquam sententiam, quæ generali quoque concilio jus supra Pontifices denegat.

¶ **S**I affirmem ex Pisana synodo nihil certæ auctoritatis deduci posse, ut certum asseratur jus conciliorum generalium supra Romanos Pontifices, nemo facile revincere poterit. Ideo certam auctoritatem ex ea synodo adversarii colligendam existimant, quia ipsam œcumenicam fuisse arbitrantur: frustra enim certum argumentum quærerent ex particulari, seu non generali concilio, quod juri Pontificio subiectum, ex eorundem adversariorum principiis* nihil supra Pontifices posset. Ut autem statuatur aliquam synodum esse vere œcumenicam, tria sunt decernenda. Primo a quonam concilium vere œcumenicum sit convocandum: secundo quot & quanam Episcopi debeant in eo convenire, ut sit & dicatur vere œcumenicum: tertio quot & quorum Episcoporum in eo convenientium suffragia in unum confluentia sint necessaria, ut decreta vim generalis concilii obtineant.

* *Vid. præm.
nium.*

§. I.

De jure convocandi Concilia generalia.

2 Quoad primum, cum concilium generale ex tota catholica Ecclesia sit convocandum, ad eos tantum pertinere potest jus convocandi, quibus in totam Ecclesiam, & in omnes totius Ecclesie Episcopos jurisdictio competit. Quodsi convocandarum synodorum jus in spirituale bonum Ecclesie refertur ad potestatem clavium; negari a quopiam non poterit quin summo Pontifici, cui ratione primatus competit jus & potestas clavium in universam Ecclesiam, ob eundem primatum competat quoque jus indicendi synodos generales: quod jus si tribuendum est etiam conciliis generalibus, quæ pariter jus habent in universam Ecclesiam, id rarissimis in casibus accidet, nec in indictione ab istis conciliis facienda deest umquam auctoritas summi Pontificis, quæ generalium synodorum gestis, ut rata sint, semper necessaria est. Papæ quidem hoc jus convocandi concilia generalia competere nemo adversariorum negat; immo inter præcipuas ejus prærogativas ac jura ratione primatus hoc esse fatentur, synodos œcumenicas, quando expediât vel necesse sit, indicare, & ad eas Episcopos e tota Ecclesia convocare. In Constantiensi quoque tres nationes Italica, Gallicana, & Hispanica convocationem synodorum ejusmodi, ut legitimæ haberentur, a Papa esse faciendam adeo necessarium crediderunt, ut potestate fuerint: *Vix congregaretur indubitatum concilium deficiente capite, ad quod pertinet convocare.*

T. 16. Concil.
edit. 1724. col.
672. c.

3 Quodsi antiquæ synodi generales fere fuerunt indictæ ab Imperatoribus, quorum ditioni olim suberant fere omnes totius Ecclesie partes; id non ex jure proprio clavium Ecclesie, quæ illis non fuerunt a Christo traditæ, sed ex zelo, quo favere & consulere volebant Ecclesie ac fidei
contra

contra exortas hæreses, consopire dissensiones, & auctoritate conciliorum scandalis obviam ire, præstito, ubi opus esset, sumptuum subsidio: cui indictioni atque consilio summi Pontifices annuentes præbuerunt assensum, & legatos ad synodos direxerunt, quo satis de legitima convocatione cautum fuit. Ita ex. gr. Calchedonenſi ſynodo indiſta a Marciano Imperatore S. Leone inconſulto, cum ad hujus notitiam venit indiſtio, ſtatim aſſenſit, ne videretur optimo ejus conſilio repugnare, & legatos qui ſuo nomine præſiderent tranſmiſit. Quicumque porro alius cujuſvis gradus & dignitatis Eccleſiaſticae, at expertus juris in univerſam Eccleſiam, generalem ſynodum convocaret; hæc indiſtio, quæ ipſius juri non convenit, legitima haberi non poſſet, niſi accederet ſubſequent ſaltem Papæ conſenſus; multo autem minus, ſi Papæ diſſenſus ſeu contradicſtio pateret. At enim adverſarii fortaliſ cum Boſſueto contendunt, in aliqua ſumma neceſſitate etiam *renuente Papa concilium abſque eo convocari poſſe*. Num ſi convocetur ab iis qui carentes jure clavium in totam eccleſiam, carent quoque jure convocandi totius Eccleſiæ Episcopos; hujusmodi convocatio legitima haberi queat, eo potiſſimum obſiſtente, cui in totam Eccleſiam jus eſt, quivis æquus principiorum juris æſtimator judicet.

Leo ep. 29.
al. 69.

§. II.

*Quinam convenire debeant, ut Concilium ſit
vere æcumenicum.*

4 Ut autem præſcindamus a jure convocandi, negari non poſſe videtur eam convocationem (a quocumque fiat) ſufficere, qua ii conveniant, quos neceſſe eſt convenire, ut conſtituant concilium vere æcumenicum. Id quæſtionem ſecundo loco propoſitam reſpicit. Cum concilium generale ſit concilium non ex aliqua provincia, vel re-

M gno,

gno, nec ex aliquot tantum Ecclesiæ partibus, sed ex tota Ecclesia convocatum, quod universam Ecclesiam representat, totiusque Ecclesiæ jurisdictionem continet; omnes quidem Episcopi in unitate Ecclesiæ viventes, quibus in Petro & Apostolis claves cum potestate ligandi & solvendi date fuerunt a Christo, eo accedere possunt, ita ut ipsorum, nemo excludi queat. Verum cum impossibile sit omnes ibidem adesse, nec expediat ab omnibus Episcopis integras vastissimasque regiones penitus deferi; satis est habitum, si ex pluribus Ecclesiæ provinciis ad concilium accurrerent non pauci, & ex nonnullis locis remotioribus aut difficilioribus saltem aliqui, prout rei, de qua agendum erat, visum fuit expedire; nec creditum fuit quicquam officere, si ex aliquot etiam magnis regionibus nulli nec per se nec per legatos adessent. Hæc de causa antiquæ generales synodi habitæ sunt legitimæ & œcumenicæ, tamen si fere ex solis Orientalibus coaluerint, ex Occidentalibus autem fere nulli vel pauci, in quibus tamen semper Romanus vel per se vel per legatos interfuit.

§ Si autem quispiam quærat, cur creditum sit sufficere, si hic unus ex Occidente adesset, dicam paucis: quia hic unus per se totius Ecclesiæ personam gerens (uti pluries ingerit S. Augustinus de S. Petro, cui Romani Pontifices eodem jure succedunt) totam representat Ecclesiam tamquam ejus caput, & peculiari quoque nomine tamquam Patriarcha Occidentis totam representat Occidentalem Ecclesiam. Concilia igitur quæ plurimum Episcoporum Orientalium una cum Papa representante totam catholicam, ac præsertim Occidentalem Ecclesiam, jure pro œcumenicis totam catholicam Ecclesiam representantibus, ac totius Ecclesiæ jurisdictionem continentibus habita sunt.

6 Romani quidem Pontificis tanta præ ceteris Episcopis ratio, tantaque in generalibus conciliis necessitas fuit antiquis etiam temporibus habita, ut si abessent alii quicumque etiam Apostolicarum ac Patriarchalium sedium Antistites, nihil præjudicii creatum putaretur concilio œcumenico: Romanus vero si nec per se nec per legatos adesset, synodus quælibet etiam frequentissima non censeretur œcumenica. Rationem præcipuam indicavit Bossuetus, cum non dubitavit affirmare generale concilium ipsum etiam

Cur in generali concilio necessarius Papa.

Lib. 10. De sens. c. 23. r. 2. pag. 227.

com-

complecti Papam, & quidem tamquam caput. Sicut enim Vid. sup. c. 4
n. 4 pag. 52 caput necessarium est integritati corporis; ita Papa tamquam caput Ecclesiae necessarium est concilio œcumenico, quod universam Ecclesiam repræsentat, quo quidem capite si careret, corpus esset monstruosum atque acephalum. Quodsi negari non potest, nec revocari in dubium quin ipsi capiti competat generali concilio præsidere; qua de causa Patres Calchedonenses confessi sunt Leonem Papam sibi præfuisse, quemadmodum caput membris præest; quis non videat parem rationem haberi non potuisse de alio quocumque majorum sedium Episcopo, qui non ita universalis Ecclesiae atque concilii generalis caput constitutus dici potest, uti Papa ex institutione Christi constitutus fuit?

7 Hanc eandem hujusce capitis necessitatem alia efficaciori ratione insinuant Parisienses, de quibus hæc laudatus Bossuetus prodidit: *Parisienses ultro (1) consentiunt, ex antiquissimis regulis synodis generales absque Romano Pontifice nullas esse & irritas.* Dissert. prævia Defens.
§ 84. pag. 74 Adeo igitur necessarium est in generalibus conciliis istud totius catholice Ecclesiae caput, ut sine ipso nulla & irrita futura sint, quæcumque in illis absque eo agerentur. Id innuit necessitatem Pontificiæ auctoritatis atque consensus, ut decreta quæcumque in ipsis edita vim & auctoritatem generalis synodi obtineant, quod tertie quæstioni solvendæ reliquum est.

M 2

§. III.

(1) Hæc sane Parisienſium ſententia convenit cum illis Gregorii XII. in indiſtione generalis ſynodi 6. Nonas Julii an. 1403. (tom. 15. Concil. Ven. edit. col. 1103. d.) quibus pronuntiavit, generale

concilium congregare ſolius Romani Pontificis eſſe dignoſcitur, ſine cujus auctoritate factum, non concilium, ſed conciliabulum, aut conventiculum dicitur, iſeſt nullius auctoritatis ac roboris.

§. III.

De jure & qualitate suffragii Episcoporum & Papæ in synodis generalibus.

8 Omnia acta, decreta, vel sententiæ in conciliis edita vel ad fidem pertinent, vel ad disciplinam. In his suffragii jus cuilibet Episcopo competit quidem jure divino, ita ut non meri sint consilarii Papæ, sed * veri & proprii conjudices. Papæ autem suffragium ita præstat ceteris, & ita necessarius est ejus consensus, ut absque illorum vim non habeant concilii œcumenici propriam acta quæcumque neque in materia fidei, neque in negotio disciplinæ. Cum id fuisse probaverim cap. 2. 3. & 4. nihil hoc loco addere oportet. Hinc sane ipsi adversarii invictam vim decretorum concilii generalis deducunt ex consensu corporis Episcoporum cum capite, quod Episcopis in concilio adunatis præesse latendum est ab omnibus * cum Patribus Calchedonenfibus, & præesse quidem non mera prærogativa ordinis vel honoris, sed jure præcipuo primatus proprio, quo se *ceæles* capitis, seu * Cœlestini litteris professi sunt Ephesini Patres.

* Relat. ad
Leonem Pa-
pam.

* Relat. syn-
odi ad Cœle-
stinum.

9 Annuadvertere præterea juvat, asco ex Pontificio præsertim consensu pendere vim generalis Concilii, ut Constantinopolitanum I. quod licet ex convocatione & Episcopis in ipso coactis fuit generale solius Orientis, non autem totius Ecclesiæ catholicæ, cum nulli Occidentales Episcopi in eo convenerint; inter generalia tamen subinde fuerit acceptum quoddam symbolum fidei tantum, non vero quoddam canones disciplinæ, propterea quod Romana sedes ipsum symbolum tantum recepit. Vide quæ in hanc rem observavimus in tractatu *De antiquis canonum collectionibus* præmissis tom. 3. Operum S. Leonis novissimæ Ve-

tæ

re editionis part. 2. §. 2. n. 5. & seqq. (2) Et similiter synodus quinta inter generalia Concilia numquam fuisse recensita, nisi Vigilus Papa, qui ejus gestis primo contradixit, * postea præstitisset assensum.

* Confer De
vi primatus
c. 15. n. 39.

§. IV.

Cur Pisana synodus auctoritate generalis Concilii careat.

10 His præmissis, ut de Pisana synodo dicamus, quis certam œcumenicæ synodi vim & auctoritatem tribuat concilio in causa schismatis congregato Pisis, quod non ex uno tantum, sed ex tribus memoratis capitibus laborat? Quoad jus convocandi, Pisanam synodum convocarunt Cardinales utriusque obedientiæ, quarum una Gregorium XII. altera Benedictum XIII. tamquam verum Pontificem agnoscebat; & convocarunt non solum (3) absque cujusquam istorum assensu, verum etiam cum aperta singulorum reprobatione; ac præterea convocarunt obfistente simul duplici alia indictione generalis synodi ad duo loca diversa, Gregorius enim XII. Forojulii, Benedictus XIII. Perpiniani concilium celebrandum indicit. Ex hac triplici convocatione in diversas urbes, quis legitimam contendat & probet illam, quam fecerunt Cardinales primatus jure nequaquam

(2) Assentitur quoad substantiam Bosuetus lib. 8. Defens. c. 3. scribens: Damasi & Romanæ synodi consensu Constantinopolitana œcumenica facta est.

(3) Gregorius quidem XII. post synodum Pisanam ipsis suis adversariis concessit plenam & liberam facultatem &

potestatem super concilio generali ab omnibus partibus convocando, & locum etiam ad illud celebrandum eligendi: tom. 15. Concil. col. 1109. c. . Sed iis conditionibus hanc facultatem alligavit, quibus non observatis, ea facultas irrita intelligeretur & nulla.

quam præditi, licet reprobata a cuiusque obedientiæ Pontificibus, in quibus unus, licet ignotus, verus & legitimus fuisse cap. IX. videbimus? Etsi illi Concilium Pisæ indixerint bona fide ex necessitate remedii, quod aliunde sperari non posse arbitrabantur: non tamen bona fides nec remedii necessitas poterant convocandi jus illis tribuere, quibus non comperebat.

II Si porro ex numero Episcoporum, qui in concilio conveniunt, de ipsis (si ita loqui liceat) œcumenicitate iudicium ferendam sit; etsi plures Pisæ convenerint, quam aliis in locis, quæ a duobus contententibus ad generalem synodum celebrandam fuerant præstituta; cum tamen non pauci ex diversis provinciis Pisæ non accesserint, sive quod hi suæ cuiusque obedientiæ Pontifici, quem legitimo jure præditum bona fide iudicabant, parvum crediderint; sive quod Cardinalium convocationem legitimam non existimaverint defectu juris: quomodo Pisana synodus tot Episcopis, ac præsertim capite destituta certo generalis, universumque Ecclesiam representans haberi potest? Nullus scilicet Episcopus adfuit ex Hispania sequente Benedictum XIII, quæ (ut in Constantiensi agebat Cardinalis S. Marci) erat non minor Christianorum portio, quam Græcia Christiana. Absuerunt quoque omnes Episcopi Scotiæ, & multi ex Italia ac Germania, adeo ut idem Cardinalis memoret multas Germaniæ & Italiæ gentes, quæ in Gregorii XII. obedientia perstabant. Hinc non immerito Jacobus Lessius licet Calvinista in præfatione ad historiam Concilii Pisani contestatus est num. 5. si ex nationum numero iudicandum sit, idem Concilium non fuisse omnino completum. Quod si Cl. Episcopus Meldeus non dubitavit negare œcumenicum Concilium VI. eo quod absuerint Hispani; quæ dein coherentia tribuere potuit nomen & vim œcumenici Concilio Pisano, in quo præter Hispanos aliæ multe Germaniæ & Italiæ gentes defuerunt? Num generalis synodi nomen tribuendum, cum rei propriæ interest; cum non juvat negandum?

12 Ego vero cum ex antiquis conciliis celebratis in Oriente observaverim nihili habitum fuisse a Patribus omnium vel fere omnium provinciarum Occidentis defectum, siquidem supplevit Romanus Pontifex totius Ecclesiæ ca-

put.

T. 16. Conc.
col. 34. c.

lib.

put, qui rebus gestis assensum seu confirmationem præbuit; haud intelligo quo novo jure concedendus eredatur titulus œcumenici concilio Pisano, in quo non solum tot Episcopi, sed neuter etiam e contententibus Pontificibus interfuit, in quibus unum saltem ante depositionem verum & legitimum fuisse negari non potest: & non tantum neuter rebus gestis assensum & confirmationem generali synodo necessariam dedit; sed potius dissensit & contradixit uterque. Neque existimes sufficere confirmationem Alexandri V. qui post depositionem ambarum contententium electus acta hujus synodi approbavit. Si enim hæc synodus ex hætenus observatis certam œcumenici Concilii auctoritatem non habet; Alexandri quoque V. in ea electi auctoritas incerta idoneam confirmationem præbere non poterit. Nichil itaque certi ex Pisana synodo, quæ tot ex capitibus nutat, pro adversariorum sententia suppetit, quod certam œcumenici concilii auctoritatem præferre queat.

13 Hinc sane neque schismatici neque hæretici habiti sunt, qui alterutri contententi adhuc post Pisanam synodum bona fide adhærebant, & Alexandro V. noluerunt obsequi, nec Pisanam tamquam œcumenicam voluerunt agnoscere. Hac de re initio Constantiensis disputatum vehementer, cum Joannes XXIII. Alexandri successor volebat in ea ratum & œcumenicum propugnari concilium Pisenum, ne suimet electio in dubium vocaretur. At id (4) non potuit obrinere obfistente præsertim Cardinali de Alliaco, qui licet concilii generalis potestati favens, legitimum crederet Pisenum concilium, & omnia in eo canonice gesta; rerum tamen & gestorum veritate victus fateri debuit, non minores difficultates superfuisset post ipsum Pisenum concilium circa electionem Alexandri V. ejusque successoris

(4) Hinc etiam in Constantiensis cautum videtur, ne Pisana synodus vocaretur absolute concilium generale; sed congregatio fere appellata: Fuitque ibidem (Pis) magna congregatio, quam vocant concilium

generale utriusque obedientie. Vide articulos, quos proposuerunt commissarii concilii circa Benedictum XIII. t. 16. Concil. col. 641. d.

cessoris Joannis XXIII, quam illæ fuerant, quæ ante eam synodum dubiam reddebant electionem & auctoritatem duorum contendentium Gregorii XII. & Benedicti XIII. ac idcirco nihil exinde superesse certi, sed omnia in dubio hinc inde probabili versari: *Quare*, inquebat, *licet concilium* (Pisanum) *fuerit legitime & canonice celebratum*, & duo olim contendentes de papatu iuste & canonice condemnati, & electio D. Alexandri V. fuerit canonice & rite facta, & dicta electio ab illis, qui fuerunt in dicto concilio, fuerit legitime & canonice accepta, prout hæc omnia tenet obedientia Domini nostri Joannis XXIII. tamen duæ obedientiæ duorum contendentium probabiliter tenens contrarium, in qua opinionum diversa & adversa varietate non sunt minores difficultates juris & facti, quam ante concilium Pisanum erat de iustitiâ duorum contendentium.

Hac de causa Jacobus Lensant testatus est easdem difficultates, quæ perstant adhuc post Pisanam synodum, hujus auctoritatem adhuc incertam efficere. Adversariæ quidem sententiæ propugnatores vel nunc, etsi defendant Pisanum concilium tamquam œcumenicum, non tamen pro schismaticis, nec pro hæreticis habent, aut habere possunt eos qui negarunt, aut adhuc negant œcumenicum. Vide quæ hac de re fusius disserit S. Antoninus part. 2. Summæ Theologicæ tit. 3. c. 11. §. 6. & seqq. ubi etiam Cancellarii Parisiensis conclusiones a tota Parisiensi Universitate probatas describit. Certa igitur œcumenicæ synodi auctoritas Pisanæ defuisse ac deesse jure defenditur: quæcumquæ autem vis ipsi probabilis tribuenda credatur, rebus gestis probabilitatem aliquam vindicare, non vero omnimodam certitudinem potest.

T. 16. Conc.
Pis. edit. 1661.
§8. e.

Lib. 3. Hist.
Conc. Pisani
n. 77.

§. V.

*Quatenus Pisana gesta adversariorum sententiæ
obsint potius, quam profint.*

14 Quodsi ipsa Pisana synodi gesta expendantur; nullus canon, quo concilii generalis potestas supra Pontifices decreta fuerit, statutus invenietur, uti factum est in Constantiensis synodo, de qua in sequentibus differemus. Solæ depositiones duorum contendentium Gregorii XII. & Benedicti XIII. editæ, quæ factis & circumstantiis involutis innixæ, non pertinent ad fidem, uti ex Boffueto didicimus. Ipsa verò acta, methodum, & principia, quibus ad eorum depositionem Pisani Patres processerunt, non prodesset adversariis, sed potius obesse facile est demonstrare. Ideo Pisana synodi gesta sibi prodesse adversarii censent, quia præsumunt ipsam synodum ea de causa deposuisse contendentes duos, quod Patres certum crederent generale concilium jus habere supra summos Pontifices. Verum hanc sententiam iisdem Patribus non fuisse exploratam & certam ex eo manifeste colligitur, quod licet ageretur de duobus non certi, sed dubii juris Pontificibus; non tamen aucti sint illos absolute deponere, nisi eos aliunde, idest ob crimen schismatis & hæresis, indicassent a semetipsis *ipso facto* depositos excidisse ab eo Pontificio primatu, quo solo a concilii jurisdictione eximebantur. Neque id temere ab ipsis factum absque maturo examine atque consilio. Jam ante hoc concilium plerique Theologi, canonumque Magistri præcipue Gallicani & Universitatis Parisiensis omni studio investigantes; qua ratione tam perniciosum & inveteratum schisma posset aboleri, primo indicarunt unicam viam legitimam esse contendendum cessionem: & in hanc procurandam tota cura intendendum, cum nondum obrineret opinio de jure concilii œcumenici ad deponendos incerti saltem juris Pontifices. At postquam ob contendendum

N

repu-

repugnantiam hæc via inutilis inventa est; & similiter non omnino facilis videretur subtractio obedientiæ ab utroque, qui in sua cujusque obedientia habebatur verus legitimusque Pontifex; aliam viam excogitarunt, quam Pisanum concilium inivit. Ex actis enim ac documentis ejusdem concilii liquet, in ipso prius Doctorum Patrumque requisita sententia, hos fere in eo convenisse, Gregorium XII. & Benedictum XIII. incerto Pontificatus jure fungentes, cum se se antea jurejurando obligassent ad ipsius Pontificatus cessionem, si tollendo schismati necessaria esset, hujus promissionis executionem diutius differentes, veluti fautores pertinacissimi schismatis, habendos esse tamquam schismaticos, immo etiam hæreticos juxta illud scholarum, quod invaluerat, principium, quo pertinax in schismate ab hæretico practice non distinguitur. Eosdem porro ob notorium schismatis & hæresis crimen ante omnem sententiam *ipso facto* ab Ecclesia esse præcisos, & a Pontificatu consequenter decidisse; ac propterea Romana sede jam vacante licere ad novi certique Pontificis electionem transire. Hæc fuit sententia Theologorum atque Canonistarum 103. qui Concilio jubente in prima congregatione consulti fuerant a Cardinali Mediolanensi. Idem quoque censuerunt alii Doctores Universitatis Florentinæ numero 120. a quibus non discreparunt Universitates Bononiensis, Andegavenfis, Aurelianensis, Tolosana, & potissimum Parisiensis, quæ eandem suam sententiam per legatos Concilio significarunt.

15 Hæc autem tot Theologorum, Canonistarum, Universitatumque suffragia atque principia Pisani Patres sequuti noscuntur, non solum cum in prima & secunda sessionibus citari voluerunt duos contendentes, non nominibus Gregorii XII. & Benedicti XIII., sed Angeli Corrarrii & Petri de Luna, eo quod ipsos ob dictas causas *ipso facto* depositos, actuales Pontifices non haberent; verum etiam, & multo apertius cum post aliquot actus intermedios in definitiva sententia eosdem ut notorios schismaticos & hæreticos *ipso facto* a Deo & a sacris canonibus fuisse depositos, & ab Ecclesiæ corpore præcisos declararunt sessione quartadecima, antequam in ipsos depositionis sententiam ferrent, seu potius antea latam declararent. Quid tam

T. 15. Conc.
col. 1216. c.
Confer col.
1216. a, b.

tam longe quæsito principiorum circuitu laudati Theologi ac juris Doctores, nec non cum ipsis Concilii Patres ufu fuissent, ut contententes aliunde *ipso facto* depositos, & tamquam Pontificatu expoliatos Concilio subesse adstruerent, antequam in eisdem auctoritate concilii agerent; si ipsos in casu schismatis tamquam dubii juris Pontifices concilium generale per se se absolute posse deponere existimassent? Quomodo hæc acta, quibus Pisani Patres egerunt in eos, quos præsumebant a Pontificatu depositos, & non esse amplius Pontifices, prodesse possunt adversariis, ut exinde probetur jus concilii generalis supra actuales Pontifices? Nonne ideo excogitata videtur hæc methodus, quod ejusmodi jus supra Pontifices etiam tituli dubii synodo generali certo competere nequaquam crederent? Non solum igitur hujus synodi auctoritas, quæcumque sit, adversariorum systemati non suffragatur, sed potius obest reipsa, cum ad solum concilii jus in eos, qui actu Pontifices amplius non esse credantur, referri aliquatenus queat.

16 A Pisana synodo antequam transeo, aliam non levis momenti observationem addendam arbitror. Quæstio, de qua in ea synodo actum est, appellata fuit *causa schismatis & fidei*. Fidei autem causa cum schismate non ob aliam rationem fuit copulata, nisi quia contententes non acquiescentes cessionis necessariæ ad tollendum schisma, pertinaciter fovere ipsum schisma, & qua tales, ex principio tunc vulgato tamquam hæretici traducebantur, ac si articulum *Unam sanctam* Ecclesiam impeterent. Hinc in depositionis sententia ambo contententes ex schismate & hæresi ab Ecclesia præcisi, & ipso facto depositi præferuntur, ut paullo ante explicavimus. Hoc autem principium proprium (5) solius casus schismatis pertinacissimi inter contententes dubii & incerti juris, hypothese innititur, quæ

N. 2

omni-

(5) *Proprium*, inquam, *scilicet schismatis*, quod ob pertinaciam contententium aliquam hæresim fidei contrariam involveret: neque enim ipsum

principium potest referri ad casus corruptorum morum, qui reformationem requirerent, nec ullo schismatis aut hæresis vitio inficiebantur. Hinc

omnino certa probari nequit. Sicut enim nec schismatici, nec hæretici fuerunt, qui alterutrum ex contententibus legitimum verumque Pontificem existimantes, bona fide sequebantur; ita nec hæretici, nec schismatici proprie dicti judicari certo possunt ipsi contententes, siquidem se quisque verum legitimumque Pontificem bona fide ratus, suam dignitatem tuebatur, nec promissam cessionem volebat præstare, quamdiu conditio in promissione appositâ impleta non fuisset. Si autem hypothesis, qua illud principium fulciebatur, certo vera non est; quomodo principium illud certum dici potest; & quomodo certa auctoritas potest tribui concilio, quod principio tam incerto, seu potius falso nixus, ambos tunc de Papatu contententes vel deposuit, vel potius depositos præsumpsit & declaravit? Hæc ad abundantiam. Nunc ad Constantiensem synodum venio.

fels. 8. in solo schismatis casu tributum legitur Cardinalibus
jus convocandi synodum generalem hac vice in hac causa de-
testandi & antiquati schismatis

& fidei (tom. 15. Concil. col.
1272. e.) idest, ut habet e-
ditio Acheriana, ad providen-
dum huic negotio. Ibi col. 1212.
b.



CAPUT VII.

Decreta Constantiensia sessionum quartæ & quintæ de Synodorum generalium auctoritate supra Romanos Pontifices vim non habent generalis Concilii ob plures defectus, ac præsertim quia carent saltem confirmatione Apostolica.

GALLICANI Auctores celeberrimæ *Declarationis* anni 1682. asserturi generalium synodorum auctoritatem supra Romanos Pontifices, non multum fidisse videntur gestis concilii Pisani, quæ pluribus difficultatibus capite præcedenti indicatis obnoxia forsitan præsentientes, in ipsa Declaratione silentio prætereuntes omnino, sola Constantiensia decreta sessionum quartæ & quintæ putarunt ingerenda; eisdemque ut inconcussam vim generalis concilii vindicarent, ea a sede Apostolica confirmata expresse pronuntiarunt num. 2. Hoc potissimum adversariorum fundamentum (ex quo tantummodo ea, quæ validissimis rationum & auctoritatum principiis, ac potissimum cum tota antiquitate constituimus, infirmari posse videntur) quam ipsis difficile est idoneis certisque argumentis probare, tam mihi evidenti argumento efficacissime evertere facillimum fore confido. Multa nimirum hac in re multis circumstantiis implicita in quæstionem veniunt, quæ nisi apte ab adversariis statuuntur, incerta semper erit earum sessionum ac decretorum auctoritas, adeo ut ex his nihil certi contra nos & contra ea explorata momenta, quæ in præcedentibus pro Pontificia auctoritate attulimus, elici possit. Discutendum siquidem & constituendum esset, num Joannes XXIII. cujus auctoritate Constantiense concilium indictum fuit, potiori certiorque jure

Quæstiones
& difficultates
circa Constantiensia
decreta.

jure uteretur ad ipsum indicendum, quam alii duo competitorum Gregorius XII. & Benedictus XIII. huic indicationi repugnantes; & num de illius electione ac jure minores difficultates juris & facti vigerent post Pisanam synodum, ac erant illæ, quæ obtinebant ante eandem synodum in causa Benedicti XIII. & Gregorii XII. Num Constantiense concilium, quod initio ac tempore sessionum IV. & V. ex sola Joannis XXIII. obedientia constabat, fuerit & habendum sit vere œcumenicum universam Ecclesiam representans, duabus aliis obedientiis deficientibus, quæ tunc nec schismaticæ, neque a catholica Ecclesia avulsæ probantur, nec probari queunt? Num decreta earumdem sessionum, quæ a sola Joannis XXIII. obedientia prodierunt, generalis concilii vim & nomen jure possint obtinere, cum editio ipsorum facta fuerit eodem Joanne non solum nec per se, nec per legatos præsentem, sed palam repugnante; ac præterea in iisdem ferendis exclusum fuerit (1) suffragium Collegii Cardinalium, quod absente Pontifice Romanam Ecclesiam aliqua ratione representat? Num de iisdem decretis fuerit pro rei gravitate ac difficultate mature deliberatum, an potius temere & præcipitanter, neglecto in re tam nova accurato examine eaque conciliari discussione, quam Cardinales perierant, quæque postea causa Wicleffi & Hus negata istis non fuit? Quid si præter alia multa irregularia considerentur ea, quæ Joannes XXIII. iisdem gestis objecit in litteris ad Ducem Aurelianensem & Academiam Parisiensem, ubi queritur, Constanti-

T. 16. Concil.
c. 1. 807. &
Jegq.

(1) Ob defectum distincti suffragii Collegii Cardinalium decreta synodi Conciliariter facta non credebantur a multis, ut notavit unus e Patribus Cardinalis de Alliaco in Tractatu *De potestate Ecclesiastica*, qui in Constantiensi editus & Cardinalium nomine Cæsari ac synodo oblatum fuit: *Deliberatio, exclusa deliberatione ali-*

li Collegii, & non facta in communi sessione collatione votorum, videtur multis non esse censenda deliberatio CONCILIARITER facta. Suffragium Collegii Cardinalium fuisse exclusum quæsti sunt etiam Oratores Regis Galliarum in protestatione exhibita Concilio die 3. Martii an. 1417. sess. 28. tom. 16. Concil. col. 358. c.

stantienses Patres ad suffragia ferenda fuisse distributos (2) in quatuor nationes, easque inæquales; suffragia vero non singillatim, & per capita, sed per nationes in publicis sessionibus ita fuisse computata, ut eadem vis esset suffragii nationis Anglicæ, quæ ex paucissimis, ac Italicæ & Gallicæ, quæ ex plurimis Episcopis constabant: cumque ex sacris canonibus soli Cardinales, Patriarchæ, Archiepiscopi, & Episcopi in generalibus Conciliis gauderent jure suffragii; in hoc ad suffragium nationum ferendum omnes indiscriminatum essent admissi & clerici, & laici etiam matrimonio juncti, nec solum nobiles, sed & infimæ abjectæque plebis.

2 Ad tot tantosque eorum decretorum etiam essentialibus, quibus laborant & nutant, defectus sanandos Apostolica approbatio, seu confirmatio, si umquam alias, fuisset maxime necessaria; eaque non obscura aut ambigua, sed expressa & omnino certa, quæ una decretis tam incertæ auctoritatis posset certitudinem parere: unde & adversarii, qui alias constituta concilii generalis Apostolica confirmatione non indigere existimant, hanc Constantiensibus necessariam agnoscentes, in *Declaratione Cleri* edita an. 1682. iisdem decretis certam auctoritatem vindicaturi, Apostolicam ipsi confirmationem accessisse affirmandum putarunt. *Valeant & immota consistant sanctæ œcumenicæ Synodi Constantiensis a sede Apostolica comprobata decreta.* Hoc itaque principium stet immotum & certum, Constantiensium decretorum sessionum quartæ & quintæ Apostolicam confirmationem debere esse exploratam, expressam, & minime dubiam, ut certa constet ipsorum auctoritas; sicque Pontificiæ jurisdictioni, quæ ex constitutis supra ipsas generales synodos indubitata videtur, istarum synodorum jus ex certa œcumenicæ synodi & Apostolicæ confirmationis auctoritate prævaleat. Unde vero ab adversariis petetur atque probabitur expressa & indubitata eorum decretorum

(2) De hac inæquali suffragiorum distributione vide quoque laudatam protestationem

Oratorum Galliz tom. 16. col. 357. a, nec non col. 352. & seqq.

104 DE POTESTATE ECCLESIASTICA

Decreta Con-
stantiensis
sessionum IV
& V. carent
approbatione
Joannis
XXIII.

rum Apostolica confirmatio? Hæc proculdubio afferri ne-
quit ex Joanne XXIII. qui earum sessionum tempore a
Constantiensibus habebatur legitimus Pontifex. Is enim an-
te tertiam sessionem se subtraxerat a Concilio, nec inter-
fuit memoratis sessionibus, nec earum decreta probavit; &
quamdiu liber extitit, se ab ipsis alienissimum prætulit, ut
vel ex indicatis litteris ad Ducem Aurelianensem, Univer-
sitatemque Parisiensem manifestum est. Quodsi quandoque
ei synodo ejusque decretis aliquid detulisse visus est; præ-
terquamquod nihil hinc certæ & expresse approbationis ipso-
rum decretorum erui potest; id accidit, cum captivus Cæ-
saris & Concilii vim patiebatur, quæ approbationem (ut
esse deberet) omnino liberam & voluntariam excludit.

Et Martini
V.

3 Neque legitima approbatio colligi potest ex Mar-
tino V. qui ab eodem Concilio electus, certus & legiti-
mus Pontifex fuit. Si quæ is fecisset pro memoratis decre-
tis, cum tamquam Cardinalis ipsi synodo adfuit, nihilum
adversariis prodesset: neque enim gesta Cardinalis Pontifi-
ciæ auctoritatis & confirmationis nomine donari queunt.
Quæ vero gessit post promotionem ad Pontificatum, nisi
approbationem eorum decretorum expressam, & sanandis
defectibus apprime necessariam exhibeant, cum aliis atque
aliis causis tribui possint, nihil pariter juvant. Porro eum
expresse quidem approbasse gesta contra Joannem Wiclef-
sum, Joannem Hus, & Hieronymum Pragensem certum
est ex duabus ipsius Constitutionibus datis ante finem Con-
cilii 8. Kal. Martii; & in una ipsarum quæ incipit, *In
eminenti Apostolicæ dignitatis specula*, omnes defectus, qui-
cumque in condemnandis eorum erroribus fuissent admissi,
abs se sanari, & quidquid defuisset, suppleri affirmavit.
Nullum vero uspiam indicium approbationis eorum decre-
torum, quæ generale Concilium supra ipsum summum Pon-
tificem præferunt sessionibus IV. & V. Adeo vero eum
non approbasse ejusmodi decreta exploratum est, ut ipsa
potius certissime reprobaverit, cum in eodem Concilio Po-
lonis Oratoribus sub pœna excommunicationis prohibuit
ne a Pontifice ad generale Concilium provocarent, & spe-
ciali quoque Bulla declaravit nullo umquam casu licere per
hujusmodi appellationem se ab Apostolicis judiciis subduce-
re: quam Bullam eorum decretorum Constantiensibus *fun-
damentum*.

T. 16. Conc.
cel. 765.

damensale penis robur destruxisse Joannes Gerson ipsorum præcipuus promotor & vindex conquestus est. Cum itaque iisdem Polonis petentibus cujusdam libri condemnationem Martinus respondit, se omnia & singula determinata, conclusa, & decreta **IN MATERIA FIDEI** per præsens Concilium conciliariter tenere & inviolabiliter observare velle, ipsaque sic **CONCILIARITER** facta approbare & ratificare, & non aliter, nec alio modo: id de fidei decretis in Wicleffum, Hus, & Hieronymum Pragensem intelligendum est, quorum approbatio est certa; non vero de decretis sessionum IV. & V. quæ ab ipso Pontifice non perinde fuerunt approbata, sed potius reprobata in radice & fundamento, ut Gerson animadvertit; cum præsertim hæc per se se a Patribus Concilii non fuerint edita veluti decreta fidei formulis usitatis in definitionibus dogmaticis, sed per modum constitutionum synodaliū, ut in præmio quintæ sessionis declaratum fuit: quæ de re vide quæ sequenti capite pluribus differuntur.

4. Neque satis expresse ac certæ approbationis nomine asserantur illa ex Bulla ipsius Martini ad Sigismundum Imperatorem, quibus depositionem Joannis XXIII. *canonicam* appellans, auctoritatem Concilii in Papam deponendum legitimam declarasse videtur. Cum enim facta depositionum ejusmodi per se se, fatente Bossueto, ad materias fidei non pertinere constet; neque ad fidem proculdubio pertinebit eorum approbatio; carentque prorsus ea certitudine divini juris, quæ rejiciendo Pontificio divini juris primatui supra Synodos generales necessaria esset. Præterea adjectivum *canonicam*, quod ad servatum in depositione Joannis canonum ordinem referri potest, cum (3) obiter &

O

narran-

Dialog. ap-
log. tom. 2.
pag. 390.

T. 16. Conc.
col. 746. a.

Facta deposi-
tionum cur
non probent
jur.

Lib. 1. De
sens. c. 28. p.
439.

(3) Hæc scilicet Bulla, qua Martinus V. liberavit Imperatorem ab onere custodiæ Joannis XXIII. his verbis incipit: *Dudum præsens generale concilium Constantiense personam Balthassaris Cossæ, olim Joannis XXIII. in sua obedientia*

nuncupati, post illius a Papato per definitivam sententiam ejusdem Concilii CANONICAM depositionem, per eandem sententiam ad standum & morandum in aliquo bono & honesto loco sub custodia tuta &c.

narrando, non autem decernendo, in Bullæ exordio adhiberetur fuerit; vim definitionis & approbationis dogmaticæ, qua jus Concilii approbatur, tamquam dogma fidei, obtinere non potest. Tandem hoc jus concilii veluti *legitimum* peculiari ratione approbari poterat a Martino in casu Joannis; qui cum se submiserit sententiæ ferendæ a synodo, jurisdictionem eidem in se ipsum quodammodo tribuit propria voluntate; cumque postea latæ sententiæ assensisset, ut promiserat, non sententia propria synodi, sed sua se voluntate Pontificatu abdicavit, ut in sequenti capite explicabimus num. 16. Hujus peculiaris casus approbatio nihil confert ad statuendam approbationem juris coactivi & universalis Conciliorum generalium supra Pontifices etiam invitos: quod statutis Constantiensibus universum decernitur.

Nequit afferri approbatio Eugenii IV.

5 Difficiliorem porro operam aggrederetur, qui desertus approbatione Martini V. in Pontificiæ confirmationis argumentum produceret eas saltem Eugenii IV. litteras datas diē XVIII. Januarii an. 1433. & descriptas in actis Basileensis concilii sessione XVI, quibus dum scripsit, hocce Basileense concilium a tempore, quo inchoavit, legitime continuasse, & debere continuare, revocatis Bullis, quæ ipsum ante secundam actionem solutum declaraverant, approbasse videtur tamquam legitima antecedentium actionum gesta, nec non decreta Constantiensis sessionum IV. & V. quæ in Basileensi repetita fuerant actione secunda. Num declarare continuationem synodi in actionibus præcedentibus decimam sextam, perinde ac si nulla dissolutio præcessisset, idem est ac decreta in iisdem edita approbare, & præsertim ea ex Constantiensis concilio repetita actione secunda, quibus Legatus Eugenii nec præsentiam, nec assensum præbuerat, & de quibus idem Pontifex tum per Nuntios tum per epistolas apud omnes nationes conquestus fuerat? Ea declaratio ad summum ipsa decreta in eum locum ac statum restituit, in quo fuissent, si nullam Eugenius dissolutionem edidisset. Tunc vero non fuissent omnino rata, nisi Apostolica, quæ decrat, confirmatio expressa accessisset. Quid porro si Pontifex ejusmodi declarationem * vi quadam coactus eo concilio fecit, ut intentata contra se molimina declinaret, impediretque enormia scan-

* Card. Turrecrem. Sum. de Eccles. c. 290.

scandala, in spem erectus fore ut hac via facilius alio transferretur Concilium, ubi Ecclesiæ necessitatibus æquius prospiceretur, nec Apostolicæ sedis auctoritas detrimentum caperet? Hinc autem jure idem Pontifex in solemnī congressu Florentiæ habito Juliano Cardinali objicienti litteras memoratas pro continuatione Basileensis Concilii respondit (uti testatur Cardinalis Turrecremata qui eidem congressui interfuit): *Nos quidem bene progressum concilii approbavimus, volentes ut procederet, ut inciperet; non tamen approbavimus ejus decreta*: quæ verba omnino certum efficiunt inanem esse prorsus eorum n̄sum, qui Constantiensia decreta in Basileensi reproducta, ab Eugenio IV. approbata fuisse contendunt.

ibid.

6 In his autem aliisque similibus, quæ longiorem disputationem requirerent, quæque quantum ex una parte pro adstruenda Apostolica eorum decretorum confirmatione multis effertur ab Episcopo Meldensi, tantum ex altera refutantur uberrime a Cardinali Urſio, nolo diutius lectores detinere, cum argumentum & brevius & evidentius mihi præsto sit ex ipsorum adversariorum concessione deducendum, quod memoratorum decretorum Constantiensium vim prorsus elidet & infringet. Vim enim ipsorum decretorum illi ex eo colligunt, quod ea sint decreta Concilii generalis, & confirmata a sede Apostolica. Peto autem, num eadem decreta constituent fidei dogma, a quo nemo poterit, aut possit recedere absque hæresis nota? Certum est & multos in ipso Constantienti post eorum decretorum editionem, & deinde etiam quamplures, & Gallicanos quoque non paucos eisdem decretis refragatos, & adhuc refragari, qui tamen nulla hæreseos, aut perniciosæ contumaciæ censura ab ipsis adversariis inuruntur, ut * vel ex Bosſueto liquet. Quid ita? Bonæ fidei & inadvertentiæ nomine eos hic excusandos putat. *A gravi certe nota, inquit, immunes esse non possent, nisi bona fide agentes, non satis assensu re excusari viderentur . . . Non enim plerique prospiciunt satis, doctrina concilii Constantiensis quam sis in certis casibus Ecclesiæ necessaria, qui casus cum infrequentes sint, non omnes facile eorum cavendorum necessitatem advertunt.* At quæ bona fides, quæso, quæ inadvertentia excusare posset in re, in qua generalis Concilii certa dog-

Es decreta
Constantien-
sia certe non
constituunt
dogma fidei.

**Vid. Dissert.
prev. §. 45.
n. 1. pag. 41.
Lib. 6. De
sens. al. 30. c.
19. pag. 309.
n. 2.
Bosſueto ratio
expansæ.*

matica definitio ab Apostolica sede confirmata constaret? Quot alii hæretici & errores ab Ecclesia damnati simili bonæ fidei ac inadvertentiæ nomine possent excusari? Vera ratio, cur ea Constantiensia decreta non constituerint olim, nec hodie constituent doctrinam fidei, cui nemo catholicus contraire potuerit, aut possit, esset quidem hæc, si vel non crederentur præferre veram definitionem fidei, sed meram *constitutionem synodalem*, quæ dogmaticam doctrinam non contineat, ut capite sequenti explicabitur; vel Constantiensis synodus in ferendis iisdem decretis ob varias indicatas irregularitates atque defectus judicaretur non fuisse, nec haberi posse vere œcumenica. Si autem neutrum placeat, ut adversariis non placet; cur nihilominus ea decreta non contineant, neque constituent doctrinam fidei, cui nemo citra hæresim possit reluctari, ea sola ratio afferri potest, quia licet edita a Concilio, quod œcumenici nomen etiam in illis sessionibus præ se tulit, & dein repetita in Basileensi; non tamen a sede Apostolica, idest nec a Martino V, nec sub tempus Basileensis ab Eugenio IV. fuerunt approbata seu confirmata: quæ approbatio seu confirmatio ad vim generalis concilii adstruendam, & ad constituendum dogma fidei est maxime necessaria. Hinc quidem Bossuetus hanc quæstionem post decreta Constantiensia adhuc in suspenso relictam & indecisam & libere utrinque agitatam agnoscit libro I *Defensionis* in Appendicem novissimæ editionis traducto cap. 3. Jacobus quoque Lensæ quantumvis Calvinista in historia Constantiensis concilii tom. I. pag. 89. hanc quæstionem ipsis decretis *non potuisse alibi terminari* pronuntiat. Decretis ineptis ad finiendam litem quomodo fidere poterunt adversarii in quæstione, ubi auctoritas requireretur omnino certa, quæ jus Pontificium supra universam collectivè Ecclesiam, & supra generalia Concilia primatui competens, ac tota antiquitate comprobata extruderet?

CAPUT VIII.

Eadem decreta Constantiensia alio nomine vim & auctoritatem peremptoriam non habent, quia non fuerunt edita tamquam certum dogma fidei, sed, ut acta præferunt, *per modum constitutionum synodaliū*, cujus formulæ vis decreta indicat, quæ non ex fide, sed ex mera opinione in ejus temporis circumstantiis constituenda visa sunt ad tollendum schisma. Singula decreta expensa, & quatenus æqua interpretatione explicari queant: quid in ipsis difficilem explicationem ferat. Ex necessitate remedii ad abolendum schisma eadem opinio inducitur; & quatenus juri supremo summorum Pontificum nequeat præjudicium afferre.

CELEBRIA decreta concilii Constantiensis de vi & potestate conciliorum generalium supra ipsos summos Pontifices, quibus Pontificiæ auctoritatis impetitores ceteroquin catholici maxime innituntur, in duplici sessione constituta fuerunt, primum sessione quarta, & rursus in quinta. In quarta sessione hoc tantum ea super re decretum profertur.

Hæc sancta synodus Constantiensis generale concilium faciens pro extirpatione præsentis schismatis, & unione ac reformatione Ecclesiæ Dei in capite & in membris fienda, ad laudem omnipotentis Dei, in Spiritu Sancto legitime congregata,

T. 16. Concil.
col. 63. c.

sa, ad consequendum facilius, securius, liberius, & uberior unionem & reformationem Ecclesie Dei, ordinat, disponit (al. diffinit), statuit, decernit, & declarat, ut sequitur.

Et primo quod ipsa synodus in Spiritu Sancto congregata legitime generale concilium faciens, Ecclesiam catholicam militantem representans, potestatem a Christo immediate habet, cui quilibet cujuscunque status, vel dignitatis, etiam si Papalis existat, obedire tenetur in his, quæ pertinent ad fidem & extirpationem disti schismatis, & reformationem generalem Ecclesie Dei in capite & in membris. Postrema verba & reformationem generalem Ecclesie Dei in capite & in membris, non solum deesse in mss. codicibus Vaticanis laudatis a Schelestratio, verum etiam in duobus Vindebonensibus, in Wolfenbuttelensi, Brunswicensi, Gothano, & Lipsiensi docent nuperi editores hujus Concilii in Germania tom. 4. part. 1. pag. 86. 87. & 89, ex quibus Vaticanorum exemplarium vindicatur fides; cum præsertim desint etiam in antiquo ms. actorum Concilii Basileensis, quibus eorundem decretorum Constantiensium epitomes inserta, iisdem verbis caret. Hinc non immerito Vonder Hardt & Jacobus Lensant suspicantur, prima exemplaria hujus compilationis recepta a Basileensibus non discrepasse ab actis authenticis Concilii Constantiensis, eaque verba posterius inserta fuisse in decretum sessionis quartæ, postquam scilicet eadem verba in quinta sessione recepta & approbata fuerunt: quod sane innuit hæc marginalis adnotatio in uno codice inventa: *Iste articulus (sessionis quartæ primus) imperfecte fuit factus, ut sequitur, ideo suppletur in sessione sequenti*, in qua ea verba hic omissa, addita leguntur. Vide adnotationem. Venetæ editionis.

2 In quinta sessione non solum laudatum decretum sessionis quartæ repetitur memorata omissione suppleta, verum etiam aliud decretum additur de pœnis, quibus coercendi essent inobedientes, præmissa hac notatione: *Sursum de mandato totius sanctæ synodi Rev. Pater Dominus Andreas electus Poznanienfis, & certa capitula PER MODUM CONSTITUTIONUM SYNODALIU prior per singulas quatuor nationes conclusa & deliberata legit*,

T. 16. Concil.
col. 73. a.

git, & publicavit; quorum tenores sequuntur; & sunt tales.

In nomine sanctæ & individuae Trinitatis &c. Hæc sancta synodus Constantiensis generale concilium faciens, pro extirpatione ipsius schismatis, & unione, & reformatione Ecclesiæ Dei in capite & in membris, ad laudem omnipotentis Dei, in Spiritu Sancto legitime congregata, ad consequendum facilius, securius, liberius (al. uberius) unionem & reformationem Ecclesiæ Dei, ordinat, diffinit, decernit, & declarat ut sequitur.

Es primo declarat, quod ipsa in Spiritu Sancto legitime congregata, concilium generale faciens, & Ecclesiam catholicam representans, potestatem a Christo immediate habet, cui quilibet cujuscumque status vel dignitatis, etiam si Papalis existat, obedire tenetur in his quæ pertinent ad fidem, & extirpationem dicti schismatis, & reformationem dictæ Ecclesiæ in capite & in membris.

Item declarat, quod quicumque cujuscumque conditionis, status, dignitatis, etiam si Papalis, qui mandatis, statutis, seu ordinationibus, aut præceptis hujus sacre synodi, & cujuscumque alterius concilii generalis legitime congregati, super præmissis, seu ad ea pertinentibus, factis, vel faciendis, obedire contumaciter contempserit, nisi respuerit, condignæ pœnitentiæ subjiçatur, & debite puniatur, etiam ad alia juris subsidia (si opus fuerit) recurrendo.

Notanda hic est potissimum formula, qua in præmissa notatione hæc decreta seu capitula jubente synodo lecta & publicata dicuntur *per modum constitutionum synodali-um*. Similiter post lectionem ipsorum decretorum quintæ sessionis * ex editione Basileensium, & * ex aliis codicibus *constitutionum* vocabulum iterum usurpatur. Quibus articulis sive constitutionibus lectis. His verbis *constitutionum synodali-um* si affirmem indicari ipsum decretum de auctoritate concilii generalis non fuisse editum tamquam dogma fidei, nec constituisse doctrinam credendam ex catholica fide, non difficile me probare posse arbitror.

3 Sicut non omnia decreta summorum Pontificum in materiis quantumvis dogmaticis constituunt dogma fidei; ita nec omnia Conciliorum statuta, ut præclare notavit Mel-

Formula ad-
tanda.

* Col. 76. e.
* Col. 77. b.

Melchior Canus lib. 5. de Locis cap. 5. ubi & designavit notas, quibus fidei decreta internoscantur. Illa nimirum fidei decreta sunt, in quibus aliquid ex fide credendum aut damnandum decernitur, ita ut qui aliter sentiant, a catholica fide alieni, ab Ecclesia præcisi, anathemate aliisque similibus censuræ formulis indicentur percussi. Si nihil ejusmodi notarum adsit, etiamsi materies, circa quam concilium versetur, possit ad fidem referri; decretum tamen non erit certa dogmatica definitio. Multæ sunt apud catholicos quæstiones, quæ ad fidem referuntur, ut sunt ex. gr. illæ quæ ad sacramentorum formam, materiem, aut ministrum pertinent; & nihilominus, quamdiu ab Ecclesia non prodit definitio, neutra ex parte certum suppetit fidei dogma. In his, quoad inter catholicos controvertuntur, & concilia & Pontifices non facile dogmaticum judicium profertur; & quousque res plane eliquata non sit, si statuunt aliquid, quod ex circumstantiis expedire videatur in bonum Ecclesiæ, id non statim, nec semper dogmati ac definitioni est accensendum. Hinc quædam non ex firmo dogmate, sed ex opinione prolata in aliquot Pontificum decretis contineri * alibi notavimus: & quædam etiam in conciliorum statutis similiter inveniuntur.

Non omnia decreta, quæ circa materiâ fidei versantur, sunt decreta & definitiones fidei.

* De vi & rat. primat. c. 15. n. 39. & 40.

Cur quæstio non definita in Constantiensis tantumquam dogma.

4 Quæstio circa Conciliorum generalium & summorum Pontificum auctoritatem sub tempus synodorum Pisanæ & Constantiensis occasione schismatis agitata, pertinebat quidem ad intelligenda loca Evangelica, quibus utraque potestas innititur, ad explicandam naturam & jurisdictionem Pontificii primatus, & ad alia hujusmodi non pauca, quæ respiciunt materiam fidei: at sententia, quæ concilii generalis jus coactivum supra Papam propugnabat, ita erat nova, nulloque vetusto exemplo, aut certa auctoritate munita; e contra vero potestas Pontificum supra universam Ecclesiam, & supra ipsa generalia concilia, seu supra universæ Ecclesiæ Episcopos, qui in generali concilio collecti una cum capite totam Ecclesiam repræsentant, ita antiquis exemplis & auctoritatibus fulciebatur, ut si dogmaticum judicium fuisset edendum, pro Papa potius, quam pro generalis concilii Patribus Pontificio assensu carentibus proferenda fuisset definitio. Instabant vero circumstantiæ schismatis diuturni & perniciosissimi, quod

in

in multos annos productum, multa mala & scandala pepererat. Antiquis temporibus etſi plura ſchiſmata ejuſdem generis incidiffent, aliis tamen atque aliis mediis fuerant confopita. In hoc autem, quod ex pertinacia contententium ita a ceteris omnibus difcrepabat, ut *tot vetro ſæculis ſemel tantum cognitum* Boſſuetus affirmaverit; cum alia atque alia legitima remedia pluries tentata, inventa fuiſſent inutilia; neceſſitate quadam tribuendum viſum eſt juſ Conciliis generalibus ſupra eos, qui de pontificatu certabant, adeo ut, ſi non cederent ſponte, quod legitimum erat medium ac debitum; omnes deponerentur vel inviti, licet id numquam antea fuiſſet auditum. Hanc pertinaciſſimi ſchiſmatis vexationem totam (1) rationem cauſamque fuiſſe, cur in hanc ſententiam Conſtantiensis tempore plures abiiffent, non obſcure teſtatur eſt Joannes Gerſon in tractatu *De poteſt. Eccleſ. conſid.* x. ubi poſt memoratam vulgatam antea eorum ſententiam, qui *poſuerunt papalem auctoritatem ſupra concilium, aut ſaltem non impari*, ſubdit: *Benedictus autem Deus, qui per hoc ſacroſanctum Concilium illuſtratum divina legis lumine, dante (nota hæc verba) ad hoc ipſum VEXATIONE præſentis ſchiſmatis intellectu, liberavit Deus Eccleſiam ſuam ab hac peſtifera pernicioſiſſimæ doctrina.* Ita ex præjudicio graviffimo novæ ſententiæ peſtiferam & pernicioſiſſimam vocat doctrinam antiquam, quæ eodem ſatente paullo poſt *conſid.* xii. veluti quædam *traditio* a majoribus ſuſcepta ante Conſtantiensẽ ſic occupaverat mentes plurimorum, ut *oppoſitum dogmatizare fuiſſet de hæretica pravitate ſuſpectum vel damnatum.*

6 In re autem huic receptiſſimæ traditioni contraria noluerunt; nec auſi ſunt ejuſdem Concilii Patres

P

novam

Lib. 5. Deſenſ. c. 14.

Tota ratio condendorum decretorum explicata.

(1) Hanc eandem rationem ſatis indicavit etiam Epiſcopus Meldensis, cum lib. 6. al. 10. *Deſenſionis* c. 19. t. 2. pag. 509. pleroſque Conſtantiensis doctrinæ adverſarios ſive antiquos, ſive recentiores

eo ſolo nomine excuſandos credidit, quod non animadverterint, quam ea ſit certis in caſibus Eccleſia neceſſaria, ac ſi hæc neceſſitas per ſe ſufficiens fuerit ejus doctrinæ inducendæ ratio.

novam doctrinam de jure Concilii supra Papam constituere tamquam dogma fidei; sed eo revocarunt decreta, ut jus synodi œcumenicæ sola remedii necessitate in tribus memoratis casibus statuerent sine ulla hæresis, aut alia simili nota, qua fidei definitiones distinguuntur, & quam idem Concilium adhibuit, cum decreta ad fidem pertinentia in condemnatione errorum Wicleffi, Hus, & Hieronymi Pragensis aliis in sessionibus edidit. Sola quidem necessitas remedii in laudatis circumstantiis sicut non efficit ut inferior jus habeat in superiorem suum; ita nec efficit ut Papa, qui jure divino est superior concilio ratione primatus, cujus causa toti Ecclesiæ etiam in concilio adunatæ jurisdictione præfectus est bono unitatis, eadem Ecclesia & universali concilio evadat inferior, ac idcirco in ipsum superiorem suum Ecclesia & concilium jurisdictionem nondum probatam, immo tot veteribus documentis reprobam acquirant. Hæc tamen necessitatis ratio in angustiis & involutissimis ejus temporis circumstantiis ita efficax maximeque probabilis videri potuit Constantiensis Concilii Patribus, ut putarent decreta condenda ex eo, quod exposcere videbatur, quemadmodum fieri consuevit etiam in aliis aliorum synodorum decretis, quæ necessitati congrua, fidei dogma non constituunt: idque proculdubio significare voluisse videntur verba, quibus in actis notatum fuit, eadem decreta fuisse lecta & publicata *per modum constitutionum Synodali*um nulla interposita fidei nota.

7 Qua de re ne quispiam dubitet, animadvertat Gersonem, qui licet passim post decreta Constantiensis audens hæresis notam inureret contrarium sentientibus; * non uno tamen in loco fateri debuit, eorundem decretorum doctrinam, etiam tempore ipsiusdem synodi *palam* fuisse impugnata a multis, qui tamen non idcirco a Patribus Constantiensibus hæretici habiti sunt. Id exploratum fiet inter alia ex celebri questione, quæ in eadem Synodo mota fuit post eorum decretorum editionem. Cum decretum contra errores Wicleffi paratum fuisset post quartam & quintam sessiones, proposita fuit questio, num Papa, an concilii nomine idem decretum esset promulgandum. Habitus hac de re Theologorum conventus, in quo Cardinalis Cameracensis pro

Ex ratio probabilis tantum visa est, insufficientis ad definiendum dogma.

* De pœp. Eccl. consid. 12. & serm. 10 sesto 3. Antonii.

sis pro concilii nomine differuit. At ex quadraginta Doctoribus duodecim tantum Cardinalis sententiz faventibus, ceteri contenderunt Papæ nomine definitivam sententiam esse promendam, Cardinalique suam opinionem acrius propugnanti fere omnes in faciem resisterunt. Quomodo hæc post sextam sessionem enata inter Theologos contentio? Si decreta sessionum quartæ & quintæ sine Papæ nomine edita tamquam fidei decreta proposita fuissent, qui locus esse poterat ambigendi, num condemnatio articulorum Wicleffi solo concilii nomine configi posset, & nihilominus constitueret doctrinam fidei? Si tamquam fidei dogma sancitum fuisset sessionibus IV. & V. Concilium Œcumenicum generatum, ac præsertim in materia fidei potestatem habere immediate a Christo; qui fieri potuisset ut paucis diebus post ex quadraginta Theologis octo & vigintri contrariam sententiam tenerent, hoc est *Concilium per se nullam potestatem habere nisi a capite* (seu nisi in unitate cum capite), & ut Cameracensi in aliam sententiam abeundi tam vehementer resisterent? Si huic Cardinali contendenti Concilium esse supra Pontificem, & posse ipsum deponere resisterunt post quartam & quintam sessionem; nonne post ea decreta liberum judicarunt in utramque partem disputare? Certe idem Cardinalis in eo libello, quo defendit solo Concilii nomine posse edi decreta fidei, nihil disertius & convincentius in suam sententiam potuisset asserre, quam decreta laudatarum sessionum solo concilii nomine inscripta, siquidem hæc edita fuissent tamquam fidei dogma. Cur nihil tale tetigit? nisi quia manifestum erat omnibus in ipsis decretis non fuisse constitutam fidei doctrinam. Quid tandem quod idem Cardinalis in superiori tractatu, quem subinde in eadem synodo vulgavit *de Ecclesiæ, Conciliorum generalium, Romani Pontificis, & Cardinalium auctoritate*, ubi eandem questionem versat, non solum laudatorum decretorum non meminit, nec adversarios hæresis accusat; verum etiam disputationem pro auctoritate Concilii Œcumenici his verbis concludit: *Quæ tamen non definitive determinando, sed doctrinaliter susciendo posita sunt: nam hujus rei definitionem sacri Concilii determinationi submitto*: quæ indicant eum non credidisse questionem de concilii generalis jure supra Pontificem decretis

sessionum IV. & V. fuisse definitam ex fide, sicut nec postea crediderunt, nec credunt ipsi nostri adversarii, qui nec Summos Pontifices, nec Cardinales, aut Episcopos, aliove Pontificiæ auctoritatis vindices memoratis decretis obstrictos hæreticos judicant: quod ex eorundem adversariorum sensu evidens est argumentum, ea decreta dogmaticum judicium non continere, nec ad definitionem dogmatis posse referri.

Sensus decretorum exponitur.

8 Expendamus nunc earundem constitutionum synodalium sensum; & videamus num aliqua saltem ratione ita explicari & intelligi queant, ut a veritate non abint. Dicitur concilium generale universam Ecclesiam representans, a Christo *immediate potestatem habere*. Quis id de vero generali concilio neget? Quis pariter neget de Constantiensi in iis quæ vim generalis concilii obtinuerunt, qualia sunt quæ circa fidem statuit contra Wicleffum, Hus, & Hieronymum Pragensem, quibus non desuit confirmatio Apostolica; & qualia sunt etiam statuta reformationis & disciplinæ, quæ eadem approbatione roborata fuerunt? In aliis, quæ hac confirmatione carent, cur vis generalis concilii nequeat admitti probatum est satis cap. 2. & 4. unde nil mirum, si quoad hæc idem concilium non fuerit, nec haberi possit generale, nec jurisdictionem generalis synodi habeat. Hæc quidem jurisdictio a Christo immediate dimanat, quia Christus omnem jurisdictionem Ecclesiasticam immediate tradidit S. Petro, & Apostolis, ac in ipsis dedit Romano Pontifici successori S. Petri, aliisque Episcopis successoribus Apostolorum ex disputatis capite 1. §. 1. & 2. Sed cum Petro primum jurisdictionem Christus dederit, seu promiserit separatim ab aliis, aliis vero postea non dedit separatim a Petro, sed una cum Petro in bonum unitatis; jam monuimus id ab eo factum, ut quisque intelligeret jurisdictionem Petri ac successorum ejus non pendere ab aliorum jure & consensu; aliorum vero jurisdictionem etiam in concilio in unitate cum jure Petri ac successorum ejus debere consistere. Confer dicta cap. 1. §. 4. Hæc non animadvertunt proculdubio, qui jus tribuerunt Episcopis congregatis in synodo supra & contra Summos Pontifices, ac ejusmodi synodos vere œcumenicas præsumptantes, vim eisdem asseruerunt in eos, qui cuique Syn-

Synodo superiores sunt, nec vi ipsarum coactivæ possunt subesse, nisi superiorem inferioris jure posse adstringi antea probetur. Prosequamur explicationem decretorum.

9 In decreto sessionis quartæ & in primo quintæ statuitur jurisdictioni generalis synodi, quæ immediate a Christo est, quemlibet cujuscumque gradus & dignitatis, etiam si *Papalis* existeret, debere obedire in tribus casibus, hæresis, schismatis, & ubi agatur de reformatione morum. In casu hæresis, quis inficias ibit ipsum Romanum Pontificem debere se se submittere definitionibus fidei a generali concilio editis, præditiisque confirmatione seu consensu Apostolico, quo eas indigere probavimus c. 3. ut constituent dogma fidei; cum ad id omnes obligentur jure divino? Quæ enim a generalibus conciliis assentiente Apostolica Sede circa fidem definiuntur, dogmata sunt a Deo revelata, quibus non humano, sed divino jure fidei assensus debetur ab omnibus. Hæc vera ratio est ob quam Papa obligetur definitionibus dogmaticis generalis Concilii: Qui ex hoc decreto deducunt Constantienses Patres hoc ipso non solum subiecisse Papam auctoritati synodorum generalium, verum etiam significasse eum posse errare circa fidem, si de errore definitionum intelligant, falsa & non probata hypothesis laborant; neque enim ex ullo textu ipsorum Patrum aliquod indicium afferetur, quo illi crediderint posse errare Summos Pontifices cum definiunt, hicque casus nullo exemplo innixus, totoque nostro systemate reprobatus inter impossibilia referendus est. Quod si non negandum videatur eosdem Pontifices posse errare, vel aliquando errasse opinando vel omitendo aut negligendo condemnationem novi alicujus erroris seu hæresis; cum hi casus non essent errores definitionis, nihil contra nostram thesim solas proprie dictas definitiones propugnantem evincerent. Si autem his in casibus Papa generalis concilii decreto erroneam ejus opinionem, aut negligentiam, seu omissionem corrigenti parere deberet; id eum non ipse concilii jure, sed altiore illo, de quo antea diximus, obligatum præstaret, ut ne exinde concilii ejusdem auctoritas per se, & jus coactivum supra Papam probaretur.

10 Porro in casu schismatis, in quo Summus Pontifex omnium maxime jure naturali ac divino debet omni-
bus

bus mediis uti, ut illud extinguat; unitatemque, cui custodiendæ ac vindicandæ ex primatu potissimum obligatur, Ecclesiæ necessariam restituat; si ex. gr. aliis mediis frustra tentatis schisma nequeat aboleri nisi cessione contentientium, qui jure æquali vel incerto frui credantur; nonne cedere Pontificatui debet ea naturali caritatis lege adstrictus, quæ publicum necessarium bonum privato præferendum docet? Immo etiam obligatur peculiari lege divina ac naturali, si ad cessionem se se promissione ac jurejuranda obstrinxisset. Hæc autem, quæ ab ipso præstanda essent jure naturali ac divino, si exigantur, seu proponantur præstanda decreto concilii generalis, quis non æquissimum diceret, aut negaret ipsum ad hæc obligari eo nomine, quod quacumque synodo superior est? Obligaretur nimirum non jure synodi, quæ per se superiorem non ligat, sed jure illo naturali ac divino, cui etiam Summi Pontifices subji- ciuntur.

11 Eadem de causâ obligaretur etiam in casu reformationis generalis morum in capite & in membris. Quis enim ambigere potest quin Summi quoque Pontifices jure naturali ac divino teneantur reformare mores, qui vel in se vel in aliis Ecclesiæ membris reformatione indigeant? Id si proponat exigatque Concilium generale, parere debent, non jure ipsius concilii, sed divino ac naturali, quod decreto concilii proponitur & urgetur. Hoc sensu vis coactiva non in concilio, sed in naturali ac divina lege sita est. Quod si decretum laicum sit a concilio vere generali, cum Summi Pontificis non deest assensus, seu confirmatio; tum vero hoc assensu se ipsum quodammodo eadem decreto liber subji- cit, eademque decreto voluntarie ligatur; quod vim coactivam excludit.

12 Restat alterum decretum, quo sessione v. agitur de pœnis in eum inferendis, qui cujuscunque dignitatis *etiamsi Papalis obelire contumaciter contempserit*. Hæc quidam verba vim coactivam evidentius adstruunt, quæ inferiori in superiorem non competit. Veram notandum nullam pœnam particularem Pontifici contumaci imponendam designari, sed in genere statui ut quicumque obedire contempserit, *condignæ penitentiae subji- ciatur, etiam ad alia juris remedia recurrendo*, uti fit in aliis synodali- bus decre-
tis,

ris, quæ dogmata fidei non constituunt; ex quo omnia simul ejusdem sessionis decreta vocantur *mandata, statuta*, seu *ordinationes*, ac *præcepta super præmissis*, quæ meris *constitutionibus synodalibus* conveniunt. Quid ita? Quia Patres Constantienses viderunt hac in re non expedire, nec opus esse definire jus concilii œcumenici supra Papam tamquam dogma fidei; sed sufficere, si ad tollendum schisma aliorumque scandalorum remedium, decretis ac præceptis practicis uterentur, quibus ex divino saltem naturalique jure iidem Pontifices obligarentur, minisque etiam additis impellerentur, etiamsi ex certo dogmate non definirent, num jus concilii per se supra Papam esset, nec ne.

13 Hic autem adversarios clamaturos prævideo: si Pontifices neque divino, neque naturali jure moveantur ad ea præstanda, quæ bono Ecclesie sunt necessaria; neque Concilium quantumvis generale possit eos poenis aliisque subsidiis canonicis cogere; nonne Christus suæ Ecclesie minus apte prospexisse dicendus erit, & scandala, si quæ a Pontificibus provenirent, sine idoneo remedio reliquisset? Hæc ratio ex necessitate remedii ducta, & in speciem valde probabilis, illa est, quæ cum novæ opinioni de potestate conciliorum generalium supra Pontifices inducendæ in casu schismatis causam dedit, ut vidimus; tum vero adeo recepta fuit a Patribus Constantiensibus, ut eam ad casus quoque fidei & reformationis generalis morum in capite & in membris duxerint extendendam recitatis decretis; quibus tamen cum eos noluisse condere certum decretum fidei hætenus dicta comprobant; tum vero eadem ratio ipsis decretis meræ opinionis probabilitatem quidem aliquam dare potuit, non vero certitudinem fidei, quod mihi in præsentiarum sufficit. Certo enim primatus juri, quo summi hierarchiæ superiores sunt tota Ecclesia etiam congregata in generali concilio, quomodo præjudicare potest nova hæc opinio nullo antiquo textu aut exemplo legitimo fulta, & rationi tantum probabiliter innixa, decretisque Constantiensibus, quæ vi generalis synodi carent, nec condunt certam fidei doctrinam? Quid porro si ea ipsa ratio, quæ pro ejus temporis angustiis ac circumstantiis probabilis visa est, inanis per se se atque inepta demonstrari queat? Id patet ex dicendis capite sequenti.

C. A.

CAPUT IX.

Objectio ex necessitate remedii in casibus
extraordinariis a Constantiensi me-
moratis expuncta.

Ratio necessitatis remedii in casu pertinacissimi
schismatis, quæ inducendæ sententiæ de jure
conciliorum generalium supra contententes Pon-
tifices juris dubii causam præbuit, adeo evi-
dens visa est Episcopo Meldensi, ut in dissertatione præ-
missa *Defensioni* repugnantes coarguendos duxerit his verbis:
*T. 1. §. 18. An dubium Pontificem etiam contumacem a Concilio Ec-
 145. 14.umenici potestate immunem esse oportebat; neque esse in Ec-
 clesia vim ullam, quæ schismatis vulneri mederetur? Ab-
 surdum, absolum, rebus gestis repugnans, Ecclesiæ Catho-
 licæ Christi quæ providentiæ prorsus inimicum. Dicent op-
 portunissimum schismatis fuisse remedium, si de Papatu fa-
 vi fere jure contententes ultro loco cederent. Recte: quid
 autem si nollent? æterno schismate Ecclesia laboraret? Ab-
 sit. Ergo necesse est ut sit aliqua potestas, qua dubii sal-
 tem Pontifices etiam inviti comprimantur. Eamdem porro
 rationem æque valere etiam in casibus fidei ac reforma-
 tionis morum in capite & in membris, in quibus Con-
 stantiensis decreta ipsum Papam generalis Concilii juri
 subiiciunt, idem Episcopus nihil dubitat. Est enim su-
 prema Romanorum Pontificum potestas a conciliorum quo-
 quæ generalium jure sit quodammodo eximenda in casibus
 ordinariis atque vulgaribus, quorum causa, ut * ille ait,
 10. laceffi Pontificiam majestatem, pacemque Ecclesiæ perturbari
 2. (convocatione synodi generalis) esset verè impudentis-
 225. simum: in gravissimis tamen & extraordinariis causis fi-
 dei, schismatum, & reformationis morum in capite & in
 membris, quæ solæ memorantur in decretis Constantiensibus,*

* Lib. 10.
Defensionis
c. 21. f. 2.
pag. 225.

bus, aliter dicendum est juxta illud vulgatissimum: *In generalibus legibus non comprehendendi casus extraordinarios, eo-que actus, quos in re improvisa ipsa necessitas exprefferit.* Ita ille. Quaro autem, num ii, qui in aliquem per se se nullum jus habent, in casibus extraordinariis atque improvisis ex necessitate remedii jurisdictionem super ipsum acquirant? Id si probari nulla ratione potest; quomodo jus erit concilio generali supra Papam, in quem superiorem suum ratione primatus nullo coactivo jure potitur? Num ex necessitate aliqua in extraordinariis casibus admit-teretur subditorum jus etiam in Principes?

Idem M.

Remedii neces-
sitas non
dat jus ei, qui
per se jure ca-
ret.

2. Cum de remedio in casibus extraordinariis adhiben-do sermo est, ut hoc a quopiam præstari posse dicatur, jus ipsius proprium antea probandum est; neque enim so-lo remedii quantumvis necessarii nomine jus legitimum ei vindicari potest, qui per se ex aliis documentis certisque probationibus eo jure careat. Jus porro ejusmodi coactivum esse debet, quo in memoratis casibus Pontifex, si renuat, ad parendum adigatur. Jus autem hujus generis coactivum uni superiori competere potest: neque enim inferior in su-
perio-
riorem habet imperium. Cum vero probatum antea fue-
rit Summos Pontifices ratione primatus ea suprema jurisdi-
ctione potiri, qua toti Ecclesiæ etiam collective sumptæ ab ipso Christo præpositi sunt; ac proinde superiores quo-
que esse ipsis conciliis generalibus, qui universam Eccle-
siam representant; idque aliis atque aliis traditionis ac
rationis momentis fuerit confirmatum, adeo ut ab adver-
sariis nullum antiquum efficax documentum opponentibus
id in dubium jure adduci non possit; quomodo illud coa-
ctivum jus in Summos Pontifices superiores suos solo re-
medii titulo attribui potest generalibus synodis, quæ jus
ejusmodi nec per se habent, nec solo remedii titulo acqui-
rere queant? Hæc una ratio, si nulla alia præsto esset,
ad disjiciendum objectum ex necessitate remedii ductum
posset sufficere. Sed age expendamus singulos extraordina-
rios casus jam memoratos, & luculentiora forsitan profe-
rentur, quibus omnis, si quæ impediatur, dubitatio exima-
tur.

Distinctio de
casibus extraor-
dinaris
reposita.

§. I.

*De remedio in casu reformationis morum
præsertim in capite.*

Unicum cer-
tumque Pon-
tificem nemo
potest a Pon-
tificatu depo-
nere.

3 Casus extraordinarii in Constantiensibus decretis re-
censiti, in quibus necessarii remedii nomine jus œcumeni-
cis synodis asserendum creditur in Summos Pontifices, ad
tres revocantur, cum nimirum agitur de fide, vel de
schismate, vel de reformatione morum præsertim in capi-
te. Incipiamus a casu reformationis morum alicujus unici
indubitatiq; Pontificis (ubi enim duo simul, vel plures
de pontificatu contententes ac dubii juris Antislites morum
reformatione indigerent, casus pertineret ad schisma, de
quo statueretur §. 3.): & videamus, num generale Conci-
lium, unicum indubitatumq; Pontificem, si pravis mori-
bus scandalizet Ecclesiam, ad reformandos mores vel invi-
tum cogere, & poenis Ecclesiasticis plectere pro jure suo
possit. Hujus casus & quæstionis solutio præmittenda est,
cum principium certum exigit dicendis postea maxime ne-
cessarium, quod hoc in casu paucioribus constituere licet.
Cum Pontifex, de quo agimus, unicus & certus sit ex le-
gitima & indubitata electione; certus est pariter ejus pri-
matus in universam Ecclesiam. Hic autem primatus divi-
no jure institutus ob continendam vindicandamque in tota
Ecclesia communionis ac fidei unitatem; jurisdictionem di-
vini pariter juris ipsi vindicat, qua non solum distributive
singulos, sed omnes etiam collective obligat ad utramque
unitatem, ut in præcedenti opere *De vi & ratione prima-
tus* fuisse probatum, seu potius demonstratum videtur. Hinc
idem Pontifex eodem primatus jure superior est toti Eccle-
siæ collective sumptæ; vimque coactivam habere debet in
omnes collective, sine qua intentus a Christo unitatis finis
obteneri non posset; ac proinde superior quoque est gene-
rali Concilio, quod etsi totam Ecclesiam repræsentet, non
tamen

tamen majori quam ipsa Ecclesia privilegio præditum, a Pontificio jure, cui tota Ecclesia subijcitur, exemptam dici potest. Pontifex igitur, ratione primatus concilio quoque generali superior, hujus jurisdictioni subesse non potest. Esto in quopiam Summo Pontifice essent scandala morum, quæ reformationem exigent; num scandala & pravi mores Pontificum in ipsis adimunt, quod iisdem ex divini juris primatu competens, eos omnibus superiores constituit? Num jurisdictionem coactivam in illos tribuere queunt inferiori, cui in superiore suum nequit convenire? Si in quibuscumque corruptissimis Principum moribus reformatione indigentibus adversarii coactivum jus eorum subditis non concederent in ipsos Principes, quippe qui omnibus subditis sunt superiores; haud video, qua coherencia possint scandalorum nomine jus coactivum tribuere generalibus synodis supra Romanos Pontifices, qui ob divini juris primatum eisdem quoque synodis sunt pariter superiores.

4 Alia speciali observatione Pontificii primatus propria id evidentius fiet. Cum Papa ex dictis superior sit omnibus ratione primatus; nemo inferior jure coactivo in ipsum agere poterit, nisi prius is spoliatur eodem primatu, quo omnium jurisdictionem excedit. Primatus autem, qui unius tantum Pontificis personalis est, nec Pontifice mortuo in plures electores novi Pontificis transivit, non ab ipsis electoribus primatu carentibus, sed a Deo immediate confertur electo. Num quod a Deo immediate collatum est novo Pontifici, ob scandala seu corruptos mores, si qui in ipso reformandi essent, auferri a quopiam potest, & auferri præsertim ab inferiori, cui in superiorem jus nullum est? Episcopalis jurisdictio licet sit institutionis divinæ, non minus quam jurisdictio primatus Pontificum, ideo ex causa Episcopo adimi potest a Papa, vel a Concilio, quia Episcoporum jurisdictio Deo instituyente subiecta fuit Pontificio ac Synodorum juri. Vide cap. 1. §. 5. & 6. At Pontificii primatus jurisdictio, sicut & ipse primatus, nullius juri subiecta ex institutione divina, a nemine, qui semper inferior est eodem Pontifice, auferri potest. Hoc principium tamquam omnino certum olim tradiderunt quidam Magistri Parisienses in duabus * epistolis ad familiarem Benedicti XIII. quem certum Pontificem judica-

Scandala & pravi mores non tribuant inferioribus in superiorem.

Primatus non ab electoribus, sed a Deo ipsi electo immediate collatus.

* Leguntur rom. 4. Hist. Universit. Parisiensis.

dicabant. In prima epistola inter aliquot quæstiones, quas solvendas proponunt, hæc decimo loco legitur: *Utrum Deus, qui solus, & nullus alius plenitudinem Ecclesiasticæ potestatis, seu auctoritatem Papalem dare potest, dederit unquam alicui personæ, vel communitati creatæ potestatem auferendi illam auctoritatem a Papa, quam immediate ipsemet sibi contulit: & si sic, ex quo textu Sacræ Scripturæ, vel alterius cujuscunque, cui Papa credere teneatur, hoc possit haberi.* In altera vero epistola quæstiones seu theses varias cum suis responsionibus subjicientes ad thesim xii., qua suam sententiam exponunt circa quæstionem x. prioribus litteris propositam, hæc pronunciant. *Sicuti nulla creata persona, nec communitas totius Ecclesiæ militantis potest, nec unquam potuit dare Papæ immediatum Christi Vicariatum; ita nec aliqua talis persona vel communitas potest auferre sibi invito illam Vicariatus auctoritatem, quæ eidem non ab hominibus, sed a solo Deo est immediate collata.* Hæc thesis apud Raynaldum descripta una cum ceteris tribuitur Joanni Azoni Ordinis Prædicatorum ad an. 1395. num. 13.

Tom. 7. Annot. pag. 593. edit. Lucen.

Quid liceat inferiori, cum de scandalis Pontificum agitur.

5 Neque vero huic divini juris primatui quicquam officerent scandala morum, si quæ in Pontifice remedium postularent. In sacris canonibus, ubi de scandalis Pontificum agitur, statutum legitur ipsis non obediendum, nec sequenda eorum exempla, ubi aliquid contra divinam legem agant vel præcipiant: numquam vero iudicio cujuscunque subjiciendos indicant, nisi forte sint a fide devii. Quæ hæresis exceptio ea de causa fit, quia ob hæresim ipso facto a pontificatu decedentes, primatus jurisdictionem amitterent, ut explicabitur paragrapho sequenti: idipsumque dicendum de vero schismate, quæ Pontifex se separaret a corpore Ecclesiæ. Vide dicenda inferius n. 17. Cum autem ex aliis criminibus seu scandalis Papa saltem certus non desinat esse caput Ecclesiæ, nec primatu exuatur; nihil mirum si judicari & deponi a quopiam nequeat: unde vulgatum illud principium superius expositum c. 5. Papam non judicari a quoquam, ejusque crimina solius Dei iudicio reservari.

6 Enimvero non defuerunt antiquis quoque temporibus nonnulla Pontificum scandala, quæ reformationis ac reme-

remedii necessitatem præferebant. At receptum erat apud catholicos illud Augustini axioma, nullam esse justam abscindendæ unitatis causam præsertim cum Ecclesiæ capite totius catholicæ unitatis centro; idque confirmabat vel maxime laudatum ab eodem S. Cypriani exemplum, qui licet in Pontifice Stephano causam dissidii non injustam se habere judicaret, noluit tamen cum ipso unitatem abrumpere. Cum enim (1) de certo legitimoque Summo Pontifice certo totius Ecclesiæ capite sermo est; hæc duo sunt pariter certa, primo non licere membris se a suo capite separare, cum quo unitas necessaria est; secundo separationem ejusmodi a certo ac legitimo capite inducere crimen (2) aperti schismatis, quod a nemine contrahendum est, ut aliquis cujuslibet scandala aut crimina corrigat vel impediat juxta illud Apostoli: *Non sunt facienda mala, ut evanescant bona*. Hac de causa Ivo Carnotensis Episcopus approbare non potuit eorum Episcoporum consilium, qui in gravissimo scandalo, quod in tota Ecclesia excitaverat Paschalis II. concesso licet per vim privilegio de investituris, huic certo Pontifici minati sunt se ab ejus obedientia recessuros, nisi idem privilegium rescindens tantum scandalum tolleret. In ejusmodi scandalorum, quæ a Summis Antistitibus provenirent, remedium, non solum generelibus synodus,

(1) Si in casu schismatis, quo duo vel tres se gerebant tamquam Pontifices, non pauci crediderunt subtrahendam ab ipsis obedientiam; id crediderunt licere illis tantum, qui nullum ex contententibus certum & legitimum Pontificem crederent: alias se se separantes ab eo, quem bona fide certum Pontificem judicassent, a crimine schismatis non potuissent excusari.

(2) Hinc intelligitur cur nemini liceat excommunicare, seu communione privare Sum-

mum Pontificem, illum scilicet cum quo jure primatus communio omnium fidelium necessaria est. Vide lib. *De vi & ratione primatus* c. 11. §. 1. Qui Papam excommunicaret, abrumpens hanc necessariam communionis unitatem, schisma manifestum incurreret: unde omnes veluti schismaticos detestantur Pseudo-Sardicensis conciliabuli Episcopos, nec non Dioscorum & Photium qui ausi sunt excommunicare Summos Pontifices.

modus, sed quilibet etiam inferior monitis, suasionibus, precibus, aliisque similibus mediis ex caritate tum privata, tum publica adhibendis uti potest, eos corrigendo, vel etiam cum debito obsequio arguendo & urgendo, proposito eisdem naturali ac divino illo jure, quo ad debitam morum reformationem, & ad scandala subtrahenda obligantur. Hoc unicum & inferioribus licitum remedium suggestit laudatus Carnotensis Episcopus: quod si bene cederet, gratiæ agerentur Deo; scus vero, addit nihil contra supremum hierarchiam tentandum, *cum non sit nostrum judicare de Summo Pontifice*, multo autem minus illum deponere: quod confirmavit exemplo ipsius Christi, qui Phariseorum & Scribarum mores non sequendos docuit, non autem eos *factiosa conspiratione e suis sedibus removendos*; adiecitque exemplum Pauli, *qui Petro sibi prælato, non reele-incidenti ad veritatem Evangelii, in faciem resistit, non tamen eum abiecit*. Integram textum protuli cap. 3. num. 14. pag. 78.

7 Quid tandem remediū necessariū nomine jus concilii generalis supra Pontificem adstruas, dum remedium hujusmodi per se non satis efficax, & aliunde difficillimum sit, ac fere impossibile? Ut efficax esset, & effectum pareret, quem necessitas requireret; jus ipsius concilii deberet esse omnino certum, de quo nemo posset ambigere. Si enim Papa non credat se subesse concilio; quid sperari potest remediū ex ejus decretis? Neque solum certum deberet esse conciliorum generalium jus, ut necessariam reformationem induceret; sed præterea ipsorum congregatio facilis esse deberet & expedita. Cum reformationis causæ frequentiores sint, & identidem urgere ab adversariis credantur; generale autem concilium cogere, quo necessaria reformatio inducatur, hoc præsertim tempore difficillimum sit, ac fere impossibile; remedium necessarium deesset Ecclesię, aut, ne desit, jus in Papam etiam invitum remediū causa non solis generalibus conciliis esset tribuendum, sed etiam particularibus, quæ promptius & facilius cogi queunt. Id autem si ex necessitate remediū adversarii nequeunt admittere; eo quod Papa primatus causa quibuslibet particularibus synodis præstat: neque ex eodem remediū necessariū titulo tribuendum erit concilio generali, cum ille ex eodem primatu non

tu non tam particularibus, quam generalibus synodis sit superior.

§. II.

De remedio in casu hæresis circa fidem:

8 Remedium in casu hæresis, in quam Pontifex incideret, promptius & facilius superpet. Casus hæresis quoad Summos Pontifices non ille intelligitur, quo aliquis eorum ex officio definiens aliquod dogma fidei, errorem defini- ret: id enim ex constitutis singulari libro de eorum infallibilitate in definiendis controversiis fidei accidere nequit. Neque eum casum respicit, quo iidem opinando circa aliquam quæstionem nondum definitam errarent in materia fidei: quæ enim ante definitionem Ecclesiæ in libera opi- nione versantur, hæresis vitio carent. Ad eum itaque casum tantummodo præsens quæstio referri potest, quo Papa privato iudicio deceptus crederet, & pertinaciter propugna- ret aliquid contrarium cuipiam articulo fidei evidenti, aut definito, quod hæresis proprium est. Hoc autem in casu (quem, licet a definitione fidei & a nostro proposito alienissimum, Dei tamen præsidio numquam eventurum confido) non pauci etiam ex ipsis Pontificiæ auctoritatis vindici- bus (1) jus generalis concilii in Papam a fide devium, seu hæreticum asserunt; quia credunt talem Pontificem ex ipsa hæresi ab Ecclesiæ fundamento, quod est fides, & consequenter ab ipsa Ecclesia sejunctum atque præcisum, a Pontificatu penitus decidisse, hacque in hypothesi jus ge- nera-

(1) Favet huic sententiæ Innocentius III. sermone ter- tio habito die suæ consecratio- nis scribens: *In tantum fides mihi necessaria est, ut, cum in veteris peccatis Deum iudicem*

habeam, propter peccatum, quod in fide committitur, possim ab Ecclesia iudicari. Vide Sylvi- um in 2. 2. S. Thomæ tom. 3. q. 39. art. 3. conclus. 2.

neralis concilii fore in eum, qui Pontifex amplius non est, nec primatu finitur. Cur vero in presentissimo omniumque gravissimo periculo fidei, quod ex Pontifice haereticum privato licet iudicio propugnante impendens, diuturniores moras non pateretur, remedium ex generalis synodi non ita facili convocazione expectandum credatur? Nonne etiam inferiores quicumque in tanto fidei discrimine superiorem suum correctione fraterna commonere queunt, in faciem eidem resistere, atque revincere, &c, si opus sit, redarguere ac ad resipiscendum urgere? Poterunt id Cardinales, qui ipsi a conciliis adstant; poterit Romanus Clerus; Romana etiam synodus, si expedire iudicetur, congregata poterit. Quemcumque vel privatim respiciunt illa

Tit. c. 13.
ca. 10.

Pauli ad Titum: *Hæreticum hominem post unam & alteram correctionem devota, sciens etiam subversus est, qui ejusmodi est, & delinquit, cum sit proprio iudicio condemnatus.* Qui nimirum semel & bis correctum non resipiscit, sed pertinax est in sententia dogmati manifesto aut definito contraria; hac sua publica pertinacia, cum ab hæresi proprie dicta, quæ pertinaciam requirit, excusari nulla ratione potest; tum vero semetipsum palam declarat hæreticum, hoc est a fide catholica, & ab Ecclesia voluntate propria recessisse, ita ut ad eum præcidendum a corpore Ecclesie nulla cuiusquam declaratio aut sententia necessaria sit. Perspicua hac in re est S. Hieronymi ratio in laudata Pauli verba. *Propterea a semetipso dicitur esse damnatus, quia fornicator, adulter, homicida, & cetera vitia per Sacerdotes ex Ecclesia propelluntur: hæretici autem in semetipsos sententiam ferunt, suo arbitrio de Ecclesia recedentes: quæ recessio propriæ conscientie videtur esse damnatio.* Pontifex ergo, qui post tam solemnem & publicam Cardinalium, Romani Cleri, vel etiam synodi monitionem se se obstrictum præferret in hæresi, & de Ecclesia palam recessisset, juxta præceptum Pauli esset vitandus; & ne aliis perniciem afferret, in publicum proferenda esset ejus hæresis, & contumacia, ut omnes similiter ab eo caverent, sicque sententia, quam in se ipsum tulit, toti Ecclesie proposita, cum sua voluntate recessisse, & ab Ecclesie corpore declararet avulsam, atque abdicasse quodammodo Pontificatum, quo nemo fruitur, nec frui potest, qui

qui non sit in Ecclesia. Vides igitur in casu hæresis, cui Pontifex privato sensu adhereret, promptum & efficax remedium absque generalis synodi convocatione: qua in hypothefi quicquid contra ipsum ageretur ante declaratam ejus contumaciam & hæresim, ut ad sanum consilium adduceretur, caritatis, non jurisdictionis officium esset: postea vero manifestato ejus recessu ab Ecclesia, si quæ sententia a concilio in eundem ferretur, in eum ferretur, qui Pontifex amplius non esset, neque superior concilio. Sed hæc (3) hypothefis nullo facto comprobatur; siquidem nullus vel privatus error cuiquam Pontifici adscriptus contra ullum dogma evidens aut definitum hætenus inventus est, aut futurus putatur. Quid igitur in mera hypothefi laboremus pluribus?

R

§. III.

(3) Hypotheticum quidem casum tantummodo præferunt duo antiqui textus, qui Romanum Pontificem ab inferiorum jure exemptum affirmant hac exceptione, *nisi deprehendatur a fide devius*, uti traditur can. *Si Papa* ex actis Bonifacii Moguntini apud Gratianum dist. 40. c. 6. *vel nisi a recta fide exorbitaverit*, quem admodum legitur in concilio V. sub Symmacho: quæ tamen hypothefis non de definitionum, sed de privatæ opinionis errore circa fidem intelligenda ex dictis initio præsentis num. 8. colligere licet. Obiter porro hoc loco mone-

bo canonem *Si Papa*, de quo in actis hætenus notis S. Bonifacii Archiepiscopi nullum indicium est, nullaquæ apud Canonistas deusdedit antiquiores occurrit mentio, incertæ admodum esse auctoritatis ac fidei: concilium vero V. Romanum sub Symmacho vulgo legitimum habitum, omnino supposititium probasse nobis videmur in tractatu *De antiquis canonum collectionibus*, qui prodiiit tom. 3. nostræ editionis Venetæ Operum S. Leonis. Vide part. 3. c. 6. n. 7. pag. ccxvii.

§. III.

De casu schismatis, quo duo vel plures se se gerant tamquam Pontifices.

9 Reliquus est casus schismatis, in quo duo vel plures de pontificatu contententes, Ecclesiam in partes discindant. Duo autem ejusmodi schismatum genera sunt distinguenda. Vel enim unius ex contententibus electio & jus instituto congruo examine legitimum & certum detectum est, vel incertum remanet & obscurum. Primus casus antiquis etiam temporibus identidem incidit; neque cogitarum umquam fuit de generali synodo congreganda, quæ in Pontificem etiam ex legitima electione certum aliquid juris haberet, eundemque æque ac invasorem, ob restituendam Ecclesiæ pacem & unitatem, a pontificatu & primatu ejus certo deponeret. Semper vindicatus fuit ille, cujus jus certum ex legitimæ electionis notitia innotuerat, ut patet ex. gr. ex iis quæ gesta sunt in schismate contra S. Cornelium excitato tempore S. Cypriani, nec non in illo quod temporibus S. Bernardi contra Innocentium II. & Alexandrum III. efferbuit. Ratio pro legitimo certoque Pontifice manifesta erat, non solum quia non debet invasor & intrusus contra certi juris Pontificem prævalere; verum etiam, & multo magis quia contra certum Pontificium jus nulla vel generalis concilii potestas est: cum ob idem jus non ab electoribus, nec ab Ecclesia, sed a Deo immediate tributum, verus Pontifex toti Ecclesiæ, & generalibus quoque synodis (ut probavimus) superior, ab aliorum omnium sibi inferiorum jurisdictione subtrahatur. Hac quidem de causa Basileensium molimina & gesta contra Eugenium IV. unicum certumque Pontificem illegitima & inania nihil potuerunt ad ipsum deponendum, & in apertum schisma deflexerunt.

IO Si porro agatur de schismate, in quo ob inextricabiles facti jurisque difficultates nulli ex contententibus jus certum, sed cuius sit dubium; id unum in magnam controversiam cadere potest. Id quidem tempore synodorum Pisane & Constantiensis, cum duo primum, dein tres tamquam Pontifices se se gerebant, & magnis hinc & hinc suarum cuiusque partium studiis decertabant, diversas in sententias plures adduxit. Fuerunt nimirum * nonnulli, & adhuc sunt, qui huiusmodi tantum Pontifices dubii & incerti juris synodorum generalium potestati subijciunt. Hanc autem sententiam, quam aliquot etiam celebres auctoritatis Pontificie vindices sequuntur, ut hinc remedium difficiliori schismati afferatur, ego absolute repudiare nolim. Aliquot tantum considerationes proferam, ex quibus forsitan, quid verius sentiendum sit, eruetur. Peto igitur in primis ab huius sententiae patronis, num eorum opinionem susceperint, qui dixerunt aut dicunt in casu memorati schismatis nullum ex contententibus dubii & incerti juris fuisse reipsa verum legitimumque Pontificem juxta illud effatum: *Papa dubius, Papa nullus*: an vero censent unum aliquem ex illis fuisse reipsa verum Papam, & solum ob involutas facti jurisque circumstantias ignotum fuisse, quisnam eorum verus reipsa & legitimus Pontifex existeret? In primo sensu quidquid in ipsos egisset concilium, non egisset contra veros Pontifices, sed contra eos, qui cum non essent reipsa veri Pontifices, carebant primatu, nec erant superiores concilio, nihilque mirum si concilii auctoritati suberant. Immo hac in hypothesi schisma non caruisset prompto facilique remedio non solum ex generali, sed ex magis obviis particularibus etiam synodis, quae in huius generis contententes pontificatu expertes jus habere potuissent.

* *Vid. supra*
c. 6. n. 16.

II Quodsi illud effatum *Papa dubius, Papa nullus*, incredibile judicetur praesertim in diuturniori illo schismate, in quo dicere Ecclesiam per annos triginta & amplius, quibus idem schisma duravit ab electione Urbani VI. usque ad electionem Martini V. caruisse semper vero Pontifice, omniumque electionem fuisse illegitimam, absolum videtur, & fere etiam impossibile (si enim electio ex. gr. Urbani VI. irrita fuisse credatur, subsequuta electio Cle-

mentis VII. ejus æmuli, quæ non alia de causa dici potest illegitima, nisi ob legitimam & ratam electionem Urbani, valida dicenda esset): si illud, inquam, primum effectum judicaretur incredibile, alia via me expediam. Ubi enim inter duos vel tres de pontificatu contententes unus ex illis verus reipsa Pontifex fuisse dicendus sit, & solum latuisse, quisnam ex illis verus fuerit, num Urbanus VI. an Clemens VII. & similiter de aliis, qui utrinque subrogati fuerunt: eadem rationes, quibus num. 3. & 4. probavimus certum Pontificem non subesse jurisdictioni concilii quantumvis œcumenici, nec posse ab eo deponi; probant etiam non subesse, nec deponi posse eum, qui inter duos vel tres incerti dubiive juris Pontifices verus reapse & legitimus sit, quamvis ignoretur, & dubius incertusque apud homines habeatur. Ideo enim (ut antea probatum est) supra certum Pontificem jus nullum est concilio etiam generali, quia verus Pontifex est, & primatu fruitur, ob quem toti Ecclesiæ etiam collective sumptæ, & in concilio adunatæ jure divino superior est; nec inferiori in superiorum suum coactivum jus esse potest. Idem vero primatus inest cuivis Pontifici, qui verus & legitimus sit, etiam si ob ancipites circumstantias non constet, quis inter contententes sit legitimus & verus. Hæc enim ignorantia potest quidem excusare eos, qui verum re ipsa Pontificem sibi invincibiliter ignotum debitis officiis non prosequuntur; at sicut simplex ignorantia nihil juris adimit, aut adimere potest ei, qui re ipsa verus & legitimus Pontifex sit, licet aliis ignotus; ita nihil juris tribuit, aut tribuere potest in ipsum concilio quamvis œcumenico: semper nimirum jus primatus manet re ipsa vero legitimoque Pontifici, qui semper hoc primatus jure re ipsa toti Ecclesiæ, & cuivis concilio superior, a jurisdictione istorum subtrahitur.

12. Id quidem persuasum quoque fuisse Patribus concilii Pisani, qui etsi de duobus contententibus incerti juris Pontificibus agerent, non tamen crediderunt hoc saltem in casu certum sibi jus competere ad eos deponendos, nisi ipsos tanquam schismaticos atque hæreticos ipso facto a semet ipsis depositos excidisse judicassent a pontificatu, quo solo a concilii jurisdictione eximebantur. Vide quæ in hanc rem diximus cap. VI. num. 14. Adeo in implexis quoque
ejus

ejus schismatis circumstantiis obtinebat vetus sententia, nec putabatur tempore schismatis difficillimū remediū titulo posse concilium contententes omnes deponere, in quibus unus, legitimus, & verus re ipsa Pontifex concilio non suberat, nisi aliquo alio nomine e pontificatu excidisset. Hæc sunt momenta, ob quæ non facile, nec absolute approbandam arbitror eorum opinionem, qui generali concilio jus asserendum putant saltem in schismate supra incerti juris Pontifices.

13 Neque repetas: Nullumne ergo in ejusmodi schismatibus a generali quoque concilio remedium? Quid enim absurdū est, si remedium non suppetat ex concilio, cui jus in verum legitimūque Pontificem quantumvis ignotum (si quidem unus inter contententes verus & legitimus concedendus sit) nequaquam competit, aut saltem competere certum non est? Ubi enim id non sit perinde certum, ut ab ipsis de pontificatu contententibus in dubium revocari non possit, hancque incertitudinem iidem adversarii debeant concedere, cum dogma hac in re certum non esse fateantur; quomodo remedium opportunum sperari potest ex hujusmodi synodo, quam contententes jus in se legitimū habere non solum certum non credant, sed certum potius credant oppositum? Hac sane de causa synodus Pisana, licet œcumenica præferretur, effectum consequuta non est: neque enim ab ea schisma extinctum, sed potius auctum, cum post depositionem duorum contententium elegit tertium, ex quo Ecclesia in duas partes antea divisa, in tres postea discissa fuit.

14 Neque tamen negari posse existimo quin in casu schismatis jus ullum conciliis generalibus suppetat. Initio quippe schismatum, cum quæstio sere pertineat ad facta & circumstantias electionis, quæ in iisdem initiis facilius detegi queunt, ut disjunctur cujus ex contententibus legitima fuerit electio, sicque cognoscatur, & recipiatur, & comprobetur legitime electus, repellatur autem intrusus; Judicium ejusmodi, quod nihil juris coactivi in verum Pontificem præfert, si olim attributum fuit etiam particularibus synodis, nonne magis multo generali concilio asserendum est? Hinc sane generale concilium cogendum censuit

Quatenus concilium in schismatibus utile esse possit.

* Urbanus VI. tum ante, tum post Antipapæ Clementis ele-

* *Reynold. t. 7. an. 1378. n. 42. p. 330.*
331.

* Idem 1. 8.
an. 1397. n.
5. pag. 5. &
n. 37. p. 16.

electionem, eo quod suæ causæ fideret; & soli Gallicani Cardinales fautores Clementis ejusmodi convocationem recusarunt: quod istius electioni maximo præjudicio est. Idem œcumenici concilii judicium, in quo ageretur de Papatus titulo, obtulit etiam Urbani successor * Bonifacius IX, cui cum pariter obstitissent fautores partis contrariæ, partium hinc inde disputationes ac studia ita cursu temporis rem omnem involverunt, ut quæstio de titulo ob implicatissimas facti ac juris difficultates definiri amplius non posse crederetur. In hisce autem angustiis non modo utilem, sed vel maxime necessariam fuisse reor convocationem concilii generalis, in quo ex omnibus obedientiis Patres quam fieri posset frequentissimi convenirent; non quod concilium hujusmodi jus ullum saltem certum per se se haberet ad deponendum, si opus esset, cum ceteris contententibus eum quoque, qui inter ipsos verus re ipsa & legitimus erat; sed ut plurimorum consilio quærerentur & proponerentur viæ & media ad finiendum schisma magis idonea atque etiam legitima, quæ contententes debuissent acquiescere, si non jure concilii, certe naturali atque divino, quæ præcipiunt ut quisque proprio commune & publicum unitatis bonum præponat. Licet autem legitimum cessionis medium, quod magis obvium & expeditum Constantienses rebus multis procurarunt, ab omnibus contententibus non fuisset receptum; adhuc tamen non inutilis inventa est ejus synodi convocatio.

1. Cor. 1. 13.
25.

15 Semper in Ecclesia excitata fuerunt scandala & gravissimæ vexationes, quæ cum a Deo fuerint permittæ in finem aliquem bonum, licet nobis incognitum (unde scriptum est: *Oportet & hereses esse, ut hi, qui probati sunt, manifesti fiant*); tum vero deficiente omni humano subsidio, ejusdem Dei fuit remedium præstare, quod & quando ipsi placuit. Concilium Constantinense, quod in prædicto schismate post Pisanum fuit congregatum, suo solo jure non magis profuisset, nisi alia extrinseca media atque subsidia (quæ ad jus coactivum concilii supra omnes contententes asserendum allegari non possunt) accessissent, ex quorum complexu pax & unitas desiderata Deo disponente restituta tandem fuit, & schismati impositus finis, ut mox explicabitur.

§. IV.

§. IV.

Quomodo in Constantiensi schisma sublatum, & unitas restituta sine usu potestatis concilii supra Pontificem.

16 Hic tam expetitus unitatis & pacis effectus tum prospere successit, cum Martinus V. a memorato Concilio electus, solus certus & legitimus Pontifex extitit. Quomodo autem id evenerit sine usu potestatis concilii supra Papam, paucis dicam. Ejus electio peracta est post cessionem seu renuntiationem liberam Gregorii XII, qui (4) probabilius verus Pontifex erat, & post depositionem aliorum duorum, Joannis nimirum XXIII. & Benedicti XIII. sed ita, ut Joannes, qui depositioni suæ non solum (5)

De Gregorio XII.

De Joanne XXIII.

ante

(4) *Probabilis*, inquam; quia *probabilis* verus Pontifex fuit Urbanus VI. cui idem Gregorius XII. post alios duos legitima electione successit. Licet enim Urbani electio a Cardinalibus peracta, incussi metus titulo vocata fuisset in dubium; ratihabitio tamen subsequens, & multo magis nova ab iisdem peracta ipsius posterior electio, & quadrimensis pacifica possessio, aliaque a Raynaldo allata an. 1376. illam luculentissime vindicant. Legenda præterea epistola Regis Castellæ ad Martinum Regem Aragonum scripta an.

1397. (Raynald. t. 8. pag. 7.) in qua argumenta pro Urbano VI. multo probabiliora elucescunt. Neque Gregorius XII. præjudicat depositio ipsius facta in Concilio Pisano: si quem quantum laboret hujus concilii auctoritas cap. 6. vidimus, ac propterea jus deponendi verum Pontificem, quidem Gregorium XII. probabilius credimus, nondum probatum est.

(5) Dum Joannes XXIII. ante depositionem legatis a synodo missis spondit fore, ut synodi sententiam etiam si in se latam cum birreti depo-

T. 15. Concil. ante sententiam, sed postea etiam * publicum & solemnem
 col. 197. c. præbuit assensum, antequam Martinus eligeretur, hoc assen-
 208. a. su se se quodammodo pontificatu abdicaverit. Quod si hæc
 • Ibi col. 215. omnia is fecit, dum esset in custodia; acta nihilominus
 dici nequeant ex metu cadente in constantem virum, quo
 libertas ejusmodi actis necessaria tollitur: hic enim metus
 in eum non cadit, qui ex metu id facit, quod jure & ju-
 ste facere debet. Joannes autem XXIII. ob restituendam
 Ecclesiæ unitatem & pacem jure naturali ac divino renun-
 tiare debebat Papatui, ut promiserat ac juramento etiam
 firmaverat. Satis itaque voluntarius ac liber fuit ejus as-
 sensus depositioni præstitus, etiamsi ob aliquem metum fuis-
 set elicitus. Multo autem evidentius voluntarius est agni-
 tus, cum liber e custodia Florentiam advolans, ubi e-
 rat Martinus V. huic suam cessionem & obsequium decla-
 ravit.

De Benedi-
 cto XIII.

7 Restabat Petrus de Luna dictus in sua obedientia
 Benedictus XIII, qui nec cum Gregorio XII. juri suo in
 pontificatum voluit renuntiare, nec cum Joanne XXIII.
 concilii sententiæ se se subicere nec ante nec post sen-
 tentiam consensit. Omnem nihilominus difficultatem dispel-
 lit sententia in ipsum lata tamquam schismaticum & hæ-
 reticum, quippe qui sub finem concilii in apertum schis-
 ma & in hæresim lapsus, ex ipso schismatis & hæresis
 crimi-

sitione acciperet, eamque, quantum in se fuerit, confir-
 matet, approbaret, & emolega-
 ret (tom. 15. Concil. col. 198.
 a); se quodammodo submisit
 synodo, eique in se auctori-
 tatem, qua carebat, impertiv-
 it: unde in exordio senten-
 tiæ synodus declaratam voluit
 ejusdem submissionem spontane-
 am. Post depositionem vero
 itaclare eam sententiam confir-
 mavit, ut pontificatu se ab-
 dicasse, quemadmodum in u-
 nitatis bonum, nec non ex

promissione, ac jurejurando
 obstringebatur, negari non pos-
 sit. Quam in rem notanda
 præsertim hæc ratificationis ver-
 ba, quæ renuntiationem libe-
 ram exprimunt: Immo eidem
 Papatui, & juri, si quod in
 eodem sibi qualitercumque com-
 petierat, seu si quod sibi nunc
 in eodem competeat, pure, sim-
 pliciter, & absolute libereque
 & sponte cedebat & renuntia-
 bat. T. 15. Concil. col. 216.
 a.

crimine ab Ecclesia separatus, jam a primatu exciderat, & primatu suo vitio ac voluntate spoliatus, Pontifex amplius non erat superior Concilio, sed juri & sententiæ concilii suberat. Id quomodo verissimum sit, explicandum. Cum certum est hominem schismaticum non esse in Ecclesia catholica; tum vero æque indubium est schismaticum ab Ecclesia catholica sejunctum non posse esse caput ejusdem Ecclesiæ, nec verum legitimumque Pontificem primatus jurisdictione præditum, cum nulla sit jurisdictio nisi in unitate Ecclesiæ (6). Schismaticus autem non ille solus est, qui separatur a capite ipsius Ecclesiæ Romano Pontifice, a quo quicumque separatur, ab ipsa Ecclesia catholica illi unita tamquam capiti est pariter separatus; sed ille etiam atque potissimum, qui sit divisus a corpore & unitate Ecclesiæ, & cum catholica Ecclesia nequaquam communicet. Nam, ut docuit Augustinus *De unitate Ecclesiæ* cap. 4. *Quicumque ab ejus (Christi) corpore, quod est Ecclesia, ita dissentiant, ut eorum communio non sit cum TOTO, quacumque diffunditur, sed in aliqua parte separata inveniat, manifestum est eos non esse in catholica Ecclesia*. Porro Ecclesiæ corpus, quod ob schisma hujus temporis in tres partes, seu (ut vocabant) obedientias fuerat divisum, coaluerat in unum, cum tres illæ obedientiæ per Constantiense concilium ad unitatem venerunt. Id non sub hujus concilii initium factum est; sed tunc cum post eoadunatas duas obedientias Joannis XXIII. & Gregorii XII. agentibus cum Sigismundo Rege concilii legatis, ceteri, ac tandem Hispani, qui difficiliore fuerant, ex tertia Benedicti XIII. obedientia accesserunt ad unitatem, exceptis paucissimis huic pertinaciter adhærentibus in Paniscola Hispaniæ angulo, qui proculdubio catholica Ecclesia dici non poterant. Cum ergo post omnium obedientiarum ac totius corporis unionem Benedictus ab illis separatus, sejunctus esset a corpore & unitate Ecclesiæ catholicæ (7); schi-

S

maticus

(6) Vid. Antonin. part. 2. tit. 3. c. 11. §. 7. conclus. 3. ubi Cancellarii Parisiensis sententiam recitat.

(7) Hac in hypothesi Papam posse fieri schismaticum docuit Sylvius in 2.2. S. Thomæ t. 3. q. 39. a. 1. si *Pon-*

Raynald. t.
26. Cont. col.
1041. 2.

smaticus vere esse cœpit, immo etiam hæreticus manifestus, quippe qui Ecclesiam Christi inter paucos suos partitarios in Paniscola inclusam crederet, pertinacissimeque prætenderet, ita ut legatis a synodo missis dixerit: *Abi (in Constantiensis) non est Ecclesia, sed in Paniscola est vera, inquam, Ecclesia: Et verberando manum suam, ad casbedram suam dixit: Hic est arca Noe*, in qua paucissimi erant. De Constantiensibus autem, qui ex omnibus obediētiis coaluerant, pronuntiavit: *Ipsi magis sunt schismatici, quam ego*. Id Donatistarum errorem præfert, quo ad eos paucos in Africæ angulo Donati partem sequentes veram Ecclesiam redactam putabant, hocque nomine non solum schismatici, sed hæretici etiam fuere, inficientes veræ Ecclesiæ prærogativam, idest *catholicæ* toto orbe diffusæ. Hac itaque duplici schismatis & hæresis causa Benedictus XIII. (si verum Pontificem fuisse existimes) ipso facto sua voluntate primatu & pontificatu exauctoratus, rite ac legitime deponi potuit a Concilio tamquam schismaticus & hæreticus; quod cum non congrueret Joanni XXIII, in sententia contra hunc edita declaratum non legitur.

18 Vides interim, quibus modis divina providentia usa est ad abolendum per Constantiensem synodum pertinacissimum schisma, ut ne opus esset eandem synodum quicquam juris exercere ad deponendum sua auctoritate quempiam verum, licet ignotum, actuale Pontificem. Gregorium enim XII, qui probabilius erat verus & legitimus Papa, non deposuit, cum sponte cesserit. Joannem vero XXIII, si verus Pontifex fuisse credatur, deposuit quidem, sed ex ejus voluntate atque consensu, qui cessione æquivaleret. Solum Benedictum XIII. post adunatas obedientias deposuit invitum, cum renuens accedere ad unitatem, & Pontificatui cedere, persistens pertinacissime in manifesta separatione a corpore Ecclesiæ catholicæ jam adunatæ, se se schismaticum & hæreticum prodidit: ex quo in depositio-

nis

rix se ipsum separet a communione catholicorum Episcoporum, aliorumque fidelium, & solum communicet cum quibusdam sibi adhaerentibus. Confer quæ h. dem addit art. 3.

his sententia ipsum synodus schismatis & hæresis nominibus ab Ecclesia præcisum, & a pontificatu, quem prætendebat, depositum declaravit potius quam deposuit. Necessitas ergo remedii, ex qua generali concilio jus coactivum tribuendum credebatur supra Pontifices in extraordinariis casibus memoratis a Constantiensi, ac præsertim in difficillimo ejus temporis schismate, quo evanuerit, ex hæcenus disputatis quisque intelligit.

§. V.

Animadversio de appellationibus a Papa ad Concilium generale.

19 Unam hic animadversionem non prætermittendam existimo. Qui ex necessitate remedii in periculis fidei, vel in scandalis morum aut schismatum, ad generalium conciliorum auctoritatem supra ipsos summos Pontifices propugnandam moventur, velim serio conferant pericula & scandala, quæ ex ipsorum sententia dimanant, eaque non difficilia, nec rara, sed facillima & frequentissima apud eos, qui eandem sententiam sequuntur. Ex hac enim inter alia non pauca, quæ memorare non vacat, originem ducunt appellationes a sententiis etiam dogmaticis sedis Apostolicæ, seu summorum Pontificum ad generale Concilium. Quæ & quot scandala hisce quoque posterioribus sæculis post receptam a quamplurimis adversariorum sententiam appellationibus ejusmodi universam turbarint Ecclesiam, notissimum est: & utinam hujus scandali turbarumque reliquæ adhuc non superessent! Neque dicas appellationes non esse passim approbandas nisi in casibus extremis ac necessariis, earumque abusum atque frequentiam esse tollendam. Si enim appellatio a Papa ad concilium œcumenicum tamquam ad superiorem auctoritatem per se legitima est; quis cohibere poterit appellantes præsertim in materiis dogmaticis, quin suum casum extremum ac necessarium prætendant?

Nonne inter causas & casus maxime necessarios illi potissimum censentur, qui ad fidei doctrinam pertinent? Data autem adversariis hac libertate, quoniam evadet unitas fidei cum Romanæ sedis fide jure primatus necessaria, uti antecedenti opere demonstratum arbitror? Cum itaque hæc pericula & scandala majora & frequentiora sint, quam illa schismatum ob incerti juris Pontifices; ratio autem distet inter duo pericula & mala, quæ simul nequeant vitari, illud potius cavendum, quod majus est atque frequentius; quis non intelligat scandalorum & periculorum nomine non approbandam, sed omnino rejiciendam adversariorum sententiam de jure Conciliorum generalium in Romanos Pontifices, eamque potius amplectendam, quæ Pontificiam auctoritatem supra ipsa generalia Concilia ita explicat statuitque, ut cum antiquitate plane concordet, quæque cum vi ac ratione primatus concinens, unitati totius Ecclesiæ conservandæ præsertim in fide, turbulentissimisque dissensionibus & scandalis impediendis est maxime necessaria?

T. 1. Dissert.
Eccles. Altonæ
1732.

20 Hac in re vellem adversarios catholicos legere Joannis Ludovici Moshemii celebris inter recentiores herodoxos scriptoris dissertationem, *De Gallorum appellationibus ad Concilium universæ Ecclesiæ, unitatem Ecclesiæ spectabilem tollentibus*; hanc enim eorum sententiam non coherere probat cum illis principiis, quibus ex primatu divini juris Romanam sedem seu Romanos Pontifices totius Ecclesiæ & catholicæ unitatis centrum profitentur. Sed nos hisce subsidiis non indigemus. Quæ in præmissis libro *De vi & ratione primatus* disseruimus pro statuendo Pontificii primatus jure ac vi cogente ad unitatem communionis, & potissimum fidei universam Ecclesiam, & vi quidem cum infallibilitate cuncta in definitionibus dogmaticis, omne prorsus appellationum jus præsertim a definitionibus fidei palam excludunt. Quæ autem in hoc opere attulimus circa Pontificum & conciliorum generalium auctoritatem, satis superque constituisse videntur, Concilia quantumvis generalia, seu Episcopos in Conciliis generalibus convocatos collective sumptos ita subesse jurisdictioni summorum Pontificum, ut ad ipsa concilia quasi ad superius tribunal deferri nequeat proprie dicta appellatio.

CA.

CAPUT X.

Principia & summa totius ratiocinii, quo generalibus conciliis negandum est jus supra Romanos Pontifices.

QUID autem hac in disputatione immorer pluribus, si paucis vis omnis eorum, quæ diximus, restringi queat? Quæstio, de qua in præsentiarum egimus, utrum generale concilium jus habeat coactivum in Papam; cum generalis concilii natura non solos Episcopos, sed & ipsum Papam tamquam Ecclesie catholice & generalis concilii caput complectatur, ejusque suffragium cum suffragiis Episcoporum consentiens præsumat; contradictionem quamdam involvere non paucis visa est: in eum enim, qui decretis condendis sua voluntate assentitur, jus coactivum non cadit. Si autem a Papa separentur Episcopi, & his decernentibus separatim a capite seu contra ipsum caput, jus coactivum in Papam tribuendum credatur (quæ esse videtur adversariorum sententia), id alio nomine repugnat; eo quod Episcopi quicumque, & quocumque numero coacti in synodo, & separati a capite, generale concilium non sint, nec in ipsum caput superiorem suum coactivam & proprie dictam jurisdictionem obtineant. Ut autem quod in hanc thesım statuendam multis disserui, unico veluti obitu percipiatur, fortiusque animo inhæreat, totius ratiocinationis summa ad quatuor certa principia revocare joverit.

1. Primum principium. *Certum est Papam ratione primatus ea jurisdictione potiri, qua jure divino superior est tota Ecclesia etiam collective sumpta, & quocumque etiam generali concilio, seu quibuscumque Episcopis etiam collectis una cum capite in generali concilio, quod universalem Ecclesiam repræsentat.*

Id

* *Idem.*
in c. 1. §. 3.

Id manifestum est ex constitutis in singulari libro *De vi & ratione primatus*, quo Christus Petrum cum peculiari jurisdictione primatus propriæ * omnibus Apostolis totique Ecclesiæ præposuit, & in Petro æque præposuit toti Ecclesiæ & cunctis. Episcopis Apostolorum successoribus ejus successores Romanos Pontifices, ut ejusdem Ecclesiæ unitatem contineant atque tueantur. Non possent autem hunc finem effectumque obtinere, nisi præditi essent jure coactivo in omnes; cum ipsa unitas non ex singulis tantum distributive acceptis, sed ex omnibus in unum coactis, seu collective sumptis coeat. Hoc quoque jus in omnes collective, quod fuit ex natura seu ratione primatus, confirmavimus pluribus hoc ipso in opere cap. 4. §. 3. Qui porro jus habet coactivum in omnes etiam Episcopos universalis Ecclesiæ sumptos collective, is proculdubio jus habere debet in eisdem, licet in generali frequentissimo concilio ex universa Ecclesia convocatos, qui majori privilegio gaudere nequeunt, quam ipsa universalis Ecclesia. Qui vero jus habet coactivum in aliquem, ejus superior est: ac idcirco omnes Episcopi etiam si collecti in generali synodo, in quos Romanus Pontifex jus habet, ipsam superiorem suam agnoscant necesse est; idemque superior pariter est generalibus synodis & Episcopis, qui in ipsis conveniunt.

3 Secundum principium. *Certum quoque est nulli inferiori competere jus coactivum in superiorem suum, nisi hoc jus inferiori certis documentis probetur ab eo collatum, qui eidem superiori jurisdictione præsit.*

Hujus principii prima pars cum sit manifesta ex ipso naturali jure, quod a nemine in dubium vocari poterit, ampliori confirmatione non indiget.

Alteri vero pars, qua dicitur inferiori jus in superiorem suum conferri posse ab eo, qui ipsi superiori jurisdictione præstet, liquet ex ratione ipsa naturali, quæ dicitur hoc casu inferiorem utentem jure sibi tradito ab eo, qui in superiorem suum jurisdictione potitur, non inferioris, sed superioris delegantis personam gerere, & hoc jure in eundem posse legitime agere. Praxis etiam communis ejusmodi delegationum idem confirmat.

Tertia pars, qua hoc jus inferiori collatum diximus esse

esse probandum *documentis* sive rationibus *certis*, evidens est: alias enim certum superioris jus, quo eximitur a jurisdictione inferiorum, in ipsos inferiores exeri ab eo legitime poterit, omneque jus inferiorum in superiorem inane, irritum, & commentitium præferet.

4 Tertium principium. *Cum ex dictis certum sit summum Pontificem esse superiorem, & jus superioris habere in totam Ecclesiam, & in ipsa generalia concilia; solus autem Deus ipse summus Pontifex superior sit; nec Ecclesia, nec universale concilium, seu nec Episcopi ex tota Ecclesia in generali concilio adunati, quos Papa inferiores vidimus jure divino, poterunt in hunc superiorem suum jurisdictionem exercere, nisi hæc jurisdictione ipsi a Deo tributa certis documentis probetur.*

Si Ecclesia & Episcopi omnes etiam collecti in synodo œcumenica subiecti sunt jurisdictioni summorum Pontificum; sequitur hos in spiritualibus soli Deo subesse, ut plenius cognoscetur ex constitutis cap. 5. Nemini vero, qui Papa inferior sit, posse asseri jus in ipsum, nisi hoc jus cuiuspiam a Deo tributum *certis documentis probetur*, liquet ex parte tertia principii præcedentis: neque enim jus in superiorem, quod inferiori non competit ex ipsa ratione naturali, præsumi potest collatum a Deo naturalis legis auctore, nisi argumenta, quæ hanc divinam institutionem & delegationem quamdam adstant, sint evidentiæ & penitus certa; cum præsertim agatur de jure in Papam quoque, si opus sit, deponendum, quod potestatem requirit auferendi ab eo primatus, qui non ab Ecclesia, nec a Concilio, sed a Deo immediate collatus summo Pontifici, nonnisi auctore ipso Deo auferri potest. Vide c. 9. n. 4. & 11.

5 Quartum principium. *Ut jurisdictione in Papam inferiori, cui per se non competit, a Deo collata certo aliquo monumento probaretur; asserendum esset aliquod exploratum testimonium vel sacræ Scripturæ, vel traditionis sanctorum Patrum, vel aliqua generalis Concilii aut summorum Pontificum definitio, ex quibus fontibus erui potest institutio aut delegatio divina.* Si nihil ex his proferatur, non erit certa institutio aut delegatio divina, seu certum non erit Deum eam potestatem supra Pontificem superio-

rem

rem suum tribuisse Ecclesiae, vel generali Concilio: ac propterea jus certum Pontificis semper praevaleret ex certo Pontificio primatu, quo jus in omnes collective certissimum obtineret.

6 Numquid vero ex recensitis certisque divinae institutionis fontibus aliquid exploratum certumque adversarii protulerint, vidimus. Loca sacrae Scripturae ac traditionis Patrum pro primatu Pontificio in universam Ecclesiam & pro jure cogendi omnes collective nostrae sententiae favent: pro statuendo autem jure concilii generalis supra Papam nec (1) ex Scripturis, nec ex traditione quicquam ab adversariis ingestum apparuit, quod ad rem certo conficiendam pertineat. Pauci quidam textus, qui Papam inferiorum judicio subijciunt sub ea conditione, si erret in fide, cum non adstruant jurisdictionem in Papam, nisi ob haereticis crimen desciverit ab Ecclesia, & primatu sua voluntate

(1) Quidam pro statuendo ex Scripturis generalis Concilii jure supra Pontificem nimium abutuntur illis Christi verbis ad Petrum Matth. 18. *Si peccaverit in te frater tuus &c. Dic Ecclesiae*; ac si Christus Ecclesiae nomine generale concilium universam Ecclesiam representans designaverit tamquam tribunal, ad quod causae Pontificum, quae in quaestione veniant, deferendae sint. At casus, de quo eo loco agitur, non erat de peccato Petri, sed de fratris crimine, qui Petrum offenderit, & bis correctus primum a Petro inter te & ipsum solum, deinde iterum adhibitis testibus noluisse resciscere. Num si Papa sine fructu aliquem corrigat, qui ipsum offenderit, con-

vocandum erit generale concilium, ut iudica in eum feratur sententia, nec sufficiet cujusque Ecclesiastici superioris iudicium, qui potestate clavium praeditus sit? Certe eo testimonio Ecclesiae nomine praeposito Ecclesiae generatim significatos S. Joannes Chrysostomus docuit, & Ecclesiae praxis confirmat, ut notavi c. 1. n. 3. Cur autem ejusmodi iudicium alicui ecclesiae praeposito sit committendum potius, quam ipsi summo Pontifici, si a quopiam offendatur, ratio in promptu est: quia nemo etsi supremae potestatis in propria causa haberi solet idoneus iudex, qui omni affectu ac praepudicio careat, nec in suspitionem aliquam veniat.

tate spoliatus, Pontifex amplius non fit; nihil adversarium sententiæ profunt. Concilii quoque VI. œcumenici anathema in Honorium post ejus mortem quam sit a quæstione alienum patet ex animadversionibus propositis cap. 5. n. 5. Ad rem proprius pertinere videntur decreta Constantiensia, & facta depositionum in conciliis Pisano & Constantiensis. At nihil in his *certe auctoritatis* reperiri, ex quo divina institutio & delegatio jurisdictionis in Papam concilii Patribus licet ipso Papa inferioribus collatæ *certo* deduci queat, pluribus capitibus constitutum fuit. Decreta nimirum Constantiensia sessionum IV. & V. de potestate synodorum supra Papam certa auctoritate carent, cum ex defectu confirmationis Apostolicæ œcumenici concilii vim non habeant, neque edita fuerint tamquam dogma fidei, sed veluti constitutio synodalis ex opinione, quæ in illis circumstantiis probabilior visa est, aliis aliter etiam in Constantiensis, & multo pluribus postea libere & licite opinantibus, qui ab ipsis adversariis hæretici habiti non sunt, nec vel hodie habentur. Facta depositionum in Pisano cur nihil contrariæ sententiæ profunt, sed potius obstant, intelleges ex cap. 6. Depositio autem Joannis XXIII. in Constantiensis facta cum assensu ejusdem, qui & ante & post eidem voluntarie cessit, ad jus coactivum concilii referri nequit. Depositio Benedicti XIII. qui jam desertus etiam a suis, & ab universali Ecclesia ex omnibus obedientis in Constantiensis adunatis separatus, a pontificatu, si quem obtinuisse, tamquam hæreticus & schismaticus exciderat, in actualem verum Pontificem lata nec fuit, nec dici potest.

7 Deficientibus autem quibuslibet *certe* divinæ institutionis aut delegationis documentis, quæ ad probandum *certainum* Episcopis in generali concilio adunatis jus a Deo tributum in Papam superiorem suum esset penitus necessaria, quid pro adversariorum sententia restat nisi ratio ducta ex sola necessitate remedii potissimum in casu pertinacissimi schismatis? Hæc vero ratio, etsi novæ opinioni indacende, gestisque Pisanis & Constantiensibus causam dedit; cum tamen divinam institutionem vel delegationem nostro proposito necessariam non probet: nihil conferre potest ad convellendum certum jus Pontificii primatus su-

T

per

per Episcopos omnes etiam collective sumptos, qui semper fuerunt, & sunt summis Pontificibus inferiores, ac ex naturali ratione jus nullum in Superiorem suum poterunt exercere, nisi certa, quæ hætenus desideratur, divina institutio aut delegatio aliunde probetur. Est igitur nihil utrinque certi dogmatis suppetat, & omnia hinc & hinc in libera opinione versentur; adeo ut sicuti adversarios, qui Pisanis & Constantiensibus gestis nituntur, nulla censura perstringendos putemus, ita & ipsi nos prædictis gestis multa opposcentes neque hæreticos neque schismaticos habeant, sed cum Bossueto æquissime expetant, ut iisdem gestis nihil cogentibus, pacifice utrinque disputetur, quo pateat, * utri validioribus, purioribus, lucidioribus documentis fulciantur. Quis conditionem adeo æquam recuset? Si autem sepositis præjudiciis expendantur diligenter, quæ tum ab adversariis, tum a me hætenus fuerunt producta; quis Theologice recteque ratiocinans non videat, eorum opinionem tam seræ originis, & auctoritatis tam recentioris, nulloque certo divinæ institutionis aut delegationis documento munitam præferri non posse sententiæ, quæ divino primatus jure in omnes collective totaque antiquitate suffulta, sola inter catholicos tredecim prioribus sæculis viguit?

* *Dissert.
prævia De
sensu c. 97.*

F I N I S.

VINDICIÆ
AUCTORITATIS PONTIFICIÆ

contra opus

JUSTINI FEBRONII

inscriptum

*De statu Ecclesiæ & de legitima potestate Romani
Pontificis.*

VINDICIÆ

PRIMATUS ET AUCTORITATIS PONTIFICIÆ

contra opus

JUSTINI FEBRONII

DE STATU ECCLESIE ET DE LEGITIMA POTESTATE
ROMANI PONTIFICIS.

PRÆFATIO.

I



USTINI FEBRONII consilium de
restituenda Ecclesiastica disciplina, &
de Ecclesiasticorum moribus ad sacro-
rum Canonum normam reformandis,
quod ille potissimum præfert & inge-
rit in opere ante paucos annos vul-

gato, & pluribus mox editionibus repetito, ac ubique dis-
seminato, cui præfixit titulum, *De statu Ecclesie, & de
legitima potestate Romani Pontificis*, quis non maxime
laudaret probaretque, si in id consequendum iis prin-
cipiis mediisque usus esset, quæ Ecclesiasticorum quidam
vitia, abusus, & corruptelas impeterent, ac genuinam

ger-

certamque Romanorum Pontificum auctoritatem divini juris primatui competentem factam testam servassent? Verum principia & media eo in opere ingesta eandem auctoritatem non solum ex proposito adoriuntur, sed ita etiam extenuant arctisque limitibus constringunt, ut Auctor peculiaris ac præcipuæ jurisdictionis primatum ex catholico dogmate concedendum, ad primatum meri fere ordinis & honoris revocare videatur, vel saltem eam ipsius primatus præcipuam & propriam vim ac potestatem, quam summis Pontificibus in unitatem ac ædificationem Ecclesiæ Christus attribuit, non modo non approbet, nec vindicet, sed potius infirmet, deprimatque, & specioso reformationis procurandæ nomine, commune catholicæ unitatis centrum, quod idem Auctor in Romanæ sedis Pontificibus collocatum, & a catholicis omnino propugnandum verbis fatetur, re ipsa jurisdictione ad eum finem consequendum idonea ac necessaria penitus spoliet, & contemptui exponat. Quid enim nisi magnum Apostolicæ auctoritatis contemptum injicere potest opus, quod iisdem Pontificibus impotentissimum dominatum a Christi institutione alienum, alienorumque jurium perturbationem occupationemque injustissimam supposititiarum decretalium præsidio inductam appingens, omnes Episcopos, Metropolitans omnes, ipsasque potestates sæculi ad eorum facultates intra angustiores limites coercendas excitat, etiam (si opus sit) subtractione obedientiæ, metumque ipsum censurarum excutere nititur? Quis veritatis & justitiæ amator hæc æquo animo ferat atque dissimulet?

2 Ego sane, qui duobus præcedentibus operibus Pontificii primatus vim, rationem, & potestatem divina in-

stinu-

stitutione constitutam explicare & comprobare studui, ejusdem *Vindicias* contra Febronianum systema præterire non potui. Id autem ut brevius, quoad fieri possit, expediam, duo in Febronii opere sunt distinguenda, unum quoad potestatem summis Pontificibus tributam in materia fidei: alterum quoad potestatem ipsis concessam in negotio disciplinæ. Quæ ille paucis tangit quoad potestatem Pontificiam in definiendis controversiis fidei, de qua fusius disserui in primo opere *De vi & ratione primatus* &c. hic paucioribus indigent, eaque primo capite comprehenduntur. Cum vero pleraque ab eo latissime disputata circa disciplinam versentur, adeo ut non male scriptum fuerit in monito editioni anni 1764. in duos tomos distinctæ (qua utemur) præfixo, *Totum disciplinæ negotium est*; plura in hoc argumento, de quo in opere hinc *Vindiciis* præmissis non pauca statuimus, ad refutanda Febroniana molimina, aliis atque aliis capitibus expendenda ac statuenda erunt. Quæ porro utroque in themate, fidei scilicet ac disciplinæ, differunt; cum principia in duobus præcedentibus operibus constituta præsumunt, tum vero lectorem iisdem principiis & operibus probe instructum requirunt; ac propterea eadem opera identidem allegata invenientur. Ne autem frequenti ipsorum allegatione integrum cujusque titulum semper cogamur ad nauseam repetere, primum opus inscriptum *De vi & ratione primatus* &c. his notis *De vi primatus*, aut *De primatu* allegabo: opus vero alterum hinc *Vindiciis* præmissum: *De potestate Ecclesiastica Romanorum Pontificum & Conciliorum generalium*; his brevioribus notis *De potestate Ecclesiastica* indicabo.

3 Non ignoro expectare nonnullos, ut in confutando Febroniano opere duo quoque alia vel tria opera excutiam novissime edita vel etiam recusa, quæ non absimiliter Pontificiam auctoritatem oppugnant. Sed cum omnium principia eadem fere sint, ac illa, quibus Febronius est usus; hæc confutatio principiorum Febronii duobus indicatis operibus suffulta, erit quoad substantiam aliorum ejusdem generis operum confutatio: nec distinctam singulorum impugnationem desiderare quispiam poterit, nisi qui in singulis excutiendis eadem absque necessitate repetenda arbitretur.




VINDICIÆ

AUCTORITATIS PONTIFICIÆ

Contra opus JUSTINI FEBRONII.

CAPUT I.

Quantum Febronius detrahat legitimæ potestati Pontificiæ in decidendis controversiis fidei.

I  UM in bonum Ecclesiæ ad impedienda schismata, & ad custodiendam in ea unitatem fidei & communionis ipsi Ecclesiæ maxime necessariam, Christus Dominus unum ex Apostolis, idest S. Petrum, prætulit ceteris non mera prerogativa honoris & ordinis, sed cum peculia-

ri jurisdictione, ut in eo tanquam in unitatis centro unitas custodiretur Ecclesiæ; quantumcumque ceteri Apostoli in aliis Apostolatus facultatibus pares essent Petro; in jurisdictione tamen, seu vi coactiva in omnes ad conservandam secum utramque fidei & communionis unitatem suberant Petro, ita ut in eadem cum ipsa fide omnes deberent convenire, nec a communione ejus unquam recedere sive desciscere. Nihil quidem scissuræ vel in fidei vel in communionis unitate cum Petro timendum erat ab Apostolis, qui Spiritu Sancto veritatis & caritatis Spiritu afflati agebatur. At in Episcopis Apostolorum successoribus, qui non æque ac Apostoli erant Sancto Spiritu confirmati, timeri poterant dissensiones & scissuræ, ex quibus fidei vel communionis unitas præjudicium sentiret: ac propterea S. Petri primatus, qui in bonum unitatis debebat esse perpetuus, & ad Romanos Pontifices S. Petri successores transire, eadem peculiari jurisdictione seu vi coactiva præditus esse debebat in successoribus ipsius, ut omnes etiam Episcopos in utraque unitate perpetuo contineret. Mera repæ-

*De vi & rat.
primat. c. 31.
r. 53. & alibi.*

* U

son.

sentatio, merus typus unitatis in hunc finem non sufficiebat, nec merus primatus honoris & ordinis, qui sine coactivo ejusmodi jure ad finem in institutione primatus a Christo sibi propositum fuisset ineptus. Hoc jus coactivum omnium Christianorum ad unitatem non solum communionis, sed potissimum fidei, quæ est unitas Ecclesiæ potior, Romanis Pontificibus asserendum ex Scripturis, ac perpetua Ecclesiæ traditione late constitutum invenies in libro *De vi & ratione primatus* cap. 12. & 13. ubi etiam quæ obijci solent diluimus.

Febronius
verbis ali-
quatenus
cum vera do-
ctrina con-
venit, re di-
screpat.

2 Justinus Febronius, dum in Romanis Pontificibus eorumque primatu centrum unitatis a Christo collocatum agnoscit, ipsumque in Ecclesia necessarium, ac omnino conservandum & a catholicis vindicandum fatetur; juraque ipsius in unitatis bonum essentialia in dubium adduci non posse affirmat; nobiscum aliquatenus convenire videri potest. At dum ipsa jura, seu facultates ex primatu Romanis Antistitibus competentes recensendas suscipit; ad prærogativas meri ordinis & honoris fere omnia pertinent: & si quæ aliquid juris coactivi, seu jurisdictionis præferunt, non sunt ejus generis, quæ per se in conservandam unitatem potissimum fidei cogant, quales ex ratione ac fine principali instituendi primatus, nec non ex Scriptura & traditione esse deberent. Dum S. Petrum fuisse vult in Apostolorum collegio tamquam præsidem in Senatu, *qui Senatorum sententias rogat, non cogit, uno suo arbitrio nihil decedit*; vim coactivam & primatum veræ jurisdictionis in gestis conciliaribus S. Petro apertissime adimit; eodemque recidunt illa, quibus expendens titulos *capitis & Principis Apostolorum* ipsi attributos a Patribus, subdit: *Inde desequebatur ei primatus honor, ejus sententiæ multum tribuebatur, nullaque causa majoris momenti sine ejus participatione definiebatur..... Ipse in conventibus proponebat materiam, de qua deliberandum erat: ipse, cum id opportunum esset, levabat vocem suam, & omnium loco ac nomine loquebatur: quæ prerogativam meri ordinis & honoris nequaquam excedunt, subiicit quidem statim: Verum inter hujusmodi directorii fines jura primatus non subsistunt. Exigit amplius aliquid conservatio unitatis in Ecclesia non semper in conciliis congregata. Si hæ ultimæ voces, non*
sem-

esp. 2. §. 4.
tom. 1. edit.
quinta pag.
51.

semper in conciliis congregata, eo sensu additæ fuissent, ut innueretur potestas conciliorum præsertim generalium, quibus vel per se vel per legatos præsit Summus Pontifex, quibusque jus definiendi controversias fidei, & vis cogendi ad fidei unitatem ab omnibus catholicis conceditur, nihil esset repugnandum. Verum Febronius alia mente hæc addidit, ut scilicet indicaret, quod * postea palam declaravit, definitiones fidei extra generale concilium a solo Pontifice editas, etsi is *præcipuas habeat in judicando partes*, non tamen constituere ultimum iudicium, nec esse omnino irrefragabiles, seu infallibiles, eisque singulas privatim Ecclesias singularem reverentiam debere præstare, adeo ut *provisorie* illis obsequendum sit, *saltem ad non dogmatizandum contrarium, quamdiu Ecclesia non reclamât*. Hæc sumpsit ex Gersone, atque ex aliorum adversariorum sententia, qua infallibilitatis prærogativam in definiendis fidei controversiis Romano primatui tributam negantes, vim omnino coactivam & absolutam ad præstandam definitionibus Apostolicis fidei unitatem penitus inficiantur. Velim Febronium in mentem revocare illud principium, quod veluti omnino certum statuit: *Cum genuinum fundamentum ejusdem primatus in bono unitatis Ecclesiæ supra §. 2. invenerimus; hinc pro principio statuemus: OMNIA IL- LA ET SOLA ESSE PRIMOGENIA ET ESSENTIALIA JURA PRIMATUS, SINE QUIBUS UNITAS NON POTEST SERVARI*. Nonne vis ad unitatem omnino cogens & absoluta ita necessaria est, ut sine ea unitas contineri & vindicari penitus nequeat? Nonne hæc vis coactiva esse debet non tam in singulos, quam in omnes Christianos, cum ex omnium concordia in eadem fide unitas catholicæ formetur Ecclesiæ? Num sine vi coactiva omnium Christianorum ad fidei unitatem in instituendo primatu præcipue intentam a Christo, servari posset in Ecclesia unitas ejusdem fidei decreto *mere provisorio*, contra quod etsi nemini liceat reclamare, quamdiu non reclamât Ecclesia, licere tamen credatur ab eo diffentire? Semper Ecclesiam, & Ecclesiæ filios non provisorie tantum, sed peremptoria habuisse Apostolicæ Sedis circa fidem iudicia, quibus causâ finita esset, & obedientia non mere externa, quæ solam contradictionem externam vetet,

* 16. n. 4.

cap. 2. §. 4.
pag. 30.

sed & interna, quæ unitatem fidei constituit, ab omnibus deberetur, eaque idcirco infallibilitatis privilegio ex Christi promissis & Patrum traditione donata in libro *De vi & ratione primatus* multis probatum, seu potius demonstratum videtur.

3 Si usum & observantiam priscorum seculorum, ad quam Febronius identidem provocat, velit consulere, ne unum quidem factum aut textum inveniet, quo catholici licitum putarint dubitare de aliqua proprie dicta definitione Sedis Apostolicæ. *De aliqua*, inquam, *proprie dicta definitione* fidei, cujus naturam eodem libro explicavi; neque enim de aliis Romanorum Pontificum decretis, aut sententiis, scriptis, aut dictis a definitione dogmatica alienis idipsum dicendum aut intelligendum est. Novum examen, quod aliquando habitum fuit in generalibus conciliis post definitiones Apostolicas, nihil officere vidimus; cum non idcirco habitum fuerit, ac si de illis liceret ambigere ante iudicium & approbationem concilii œcumenici, sed ut dubitantes docerentur, vel errantium contumacia evidentius pateret omnibus, ne simplicibus & minus cautis facum faceret. Febronius hæc & his similia opponit, quæ ex adversariorum libris in indicato opere accuratius exposita, & rejecta pluribus, hic repetenda non sunt. Cum vero ipse nihil in hac parte addat, quod ab aliis adversariis non absumiliter oppositum, ibidem confutatum invenietur, nihil nunc addendum existimarem; nisi unum quiddam supra ceteros contrariæ nobis sententiæ patronos Febronius adiecerit, quod cum deteriore ipsius, quam aliorum sententiam efficiat, absque aliqua peculiari animadversione prætereundum non iudico.

Cur novum
examen 'ali-
quando con-
ciliis post
definitionem
Apostolicam.

Deterior Fe-
bronii quam
aliorum ad-
versariorum
sententia.

4 Ceteri adversarii, qui solum quidem iudicium Sedis Apostolicæ ad finiendam fidei controversiam non sufficere autumant, ne hinc unitati fidei a Christo male provisum dicatur, si expectanda esset concilii generalis sententia, quæ idem Apostolicum iudicium confirmans, causam finiret; sufficere, semperque sufficiens fuisse ajunt, si definitionibus Summorum Pontificum accedat Episcoporum Ecclesiæ etiam dispersæ vel expressæ vel tacitæ saltem consensus. Hæc ipsa conditio consensus Ecclesiæ sive adunatæ in generali synodo, sive dispersæ, quam perperam ad vira-

coa-

coadjuvam earundem definitionum infirmendam ab adversariis requiratur, ibidem probavimus cap. 14. n. 29. & sequentibus. Febronius autem hac ipsa conditione consensus saltem taciti nequaquam contentus, ad *ultimatum* & *conclusum*, ut ait, atque infallibile iudicium in materia fidei cap. 6. §. 2.
n. 1. exigit expressam & concinentem generalis concilii sententiam, qua solum fidei definitiones peremptorias esse comminiscitur. Hac in hypothesi cura concilia œcumenica rarissima sint, & hoc præsertim tempore multis de causis eorum convocatio sit difficillima, ac sere impossibilis, quam male Christus prospexisset unitati fidei institutione primatus, si post Apostolicam definitionem ad peremptorium iudicium, a quo nemo catholicus posset legitime dissidere, expectandum esset generale Concilium? Quomodo id coherereat cum illis ejusdem Febronii verbis, quibus ex antiquorum sæculorum historia * cum Augustino fatetur, *tantas* * ibid. n. 4.
p. 203. *fuisse hæreses adeo pertinaces, ut ad eas profigandas opus fuerit congregatione generalis concilii*, nemo facile intelliget. Semper enim ex Febroniano principio necessaria fuisset generalis synodi congregatio, siquidem aliud quodcumque iudicium a Pontifice editum, & receptum aut præventum a particularibus conciliis, approbatumque Episcoporum totius Ecclesiæ consensu, numquam fuisset ultimum & infallibile, cui hæretici non possent resistere, & reponere se nondum certos hæreticos esse, nec a corpore Ecclesiæ præcisos, quamdiu a generali concilio ultimum & infallibile iudicium non prodeat. Id porro in Febronio tanto incoherentiùs videbitur, si animadvertas eam Augustini sententiam, qua necessarium fuisse negavit ad profigandas hæreses generale concilium, ab ipso Febronio ibidem explicari de hæresibus olim damnatis in particularibus synodis, hac ratione addita: *Ea etenim semper fuit Ecclesiæ inter se societas & concordia, canonumque & definitæ doctrinæ apud omnes auctoritas & religio tanta, ut quod Synodo aliqua constitutum uspiam esset, idem aliæ Ecclesiæ sibi pro re nata imitandum & pariter statuendum ducerent, siue expressa consensione, SIVE TACITA APPROBATIONE*. Num obi agitur de definitionibus particularium synodorum, ad peremptoriam istarum vim, quæ conciliorum generalium necessitatem excluderet, sufficere credit.

dit non tam *expressus*, quam *tacitus* Ecclesiæ dispersæ consensus, quem agens de definitionibus Pontificiis insufficientem declaravit, nisi expresso generalis concilii decreto probaretur?

Quædam Febronii sententia num omnino coherereant.

*Ibid. n. 13.
pag. 212.
w. 175.*

5 Aliud vero minus coherens in ejusdem Febronii opere detexisse mihi videor. Hactenus consensum Ecclesiæ dispersæ Apostolicis definitionibus additur ad finiendas controversias fidei per se minus aptum indicavit, dum judicium seu consensum œcumenici concilii requisivit. Num vero ipsius œcumenici concilii auctoritatem per se sufficere credidit sine ullo Ecclesiæ dispersæ consensu? Nihil minus: si quidem ipsas generales synodos legitime convocatas, earumque definitiones legitime editas ad fidei unitatem non absolute, sed conditionate tantummodo cogere affirmat: *Si nempe Patres legitime convocati in eo (concilio) ita se gesserint, ut dici debeant repræsentare totam Ecclesiam: quod an ita de facto sit, declarat agnitio, seu RECEPTIO ECCLESIAE*. Ex sola igitur conciliorum generalium definitione non oritur absoluta vis coactiva ad unitatem, sed subsequens Ecclesiæ *receptio*, seu consensus præterea necessarius est, ut declaratur num Patres, qui definitivum judicium tulerunt, legitime convocati ita se gesserint, ut dici debeant repræsentare totam Ecclesiam. Ita Ecclesiæ dispersæ consensus Apostolicis definitionibus additus vi caret plane coactiva & peremptoria, quæ judicium ultimum pariat, nisi accedat judicium Ecclesiæ in generali synodo adunatæ consentiens; simulque judicium Ecclesiæ in generali concilio adunatæ consentiens eam vim non obtinet, nisi subsequenti Ecclesiæ dispersæ consensu ipsum concilium legitimum & legitime se gessisse dignoscatur: quæ quomodo apte convenient, Febronius viderit. Quanto coherentius alii ex adversariis utrinque vim peremptoriam deducunt ex consensu Ecclesiæ sive dispersæ, sive adunatæ in generali concilio, cum non minorem auctoritatem habeat Ecclesia dispersa, quam coacta in concilio œcumenico, quod ipsam Ecclesiam dispersam repræsentat?

6 Verius autem Romanæ auctoritatis vindices Apostolicis definitionibus absolutam coactivam ac peremptoriam vim tribuunt ratione primatus, ut ne ad hanc vim extendendam assensu Ecclesiæ sive dispersæ, sive in œcumenica synodo

synodo adunatæ indigeant: nec ipsorum conciliorum generalium definitiones eadem vi carere inficiantur, dummodo ipsis accesserit Sedis Apostolicæ assensus seu confirmatio: qua de re vide quæ attuli libro præcedenti, *De potestate Ecclesiastica Papæ & conciliorum generalium* cap. 2. §. 2. Febronius, qui hujus assensus aut confirmationis Apostolicæ necessitatem negat, & merum præsidendi, proponendi, & exequendi officium Summis Pontificibus vindicat (quæ meri ordinis & exequutionis sunt munera): haud video quodnam jus præcipuum in materia fidei primatus proprium statuatur, quo præcipuæ jurisdictionis, non autem meri honoris & ordinis primatus constituatur. Quodsi ex dicendis postea nihil quoque peculiaris coactivi juris primatui asserat in materiis disciplinæ; sed jus meræ inspectionis, directorii, exequutionis canonum, coercitionis deinceps, & similia, quæ ad honorem & ordinem potius, quam ad peculiarem jurisdictionem primatui competentia referuntur; multo magis patebit ipsum tum in fide, tum in disciplina eum tantum primatum reipsa admittere, qui vel meri honoris & ordinis est, vel ad merum ordinis & honoris primatum quam proxime accedens, ejus veræ & præcipuæ jurisdictionis, quam Christus in unitatis bonum primatui attribuit, est penitus expers.

Febronius
primatum
meri ordinis
videtur ad-
mittere.



CAPUT II.

Quænam potestas Romano Pontifici competat
in materia disciplinæ, & quantum ei
Febronianum systema detrahatur.

Distinctio I
inter materiam fidei
& disciplinæ.

CUM materia fidei comprehendat non tam illa quæ a positivo divino jure pendent, quam illa quæ naturali juri a Deo præscripto inniuntur; sicut jus divinum & naturale immutabilia sunt; ita immutabilia sunt pariter, quæ iisdem juri-
bus præcipiuntur, vel prohibentur. Quæ vero nec naturali, nec divino jure sunt vetita vel præscripta, sed Ecclesiasticæ dispositioni a Deo fuerunt relicta, si ab Ecclesiastica potestate præcipiantur vel interdican-
tur, constituunt materiam disciplinæ, quæ pro Ecclesiæ potestate ita variare & mutari potest, ut pro varietate circumstantiarum nunc licere possit, quod prius erat interdictum; nunc autem quod prius erat licitum, superveniente Ecclesiastica prohibitione, illicitum fiat. Hinc leges Ecclesiasticæ, quæ de materia disciplinæ statuunt, mutationi obnoxie sunt, uti disciplina est mutationi & varietati obnoxia. Hæc tam certa sunt ex antiqua praxi Ecclesiæ, ut idcirco nec semper nec ubique eadem disciplinæ leges vigerint, aut vigeant; neque in hoc Febronius contraire potuerit.

Non omnia
Apostolorum
præcepta
sunt divina
jura.

2 Animadvertenda vero hoc loco videtur ea ejusdem Febronii thesis, quam inter *Principia juris publici Ecclesiastici recensuit* c. 1. n. 2. *Apostolorum potestas legislativa origine quidem sua fuit divina* (quia scilicet a Christo instituta, uti ab eodem instituta est potestas Ecclesiæ): *at præcepta Apostolorum, tametsi libris canonicis inserta, non sunt divina, sed mere humana*. Quam distinctionem in subjecta adnotatione explicat & confirmat ex Pauli epist.

I. ad

1. ad Cor. c. 7. *ubi quæ juris divini sunt, his verbis tradit*, Præcipio, non ego, sed Dominus: *quæ autem proprio arbitrio tradit, hac formula præfatur*: Ceteris ego dico, &c. Quæ mero præcepto Apostolico sunt præscripta, sicut dispensationi, ita & mutationi obnoxia esse queunt. Inter hæc referendum creditur illud decretum in Hierosolymitana synodo circa vetitum usum sanguinis & suffocati quod pro illis circumstantiis necessarium, mutatis circumstantiis jam obsolevit.

3. Licet in materia disciplinæ, quæ variari subest, non ita sit necessaria omnium Ecclesiarum, omniumque catholicæ Ecclesiæ Episcoporum unitas cum Sede Apostolica, uti cum ea omnino * necessaria est unitas omnium in materia fidei & communionis, quæ divino jure immutabili præscripta est ratione primatus; ob unitatis tamen bonum necessaria est omnium inferiorum potestatum Ecclesiasticarum, & Episcoporum omnium subordinatio Summo Hierarchæ Romano Pontifici. In una quidem Ecclesia particulari duo Episcopi potestate pares esse non possunt, quin dissensionibus aditus pateat, & unitati periculum ex æqualitate jurium impendat; sed unus ita præesse debet omnibus, ut alius quivis, etiam si Episcopalem consecrationem præferat, in jure eidem credito esse debeat subordinatus. Quare in Nicæno Concilio cautum fuit, ut si Cathari, seu Novatiani Episcopi ad unitatem redeuntes recipiendi essent, ubi inveniretur Episcopus catholicus; non admitterentur cum eadem Episcopatus jurisdictione, sed in gradu presbyterii, *ne in una civitate duo Episcopi esse viderentur*, quod unitatis bono repugnat. Similiter ergo in universali Ecclesia duo æqualis omnino juris Pontifices esse nequeunt, sed unus præesse debet omnibus peculiari jurisdictione, cui omnes sint subordinati in Ecclesiæ regimine, ac in ipsa materia disciplinæ, ne hac subordinatione sublata, scissurarum pericula impendant, quæ facilem unitatis discindendæ occasionem asserrent. Cui autem hæc subordinatio ab omnibus præstanda est, nisi illi, cui ex veræ & personalis jurisdictionis primatu unitatis in tota Ecclesia conservandæ officium cum idonea in id potestate a Christo commissum fuit? Neque in hoc repugnare potest Febronius ex illo ipsius certissimo principio, quod præcedenti capite

* Sap. c. 1.

Subordinatio
omnium po-
testatum in-
feriorum Ro-
mano Ponti-
fici quam
necessaria.

retulimus num. 2. nimirum *Omnia illa & sola esse primogenia & essentialia jura primatus, sine quibus unitas non potest servari.* Num absque ea omnium subordinatione Summo Hierarchæ vel in materiis disciplinæ unitas Ecclesiæ servari diutius posset?

4 Hæc autem subordinatio Summo Pontifici debita ex illo divino jure, quo inferiores debere præpositis suis subiacere Paulus testatur, ab ipsis (1) Apostolis observata fuit erga S. Petrum principem & superiorem suum, non quod ex ipsis aliquid gravioris scissuræ & dissensionis, quæ unitatem abrumperet, esset timendum, sed in futurorum temporum, & Episcoporum successorum suorum exemplum, ut his ejusdem subordinationis debitum erga Petri successores Romanos Antistites commendarent. Hanc quidem subordinationem in universalis Ecclesiæ regimine cum præstare deberent ipsi Apostoli S. Petro bono unitatis ratione primatus; jure damnata fuit propositio de bicipiti Ecclesiæ capite SS. Petro & Paulo eo sensu accepta & explicata, ut ponat omnimodam æqualitatem inter S. Petrum & S. Paulum, *SINE SUBORDINATIONE & subjectione S. Pauli ad S. Petrum in potestate suprema & regimine universalis Ecclesiæ*: hæcque condemnatio & explicatio a tota Ecclesia etiam Gallicana suscepta & approbata fuit. Vide lib. *De vi & ratione primatus* c. 3. n. 2. Si hanc subordinationem ipsi Apostoli debebant primati suo S. Petro; quomodo successoribus S. Petri negari poterit debita ab Episcopis Apostolorum successoribus, cum in ipsis præcipue, qui non sunt eodem Apostolorum Spiritu afflati, ad unitatem continendam sit maxime necessaria?

Episcopalis
auctoritas in
origine est
juri divini,
& immuta-
bilis.

5 Quamvis Episcopalis auctoritas sit in origine institutionis divinæ, ac idcirco æque immutabilis ac jus divinum,

(1) Qui omnem subordinationem erga S. Petrum negaret Apostolis, ita ut æquales omnino fuerint cum potestate Petri, primatum meri ordinis & honoris supra Apostolos in

Petro deberet agnoscere, quod communi catholicæ doctrinæ plane repugnat. De hac subordinatione lege not. 5. & 9. in c. 1. præcedentis operis *De potest. Eccles.* pag. 8. & 16.

num, Episcopis adimi penitus nequeat; cum tamen duo ad eandem auctoritatem pertinentia a Christo non fuerint instituta, sed Ecclesiae praepositis, Petri scilicet & Apostolorum successoribus, ut de ipsis disponent, fuerit commissum; ea non ad jus divinum immutabile, sed ad disciplinam mutabilem referenda sunt; nimirum I. subditorum seu diœceseon designatio, in quibus Episcopi auctoritatem exercerent: II. Episcopatum facultatum quodnam esse deberet exercitium & usus. Quoad diœceseos seu subditorum, qui cuique Episcopo committerentur, designationem exercitio auctoritatis necessariam (neque enim jurisdictio nisi in subditos exerceri legitime potest) paucis concludam. Potestas illa illimitata in totum mundum, Apostolis ab ipso Christo tradita, necessaria quidem fuit in illis initiis ut sua citius ædificaretur Ecclesia; ac proinde omnes poterant ubique prædicare Evangelium, ubique Ecclesias particulares & Episcopatus erigere, consecrare Episcopos, presbyteros &c. & quælibet alia Apostolatus officia exercere. At hoc jus immediatum in totum mundum, & in omnes Ecclesias ex peculiari necessitate ac utilitate illis initiis tributum, in aliis Apostolis extraordinarium fuit, quod bono ejusdem unitatis (ut mox dicturi sumus) non debebat in Episcopos eorum successores transire; in Petro autem, cujus auctoritas ratione primatus ob ipsius unitatis bonum debebat esse perpetua, & in successores ejus propagari, ordinarium esse debuit, sicut & in successoribus ejusdem Romanis Pontificibus ordinarium debet agnoscere. Cum vero extraordinaria aliorum Apostolorum potestas in universum mundum, illis initiis necessaria, non deberet Episcopis ipsorum successoribus æquo jure competere, ne magna in Ecclesiis jam ædificatis confusio fieret, si æque ac Apostoli omnes Episcopi omnia possent ubique; sed potius expediret diversas diœceses designare, & Episcopatus diversos erigere, ita ut singuli Episcopi suæ cuique diœcesi præficerentur, præque assignato facilius prospicerent; hæc designatio diœceseon & subditorum, quam Christus non instituit, sed Apostolis eorumque successoribus commisit, non est divini immutabilis juris, sed Ecclesiastici; ac proinde ad disciplinam mutabilem pertinens, subest potissimum dispositioni successorum S. Petri, qui cum ex eodem S. Pe-

Diœceseon designatio non pertinet ad jus & institutionem divinam.

Potestas illimitata in Apostolis necessaria.

Extraordinarium in istis jus fuit.

Cur non æque omnibus Apostolorum successoribus deberet competere: & cur diœceses divise.

Juris Ecclesiastici dispositioni hæc mutatio concessa.

Cur subest juri primatus.

tri primatu jus ordinarium habent in universam Ecclesiam; cum vero eodem ordinario jure uti possunt in dioceses singulas, æque ac in illas Apostoli extraordinario jure uti poterant. Ex hac potestate in dioceses omnium Episcoporum, quæ in solis Petri successoribus ex divini juris primatu est ordinaria, Romana Sedes potest, si expediat, Episcopatus aliquos suppressere, novos erigere, unum dividere in duos; potest etiam, si in ædificationem Ecclesiæ confert, aliquos subditos per exemptionem ab Episcopi jurisdictione subducere, quo de jure alibi opportunius dicitur.

Ufus & exercitium facultatum Episcopaliū subordinatum primatui.

6 Porro Episcopos, quos Apostoli constituerant, quoad Episcopaliū facultatum usum & exercitium intra fines assignatarum cuique dioceseon fuisse subordinatos eisdem Apostolis, quatenus hi possent ipsarum facultatum usum & exercitium a Christo non definitum in bonum Ecclesiæ limitare & moderari, nemo negaverit. Quod autem poterant singuli Apostoli extraordinario illo jure in totam Ecclesiam, quod paulo ante explicavimus; poterat multo magis & Petrus, qui in ipsos Apostolos jurisdictione potiebarur primatus causa; cum præsertim extraordinarium aliorum Apostolorum jus in omnes & singulas Ecclesias, & in Episcopos omnes, in Petro esset ordinarium, & ad Summos Pontifices Petri successores ordinario item jure transferit: unde & hos posse Episcopaliū facultatum usum atque exercitium limitare & moderari fatentur ipsi adversarii cum Gersone, ipsaque Ecclesiæ praxis, & (1) antiqua etiam exempla in præcedenti opere *De potest. Eccl.* cap. 1.

(1) Quod & antiquis temporibus hæc sive dioceseon, sive facultatum Episcopaliū dispositio a Metropolitanis, seu Patriarchis, conciliisque provinciarum fere pendebat; non idcirco negandum in id Pontificium jus, quod ex primatu fuit. Cum enim ea illorum quæcumque esset jurisdictio in

Episcopos & Episcopatus, eisdem Ecclesiastica potestate institutis non competere nisi jure Ecclesiastico; quidquid Ecclesiasticæ institutionis est, juri ordinario & divino primatus præjudicare non poterat. Confer lib. *De potest. Eccl.* c. 1. §. 4.

cap. 1. §. 5. indicata confirmant. Nihil in his contra jus Episcoporum divinum; quia licet Christus instituerit Episcoporum auctoritatem, diœceseon tamen & subditorum designationem, facultatumque Episcopaliura moderationem & usum Ecclesiasticæ potestatis dispositioni reliquit; hæcque ad disciplinæ materiæ pertinent, quæ variare potest, si Ecclesiæ bono expediat.

Nihil hinc
contra Episcoporum institutionem
divinam.

7 Ne vero in hac sive diœceseon sive facultatum Episcopaliura moderatione seu limitatione Pontificio juri subordinata, effrænis sit dominatus, qui nullis legibus restrictus pro arbitrio evagetur, & licentius excurrat; Papæ potestas in id subiecta est illi naturali atque divinæ legi a S. Paulo memoratæ: *Potestas a Deo in ædificationem, non in destructionem*. Quod in destructionem Ecclesiæ vergeret, abusus esset potestatis Pontificiæ; usus siquidem legitimus ille solus est, qui ædificationi, idest publico Ecclesiæ bono inservit.

Nihil item
pro effræni
dominato
Summi Pontificis.

Distinctio
inter usum
potestatis, &
abusum.

8 Cum Febronius hisce naturalis ac divinæ legis finibus, quos abutentes potestate tradita transgredi non verentur, haudquaquam contentus, potestatem Pontificiam revocari vult ad canonum antiquorum normam; ea opinione innititur, qua Summum Pontificem ejusque auctoritatem vi coactivæ & juri canonum subesse existimat. Opinio vero ejusmodi ex eo principio dimanat, quo claves & jurisdictionis Ecclesiasticæ ipsi Ecclesiæ immediate traditæ dicuntur, eæque sic ab Ecclesia Summo Pontifici & Episcopis tamquam suis ministris communicari, ut omnis istorum jurisdictio pendeat ab Ecclesiæ voluntate ac beneplacito; quod cum in conciliorum præsertim generalium ipsam Ecclesiam representantium canonibus declaretur, non solum Episcoporum, sed Pontificum etiam summorum potestas ita ipsi canonibus adstringi creditur, uti subest Ecclesiæ, in qua totam jurisdictionem contineri non dubitant. Hoc vero principium de clavibus immediate traditis ipsi Ecclesiæ eo sensu acceptum, quo *Ecclesiæ* nomine omnes non solum clerici, sed etiam laici atque mulieres ad Ecclesiæ corpus pertinentes comprehendantur, omnibusque clavium potestas immediate tradita judicetur, falsissimum & damnatum ab Ecclesia, Febronius vindicare non poterit. Quod si *Ecclesiæ* nomine intelligantur Petrus & Apostoli, quibus sane claves & Ec-

Febronii
fundamen-
tum, quo po-
testatem Pon-
tificiam revo-
cari vult
ad normam
canonum, de-
tegatur, &
evertitur.

Febron. c. 1.
§. 6. n. 3. &
1. pag. 18.

De clavibus
datis Eccle-
siæ.

& Ecclesiasticam potestatem Christus immediate dedit, Petro primum, cum ipsi separatim illas promisit: *Et tibi dabo claves* &c. Apostolis autem postea, non tamen separatim, sed una cum Petro, cum post resurrectionem dixit: *Accipite Spiritum Sanctum* &c. verissimum & catholicum est: & hinc quoque certissimum eandem jurisdictionem clavium in Romanos Pontifices & Episcopos S. Petri & Apostolorum successores ita transisse, ut omnis jurisdictio Ecclesiastica in ipsis immediate resideat. At sicut Petrus & Apostoli in omnibus Apostolatus juribus & facultatibus pares, non erant pares Petro in vi & jurisdictione propria & personali primatus, quam & idem Febronius excipit, dum in titulo capitis 1. paragraphi septimi ait: *Omnium Apostolorum in Ecclesiastica potestate aequalitas salvo Petri primatu*; ita non æque pares jurisdictione dici queunt Episcopi, & Romani Pontifices successores S. Petri, quin illis competat jus aliquod personale proprium primatus, quod nulli alii commune esse potest. Hoc jus in conservationem unitatis Petro & successoribus ejus tributum a Christo, eam jurisdictionem peculiarem, eaque jura primatus propria & essentialia requirit, *sine quibus* (ut ex Febronio audivimus) *unitas non potest servari*. Hinc jus coactivum non tam in singulos, quam in omnes simul fideles ad unitatem fidei & communionis cum Romano Pontifice custodiendam in libro *De vi & ratione primatus* statuimus luculentissime, cui Febronius quantum detrahat ex præcedenti capite, ut arbitror, manifestum est. Cum porro ad unitatis conservationem subordinatio omnium etiam Episcoporum supremo capiti Romano Pontifici sit pariter necessaria in regimine universalis Ecclesiæ & in materia disciplinæ, ne dissensionibus, quæ unitatem scindant, aperiatur occasio; hoc capite satis explicarum videtur, & ita constitutum, ut diæceson & subditorum designatio, Episcopaliūque facultatum moderatio quoad exercitium & usum dispositioni Apostolicæ subesse jure negari non possit, quatenus utrumque non in destructionem, sed in ædificationem & bonum Ecclesiæ dirigatur, ut divino ac naturali jure cautum est.

Petri & Apostolorum facultates pares, excepto primatu, jus peculiare primatus proprium non destruunt.

t. 1. pag. 19.

Abusus facultatis Pontificiæ nam subest coercionis canonici.

9 Quodsi ad impediendos vel tollendos Pontificiæ potestatis abusus Febronius cum ceteris adversariis contendat,

dat, Summorum Pontificum auctoritatem præter divinum ac naturale jus, quod negligi potest, coercendam quoque esse sacris canonibus præsertim conciliorum generalium, & ita vi coactiva coercendam, ut iidem Pontifices, si data potestate abutantur, a generali synodo judicari, & (si opus sit) deponi etiam possint, quia subsunt jurisdictioni, quæ universali Ecclesie & œcumenicis synodis universam Ecclesiam representantibus immediate collata fuit; hæc est illa thesis, quam falsam, infirmissimisque momentis fultam, totique antiquitati contrariam ostendi * libro præcedenti. Nec quidpiam apud Febronium reperire licebit, quod ex ibidem disputatis dissolutum non sit. Solos enim auctores allegat ejusdem sententiae patronos, qui ad idoneam alicujus thesibus probationem nequaquam sufficere dicendi sunt ex illo Febroniano principio, quo non admittendas significat nisi eas sententias, *de quibus scholæ catholice omnes consentiunt*. * De potest. Eccl.
n. 2. pag. 50.
in fine. Synodos Constantiensem & Basileensem ingerit, quarum canones in hanc rem obiectos non magis probare ibidem probatum est. E contra primatus rationem, quæ vim coactivam Pontificiæ jurisdictioni tribuit in totam Ecclesiam etiam collective sumptam, & in ipsa generalia concilia, quæ sine consensu Romani Pontificis vim nullam œcumenicæ synodi propriam obrinent, neque in negotio fidei, neque in materia disciplinæ, ipsos Pontifices a cujuscunque concilii judicio & potestate eximere, totamque præterea antiquitatem ita eosdem tamquam superiores fuisse venerarint, ut si errent etiam gravissime, a nemine judicari possint, nisi ex hæresi vel schismate recedentes ab Ecclesia, & in hæresi vel schismate pertinaces Pontificatum amiserint, & Ecclesie superiores amplius non sint, pluribus eodem in libro constitutum fuit. Febronius igitur, qui nulla efficaci & idonea auctoritate vel ratione Romanos Pontifices subiectos credit canonibus & vi coactivæ conciliorum generalium, quibus ipsi non præbuerunt assensum, subiectos vult Episcopis inferioribus suis, qui etiam collective summi Pontificiæ potestati subditi & subordinari esse debent jure primatus; ac proinde quantum primatus jurisdictionem extenuet in ipsa materia disciplinæ, quis non intelligat?

Gesta Pontificum non tam in Occidente quam in Oriente jure primatus vindicantur.

Quid Febronius contra molitur.

Febron. c. 2. §. 7. n. 9.

Ne vocat fere omnia ad disciplinam, quæ juri meri ordinis, & Ecclesiasticum respiciunt, & detrahunt juri divino. De potestate Pontificia in ferendis legibus disciplinæ.

IO Quanto autem idem in hac quoque materia detrahat supremæ auctoritati Apostolicæ, quæ primatui competit, alia evidentiori forsitán ratione patebit. Quam multa summi Pontifices antiquis etiam temporibus gesserint & constituerint non tam in Occidentalium quam in Orientalium Ecclesiarum regimine, ac in ipsa materia disciplinæ, ex veteribus, quæ supersunt, monumentis capite sequenti indicandis notissimum est. Hæc jus illorum demonstrant in universam Ecclesiam, quod a primatu dimanat.

Febronius ne hæc jurisdictioni primatus tribuat, aliis atque aliis causis a primatu alienis pleraque adscribit. Quædam scilicet ejusmodi gesta intra Occidentales fines ad jus Patriarchicum, quod Ecclesiasticam habet originem, referenda existimat. Aliqua ad concessionem conciliorum, alia ad delationem & obsequium Episcoporum, vel ad tacitam saltem ecclesiarum approbationem, quæ omnia ad institutionem Ecclesiasticam pertinent, adeo ut hinc scripserit: *Habet universalis primatus sua jura partim ex jure divino, partim ex humano, immo plura ex hoc, quem ex illo. Habet ordo Episcoporum fere omnia sua ex jure divino.* Ita deteriorem multo efficit jurium Pontificii primatus rationem, quam Episcopaliū, cum illorum plura ex humano jure deriveret, istorum autem fere omnia ex divino. Id autem etsi valde injuriosum Pontificiæ auctoritati, ferendum tamen aliquo modo crederem, si facultates, quas ille tribuendas credit primatui ex divino jure, veræ & præcipuæ jurisdictionis facultates essent. Sepositis vero iis, quæ ad jus humanum ab eo referuntur, quid in materia disciplinæ reliquum est, quod primatui reservet ac tribuat ex divino jure, nisi ea quæ merum *directorium*, meram inspectionem, executionem meram canonum præferunt, aliaque ejusdem generis ex eodem recensita capite præcedenti, quæ omnia non veræ & præcipuæ coercitivæ jurisdictionis, sed ordinis tantum & honoris primatum constituunt.

II Id totum explicatius fiet exemplo potestatis Pontificibus tributæ in ferepdis legibus Ecclesiasticæ disciplinæ. Hæc potestas primatus propria conceditur a Febronio, quatenus primati supremo competit inspicere, & proponere, quæ regendæ Ecclesiæ utilia vel necessaria judicat. Hoc meri *directorii*, honoris, & ordinis jus est. Quid autem de jure

jure coactivo, quod ad jurisdictionem proprie dictam pertinet? Hoc jus Febronius Ecclesiasticis Pontificum legibus adeo negat, ut eas vim obligandi non habere affirmet, nisi ab Ecclesia recipiantur: qua in re nec generalibus conciliis parcat, quorum leges circa disciplinam eadem conditione adstringit. Ita porro ejusmodi legum ferendarum Ecclesiastica jurisdictio prorsus destruitur. Generales leges Ecclesiasticae, quae omnes ligent, ferri non possunt nisi ab iis qui toti Ecclesiae praesunt. Tales sunt Papa & Episcopi adunati in generali concilio. His autem vis ligandi a Christo tradita in Petro & Apostolis, non fuit tradita sub conditione consensus (3): alias ipsi per se non ligarent, nisi eorum subditi suo consensu recipientes legem, se ligari sinerent: quod esset vim & potestatem legislativam Petro & Apostolis, eorumque successoribus etiam in concilio collectis adimere, atque in receptionem & consensum subditorum transferre. Cum itaque in istorum arbitrio positum non sit, ut Ecclesiasticam legem a Papa aut Concilio generali editam recipiant vel respuant; certum est ex Apostolo ad Romanos 13. eos graviter peccare, qui non obediendo contumaciter superiori potestati resistunt: nisi forte ipsorum legislatorum voluntate & consensu saltem tacito praesumendum sit, ipsos in ferenda lege noluisse aliquos obligare. Ita certa est praesumptio Tridentinam synodum decretis pertinentibus ad usum Latinae linguae in divinis officiis, ad ritus & formas aliquorum sacramentorum, ad usum calicis, & alia similia disciplinae capita, licet generalibus verbis fuerint expressa, noluisse Orientales obligare. Et similiter ubi ex concordatis, vel ex diuturna regionis consuetudine ipsis legislatoribus Ecclesiasticis non ignota, & ipsorum saltem tacito consensu approbata invaluit, ut leges aut decreta disciplinae vim obligandi non obtineant, nisi in iisdem locis fuerint promulgatae; praesumendum

Y dum

(3.) Scripsit Augustinus l. 3. de liber. arbitr. c. 24. *Præceptum non est ab illo, cui præcipitur, sed ab illo qui præcipit.*

Idem sentiendum de legibus, quarum vis a potestate legislatorum, non ab acceptance subditorum proficiscitur.

dum est eos ibidem, nisi expresse resistent, noluisse absolute novis legibus aut decretis obligare : unde cum expedire credunt ea recipi, curare solent ut promulgentur ac recipiantur. Sicubi vero leges absolute editæ non recipiantur ab iis qui parere debuissent : ne in publicum damnum animarum vertatur lex, quæ in bonum publicum edita fuerat; ipso legislatore sciente, & non repugnante, ac tacite consentiente, fieri potest ut eadem lex vim obligandi amittat, vel legitima præscriptione abrogetur. Si id tantum scripisset Febronius, nihil juri Pontificum aut Conciliorum detraxisset. At ea, quibus vim legum affigit subditi receptioni atque consensui, cum merum jus proponendi, non autem cogendi in illis adstruant, probari neutiquam possunt. Sed transeamus ad alia, quibus Febronii indoles in derogando Apostolicæ auctoritati etiam atque etiam detegeretur, & Pontificia legitima potestas magis magisque vindicabitur.



CAPUT III.

De suprema & plena Ecclesiastica potestate, quæ Romanis Pontificibus competit jure primatus. Quibus limitibus divini ac naturalis juris circumscripta, & quam aliena a monarchico arbitrario & effræni dominatu, quem ipsi affingit Febronius. Summa, sed non sola potestas est in Ecclesiæ regimine, quippe quæ cum potestate Episcoporum a Deo instituta copulatur, & regimen non simpliciter monarchicum, sed ex monarchico & aristocratico temperatum constituit.

EX constitutis hætenus facile est intelligere, quam vere summis Pontificibus suprema & plena Ecclesiastica potestas competat jure primatus. Suprema illa est, quæ supra omnes Ecclesiæ potestates ita eminet, ut nulli istarum subjiçatur. Pontificium primatum esse potestatem supremam inter Ecclesias particulares, nec cuiquam particulari Ecclesiæ, vel Concilio, quod particularem quamlibet Ecclesiam repræsentet, esse subjectam, ex condemnatione errorum Wicleffi facta a Constantiensi, & a tota Ecclesia Episcopis quoque Gallicanis consentientibus approbata * manifestum est. Hinc summis Pontificibus jus competit saltem in omnes Episcopos & Ecclesias particulares jure primatus, qui non est meri ordinis & honoris, sed peculiaris jurisdictionis primatus. Id quidem confirmant antiquissimorum quoque temporum gesta. Semper enim illi data occasione in particulares etiam majorum sedium Episcopos, & in ecclesias particula-

Pontificia potestas cur vere sit suprema.

* *Vid. prefat. lib. De potest. Eccles. n. 2.*

res ex jure primatus suam sollicitudinem curamque extenderunt. In novissima editione operum S. Leonis hoc Pontificii juris exercitium ex ipsius litteris deduximus, idque differtationi materiem præbuisse amplissimam, nisi moderationis & brevitatis studio sufficere credidissimus textus huc pertinentes innuere tantum in primi tomi indice verbis; *Leonis jurisdictio & sollicitudo in universa Ecclesia*. Quod autem ibi de S. Leone præstiti, æque præstari posset ex S. Gregorii Magni litteris, nec non de aliis Romanis Episcopis antiquis, quorum epistolæ non exiguo numero ad nos pervenerunt, idemque liceret quoad alios vetustiores, nisi eorum epistolæ ac rerum gestarum memoria vicissitudinibus temporum intercidissent.

2. Hic vero serendum non est quod audenter scripsit Febronius, primis Ecclesiæ sæculis *Episcopos provinciarum rexisse particulares suas Ecclesias inconsulto Romano Pontifice*. Quamvis enim olim Episcopi in casibus ordinariis suas Ecclesias per se ipsos, vel per concilia particularia regerent; in gravioribus tamen vel difficilioribus circumstantiis, & occasione præsertim dissensionum, schismatum, atque hæresum prioribus quoque sæculis Romanos Pontifices censuerunt consulendos. Nonne ad priora sæcula pertinet S. Clementis epistola ad Corinthios, qua quæstiones sibi propositas memorans, excusationem affert cur tardius respondeat? Nonne secundo sæculo S. Polycarpus Romam profectus, non tam de die paschatis, quam de aliis quibusdam quæstionibus cum Aniceto Pontifice egit, uti ex S. Irenæo narrat Eusebius lib. 5. Hist. c. 24. ubi alios quoque Asianarum ecclesiarum Episcopos Romam identidem, ob causas utique Ecclesiasticas, accessisse testatur? Litteras Dionysii Corinthiorum Antistitis ad S. Soterem laudat Eusebius lib. 4. c. 23. in quibus ipsius Romani Præfulis epistola ad eosdem Corinthios data memoratur, & in publicis Ecclesiasticis conventibus die dominico lecta, ac deinceps etiam legenda traditur, æque ac legebatur indicata S. Clementis epistola. S. Irenæum a martyribus Viennensis & Lugdunensis ecclesiæ ob *quasdam ecclesiæ quæstiones legatum Romam missum* tradit S. Hieronymus in libro *De viris illust.* c. 45. Quis ignorat epistolas datas & redditas a SS. Cypriano & Cornelio circa quæstionem baptismatis, vel
circa

* 1. §. 7. n. 7.

Episcopi prioribus etiam Ecclesiæ sæculis Pontificiæ auctoritati quantum detulerint.

circa disciplinam de recipiendis, qui tempore persecutionis defecerant? Quid de causis Origenis, Dionysii Alexandrini, Martiani Arelatensis, aut Donati a Caisis nigris, in quibus Romani Episcopi auctoritas enituit? Quantum huic auctoritati detulerint S. Athanasius, S. Joannes Chrysostomus, S. Flavianus Constantinopolitanus, aliique Orientis Episcopi variis persecutionibus vexari, exploratum est omnibus. Quid de depositione & condemnatione Apollinaris Laodicensi, atque Timothei Berytensis, quas a Damaso Papa bis petierunt Orientales, ut idem Pontifex tradit in epistola apud Constantium 14.n.3. Notissima sunt testimonia de consuetudine consulendi in causis gravioribus Apostolicam sedem, quam consuetudinem dum *semper ab orbe & ex antiqua traditione servatam* affirmavit Innocentius I. in litteris ad Patres concilii Milevitani, nec non in aliis ad concilium Carthaginense, eam Sardicensi concilio anteriorem satis declaravit. Hæc in raritate monumentorum, quæ ad quatuor priora sæcula & ad quinti initium pertinent, ob refellendam generalem Febronii propositionem videntur sufficere.

3 His autem si addantur alia ejusdem generis multa, quæ ex Romanorum subsequenti ævi Pontificum, & Pseudo-Isidoro antiquiorum gestis ac documentis suppetunt; evidenter patebit eos ante supposititias ejusdem merces non solum consilio direxisse omnes qui ad ipsos confugerent, verum etiam in omnium Occidentis & Orientis Episcoporum ac Metropolitaram diocæsisbus actus jurisdictionis exercuisse semper, quod nonnisi juri primatus ascribi potest; cumque jus primatus ipsis competens jure divino, in iisdem sit jus ordinarium; non male *Ordinarii* *Ordinariorum* appellari & censerique queunt, quippe quibus in alienis quoque diocæsisbus jus ordinarium ex primatu competit, ea tamen moderatione exercendum, de qua post pauca dicemus, & præsertim cap. 4.

4 Neque hoc loco quempiam permoveant illa Febronii, quibus ut indicata Romanorum Pontificum gesta in alienis diocæsisbus atque provinciis a jure ipsorum ordinario extrudat, ingerit omnes Episcopos æque posse eadem ubique præstare, si necessitas urgeat, uti sane quædam ejusdem generis, præsertim in ordinationibus ab eo *recensita*

Antiqui actus jurisdictionis Pontificis in tota Ecclesia jure primatus,

quoque ordinario.

Comperatio aliquot geſtorum, quæ alii Episcopi exercuerunt in alienis diocæsisbus erumpitur. p. 23. §. 1. n. 3.

sita præstiterunt aliquot sancti & celebres viri extra suarum dioceseon ac provinciarum fines; ut ne tamen jus in eas ordinarium exercuisse credantur, nec ordinarii ordinariarum appellati sint, vel appellari queant. Ratio quoad hos manifesta est. Cum enim isti ea ex caritate gesserint, ut necessitati publicæ providerent (solum quidem necessitatis nomine ab ipso Febronio excusantur); tum vero certum aliunde est ea, quæ ex caritate ac necessitate a quopiam gesta sunt, aut geruntur in locis, & in personis, in quas proprium jus ordinarium non habet, ad veram & ordinariam jurisdictionem ipsi vindicandam traduci non posse; sicut neque ad verum jus & ordinariam jurisdictionem refertur, cum laicus in necessitate baptizatur. Perperam igitur Febronius *jus* vocavit ea qualicumque Episcopatum munus gestæ, quæ in necessitate non juris, sed caritatis officia sunt. Ad ea quidem peragenda sanctos illos celebresque Episcopos, qui nullum jus proprium in alienas dioceses ac provincias habebant, sola impulit caritas, quæ nullis adstricta limitibus eo accurrit, quocumque Ecclesiæ necessitas vocat.

Quo sensu
gesta Pontifi-
cum in alienis
diocesium
pertinent
ad eorum
jus ordinari-
um.

5 Neque vero idem cum Febronio dicendum de summis Pontificibus, quasi ad jus primatus ordinarium referenda non sint, quæ illi gesserunt extra Romanæ diocesis fines. Jus nimirum primatus proprium cum ex divina institutione extendatur in totum mundum & in universam Ecclesiam; jus autem primatus proprium sit in ipsis jus ordinarium; quæcumque illi ubilibet gesserunt ac gerunt jure primatus, juri ipsorum ordinario adscribi queunt. Ea igitur, quæ data occasione ab illis gesta vidimus supra Episcopos, & in Episcoporum tum Occidentis tum Orientis diocesium, cum Ecclesiæ necessitas vel utilitas postulavit, ad ordinariam primatus jurisdictionem pertinere quis ambigat?

* De perst.
Eccles. 1. 69.

6 Id ut clarius clucescat, distingue Pontificum Romanorum gesta, quæ facultates Patriarcharum aut Metropolitanarum proprias respiciunt, ab iis quæ ad Episcopales facultates referuntur. Quoad priora gesta recolendum hic est, quod latius* alibi explicavimus, solum S. Petrum jure primatus, qui præcipuæ jurisdictionis, & non meri honoris & ordinis primatus fuit, ex Christi institutione aliquam

petit.

peculiarem & ordinariam jurisdictionem obtinuisse supra ipsos etiam Apostolos, eodemque divino jure inter Episcopos Apostolorum successores solum Romanum Pontificem, qui Petro succedit, eandem peculiarem & ordinariam jurisdictionem supra alios Episcopos fuisse consequutum. Alii nimirum gradus hierarchici Patriarcharum & Metropolitanarum supra Episcopos patriarchatus ac provinciarum ab Apostolis vel ab Ecclesia postea instituti (* non tamen sine aliquo Petri aut successorum ejus consensu) cum sint juris Ecclesiastici, non potuerunt quicquam præjudicii asserere divinæ institutionis primatui, nec efficere quin successores S. Petri eodem divino & ordinario jure supra Episcopos fruerentur, quo solus S. Petrus ex divina institutione gaudebat. Cum porro hi gradus ea de causa fuerint ab Ecclesia instituti, quia solus S. Petrus, ejusque soli successores Romani Pontifices non poterant ubique adesse, nec æque prospicere omnibus, quæ regimini tot Episcoporum atque ecclesiarum necessaria atque utilia sunt; instituti quodammodo noscuntur loco ipsius Petri, ut ea supra Episcopos ac in earum diocesis gererent, quæ S. Petrus, si ubique potuisset adesse, omnibusque per se providere, divino & ordinario sui primatus jure gerere & providere potuisset. Hi igitur hierarchici gradus inducti ab Ecclesia non ob infirmandum Petri jus, sed ob supplendum quodammodo Petri officium ac vices, Patriarchas & Metropolitanos veluti Petri vicarios præferunt, ita ut quidquid illi ex solo jure Ecclesiastico gerunt supra ipsos Episcopos patriarchatus vel provinciarum, eorumque dioceses, gerant vicario quodam & delegato nomine: quod cum divino & ordinario juri primatus nequeat derogare, efficere pariter nequit quin Pontifices, si nonnulla gerant aut disponant, quæ Patriarchis aut Metropolitanis jure canonum competunt, ea gerant jure ordinario primatus, ut ne alieni juris invasores dici possint. Hæc quidem (ut alibi monui) non passim, nec sine justa causa a Pontificibus gerenda sunt, ne ordo ab Ecclesia institutus perturbetur, quod magnum scandalum solet commovere. Sed quidquid ab ipsis faciendum videatur, ex ordinario ac divino primatus jure factum negari non potest.

* ibi n. 9.

Gradus Metropolitanorum seu Patriarcharum instituti jure Ecclesiastico, cur subint primatui.

7 Idem est de moderatione facultatum Episcopaliū, quas

quas (licet in origine sint institutionis divinæ) subesse tamen quoad usum & exercitium dispositioni & juri ordinario Pontificii primatus satis aperte videmur probasse. Illud autem jus, quo in casibus necessitatis aut aliqua justa de causa in alienis provinciis vel diœcesibus Pontifices Summi aliquid juris exercent, * jus quoddam devolutionis vel alio quocumque nomine appellet Febronius, ut vult; semper erit jus proprium & ordinarium primatus, quo Ecclesiæ necessitatibus, vel utilitati ac ædificationi ex officio prospiciunt pro supremo eorum jure: quæ enim geruntur ex officio, non caritatis, sed jurisdictionis sunt munera. Hinc patet discrimen inter ea quæ alii Episcopi ex necessitate vel utilitate publica quandoque gesserunt extra propriarum diœceseon fines, in quas nullum proprium jus habebant, & ea quæ ex proprii primatus jure Romani Pontifices gesserunt, aut gerunt, sive ex necessitate, sive alia qualibet justa de causa in alienis diœcesibus atque provinciis, cum in omnes ipsi jus proprium & ordinarium competere & competat jure primatus. Si parochus ex. gr. vel ex negligentia, vel alio quovis impedimento baptismum non conferat, Episcopus autem conferat; nonne hic actus Episcopi juri ipsius tribuetur, quia etsi in necessitate debeat supplere, supplet tamen ex officio & jure proprio, quo omnibus suæ diœcesis jurisdictione ordinaria præpositus est? Injuriosa proinde habenda ea (1) comparatio Romani Antistitis cum Eugubino, qua indicari videtur illum per se se non majori potestate præditum in alienas diœceses, quam Eugubinus, qui solius suæ diœcesis negotiis esse debet intentus: ac si primatus divini juris, qui non Eugubino, aut alii cuilibet, sed uni Romano competit, nihil præcipui & ordinarii juris in omnes Episcopos omnesque Ecclesias atque diœceses conferat.

8 Cum

(1) Comparatio inter Episcopum Romanum & Eugubinum instituta a S. Hieronymo

in epistola ad Evangelium Sacerdotii, non autem jurisdictionis æqualitatem respicit.

8 Cum porro eodem ordinario peculiari jure Romanus sit præditus non solum in omnes *Ecclesias particulares* (quod ex doctrina Constantiensis quoque concilii ab ipsis adversariis concedendum est), verum etiam in universalem Ecclesiam quantumvis collectam in synodis generalibus, quibus eum jurisdictione præstare probavi multis libro præcedenti: jurisdictionem & potestatem Pontificiam primatus propriam esse omnino supremam, nullique alii Ecclesiasticæ potestati subjectam evidentissimum est. *Summam* quidem & *supremam* appellant aliquot SS. Patres; & concilia etiam generalia, uti est Tridentinum, supremæ hujus potestatis testimonium dederunt, quod verum non esset, si potestate omnibus superior non esset.

Potestas Pontificia summa & suprema, non autem sola in Ecclesiis.

9 Ne autem hæc supremæ jurisdictionis prærogativa in odium & invidiam vocetur, quasi tota potestas Ecclesiastica sit in solo summo Pontifice; notandum est cum S. Bernardo eam auctoritatem esse quidem *summam*, sed non *solum*, cum Episcopi, divina institutione suis ecclesiis præpositi a Spiritu Sancto, potestate juris divini in ipsas possint. Licet ergo Papa jus in illos habeat, ex quo usum & exercitium facultatum Episcopaliū moderari & limitare potest; non tamen pro libitu & arbitrio, sed quatenus in bonum & ædificationem Ecclesiæ expediat; unde nequit omnia ad se attrahere, aut Episcopos quasi vicarios suos æstimare, de quo mox dicenda erunt plura.

* De Cons. lib. 3 c. 4. n. 12.

10 Hinc cognoscere licet, quo sensu Papæ suprema potestas sit etiam plena, & quænam sit ea plenitudo potestatis, quæ Romanis Pontificibus Romanæ sedis tribuitur. Potest scilicet omnia summus Pontifex in Ecclesiæ regimine, sed ea conditione, ut hujus potestatis usus in ædificationem sit, & non in destructionem. In ædificationem Ecclesiæ erecti Episcopatus, & in his constituti fuerunt Episcopi, ut quisque vigilantius & facilius suo gregi prospiceret; nam nec unus potuisset ex æquo omnibus Ecclesiis curam præstare, nec plures simul æquali potestate omnibus consulere absque periculo dissensionum & scissurarum, quæ unitatem & pacem Ecclesiæ maxime necessariam turbassent. Ne autem inter Episcopos æquali potestate Ecclesiis præfectos, si nemini fuissent subordinati, orirentur dissidia, aut in usu facultatum Episcopaliū quispiam com-

Cur eadem potestas sit non solum suprema, sed etiam plena.

mitteret, vel omitteret, quod bono Ecclesiæ imitatio præjudicio esset; uni, qui omnibus summa auctoritate præesset, ita erant subijciendi, ut omnes in officio & unitate contineretur, scissurasque impediret: hæcque subordinatio in ædificationem Ecclesiæ necessaria exigebat, ut hic præpositus omnibus jure primatus, posset supra eosdem Episcopos

Plenitudo
potestatis
Pontificis
Febonio
perstricta
vindictatur.
c. 3. §. 5. n. 3.
q. 85.

omnia, quæ in ædificationem conferrent. Hanc potestatis plenitudinem Romani Pontificis primatui attributam in universæ Ecclesiæ Episcopatus & Episcopos male audit Febonius, eamque a S. Leone memoratam in epistola 4. ad Anastasium Thessalonicensem cap. 1. restringendam credidit, & intelligendam *de potestate patriarchali*, quam idem Pontifex obtinebat in Illyrico, non autem de potestate universalis primatus in omnes Ecclesias. Num vero is, qui ea potestatis plenitudine intra patriarchatus limitesungebatur ut Patriarcha, ipsa carebat ut totius Ecclesiæ primas, qui omnibus Ecclesiis & Episcopis jure divino præerat? Num ecclesiastica patriarchatus & patriarchalis auctoritatis institutio huic divino juri decerpere quicquam potuit? Si jus omne primatus in ædificationem Ecclesiæ summis Pontificibus tributum fuit; quis negare ejus juris plenitudinem potest, qua illi in ædificationem eo pleno jure utantur? Febonius certe nequit inficiari, quippe qui (2) duobus in locis laudat textum Roberti Episcopi Lincolnienfis ad Innocentium IV. apud Matthæum Paris ad annum 1253. *Apostolicæ sedis sanctitas non potest nisi que in ædificationem, non in destructionem. Hec enim POTESTATIS PLENITUDO (est) OMNIA POSSE IN ÆDIFICATIONEM.* Cui sententiæ calculum adjiciens idem Febonius in litteris ad Clementem XIII. potestatur, se in Pontifice nullam potestatem rejicere, quæ ad utilitates Ecclesiæ, ad ædificationem templi, hoc est, ad compactionem membrorum, corporisque Christi conjunctionem pertinere videtur.

De

De hac Pontificiæ potestatis plenitudine, quam (3) & Galliani cum Gersone confessi sunt, audiatur S. Bonaventura 4. dist. 20. part. 2. art. 11. quæst. 5. ad 4. in fine : *Quidquid loquamur disputantes, vel etiam predicantes, hoc sana fide tenendum est, quod Dominus vicario suo plenitudinem potestatis contulit, & tantam utique recepit potestatem, quantum decebat homini puro dari. Et hoc ad ædificationem corporis sui, quod est Ecclesia. Unde super hoc non temerarie judicare, sed gratias plurimas Deo debemus agere.* Hæc postrema sententia illos deberet coercere, qui tantam potestatem Pontificibus a Deo collatam moleste ferentes sugillant & carpunt.

II Neque hæc suprema & plena Romanorum Pontificum potestas ædificationi Ecclesiæ prospiciens, ipsis impotentem dominatum, & arbitrium jus vindicat, quod unum a Christi institutione alienum Febronius se se improbare atque rejicere sæpius declarat. Regimen Ecclesiæ, quod Christus constituit, in caritate & humilitate fundatum nemo inficiabitur, si animadvertat eum præcepisse discipulis, ut qui major est inter ipsos, fiat sicut minor; Petrumque Apostolorum principem, totiusque Ecclesiæ primatem, Christi mentem explicantem mandasse, ne quisquam sibi arrogaret *dominari in clero*. Hac de causa Sanctus Paullus in declaranda potestate sibi a Deo tradita, humilioribus vocibus *solicitudinis omnium ecclesiarum* uti maluit; & similiter sancti Pontifices abstinerunt a vocibus, quæ dominatum & typhum potestatis sæcularis spirant; sanctusque Gregorius in epistola ad Eulogium Episcopum Alexandrinum *jussionis* nomen effugiens scripsit: *Verbum jussionis, peto, a meo auditu removete, quia scio quis sum, qui estis. Loco enim mihi fratres estis, moribus patres. Non ergo jussi, sed quæ utilia sunt, indicare curavi.* Quis tanti Pontificis humilitatem, quæ potestatem non extenuat, sed exornat, non admiretur? Hinc quoque in iisdem

Cur hæc suprema & plena potestas Pontificia non astringat impotentem & arbitrium dominatum.

Luc. 22. 26-27.

1. Pet. 5. 3.

lib. 8. ep. 30.

Z 2 dem

(3) Vid. epist. nuncupatorium ad Clementem XIII. & cap. 9. §. 9.

Cur S. Gregorius refugit
titulum Episcopi
universalis
præiudicio juris
primatus.
lib. 9. ep. 59.

dem litteris *universalis Episcopi* titulum *superbæ appellationis verbum* noluit usurpare; nec jus coactivum in Episcopos exercendum censuit, nisi cum coercionis opus esset: ac propterea in epistola ad Joannem Syracusanum scripsit: *Si qua culpa in Episcopis invenitur, nescio quis ei (sedi Apostolicæ) subiectus non sit. Cum vero culpa non exigit, omnes SECUNDUM RATIONEM HUMILITATIS æquales sumus.* Hæc ex humilitate & caritate expressa trahi nequeunt ad negandam summam & plenam potestatem primatui competentem, quatenus in Ecclesiæ ædificationem conferat, quin simul negetur ipse primatus in unitatis bonum & in ædificationem institutus. Potestas vero primatui competens in universam Ecclesiam, coercita intra limites ejus, quod in ejusdem Ecclesiæ bonum & ædificationem refertur, quam aliena est a dominatu monarchico potentie secularis, quæ pro arbitrio & libitu quælibet sibi vendicaret?

Quæ monarchia reputaret Ecclesiasticum regimen.

12 Potestas unius supra omnes etiam Episcopos monarchiæ ejusdem species est; at non omnis monarchia in vitium & reprehensionem cadit, sed illa tantum, quæ quis potestatem in publici boni destructionem exerceat. Regimini Ecclesiæ cum Christus non solum summi Pontificis, sed & Episcoporum potestatem immediate præfecerit, ita ut illius potestas, quantumvis summa atque plenissima, non tamen sola sit, sed Episcopos in partem sollicitudinis vocatos debeat agnoscere; & siquidem possit pro potestatis plenitudine eorum facultates moderari ac limitare quoad exercitium & usum, prout in Ecclesiæ bonum expedire judicaverit; non tamen possit omnes eorum facultates ad se attrahere, nec ipsos quasi suos vicarios efficere, neque dioceses omnes quasi suam diocesim habere; sequitur non unum Papam in tota Ecclesiâ, sed & Episcopos in suis vicis, usque diocesibus ordinariam jurisdictionem divini juris habere; & idcirco regimen ecclesiasticum, cui Papa & Episcopi præfident institutione divina, non esse mere monarchicum, ut in Regibus sæculi, sed esse regimen ex monarchico & aristocratico mixtum, ut Gerson alique Galli notarunt. Quid quod ipse Febronius hac in re convenire coactus fuit, dum regiminis Ecclesiastici rationem his verbis exposuit: *Cum Ecclesia non in uno populo, non in uno*

Est regimen mixtum monarchico & aristocratico.

c. 1. §. 8. n. 5.
t. 1. pag. 37.

orbis


orbis angulo sit inclusa, sed per totum mundum diffusa, ut impossibile sit unum omnibus posse intendere, semperque melius prospectum Reipublicæ nimis remotæ, si a propriis Dominis, non mercenariis, regatur: non expedit illi forma regiminis monarchica, quæ facile solet in despotismum declinare, quod est contra naturam regiminis ecclesiastici in caritate & humilitate fundati . . . sed nec ex altera parte expedit imperium mere aristocraticum, cum sit semen discordiarum, proin unitas vix posset servari. Atque ita institutus a Deo est primatus talis, qualem ex sincera antiquitate hic describimus, ad servandam unitatem apprime idoneus. Qui nec mere monarchicum, nec mere aristocraticum regimen Ecclesiæ convenire affirmat; mixtum utique ex utroque approbet necesse est: & monarchicum quidem fateretur quoad summum Pontificem, qui donatus primatu ad servandam unitatem apprime idoneo, non sit æqualis potestate Episcopis ceteris, ne ob æqualitatem juris regimen sit mere aristocraticum, quod cum esset semen discordiarum, unitas Ecclesiæ vix posset servari. Ut inter Episcopos serveretur unitas, unus omnibus debet præesse, cui omnes sint subordinati, quemadmodum c. 1. & 2. monuimus. Ut autem declinetur despotismus ejus, qui omnibus præest, cum is nequeat esse subordinatus illis, quibus jure primatus præfidel; sufficiet lex illa divina ac naturalis, quæ supremæ cuique potestati modum præfixit, in ædificationem scilicet, non in destructionem. Hanc unam potestatem supremam plenamque cum nos admittamus, cur tanta demonarchico regimine contentio est?

13 Video hic Febronium repositurum, se non quemcumque, sed excessivum tantum carpere supremæ & plenæ Pontificis potestatis usum, seu potius abusum, quo post falsas Pseudo-Isidori decretales disciplina antiquorum canonum exolevit, summisque Pontificibus incompetens tributa potestas est derogandi antiquæ disciplinæ, & legitimis Episcoporum Metropolitaramque facultatibus, conciliorum quoque non tam particularium quam generalium canonibus magno studio conditis, & usu atque observantia totius Ecclesiæ comprobatis, quod in destructionem antiqui sinceri juris atque optimæ Ecclesiasticæ institutionis cedens, irregularis & inlimitati dominatus proprium est: quæ prima-

Febronii ob-
jectum ex
presumptis
potestatis ab-
usibus refelli-
tur.

tus

tus ratio potestati in ædificationem institutz prorsus repugnans, a nemine defendi poterit, nisi arbitretur Pontifices ex primatu posse omnia etiam in destructionem. Hæc ut refellantur, necessarium primo est aliquot certis principiis explicare, quid in ædificationem, & quid in destructionem cedat Ecclesiæ, & cum iisdem principiis conferre, quæ in reprehensionem adducuntur a Febronio, quasi abusum potestatis ædificationi seu bono Ecclesiæ insensum certo contineant: postea vero quæ opponuntur ex Pseudo-Isidori decretalibus facilius disjiciuntur.



CAPUT IV.

Explicatur quænam sit ea suprema & plena potestas Romanis Pontificibus tribuenda supra facultates Episcopis competentes, & in ædificationem Ecclesiæ tradita. Distinguenda potestas ab ejusdem usu; nec ex abusibus, qui potestati tribuendi non sunt, sed ex vitio abutentium dimanant, ipsa potestas neganda. De actibus abutentium illicitis, sed non irritis.

DUM loquimur de potestate Romanorum Antistitum in limitando & moderando usu facultatum Episcopaliū, quam limitationem moderationemque Christus non constituit, sed Ecclesiæ potestati ac dispositioni constituendam reliquit; de re loquimur, quæ etsi quoad potestatem a Christo institutam in instituendo præcipue jurisdictionis primæ, ad divinum jus, & ad fidei negotium immutabile pertineat; quoad usum tamen ipsius potestatis, seu quoad actualem limitationem moderationemque earum facultatum Episcopaliū certis ex causis faciendam vel omittendam, spectat ad dispositionem Ecclesiasticam, & ad materiam mutabilis disciplinæ. In hac autem materia, in qua nihil per se naturali aut divino jure præscriptum aut vetitum est, omnis Ecclesiastica potestas ea conditione adstringitur ab ipso Deo præfinita, ut nihil statuatur, præcipiatur, vetetur, muteturque, nisi quod in Ecclesiæ ædificationem sit. Igitur tota quæstio de potestate, seu potius de usu potestatis summorum Pontificum circa limitationem, moderationem, usumque facultatum Episcopaliū, de quibus in duobus præceden-

Sætas quæ
stionis propo-
nitur, & ex-
plicatur.

cedentibus capitibus differuimus, huc revocatur, num & quatenus earum facultatum limitatio, moderatio, seu etiam restrictio, quæ obinet ex posteriorum temporum disciplina, quæque a Febronio in reprehensionem vocatur, cedat nec ne in ædificationem Ecclesiæ. Hac nova disciplina veterem non modicum fuisse mutatam negari non potest. At in disciplina mutabili non semper mutatio, & antiquorum canonum derogatio ad destructionem Ecclesiæ referenda est; si nimirum ipsa mutatio ac derogatio, pro varietate temporum ac circumstantiarum, in ædificationem, idest in bonum, utilitatem, aut necessitatem Ecclesiæ inducta fuerit. Id ut planius explicem, utar Ecclesiasticarum dispensationum exemplo, quibus legi universali in particularibus casibus derogatur. Quod enim valet in particulari dispensatione, qua particularis derogatio fit, valet etiam in derogatione generali, qua novo disciplinæ jure inducto antiquum abrogatur.

Non semper
mutatio disci-
plinæ ad destruc-
tionem Eccle-
siæ referenda.

De dispensa-
tionibus.

2 Communis doctrina est dispensationes a legibus etiam Ecclesiasticis sive antiquis sive recentioribus, quæ vigent, a nemine concedendas nisi iusta de causa, quæ aliquam veram necessitatem aut publicam utilitatem requirit; quod enim ex hujusmodi necessitate aut utilitate conceditur, in ædificationem Ecclesiæ cedit, & ideo legitimum est. Hinc recepta sunt, atque ab omnibus laudata illa S. Bernardi: *Ubi necessitas urget, excusabilis dispensatio est. Ubi utilitas provocat, dispensatio laudabilis est; utilitas dico communis, non propria. Nam cum nil bonum est, non plane fidelis dispensatio* (scilicet in ædificationem & bonum Ecclesiæ); *sed crudelis dissipatio est*, quippe quæ in damnum & destructionem convertitur. Quod autem valet in potestate dispensandi, qua cuiuspiam legi derogandum credatur, valet etiam in potestate limitandi ac moderandi eas facultates quæ Episcopis competunt, & Pontificiæ dispositioni subordinatæ sunt *ordinatione divina*, ut idem S. Bernardus docuit epist. 131. *Plenitudo siquidem potestatis*, inquit, *super universas orbis Ecclesias singulari prerogativa Apostolicæ sedi donata est. Qui igitur huic potestati resistit, DEI ORDINATIONI resistit.* Hanc vero potestatem non ex arbitrio, sed ex utilitate aut necessitate, bonoque Ecclesiæ in praxim deducendam significant, quæ

lib. 3. de Con-
sid. c. 4.

Plenitudo
potestatis A-
postolicæ sedi
non negan-
da.
Quare moder-
atio adhiben-
da.

quæ statim subjicit. *Potest, si UTILE judicaveris, novos ordinare Episcopatus, ubi hactenus non fuerunt. Potest eos, qui sunt, alios deprimere, alios sublimare, prout RATIO sibi dicaveris, ita ut de Episcopis creare Archiepiscopos liceat, & e converso, si NECESSE visum fueris &c.* Neque absimiliter Ivo Carnotensis epist. 238. ad Paschalem II. *Nec in hoc resistimus, quin possit Sedes Apostolica parochiarum amplitudinem minorare, aut brevitatem dilatare, si UTILITAS populi Dei exigas, & nullum inde scisma contingat.*

3 Quod Bernardus tradidit de plenitudine Pontificiæ potestatis circa assignatas Episcopis dioceses, non minus dicendum de eadem potestate quoad limitandum vel moderandum usum facultatum Episcopaliū, in quibus Episcopi Apostolicæ auctoritati subordinati fuerunt, si iusta de causa in ædificationem & bonum Ecclesiæ expediat. Certe confitetur Febronius: *De institutione ex certis prærogativis Sedium Patriarchalium dubitavi nequis, quin ejusmodi sedium & jurium eis attributorum institutio pro bono Ecclesiæ mutari, ampliari, vel etiam restringi possit.* Neque dicat hæc posse fieri, quia cum Patriarchalium Sedium institutio ex jure Ecclesiastico originem ducat; ipsarum prærogativæ ac facultates juri quoque ecclesiastico subjiiciuntur. Licet enim Episcoporum institutio sit juris divini, nonne sicut ipsorum dioceses, ita & usus facultatum Episcopaliū, a Christo itequaquam constitutus, Pontificiæ potestati subordinatus fuit? Nonne idem Febronius ait: *Extraordinario quodam quasi devolutionis jure ac titulo PLURA JUSTE suscipiebant supremi Pontifices, nimirum urgente NECESSTATE, aut fuadente manifesta Ecclesiæ UTILITATE:* confirmatque Thomassini testimonio, quo sermo est non tam de Metropolitanarum, quam de Episcoporum facultatibus, quorum munia Summi Pontifices tunc demum suppleant, cum caritas urget, cum necessitas cogit. Id extraordinario cuidam juri tribuit Febronius, eo quod causa supplendi ex. gr. ob negligentiam Episcoporum; vel alio quovis nomine sit extraordinaria; jus tamen in hoc Pontificiæ auctoritatis ordinarium debet agnosci, quatenus Episcopales facultates quoad usum & exercitium eidem auctoritati jure ordinario

De potestate moderandi ac limitandi facultates Episcopales.

c. 3. §. 5. n. 5. l. 1 pag. 83

c. 3. §. 2. n. 4. pag. 79.

Num hæc potestas in Papa sit juris ordinaria.

A a

subor-

subordinatæ sunt ordinatione divina, & ordinario jure primatus, ad quem ex officio pertinet necessitati ac utilitati Ecclesiæ providere.

Cautio adhibenda in usu huius facultatis.

* Notabilis ratio.

Tridentini decretum de reservatione graviorum criminum.

4 Non debent quidem Pontifices, ut antea monui, passim ac temere Episcoporum facultates & jura quavis de causa diminuire, limitare, sibi attribuire; id enim in publicum damnum & magnam Ecclesiarum perturbationem deflecteret. At si causa justa occurrat, qua utile vel necessarium bono publico judicent, aliquid tale efficere, sibi nonnulla reservare; quis id Pontificiæ supremæ potestati negare auserit? Ecclesiæ certe bonum, & naturalis ordo postulant ne primati totius Ecclesiæ hæc potestas in ipsas Episcoporum facultates negetur. * Cum enim (1) Episcopi cum suis facultatibus instituti fuerint a Christo in bonum Ecclesiæ, non vero Ecclesiæ in Episcoporum; hi utilitati vel necessitati Ecclesiæ ita debeat studere, ut non inique ferant, si ex utilitate vel necessitate ejusdem Ecclesiæ aliquot facultatum suarum restrictionem, moderationem, aut reservationem suprema potestas faciendam censuerit. Tridentina quidem œcumenica synodus huic supremæ potestati vindicavit reservationem graviorum criminum, a quibus Episcopi primævo ordinario jure poterant absolvere; nec quisquam catholicus potest injustam in hoc invasionem criminari, quin generali quoque concilio ignorantiam atque injustitiam impingat. Esto hæc reservatio occasionem sumpsit ex Episcoporum quorundam delatione ad Apostolicam Sedem, ut peccantes hoc fræno coercerent. Hæc ipsa vero non exigua particularium reservationum utilitas, quæ sensum ad statuendam generalem quorundam graviorum criminum reservationem adduxit, nonne in magnam Ecclesiæ utilitatem ac bonum cedit? Quis ergo hunc quasi non ferendum potestatis abusum venditet atque suggillet?

§ Duz

(1) Concinit cum his illud Augustini lib. 2. in Cresc. c. 11, tom. 9. col. 415. c. Neque enim Episcopi propter nos sumus, sed propter eos, quibus verbum & sacramentum Dominicum mi-

nistramus: ac per hoc, ut eorum sine scandalo gubernandorum se se necessitas tulerit, ita vel esse, vel non esse debemus, quod non propter nos, sed propter alios sumus.

5 Duæ exceptiones, quibus Tridentinum illud decretum extenuare nitus est Febronius, inanissimæ sunt. Ait primo hanc Pontificiam facultatem, quæ ex quorundam Episcoporum delatione ortum habuit, cum ad generale reservationis decretum se se extendit, vim sumplisse ex eorumdem Episcoporum consensu, perinde ac si illi proprium jus in Pontificem transfuserint. Num quorundam Episcoporum observantia, qua initio particulares casus Apostolicæ Sedi detulerunt, probare potest consensum omnium, qui de tali potestate abs se abdicanda ne cogitarunt quidem? Num qui initio detulerunt eos casus ad eandem sedem, potestatem, quæ illi non competeret, eidem quasi juri suo renuntiantes tribuisse dicendi sunt? Num S. Petrus, qui omnia solvere & ligare poterat ex institutione ipsius Christi, non potuisset in illis casibus absolvere nisi hanc potestatem sibi Episcopi concessissent? Num minor est Romanorum Pontificum auctoritas, in quos idem Petri primatus ac jurisdictio transiit? Nonne ipsum Tridentinum Concilium totum reservandi jus non in delationem Episcoporum, sed in *supremam potestatem sibi* (Summo Pontifici) *in Ecclesia universa traditam* expresse retulit? Ait secundo hanc potestatem a Tridentinis Patribus derivatam ex Pseudo-Isidoriano illo principio, quo Papa tradebatur *Ordinarius ordinariarum*. Ita generale præstantissimum concilium ex Pseudo-Isidori collectione, ac ignorantia veri juris deceptum traducit, idque posse corrigi in alio concilio communiscitur. Sed hæc & alia similia ab eodem audacious dicta ex præjudicio falsi systematis de collectione Isidoriana, quod expendetur capite sequenti, nemo mirabitur, qui præjudiciorum vim probe cognoscat. Certe principium, quo Papa *Ordinarius ordinariarum* dicitur, si non verbis, factis antiquiorum quoque sæculorum, in quibus Papæ jurisdictionem ordinariam primatus propriam in alienis diocæsibus exercuerunt, comprobatur censeo ex dictis c. 3. n. 3.

6 Privilegia exemptionis generalia a jurisdictione Episcoporum ea fere de causa regularibus indulta fuerunt, ut iidem regulares ab Episcopis, qui ipsos identidem turbabant gravabantque, subducti, regularum suarum studio & observantiæ quietius ac tutius vacarent: quod sane utilita-

Dum Febronii exceptiones reprobantur.

c. 7. §. 6. n. 6. 7. 2. pag. 58.

De privilegiis exemptionum.

Quid de abu-
sibus dicen-
dum.

tem quamdam, arque necessitatem, bonumque Ecclesiæ ædificationi prospiciens præfert. Nari subinde abusus quorundam regulatum, qui Episcoporum auctoritati obstabant, plebiumque scandalo erant, eorumque abusuum causa querelæ contra huiusmodi exemptiones a Sanctis quoque viris ad Sedem Apostolicam delatæ; non quod hac in re suprema ejusdem sedis auctoritas per se vocaretur in dubium, irritaque crederentur ea exemptionis privilegia; sed quod ex abusibus male utentium ipsis privilegiis, (2) non expedire videretur tam facile ea privilegia largiri, quæ si non ex natura exemptionis per se, certe ex prave utentium moribus in destructionem vergebant. Nemo ambiger quin abusus male utentium corrigendi sint; eisque, qui ab exemptis proveniunt, Tridentina Synodus remedio saltem delegationis Apostolicæ Episcopis imperitæ ita providit, ut ne tamen Pontificiæ auctoritati quicquam detraheret. Quod si Febronius, qui hoc delegationis remedium a Tridentino appositum aperte damnare ac reprehendere non ausus, nec ex abusibus exemptorum jus Apostolicum in ipsis exemptionibus concedendis absolute negare potuit; ob aliquos tamen, qui adhuc supersunt abusus, & abutentium vitio fere inevitabiles sunt, ad omnes abusus tollendos memoratam delegationem insufficientem judicans, exemptiones ipsas omnino tollendas significavit; velim consideret, num id absolute tentare in ædificationem Ecclesiæ esset cessurum, de quo legenda quæ afferentur capite sexto. Nunc aliquot generalia principia præmittenda, quæ aliis atque aliis Pontificiæ potestatis usibus vindicandis inserviant.

7 De suprema Pontificum potestate in limitandis vel moderandis Episcoporum facultatibus, quando id in Ecclesiæ bonum judicent expedire, ex constitutis dubitari non posse videtur. Quodsi ex subsequentibus abusibus deregatur ejusmodi limitationes ab illis factas non cessisse in ædificationem, sed in destructionem; duplex questio distinguenda est, num hac in hypothesi eadem limitationes licitæ, vel illicitæ fuerint, an vero etiam irritæ. Cum Summi Pontifices

(2) Vide illa Bernardi l. 3. *De potest. Eccl. cap. 3. §. 2. de Confid. c. 4. quæ descripsi* num. 4.

tifices ea suprema potestate usi eas limitationes sanxerunt, id iusta de causa, quæ in bonum & ædificationem cederet, fecerunt semper, vel fecisse præsumendi sunt, ne de supremi hierarchiæ gestis, quæ vel in dubio in partem meliorem sunt accipienda, inferiores temere judicent. In singulis quidem Pontificiis limitationibus, sicut & in dispensationibus, aliqua fere semper iusta occurrit ratio, ex qua bonum publicum & ædificatio Ecclesiæ deduci potest. Præjudicia & abusus, qui subinde deteguntur, ex aliorum culpa proveniunt; idemque Febronius, qui pro sua in Pontifices observantia istis vitiosam causam non audet appingere, abusum originem vel in Curiales, vel in alios abusu-^{Abusum}antes potestate, vel concessionibus Apostolicis reicere solet. Multi sane dispensationum aliarumque gratiarum abusus, qui scandalum generant, obreptioni, vel subreptioni perentium sunt adscribendi; multi etiam conniventium Prælatorum testimoniis, a Sancta Sede ante concessionem requisitis, quibus fidendum censuit pia mater Ecclesiæ. Non modicum ab illis timendum, qui zelo quodam, at non secundum scientiam concepto se abripi sinunt, ut superiori-^{oigo unde}bus crimini vertant facta, quorum causam ignorant, vitiosaque præsumant, quæ potius bona & licita censenda sunt. Afferam hoc loco opportune S. Gregorii textum ex libro quinto Moralium in Job c. 5. n. 24. ubi hanc censuram, qua dispensationum abusus ob causæ ignorantem notantur, suo quoque ævo non raram his verbis perstringit: *Sæpe enim, quia intelligi non valent, . deterioribus displicent vel facta vel dicta meliorum: sed eo ab eis non temere reprehendenda sum, quo apprehendi veraciter nequaquam possunt. Sæpe aliquid a maioribus dispensatorie agitur, quod a minoribus error putatur. Sæpe multa a fortibus dicuntur, quæ infirmi ideo dijudicant, quia ignorant.* Timeat multo magis quicumque Febronii criminationibus preoccupatus, in Summis Pontificibus accuset veluti abusus non ferendos ea, quæ juxta hodiernam disciplinam ex iusta causa concedere licuit, eo quod istorum causam seu rationem ignoret, cum abusus, si qui exinde consequuntur vel obtinent, non ex Apostolica potestate, sed ex abutentium malitia prodeant.

Ex abusibus
non neganda
potestas
aliunde
certa.

8 Quod si quidam abusus ex aliqua ipsorum Pontificum culpa, quæ nulla ratione possit excusari, aliquando provenirent (quod tamen præsertim de superiore, cuius rationes ignotæ, ab inferiori non est temere iudicandum); non idcirco ex abusibus esset neganda potestas, quæ aliunde certa est; &, ut initio monuimus, in origine ad divinum jus immutabile pertinet, nec ex abusibus sit irrita; multo autem minus ex abusibus esset neganda, si abusus non ex ipsius Pontificis, sed ex aliorum culpa profecti in malum converterent quod in bonum fuit institutum. Potestas siquidem jurisdictionis in ædificationem, & non in destructionem tradita, etsi ex recto usu in ædificationem, ex abusu autem (undecumque proveniat) cedat in destructionem; ipsa tamen per se absolute concessa dicenda est ut ne ex abusibus irrita fiat, nec actus ex ea manantes, ex ipsa culpa aburentium illiciti, nulli per se & irriti habendi sint. Id ab ipso Febronio ceterisque adversariis concedendum est, quippe qui certam Episcoporum potestatem non negabunt, nec actus ex ea profectos (si lex irritans non impediatur) affirmabunt irritos, quamvis & ipsi Episcopi, proprio vel alieno vitio sua potestate abuti queant. Summis potestatibus sæculi certa quoque potestas est; nec tamen ex abusibus eadem potestas vocatur in dubium, nec actus consequentes irriti per se habentur, ne malo, quod ex ipsis abusibus provenit, (3) addantur alia publica damna, quæ sæpe ex actibus irritis in innocentium quoque detrimentum redirent. Ii quidem, qui quocumque ex capite cooperantur abusui, illicite agunt: at non omnes actus, qui sunt illicite, sunt etiam irriti; unde vulgatum illud,

Mul-

(3) Hac de causa ubi etiam lex irritans adest, uti in beneficiis per simoniam acquisitis collatio irrita declaratur, Ecclesia non vult generatim irritam ministrationem Sacramentorum matrimonii vel penitentiae, quæ a parochio simoniaci ministrantur; ac proin-

de hoc casu titulo, quem vocant coloratum, Ecclesia supplere, vel potius legem irritantem his in circumstantiis restringere creditur, ne irrationis pena nocentibus decreta, innoxii & bona fide agentibus noceat.

Multa facta tenent, quæ fieri prohibentur. Illi abusus, quos ex limitatione seu restrictione facultatum Episcopis competentium Febronius ingerit, & quandoque etiam exaggerat, movere solent plurimos, & me quoque non leviter movere non ibo inficias. Qui omnibus ejusmodi abusibus remedium querit, laudandus. At si remedium collocet in neganda vel impugnanda legitima atque certa potestate, perperam & injuste agit.

9 Considerandum hoc loco illud Joannis Barthelii testimonium, quod Febronius recitat cap. 9. §. 11. num. 3. *Donec erunt homines, erunt & vitia, & peccata, erunt abusus, superstitiones, immoderatus potestatis & auctoritatis utut legitima abusus:* quos non potestati per se, sed abutentium vitio tribuit. Si ob hosce abusus neganda esset potestas utut legitima; quis non videat negandam esse potestatem tum Pontificiam, tum Episcopalem, tum ordinariam, tum delegatam, quæ ex hominum sive fragilitate sive malitia multis inficiuntur abusibus? Dicat id, si potest Febronius; & non illicitos tantum, verum etiam irritos omnes actus per abusum elicitos affirmet. Si autem id dicere & affirmare non potest nec audet; desinat ergo contra abusus ita declamare, ut potestatem supremam negare videatur. Cum loco laudato ex eodem Barthelio monet omnes abusus non posse simul auferri, sed sensim esse tollendos; proculdubio non censet omnia decreta, quibus limitata, aut ad Sedem Apostolicam revocata fuerunt Episcoporum facultates, irrita esse, nec irritos actus omnes exinde per abusum profectos, quos ad impediendum publicum damnum statim simul emendare oporteret. Media quidem suggerit, quibus hæc reformatio pedetentim prudenti œconomia obtineatur. At num hæc remedia in ædificationem, an potius in destructionem conspirent, suo loco inferius expendetur. Satis mihi nunc est, si suprema & plena Pontificia potestas ex hætenus dictis ita explicata ac vindicata sit, ut nihil ex objectis a Febronio abusibus detrimenti capiat.

CAPUT V.

De supposititiis Pseudo-Isidori decretalibus ;
ex quibus Febronius supremæ & plenæ
auctoritati Apostolicæ nimium mul-
tum detrahit, quæstiones tres
propositæ & solutæ.

HUIC supremæ ac plenæ Romanorum Pontifi-
cum potestati non minus detrahit Febro-
nius, cum eam, quam nunc iidem Pontifi-
ces exercent, supposititiis Pseudo-Isidori de-
cretalibus innixam, partumque ex tam spuris fontibus jus
falsum & commentitium declarat. Adeo enim hodiernum
Pontificum jus omni genuino stabiliq; fundamento nuda-
tum præfert, ut imposturis egerit, quibus tantummodo
potuerit induci & propagari. Hac porro in hypothesi eos-
dem Pontifices, spurio falsoque ejusmodi jure excluso, ad
normam antiquorum canonum, in quibus sincerum & ve-
rum jus situm est, esse revocandos contendit. Hoc Febro-
nianum systema Pontificiæ auctoritati, ac primatus juris-
dictioni injuriosum, licet ex præmissis satis confutatum vi-
deri possit, tamen ut magis magisque confutetur, de Pseu-
do-Isidori decretalibus nonnulla ex proposito hic arbitror
discutienda, quæ omnem fucum abstergant. Decretales epi-
stolas, quas Pseudo-Isidorus præcis sanctissimis Pontificibus
affixit, falsas esse, & ex ipsis, falsitate nonnumquam detecta,
multa capitula in posteriores collectiones canonum irrepsis-
se, & cum vulgo haberentur sinceræ, multum fidei obti-
nuisse negari non potest. Nunc ob retundendum, quod
exinde contra Apostolicam auctoritatem obtrudit Febro-
nius, tria de iisdem decretalibus querenda. I. Num in
gra-

Decretales
supposititiæ
a Pseudo-Isi-
doro consti-
tutæ.

gratiam Romanorum Pontificum ob ipsorum potestatem augendam fuerint confectæ. II. Num ea, quæ pro eadem potestate in iisdem decretalibus traduntur, novi quidpiam induxerint, quod anterioribus temporibus non fuerit auditum, vel usu receptum. III. Num si quid ex præsumta illarum auctoritate facilius propagatum usuque receptum obtinuit, jus falsum constituat, quod antiquo juri derogare non posset, ita ut ad jus antiquorum canonum sit redeundum, & abusus sit, quidquid posterius quocumque nomine invecum receptumque, ab antiquorum canonum constitutis discordat.

§. I.

Num decretales, antiquis Pontificibus a Pseudo-Isidoro attributæ, in gratiam Romanorum Præsulum ob augendam eorum potestatem fuerint confectæ.

2 De Pseudo-Isidori collectione prolixam dissertationem digessimus insertam parti tertiæ superioris *Tractatus de antiquis collectionibus & collectoribus canonum*, quem tomo tertio nostræ Venturæ editionis Operum S. Leonis præmisimus. Vide pag. ccxv. Non est opus cuncta ibidem dicta repetere. At in rem præsentem, in gratiam eorum, qui ea editione carent, sufficiet ea totidem verbis transcribere, quæ ibidem leguntur §. 5. pag. ccxx. num. 10. ubi primæ propositæ quæstioni credimus satisfacisse.

„ Quo spiritu, quo consilio Pseudo-Isidorus tot documenta confinxerit, omittendum non est. Non defunt, „ qui eum amplificandæ vel defendendæ auctoritatis Romanorum Pontificum studio ductum ad ea procudenda „ excitatum fuisse arbitrantur. At falluntur manifeste. Licet enim in iis Apostolicæ Sedis amplitudo & auctoritas pluribus commendetur; non tamen hic impostoris „ scopus fuit, nec eadem Sedes, cujus privilegia & jura

B b

„ quam-

Pseudo-Iſi-
dori confiliū
quoddam
fuit.

„ quamplurimis ſinceris & vetuſtis documentis nituntur,
„ illis apocryphis indigebat, ut Cardinalis Baronius ad
„ annum 865. num. 8. notavit. Pſeudo-Iſidori autem con-
„ ſilium longe aliud fuiſſe ex ipſa collectionis præſatione
„ ſatis dignoſcitur. Poſtquam enim indicavit documenta,
„ quæ ſuæ collectioni erant inferenda, hanc eorum colli-
„ gendorum rationem ſubiicit: *Quatenus Eccleſiaſtici ordi-*
„ *nis diſciplina in unum a nobis coacta atque digeſta, &*
„ *Sancti Præſules paternis inſtituantur regulis, & obediētes*
„ *Eccleſiæ miniſtri vel populi ſpiritualibus imbuantur exem-*
„ *plis, & non malorum hominum pravitatibus decipiantur.*
„ *Multi enim pravitate & cupiditate depreſſi, ACCUSAN-*
„ *TES SACERDOTES OPPRESSERUNT.* Et multis
„ proſequitur in eos acriter invehens, qui Episcopos ac-
„ cuſare audent, *ut ſe per illos excuſent, vel eorum bonis*
„ *diſentur:* ac plura ejuſmodi iudiciorum incommoda refe-
„ rens, illud urget, non poſſe cogi Episcopos ad dicen-
„ dam cauſam, ſi fuerint accuſati, & rebus ſuis expolia-
„ ti, aut gradu deſecti, & a ſede pulſi, niſi prius fuerint
„ reſtituti: additque nonnulla de accuſatoribus & accuſa-
„ tionibus rejiciendis: quibus omnibus palam ſignificat, ſe
„ ea poſitiſſimum mente collectionem conſeciſſe, ut Episco-
„ pis, qui accuſabantur, proſpiceret.

„ 3 Id. quidem in apocryphis, quæ conſlavit, docu-
„ mentis multo clariuſ elucet. Eamdem enim ſemper de
„ accuſatis Episcopis curam ac ſollicitudinem præſert: cum-
„ que Apoſtolice Sedis auctoritatem prædicat, eo ſemper
„ omnia refert, ut Episcopos accuſationibus impetiti, &
„ condemnati, ſi ſe gravatos ſentiant, ad illam conſu-
„ gant, quæ Synodorum ſententias retractare, & ſi ju-
„ ſtum putaverit, irritas reddere poteſt. Idem quoque con-
„ ſilium maxime perſpicitur in Capitulis Hadriano tribu-
„ tis, quæ ex apocryphis præſertim epistoſis decerpta, apo-
„ cryphorum documentorum veluti compendium & com-
„ pilatio vocari queunt. Pleraque enim illorum capitulo-
„ rum eo ſpectant, ut ne Episcopos accuſari a quibuſlibet
„ poſſint; nec, ſi accuſentur, accuſatoribus facile deferatur,
„ ſed ex multis cauſis tum accuſatores repellere, tum ju-
„ dices liceat recuſare; ut ſynodorum retractentur iudicia,
„ & alia ejuſdem generis in apocryphis ſimiliter ingeſta,
„ ex

„ ex quibus si omnia ad Episcoporum , qui accusantur ,
 „ expoliantur , deponuntur , patrociniū , defensionem at-
 „ que præsidium conlata atque conficta credantur , ne-
 „ mo jure possit reviuere .

§. II.

*Num ea , quæ de Summi Pontificis auctoritate in
 confictis Pseudo-Isidori decretalibus traduntur ,
 novi quidpiam induxerint , quod anterioribus
 temporibus numquam fuerit auditum , usuque
 nuppiam receptum .*

4 In id exscribendus ex laudata dissertatione atque
 paragrapho numerus undecimus . „ Non pauci de Pseudo-
 „ Isidoro severius conqueruntur , perinde ac si ejus im-
 „ sturis disciplina vetus abolita , & nova fuerit introdu-
 „ cta , adeo ut hinc deserti antiqui canones , fracti disci-
 „ plinæ nervi , perturbata Episcoporum & provincialium
 „ conciliorum jura , sublata judiciorum leges , aliaque rei
 „ Ecclesiasticæ damna illata fuerint . Hæc autem novæ &
 „ mutatæ disciplinæ reprehensio quara minus æqua sit ,
 „ quisque facile intelliget , si duo animadvertat , nimirum
 „ pleraque pseudo-Epistolarum Isidori excerpta esse ex sen-
 „ tentiis Sanctorum Patrum , ex sinceris constitutionibus Ro-
 „ manorum Pontificum post Siricium , ex canonibus con-
 „ ciliorum , ac ex Romanis legibus : quæ sane novi juris
 „ novæque disciplinæ non sunt : cetera vero eam discipli-
 „ nam plerumque exhibere , quæ jamdiu inoleverat , vel
 „ jam ante aliquanto induci cœperat . Impositura autem in
 „ eo sita est , quod Pseudo-Isidorus eas sententias iis aucto-
 „ ribus imposuerit , quorum non sunt , & posterioris ævi
 „ disciplinam antiquioribus Pontificibus affixerit , quasi prio-
 „ ribus Ecclesiæ sæculis hæc viguisset . Ceterum quod de
 „ novæ disciplinæ introductione inseritur , stultus quidem

Disciplinæ
 capita ante-
 riora Pseudo-
 Isidoro .

B b 2

„ plane

plane fuisset impostor, si sperasset suam collectionem acceptum iri ab hominibus, quæ novam omnino disciplinam a sui quoque sæculi moribus & consuetudinibus abhorrentem contineret. Quod si quæcumque contra consuetudinem ingeruntur, etiamsi bona & utilia sint, ipsa novitate perturbare solent; multo magis de iis timendum erat, quibus disciplinam per se optimam, & sanctioribus fultam legibus, longoque usu ab omnibus receptam quispiam evertere & immutare contenderet. Nulli autem tumultus, clamores nulli auditi sunt ob indultas decretales apocryphas, nisi in ea parte quæ ad Episcoporum causas & judicia pertinet: de quibus aliqua apud Hiacmarum leguntur, & in epistolis Nicolai I.

5 At in his ipsis causis atque judiciis, quod in pseudo-epistolis ac synodis Isidorianis traditur, non erat omnino novum. Nonne causæ majores, quæ circa accusationes Episcoporum versantur, certis antiquorum Pontificum decretis Apostolicæ Sedis reservatæ, sine ejus assensu definiri non poterant? Vide inter cetera Leonis epistolas 6. 23. & 14. ac Gregorii IV. epistolam primam ad universos Episcopos. Nonne Episcoporum appellationes ad eandem sedem antiquis canonibus & consuetudini, nec non primatus juri innixas, probavimus in Observationibus ad dissertationem V. Quesnelli part. 1. c. 5. 6. & 7.? Ne omnes promiscue recipiantur ad accusandum Episcopum cautum fuerat in canonibus Codicis Africani 128. 129. 130. & 131. nec non etiam canone sexto Concilii CP. quem ex Græco codice Nicolaus I. laudat epistola octava. Episcopos ejectos & suis rebus expoliatos non cogendos ad judicium, nisi prius in suum gradum restituantur, & omnia eisdem ablata redintegrentur, colligitur antea decretum ex Codice Ecclesiæ Africanæ c. 87. Hæc & alia ejusdem generis, quæ novæ disciplinæ a Pseudo-Isidorianis decretalibus inductæ tribuuntur, legere licebit in Epistolis 8. 9. & 38. Nicolai I. qui tamen ea non ex illis apocryphis, quibus (1) carebat, sed ex antiquioribus documentis con-

firmat:

(1) Vide *Tractatum de Antiqua collectionibus canonum* part. 3. cap. 6. §. 1. num. 1. tom. III. S. Leonis pag. ccxv.

„firmat: quemadmodum ante ipsum fecerat etiam Gregorius IV. in epistola prima ad universos Episcopos, in qua Aldrici Cenomanensis causam sibi reservat. „Hactenus ibi.

6 Si novitatis capita a Febronio reprehensa vellem singillatim expendere, præsto haberem in singulis quædam Pseudo-Isidoro antiquiora gesta, vel testimonia de Pontificiæ potestatis usu & exercitio in iis, quæ ex vetusta disciplina ad Episcopos, vel ad Metropolitans, seu ad provinciales synodos deferri solebant. Hæc autem etsi in quibusdam capitibus rara vel rarissima inveniuntur, ac inepta prorsus sint ad affirmandam in iisdem capitibus constitutionem, vel reservationem generalem, quam ille priscorum sanctissimorumque Pontificum inducta auctoritate non dubitavit asserere; cum tamen ea ipsa rara vel rarissima sincera documenta ac gesta disciplinam, apocryphis Pseudo-Isidorianis decretis inditam, ante Isidorum alicubi saltem receptam præferant, novitatis ab eodem inductæ censuram abstergunt: neque enim omnino nova & ab ipso inducta dici potest disciplina, quæ ante illum alicubi saltem recepta dignoscitur. Forte in ea Galliarum parte, in qua est Moguntia, ubi eas supposititias merces fuisse fabricatas* probabilius coniecimus, disciplina in ipsis proposita, ubi §. 4. pag. CCCXII. quoad rariores quoque casus (si qui nullo aliunde exemplo aut testimonio fulcirentur) aliquamdiu ante Isidorum invaluerat S. Bonifacii Episcopi Moguntini opera, qui Apostolica legatione præditus, quantum Apostolicæ auctoritati deferret, eandemque observantiam in eam regionem inducere studuerit, ex ejus epistolis liquet. Vide inter ceteras ejus epistolam 105. ad Cudberthum Archiepiscopum Cantuariensem, in qua aliquot præcipua disciplinæ capita ab eodem S. Martyre & Germanorum Apostolo iis in locis instituta, ac in Pseudo-Isidorianis decretis postea repetita exhibentur. Idem quoque spiritus in successores ipsius Lullum, Riculfum, Autgarium transiit, ut ex aliis documentis constat. Quodsi Pseudo-Isidorianæ decretales eam disciplinam præferunt, quæ antiquioribus monumentis probatur, & jamdiu ante saltem iis in locis vigeat, ubi Pseudo-Isidorus illas condidit; num æqua sit illa reprehensio, quæ novæ disciplinæ introductio ipsis decretalibus attribuitur,

tur, quivis intelliget. Negari tamen non posse videtur, quin eadem disciplina latius fuerit propagata, & magis multo atque facilius inoleverit, postquam eadem decretales editæ ac divulgatæ fuerunt, & mox in quibusdam conciliis laudatæ, ac subinde etiam insertæ in collectiones Reginonis, Burchardi, & aliorum, quæ ob suam brevitatem ac methodum magno usui fuerunt.

§. III.

Num. disciplinæ novitas, siquæ ex apocryphis Pseudo-Isidori decretalibus invaluit, usque posteriorum temporum obtinuit, jus falsum & corruptela sit, quæ antiquo canonum juri derogare nequiverit.

De jure genuino & spurio.

Quodnam verum jus in materia discipline, quæ mutabilis est.

15. Frequens apud Febronium occurrit mentio, atque distinctio juris antiqui & novi, quorum alterum in canonicis antiquis, alterum in Pseudo-Isidori supposititiis decretalibus continetur. Jus antiquorum canonum appellat genuinum & verum jus, Pseudo-Isidorianum jus: spurium & falsum, quod cum antiquo & vero juri præjudicare non possit, veluti corruptelam omnino corrigendum traducit. Cum autem non de materia divini aut naturalis juris, quæ (ut cum ipso Febronio animadvertimus cap. 2. n. 1.) mutari non potest, nunc sit nobis sermo, sed de materia canonum pertinentium ad disciplinam, quæ pro varietate locorum, & temporum, atque circumstantiarum mutari potest; illud jus verum est in capitibus discipline, quod statutum probatumque a legitima Ecclesiastica potestate viget. Antiquis Ecclesiæ sæculis vigeat disciplina antiquis canonibus præscripta, eaque tunc constituebat verum jus omnino servandum, nisi justa de causa a potestate legitima aliquibus in circumstantiis dispensatum fuisset. Si autem

tem circumstantiis temporum aut locorum mutatis, necessitate vel utilitate publica postulante, ea disciplina mutanda, vel relaxanda generatim fuerit; nova disciplina, posterius licet inducta, quæ a legitima potestate recepta usu obtineat, jus verum condit. Quod si quædam invaluerint ex apocryphis documentis; non idcirco falsum jus illud est dicendum, quod ex falsis fontibus originem, seu incrementum, aut propagationem faciliorem habuit. Neque enim ea recentior disciplina ex ipsis supposititiis documentis juris vim & auctoritatem consequuta est, sed ex illa Ecclesiastica potestate, quæ eandem novam disciplinam recepit confirmavitque. Hanc quicumque damnaret tamquam falsum jus & corruptelam, damnare deberet ipsa concilia non solum particularia, sed etiam œcumenica temporum posteriorum, ac præsertim Tridentinum, quorum disciplina, in plerisque capitibus constituta, non est antiquorum canonum jus, quod unum Febronius *jus verum & genuinum* vocat, sed est disciplina posterius inducta, & pro varietate circumstantiarum mitigata, atque mutata, & solum contra irrepresses abusus & corruptelas opportunis remediis munita. Quod si non omnes cautiones sive a Conciliis, sive a Pontificibus hætenus appositæ, ad omnes abusus tollendos sufficiunt; abusus ejusmodi sicut ipsi juri, ex quo non prodeunt, tribuendi non sunt, sed vitio hominum, qui juris limites transgrediuntur; ita eidem novo juri falsi juris notam nequeunt appingere: alias jus falsum pariter dicendum esset jus divinum, quo potestates Ecclesiasticæ ac sæculares constitutæ sunt, cum ex hominibus potestate abutentibus aliquot scandala & corruptelæ nascantur.

Non dam-
mandum,
licet in apo-
cryphis indi-
tum invenia-
tur.

16 Ne quid vero fuci ex Febroniano systemate offendatur, quod lectores impediat, detegenda est æquivocationis origo. Totum Febronii consilium in evertendum regimen statumque monarchicum Romanis Pontificibus, Pseudo-Isidori decretis, ut putat, attributum, unice tendere ex toto ipsius opere liquet. Idem Auctor non omnem monarchiam a Pontifice absolute excludit (recitat enim (2) Gerfonis testimonium, quo

Febronii
scopus qui-
nam; & æ-
quivocatio-
nis origo.

Non omnis
monarchia
excludenda.

(2) Addi possunt, quæ ex in Appendice lib. 3. cap. 1.
Gerfoni affert etiam Bossuetus pag. 84. tom. 2. novæ edit.

c. l. §. 5. n. 1.

quo claves, idest potestatem Ecclesiasticam, affirmat Petrus datas *samquam monarchie*); & solum rejicit potestatem monarchicam excessivam, esirēnatam, despoticam, & arbitriam cum dominatu conjunctam, quam sane Christus nec Petro nec Petri successoribus tradidit. Huic autem monarchicæ excessivæ potestati cum favere visum esset novum jus, quod post Isidorianas decretales inolevit & obtinet; novum hoc jus spurium & falsum censuit appellandum. Cumque nullo jure mutari aut præscribi possit contra jus divinum ac naturale ei excessivo & despótico dominatui contrarium; non male videtur intulisse * nulla

* c. 2. §. 6.

præscriptione, possessione &c. juri antiquorum canonum, qui hanc monarchiam illimitatam ignorant, potuisse derogari atque præscribi; ac idcirco novo juri tantam vim non posse vindicari, ut veterum canonum jus abrogaret. Tota æquivocatio sita est in pravo intellectu nominis *monarchia*. Ejus quidem arbitrarii monarchici regiminis, quod Febronius perstringit, principia divino ac naturali juri repugnant. At num ea ex novo jure, quod obtinet, consequantur, si quis negaverit, a Febronio revinci non poterit. Distingue jus novum a novi juris abusibus, qui non ex ipso jure novo per se, sed ex vitio abutentium profisciscuntur, quemadmodum potestas Ecclesiastica, ad novi juris normam exacta, distinguenda est ab ejusdem potestatis abusibus, qui malitiæ abutentium & præscriptos ejusdem juris limites excedentium tribuendi sunt: & sicuti ex iis abusibus eadem potestas nec neganda, nec in dubium revocanda est; ita ex abusibus eorum, qui Pontificiæ potestati usum esirēnem & excessivum tribuunt, impotentemque, despoticum, arbitriumque dominatum, non est neganda, nec in dubium revocanda est potestas monarchica supra Episcopos, quam Summis Pontificibus in limitandis restringendisque, cum expedit, istorum facultatibus jure primatus competere probavimus.

Distinguen-
dum jus no-
vum a novi
juris abusi-
bus.

Quatenus
jus novum
possit præ-
scribere an-
tiquo.

17 Hæc potestas cum versetur circa usum & exercitium facultatum Episcopaliū, quod Christus non constituit, sed legitimæ Ecclesiasticæ dispositioni reliquit, disciplinam respicit, quæ pro varia temporum ac circumstantiarum ratione mutari & innovari potuit; novumque in ea jus, quod actu vigeat, potuit contra jus antiquum præscribere.

Bere. Hinc manifesta sit Febronii hallucinatio, cum c. 7. §. 1. n. 3. in hac materia, quæ disciplinæ est, veluti certum generale principium statuit illud ex Vincentio Lerinensi, *antiquitatis religionem novitatis profanitati anteponendam*, quod de materiis fidei & morum ad naturale ac divinum jus inmutabile pertinentium verum est; nec non illud aliud principium, quo id sequendum affirmat, quod semper, quod ubique in catholica Ecclesia constanti observantia viguit; neque enim aptari potest disciplinæ mutabilis juribus, quæ pro varietate temporum, locorum, atque circumstantiarum varia esse queunt. Neque dicat potestatem Episcoporum esse juris divini, cui detrachere quicquam est juri divino detrachere: sæpe enim dixi, & iterum dico, eam potestatem quoad institutionem quidem inniti juri divino; at non item quoad usum & exercitium facultatum Episcopaliū, quorum determinatio dispositioni Ecclesiæ a Christo tributa, non divini, sed Ecclesiastici juris est, & præscriptioni ac mutationi obnoxia: unde falsa falsissimaque agnoscitur illa Febronii thesis: *Non profunt hac in parte Romanis præscriptio, cessio, possessio, consuetudo &c.* n. 8. §. 6. tom. pag. 66.

Ingerit abusus a Christi institutione alienos, quos juri divino præjudicare non posse pronunciat. Quis autem tamquam verum jus venditat potestatis abusus? Hi a nemine approbantur, nec ullis novi juris auctoritatibus approbati, jus condidisse creduntur, quod divino juri prævaleat. Sola potestas a Christo instituta in ædificationem divino jure fulcitur: abusus in destructionem industi tamquam eidem divino juri conerarii reprobantur ab omnibus, nec a quopiam ad vim præscribendi contra antiquum legitimum jus, aut novi juris condendi evehuntur. Quod si quædam hodiernæ disciplinæ capita novo jure inducta post Pseudo-Isidori merces, etiam si a multis sæculis usu recepta vigeant, veluti abusus non ferendi eliminanda essent, & falsi juris censuram mererentur; falsi quoque juris, ut monuimus, nomen tribuendum esset non solum Pontificum sanctissimorum decretis, sed etiam canonibus conciliorum quantumvis generalium, ac Tridentini, qui non aliam disciplinam probarent ac præceperunt.

18 Neque causetur ignorantia falsarum decretalium, quæ omnes diutius occupabat. Nam præterquamquod fere Ignorantia falsarum decretalium non prodest.

Cc

omnia,

omnia, quæ Pseudo-Isidoro tribuuntur, anteriorem, ut indicavimus, habent originem; nonne in materia disciplinæ jus novum etiam si quibusdam in capitibus errore aliquo inductum ac propagatum, cum a legitima potestate proprio jure receptum & approbatum est; non ex ignorantia, sed ex auctoritate approbantium, nec non ex ipsa consuetudine legitime præscribente vim juris acquireret, dum nihil contra divinum aut naturale jus receptum, aut approbatum sit? Cum Africani in epistola ad Cælestinum resistentes appellationi Apiarii suarum Ecclesiarum consuetudinem vindicaturi, hanc rationem attulerunt: *quia nulla Patrum definitione hoc Ecclesiæ derogatum est Africane*; aperitissime præsumperunt, suæ quoque Ecclesiæ jus antiquissima consuetudine comprobatum, conciliari aliquo decreto posse abrogari, & jus novum induci, ut vel Febronius innuit cap. 2. §. 7. n. 10. Si novæ disciplinæ novoque juri inducendo ob abusum scandalorumque pericula obstitendum credatur; initio quidem (debito tamen cum moderamine) licebit obstitere, idque tantum fecerunt Africani, cum memoratis clericorum inferiorum appellationibus ad Apostolicam sedem inducendis se se opposcentes, antiquam & vigentem suarum Ecclesiarum consuetudinem vindicandam curarunt. Vide observationes nostras in Dissert. V. Quænelii. At si disciplinæ novitas jamdiu inducta, aliquot sæculorum consuetudine, & non tam Pontificum, quam conciliorum præsertim generalium auctoritate recepta & confirmata inoleverit, ac in praxi vigeat; huic juri, quod ad derogandum anteriori disciplinæ sufficit, ac tamdiu inveteratum, *novum* jus nequit proprie appellari, ita ut ob abusus, qui non ex ipso jure, sed ex abutentium vitio dimanant, idem jus per se se tamquam spurium atque falsum vendiderit, quis æquus rerum æstimator id rectum ac justum credere poterit?

Quando & quatenus novitati obstitere liceat.

a. 2. edit. J. Leunis col. 971. n. 30.

Exemplum novitatis in gratiam Episcopi CP. inductæ contra jus æquum, neque tamen ab adversariis reprobatur tamquam jus spurium, & ad veterem disciplinam revocandum. p. 2. p. 36. col. 3

19 Ne in re, quæ ex principiis generalibus juris certa est, pluribus immoretur, in confirmationem non modicum juverit exemplum juris, quod Constantinopolitano Episcopo post aliquot sæcula accessit. Febronius c. 8. §. 2. obtrudit Græcam sive Orientalem Ecclesiam, in qua cum non obtinerent apocryphæ Pseudo-Isidori decretales, & olim, & etiamnum *hodie avitam disciplinam magis quam* in

in *Latina servatam* deprædicator. Vide autem quid in Constantinopolitana Orientali Græca Ecclesia jamdiu ante ipsum Pseudo-Isidorum contra avitam disciplinam inyaluit. Hujus Episcopus ante medium sæculum quartum erat simplex Heracleensis Metropolitæ suffraganeus, qui nullo jure in alium quempiam Antilitent fruebatur. Canones Nicæni caverant ut Patriarchalibus & aliis præstantioribus sedibus sua jura conservarentur. Cum porro Imperialis sedes constituta fuisset Constantinopoli, & idcirco hæc urbs, Romanæ æmula, *junior Roma* appellari cœpisset; anno 381 in CP. synodo I. hujus Episcopo decretus fuit *honoris primatus post Romanum Episcopum, propterea quod urbs ipsa sit junior Roma*. Hæc erat prærogativa meri honoris & ordinis, non juris. Sensim vero concurrentibus ex toto Oriente ad eam urbem, in qua Imperator residebat, pluribus Episcopis ob varias occasiones & causas, perfacile fuit ibidem Episcoporum eo confluentium synodos cogere, in quibus difficiliore & graviore quæstiones cognoscerentur atque definirentur, & ordinationes quoque Episcoporum assentientibus Metropolitæ, & Imperatoribus annuentibus, ab ejusdem urbis Antistitibus peragerentur. Ita non solum Nestorius, sed etiam S. Joannes Chrysostomus, Atticus, Sisinus, & S. Proculus Constantinopolitani Præfules de Episcoporum causis & appellationibus ex variis Orientalibus provinciis ad se delatis passim judicarunt, & aliquot etiam Episcoporum ordinationes fecisse leguntur; quæ cum nullo jure antiquorum canonum effici ab ipsis possent, suffulciri & defendi cœperunt ex memorato decreto Concilii CP. primi, quasi primarius honoris huic sedi assertus, quia est *junior Roma*, non meri honoris gradum, sed earundem prærogativarum participationem inferret, uti colligitur ex Concilio Calchedonensi act. 16. nec non ex relatione hujus synodi ad S. Leonem. Aliquid igitur peculiaris jurisdictionis vel hoc tempore exercebatur a Romano Pontifice supra Episcopos præsertim Occidentis in appellationum causis & ordinationibus; idque toto in Oriente notissimum esse debuit, ut simile jus in Episcopos Orientis ob communicantur novæ Romæ honorem sibi sancti quoque Episcopi hujus urbis vindicandum putarint. Huic quidem novitati novoque juri, quod opponebatur antiquo firmato canonibus Nicænis

totius Ecclesiæ reverentia consecratis, & præjudicio erat aliis metropolitibus & patriarchis, S. Leo Papa fortiter restitit. At idem jus, consentientibus iis quorum intererat, & Sanctorum quoque Episcoporum usu, conciliique Calchedonenfis decreto approbatum, sensim obtinuit, ac Nicæno canoni, & antiquo juri, Romanis Episcopis non amplius repugnantibus, tandem præscripsit, adeo ut, (3) licet novæ prærogativæ subinde Constantinopolitanis accesserint, de istorum jure nemo amplius dubitet, neque in concilio Florentino mota fuerit de hoc ulla quæstio, nec nunc moveretur, ut arbitror, si CP. Patriarchæ, ad unitatem Ecclesiæ redeuntes, eadem jura vellent retinere. Si Febronius non auderet hoc CP. Anzistitum jus imperere & impugnare juris restituendi nomine, nec præscriptionis, cessionis, aut possessionis vim ipsis negare; quomodo auferit hæc opponere contra jus Romanorum Pontificum, qui prærogativa primatus supra Episcopos & supra usum atque exercitium facultatum Episcopaliū potestatem divinæ institutionis & jus certissimum obtinent, ac in ejusdem juris exercitio diuturna plurium sæculorum consuetudine, & Conciliorum etiam generalium approbatione fulciuntur?

(3) Exemptiones ex. gr. quorundam Monasteriorum, quæ intra fines aliarum non tam E-

piscopaliū, quam ampliorum dioceseon CP. Patriarchæ suberant, notissimæ sunt.



CAPUT VI.

Num antiquorum canonum disciplina sit revocanda, seu num Episcoporum & Metropolitanarum potestas seu jurisdictio actualis sit restituenda in statum primitivum, abolito jure quod jam a multis sæculis viget.

VIDIT Febronius novum jus, quod jamdiu obtinet, per se non posse absolute damnari tamquam jus falsum & spurium, nec posse generatim accusari summos Pontifices impotentis dominatus, quasi ex Pseudo-Isidorianis commentis absque legitima causa sibi arrogarint multa, quæ olim Episcoporum ac Metropolitanarum juri competeabant: ac propterea confessus, aliquot saltem limitationes, seu reservationes facultatum Episcopaliū aut Metropolitanarum juxta de causa inductæ, initio fuisse laudabiles; cum tamen non semper eadem juxta causa suppetat, sed quod initio erat utile, postea ob abusus factum sit (1) perniciosum; ad vetus jus redeundum aliquando esse contendit; & si non statim omnia simul tollere liceat, paullatim, quoad fieri possit, agendum cum Barthelio monuit. Si autem jus novum jam probatum ac receptum usu non est jus falsum, sed verum;

Num veteris disciplinæ restitutio facienda ob tollendos abusus.

c. 9. §. 17. n. 3.
c. 3. pag. 126.
col. 1.

cur

(1) Hæc sensu cap. 4. §. 4. n. 6. tom. 2. pag. 63. ait: *Exemptiones tolli debere, quæ quavis forte ab initio laudabiles fuerint; attamen propter suam generalitatem deinde factæ sunt perniciose &c.*

eur necesse erit illud absolute tollere, & ad antiquorum canonum normam omnia revocare? Si abusus absolute sunt extirpandi, qui præsertim circa jus divinum ac naturale in disciplinæ quoque materiis nonnumquam inveniuntur impliciti, uti simonia in ordinibus, in dispensationibus, aut beneficiis, violatio votorum &c. num. Apostolicæ sedis adimendum erit jus verum, quo legitime fruitur, licet ex ipso jure abusus nulla ratione proveniant, sed ex vitio abutentium, quod ad jus referendum non est, ut explicavimus c. 4. n.6. & seqq.? Num antiquum jus, seu juris exercitium Episcopis restituendum supra eos ex. gr. qui nunc sunt exempti ab Episcopis, licet etiam sub istis pares aut majores quoque abusus olim inoleverint, ut patet ex iis quos in monachis sui temporis non exemptis refert atque coarguit Ratherius in libro *Confessionis*, & in *Præloquis*? Quis caveat de abusibus restituto Episcopis ac Metropolitibus antiquo facultatum exercitio ac jure? Nonne obabus, qui sub ipsis irrepserunt & invalescebant, aliquot facultatum limitationes aut restrictiones utiles vel necessarie habitæ sunt? Quando sub iisdem abusus sunt metuendi, quis apte probare potest vero Pontificio juri jamdiu vigenti & confirmato Pontifices debere cedere & expoliari, ut in integrum restituantur Episcopi, sub quibus æquales vel majores etiam abusus aliquando timeri queant?

2. Quid porro si revocari non possit antiqua canonum disciplina, quin ex restitutione in integrum majora scandala & scissuræ gravissimæ prudenter timeantur? Ad ædificationem & bonum Ecclesiæ pertinent non solum illa, quibus utilitati vel necessitati ejusdem prospicitur, verum etiam illa, quibus malum impediatur, & grave aliquod scandalum, quod ex usu quantumvis per se bono vel etiam meliori potestatis metuendum esset. Cavere enim a malo species boni est; & ad bonum Ecclesiæ referendum, si non procuraretur aliquod bonum, quod sine majori damno obtineri non potest. Hocce principium a sanctis quoque viris approbatum, & in praxi etiam receptum sæpissime legimus. Hac de causa S. Augustinus relaxandum censuit coercionis rigorem, cum scissuræ & scandala majora timebantur. *In ejusmodi causis, inquit, ubi per graves dissensionum scissuras non hujus aut illius boninis est periculum, sed*

Ad bonum
Ecclesiæ re-
ferunt scan-
dala. impedi-
re.

Epist. 189.
ad Bonif.
Comitem n.
45.

sed populorum strages jacent, detrahendum est aliquid severitati, ut majoribus malis sanandis caritas sincera subveniat. Idem pariter Sanctus cum aliis Africanis Donatistas Episcopos & clericos redeuntes ad unitatem Ecclesie in suis gradibus recipiendos putavit, ne rigore discipline conversioni eorum obex apponeretur, & cum maximo non tam ipsorum, quam aliorum periculo confirmarentur in schismate. Eandem rationem praximque præclare exposuit Ivo (2) Carnotensis epist. 189. *Novimus enim, quia necessaria dispensationis modus nulli umquam sapientium displicuit, quam non solum privata leges, quibus nec fidei veritati, nec morum honestati consulitur, sed etiam leges generales contra hæreticos vel sceleratos promulgatae admittunt, quando majoribus morbis sanandis, vel majoribus malis amovendis melius subvenis moderatio sinceræ caritatis, quam rigor indiscretæ severitatis.* Et epist. 234. approbans dispensationem, quæ tamen non obsit fidei, nec bonis moribus, hanc generalem regulam statuit: *Ibi dispensatio admittenda est, ubi rigor periculosus est.* In prologo ad Decretum, seu collectionem canonum, cum istorum executionem & observantiam commendat, Augustini testimonia recitat ex libris contra epistolam Parmeniani, quibus declaravit iis Christianis, qui anathemate digni sunt, non parcendum, ubi periculum schismatis nullum est. Quando nimirum (ut explicat paullo post) *cujusque crimen notum est, & omnibus execrabile apparet, ut vel nullos prorsus, vel non tales habeat defensores, per quos possit schisma contingere.* Secus vero schisma uti majus malum prudenti reconomia vitandum pronunciat. Hac dispensatione S. Irenæus suavit Victor Pontifici, ut abstineret ab excommunicatione Asianorum, qui in celebrando die paschatis a Romanorum consuetudine

Aug. l. 3. c. 10
Parmen. n.
19.

(2) Hanc sententiam totidem fere verbis excepisse videtur Ivo ex epist. S. Cyrilli ad Genadium, qua metu majoris mali non recedendum credidit a communione Juvenalis Hieroso-

lymitani, qui jus sibi incompetens in Palæstinæ provincias arrogasset. Hæc epistola inserta est actioni I. Concilii Nicæni II.

ne diffidebant; & S. Dionysius Alexandrinus auctor fuit Stephano Papæ, ne excommunicaret Africanos atque Asianos, qui redeuntes ab hæresi baptizandos putabant, dum hæc materies in maxima quæstione versaretur. Vide quæ hac de re pluribus egi in libro *De vi & ratione primatus* c. 13. n. 53. p. 163. & p. 169. not. 1. In ipsis generalibus Conciliis eadem moderatio adhibita, cum quæstiones ebullirent, & acerbiorum dissensionum periculum ex definitione seu anathematibus timeretur. Confer ibidem pag. 198. not. 1. Plura in hanc rem asserre non est necesse.

Num ex nro
revocandæ
veteris disci-
pline nihil
scandalorum
timeandum.

3 Hoc autem ex principio quis non intelligit quam perperam suo in opere contendat Febronius restituendam antiquorum canonum disciplinam? Ob hanc restitutionem nonne abolenda penitus essent privilegia exemptionum insignium Capitulorum & Regularium, quæ non exiguum diceceson portionem subtraxerunt Episcopis, rescindenda Concordata, quibus Principibus concessa fuerunt nonnulla olim Episcoporum aut Metropolitaram propria, aliæque pervulgatæ consuetudines essent mutandæ, quæ cum antiquorum jurium Episcopaliū aut Metropolitancorum detrimento a pluribus sæculis obtinent, nec sine multorum offensione mutari queunt? Hæc si absque magno scissurarum periculo fieri non possunt, quis in Ecclesiæ ædificationem Febronii consilium cedere existimet, & non potius in destructionem? De materia disciplinæ agitur, quæ nec divino nec naturali jure præscripta, pro locorum ac temporum varietate mutari potuit; & quandoquidem nihil per se divino ac naturali jure illicitum est, nihilque Christianæ rei interest, utrum quædam facultates a Papa suisve delegatis aut ejus privilegio, an ab Episcopis jure proprio exerceantur; quis damnare audeat Pontifices, si jus suum tot sæculorum consuetudine roboratum prosequi velint, eoque saltem nomine nolint quicquam immutari, ne dissensiones & perturbationes non leves in boni publici damnum excitentur? Hac mente optimi Pontifices in Sanctorum quoque album relati, qui ab omni monarchico dominatu alienissimi, ædificationi Ecclesiæ pro viribus studebant, nec non Cardinales & Episcopi sanctitatem morum & zelo disciplinæ commendatissimi, qui ipsis Pontificibus aderant, ut S. Carolus, a restituendo Episcopis & Metropolitans antiquæ facultatum usu,

usu, de quo aliquando non levis fuit disputatio, abstinentiam duxere. Horum auctoritas, rationibus jam allatis ful-
ta, majorem apud me auctoritatem habet, & apud omnes
æquos rerum æstimatores habere debet, quam quæcumque
a Febonio fallacissimis sui systematis principiis ducto in-
geruntur.

4. Esto quædam in Apostolicæ sedis jus aliquatenus ve-
nerint Episcoporum aut Metropolitaram cessione, ac tan-
tæ auctoritatis obsequio; nonne ex Orientalium cessione
atque consensu Constantinopolitanæ sedi nullo per se jure
in alienis diocæsisbus fungenti tributa fuerunt ea, quæ cum
postea sensim obtinuerint, jus quoddam legitimum pepere-
runt, quod nec summi Pontifices, nec Occidentalis Ec-
clesia Constantinopolitanis redeuntibus ad unitatem re-
scindendum judicarunt? Quidni idem saltem censetur de
Episcopalibus ac Metropolitæ juribus simili cessione &
consensu reservatis sedi Apostolicæ, quæ jure primatus om-
nibus Episcopis & Metropolitæ ita præsidet, ut si ea jura si-
bi potuisset reservare in ædificationem Ecclesiæ, multo ju-
stius possit iisdem juribus uti, eorumque cessionem recu-
sare, dum id in perturbationes & scandala cessurum cre-
ditur?

5. Neque dicat quispîam, antiquorum canonum disci-
plinam, qua Episcopi & Metropolitæ suis facultatibus li-
berrime utebantur, meliorem esse quam novam, & ad
abusum pericula avertenda magis idoneam. Non enim quod
per se melius est, obligat semper; nec in comparatione
majoris mali, quod in eo procurando vel exigendo timea-
tur, melius & opportunum credi potest. Hac in re S.
Paulli verba expendenda, quibus de incontinentia, de nu-
ptiis, & de celibatu loquitur. Celibatum meliorem esse
quam nuptias indicat scribens, *Melius est si sic permanserit*.
Nuptias licet non meliores celibatu, præ incontinentia
tamen meliores vocavit: *Melius est nubere quam uri*.
Incontinentiam autem & fornicationem uti divina ac
naturali lege prohibitas absolute vitandas pluribus in lo-
cis tradit. Disciplina veterum canonum sit melior, ut li-
bet: at si ob ejus restitutionem disciplina posterius inve-
cta, quæ per se mala non est, sit abolenda; hinc autem
scissuræ, & graviora mala impendant; melius in his cir-
cum-

Vetus disci-
plina est mel-
lior, nō ideo
obligat.

cumstantiis erit retinere disciplinam novam, quam cum tanto periculo in restitutionem disciplinæ veteris incumbere. Quid in solis capitibus, quæ ad Episcoporum & Metropolitaram jura in pristinum revocanda pertinent, Febronius insistit; pro aliis autem plurimis antiquæ disciplinæ capitibus, quæ sane melior erat, restituendis nihil laborat? Sola pro Episcopis ac Metropolitæ cura eum afficit, quasi istorum potestas in ipsorum gratiam, & non potius in Ecclesiæ bonum instituta, omnino restituenda sit; etiamsi bonum Ecclesiæ postulet, ne summi Pontifices in eandem restitutionem tanto cum scissurarum atque perturbationum periculo connitantur.

6 Id autem multo magis dicendum, si ob restituendam veterem disciplinam ea media adhibenda essent a Febronio proposita, etiam dum in certissima potestatis Pontificiæ offensam & contemptum redirent, cederentque non in ædificationem, sed in destructionem Ecclesiæ, cui eam potestatem factam testam servari necessarium est. His de mediis capite sequenti.



CAPUT VII.

Media, quæ in restitutionem disciplinæ veteris a Febronio proponuntur, quantam Pontificiæ auctoritati offensionem præferant.

CUM quis iniuste gravatur, nisi potest ut se subducatur a gravamine, si duæ conditiones concurrant. Prima si gravamen injustum sit; secunda si mediis licitis utatur. Febronius in presenti perperam præsumit injusta gravamina, quæcumque Romani Pontifices in usu & exercitio Episcopaliū facultatum restrinxerunt vel reservarunt contra antiquorum canonum normam, in quibus verum & genuinum jus situm judicans, injustum censet quidquid contra ipsos actum est, & ita injustum, ut nullo possessionis, cessionis, aut præscriptionis nomine possit vindicari. Cum vero eæ summorum Pontificum potestas in limitandis aut reservandis iusta de causa Episcoporum facultatibus in præmissis capitibus legitima fuerit probata, & non solum a Gersone, aliisque Gallicanis adversariis concessa, sed aliquatenus etiam ab eodem Febronio, qui solos abusus potestatis, non autem ipsam Pontificiam potestatem se se impetere professus, & Romanos Præfules Episcopales facultates quoad usum & exercitium posse & potuisse moderari aut reservare negare non potuit; cumque novum jus, quod in hisce limitationibus aut reservationibus jam a pluribus sæculis vigens, & a conciliis etiam generalibus receptum juris falsi ac spurii nomine notari nequaquam possit; injusta profecto gravamina dici nequeant, quæ illi in Episcoporum aut Metropolitaram facultatibus limitantur aut reservantur æ-

Conditiones, quibus interior potest reniti, ne a superiore gravetur.

Nam gravamine injusta Episcopis imposita.

qua de causa, nec ob procurandam restitutionem ad normam veteris disciplinæ, veluti pro injusto gravamine repellendo, seu pro juribus Episcopalibus aut Metropoliticiis injuste limitatis seu reservatis iusta Episcopis aut Metropoliticiis actio competere dici potest.

Quatenus licet
secret produ-
cere restitu-
tionem veteris discipli-
næ.

De mediis
procurande
restitutionis.

Rom. 13. 2.

2 Præsumpta vero in summis Pontificibus limitatio-
num atque restitutionum legitima, quam probavimus, po-
testate, non negaverim licere procurare restitutionem, qua-
tenus bono publico expediat, & non amor proprius, nec
superbiæ aut contentionis spiritus debite subordinationis im-
paciens, sed disciplinæ, & abusu impediendorum zelus
moveat; at videndum num media, quibus utendum cre-
datur, licita & moderata sint, qualia inferioribus cum su-
periore agentibus congruant, ne legitimæ potestati sine de-
bito moderamine resistentes, ipsi potestati offensionem pa-
riant, & resistentia exorbitans in ipsius potestatis con-
temptum recidat. Li enim eam culpam contraherent, quam
detestatur Apostolus: *Qui resistit potestati, Dei ordinationi
resistit: qui autem resistunt, ipsi sibi damnationem acqui-
runt.* Media autem licita essent, rationes sui juris & (1)
canones seu decreta, quibus idem jus fulcitur, proponere;
abusus, qui irrepserunt, vel adhuc supersunt, quibus com-
pescendis ea restitutio utilis vel necessaria credatur, demon-
strare; patrocinia etiam (non tamen violenta) interpo-
nere, & alia ejusmodi, quæ boni publici scopum unice in-
tendant. Mediis quidem ejusmodi, non autem iis quæ ex
Febronio paullo post memorabimus, usi sunt Africani, cum
appellationibus interiorum clericorum ad Apostolicam se-
dem, in incitiis tamen, non post ipsius sedis possessionem
plurimum sæculorum, conciliorum etiam decretis comproba-
tam

(1) Canones conciliorum et-
iam particularium ingerere
prodesse potest, non quod cre-
datur Pontificia auctoritas sub-
esse quoque particularibus syn-
odis, sed quia disciplinæ ca-
nonibus firmatæ, uluque re-

ceptæ derogare sine gravi ac-
legitima causa cedere solet in
perturbationem & scandalum,
quod altiori, idest naturali ju-
re, cui Pontifices subsumunt,
vitandum est.

m resistunt, ut explicavimus in Observationibus ad Dissertationem V. Quenelli tom. 2. nostræ Venetæ editionis Operum S. Leonis part. 1. c. 6. n. 30. pag. 971. His quoque mediis S. Bernardus impediendas seu abrogandas curavit exemptiones nimium faciles, ut ne in ipsis concedendis potestatem Pontificiam negaret. Vide easdem Observationes c. 7. n. 5. pag. 979. Idem de his dicendum est, ac de præceptis, quæ a legitimis superioribus ex sua potestate feruntur. Certa divina & naturalis lex est, superiori legitimo præcipienti esse obediendum, nisi præcipiat id quod divina aut naturali lege vetitum est; aut vetet quod divina naturalis lege præcipitur: tunc enim (uti legitur in Act. Apost. c. 5. v. 29.) *obedire oportet Deo magis quam hominibus*. Adeo vero superiori legitimo debetur obedientia, ut, vel in dubio ex. gr. num quod præcipit liceat, ab inferiori præsumendum sit licitum, ne is incompetens sibi iudicium ferat de superiore, qui rationem suarum actionum redditurus est Deo, & idcirco præstandam ipsi esse obedientiam, cum (2) certum obedientiæ præceptum in dubio prævaleat, sancti quoque viri tradiderunt; nec eorum proserva doctrina audienda, qui dum hanc *cæcam* (uti vocant) *obedientiam* ipsis quoque Apostolicæ sedis dogmaticis definitionibus præstandam rejiciunt, debitam fidem unitatem cum sedis Apostolicæ fide impedire nituntur eo nomine, quod illas errori obnoxias existiment, quorum hypotheseum falsissimam refellimus in libro *De vi primatus* cap. 15.

De obedientia superiori-
bus præstan-
da.

Quid in dubio.

3 Neque

(2) Hæc regula est inter omnes Theologiæ Doctores communis in casibus conscientiæ, uti appellant, *perplexa*, ubi duo præcepta pugnare videntur; quorum alterum si certum sit, alterum dubium, certum incerto & dubio prævalere affirmant: veluti accidit in dubio de iustitia belli quoad milites, qui ex fidelitate parere Principi debent, vel in aliis casibus, quoad subditos, quibus dubium incidat de eo, quod a legitimo superiore præcipitur.

Febronii
nem de ne-
cessitate resti-
tutionis ex
abusibus.

2. 2. pag. 67.

3 Neque Febronius reponat, se, qui solos abusus potestatis, non autem ipsam Apostolicam potestatem carpit, eorum abusu, qui supersunt, perturbatione commoveri, adeo ut nonnullibi falsus sit, limitationes seu reservationes ea potestate factas potuisse quidem initio esse laudabiles, quia scilicet vel utiles vel necessarie in Ecclesiæ bonum optimo consilio & legitime inductæ fuerunt; ac cum processu temporis & suboris abusibus perniciosæ factæ sint, hac de causa illas perpetuas esse non posse, ac proinde Episcopales ac Metropoliticas facultates ad antiquam disciplinam esse revocandas, cum in destructionem cedat, quod initio in ædificationem fuit. Hæc ejus sententia palam elicitur ex c. 8. §. 4. n. 6. ubi de exemptionibus loquens, affirmat eas tolli debere, quæ quamvis forte ab initio laudabiles fuerint; tamen propter suam generalitatem deinde factæ sunt perniciosæ, ex quo subvertunt subordinationem a Patribus in Ecclesia stabilitam. (Numa subordinatio summis Pontificibus ex primatu debita, & a Deo instituta subvertenda esset, de qua alibi diximus?) Huc quoque ea Febronii verba pertinent, quibus in epistola nuncupatoria ad Episcopos scribens, questionem præsentem ab iisdem pendendam sic proponit: *Num Ecclesiæ realis utilitas postulet, ut iis juribus, quibus totius potestatis Ecclesiastice Auctor ad opus suum perficiendum vos investivit, perita & SEMPER careatis.* Semper, inquit, eo quod Episcoporum facultatum limitatio vel reservatio, etiam si initio utilis atque laudabilis, quamdiu in bonum publicum cederet, non tamen semper, eo quod non semper in bonum, sed ob inductos abusus in destructionem conversa, retractanda videtur. Si de exemptionibus, quarum ille eo loco meminit, loquendum sit, Ecclesiæ quidem per se se nihil interest, utrum monachi ex. gr. locorum Episcopis, an summo Pontifici immediate subiciantur, dummodo ad instituti sui normam regantur. Abusus autem qui ex eorumdem monachorum vitio irreperunt, & scandala spargunt, nescio, utrum sub Episcoporum immediato regimine tollerentur, aut minores fierent, ut patet ex illis, quos in monachis sui temporis, quo Episcopis suberant, detestatur RATHERIUS in libris *Præloquiorum & Confessionis*. Remedium delegationis Apostolicæ a Tridentino adhibitum sine præjudicio.

dicio Pontificii juris, si pro omnibus abusibus abolendis aut præcavendis non videatur sufficere, aliis atque aliis remediis a sede Apostolica identidem appositis aut apponendis providendum erit, ut ne tamen culpa in Apostolicam sedem rejiciatur, nec credatur universim tollendas esse exemptiones, nec jus antiquum in exemptos Episcopis restituendum esse omnino, si præsertim in procuranda violenti hujusmodi restitutione majora mala & scandala timeri possint; quod idem de aliis quoque capitibus sedi Apostolicæ reservatis, aut de aliis Episcoporum facultatibus limitatis præcedenti capite diximus.

4 Nunc de mediis, quæ ad hanc restitutionem Febrius capite nono suggerit, nec reprobanda prorsus essent, si intacta Pontificia potestate solis abusibus sanandis providerent. At ea sunt ejusmodi, ut non solum cum jure Pontificio haudquaquam convenient; sed illud evertant potius, atque in contemptum adducant; quod non in bonum (ut ille sibi persuasit) sed in maximum Ecclesiæ damnum reddit. Ne in singulis mediis ab eo propositis pluribus distinear, sufficiat ad calculos revocare potiora, quæ Apostolicæ auctoritati majorem offensionem inferre videntur. Instructio populi, qua omnibus explicentur cujusque potestatis fines, cum in Febroniano systemate debeat ostendere, quantum Romani Pontifices sibi usurpaverint falso jure invasæ Episcoporum & Metropolitæ facultatibus; quis non videat quanto contemptui exponat Apostolicam auctoritatem, si præsertim nigris coloribus & sine justis vindictis quædam facta, & principia quædam exorbitantia a nonnullis incautis scriptoribus, seu aulicis adulatores asserta populo proponantur?

5 Medium generalis concilii liberi, quod posset esse utilissimum, si Episcopi conjunctis cum Pontifice studiis in reformationem disciplinæ incumberent; in Febronii systemate, quo Pontificiæ auctoritati superior prætenditur auctoritas concilii œcumenici, nonne legitimo Pontificum Romanorum juri, quod antecedenti opere jam constitimus, nimium multum detrahit, multisque dissensionibus, vel etiam schismatibus aditum aperit?

6 Multo autem minus utilia essent concilia nationalia,

De mediis
procuranda
restitutionis
a Febronio
propositis.
De instructio-
ne populi.

De concilio
generali.

De conciliis
nationalibus.

ia, quæ (3) multo minus jurisdictionem habent in Papam; nec condere possent decreta, quibus contra Pontificium jus, & diuturnam possessionem antiquum jus seu Episcopatum facultatum usus ac exercitium restitueretur, nisi Papa assentiente seu confirmante ederentur. Quis vero id speret faciendum ex systemate, quod Apostolicam confirmationem aut assensum vel generalium synodorum decretis necessarium inficiatur? Quod porro hac occasione statuit Febronius, posse in ejusmodi synodis nationalibus subtrahi obedientiam, quam injuriosum est? Subtrahere enim obedientiam a Summo Pontifice nonne est subordinationem capiti debitam tollere? In casu schismatis pertinacissimi, quo duo vel plures se se gererent tamquam Pontifices, ad abolendum schisma medium subtractionis obedientiæ licitum credi potuit ab iis, qui nullum ex competitoribus verum certumque Pontificem credebant. A vero autem certoque Pontifice obedientiam subtrahere, quis unquam licitum docuit? In concilio Viennensi anni 1113. cum de tollendo privilegio investiturarum per vim extorto, quod magnum in Ecclesia scandalum pepererat, Episcopi minati sunt Paschali II. se repulsum iri ab obedientia, nisi confirmaret decreta, quibus privilegium extorzarum irritum declaraverant. Hæ solæ minæ fuerunt, ut arbitrator, non vero certum absolutumque consilium. Nihilo tamen minus Ivo Episcopus Carnotensis id probare non potuit; & Natalis Alexander Ivonem laudans, ejus synodi Episcopos in eo peccasse non dubitat, quod Romano Pontifici minas intendant, se ab ejus OBEDIENTIA recessuros, nisi statuta confirmaret: quod pessimi sane exempli est.

Subtrahit obedientiam.

Differt. 4.
in sec. xii.
art. 11.

7 Perniciosissimum omnium est illud remedium, quo resistentibus auctoritati Pontificiæ in restitutionem disciplinæ antiquæ suadet Febronius haud esse metuendas censuras, quibus illa suam possessionem rueri vellet. Hac de re antequam

(3) Nullum scilicet concilium particulare jus habere in Papam ratione primatus ex doctrinâ Constantiensis synodi alibi probatum est. Vide præfat. in lib. *De potest. Eccles.*

tequam dico, pauca quædam animadvertenda sunt circa aliam thesim ab eo propositam c. 1. §. 4. quæ ad eximendum excommunicationum metum conferre posse videtur. En ipsius thesims verba: *Antiqua ratio excommunicandi, ejusque jus non erant effectus jurisdictionis respectu excommunicati*. Sicuti olim concedebatur communicatio recipiendo alios etiam non subditos in communionem; ita excommunicatio, quæ communioni opponitur, re ipsa nihil erat aliud nisi aliquem a sua communione excludere: quod cum fieri posset etiam in eos, qui subditi non sunt, & in quos nulla est proprie dicta jurisdictio; hinc excommunicationem non esse effectum jurisdictionis Febronius scripsit. Tunc videlicet tantum ab Episcopis actum jurisdictionis proprie dictæ excommunicando exerceri præsumit, cum aliquem subditum a sua communione repellunt, non vero cum in alienos sententiam ferunt. Ita porro Febronius ex falso sui systematis principio Romano Pontifici subditos negat, qui aliis Episcopis subditiuntur: quod evertit ipsam primatus naturam, qua idem Pontifex jure divino & jurisdictione proprie dicta tamquam summus pastor præsidet singulis & omnibus tum Episcopis tum ovibus gregis dominici. Excommunicandi jus, in potestate ligandi fundatum, est jus separandi a communione & unitate Ecclesiæ, ita ut excommunicatus veluti præcisus ab Ecclesiæ corpore, habendus sit tamquam Ethnicus & publicanus. Notanda autem hac in re distinctio inter Romani Pontificis, & aliorum Episcoporum excommunicationes. Cum ille, qui in omnes & singulos catholicos jus habet, aliquem excommunicatione & anathemate plectit; cum non solum a sua & Romane particularis Ecclesiæ communione ejicit, verum etiam præcidit & ejicit a communione & unitate totius Ecclesiæ catholicæ, quæ ipsi tamquam capiti, & catholicæ communionis centro adhæret, & adhærere debet jure primatus; nec fieri potest ut quispiam ab eo præcisus non sit etiam præcisus ab ipsa Ecclesia, quæ eidem communionis centro ex institutione Christi immobiliter adhærescit. Cum vero alii Episcopi aliquem excommunicant, tum solum hunc præcidunt ab Ecclesiæ corpore, cum ipsi Romano Pontifici catholicæ communionis centro adhærentes, in unitate Ecclesiæ permanent, non vero cum separati ab eo capite

Num excommunicatio aliena: do non sit actus jurisdictionis. s. c. 1. pag. 83.

Distinctio inter excommunicationes latas a Papa aut ab aliis Episcopis.

& centro communionis catholicæ, separati sunt ab Ecclesia, extra quam iurisdicctio nemini competit. Hinc *iura communionis* ab unitate cum Sede Apostolica *dimanare* (4) S. Ambrosius cum Aquilejensi synodo docuit: & excommunicationes ab aliis Episcopis latæ, irritæ censentur, cum eos, qui ab aliquo etiam majorum Sedium Antistitæ excommunicati fuerunt, suæ communionis participes, sibi que unitos tenet Apostolica Sedes, ut ex Constituto Vigiliæ monuimus in libro *De primatu* c. 11. n. 3. ubi etiam rejecimus, quod ex Firmiliano protulit Febronius, & alia atque alia in confirmationem adduximus. Juce proinde (5) S. Cyrillus metuendum sibi affirmavit, ne a Sedis ejusdem communionem præcederet; & e contra jure pariter S. Celestinus non timeudas dixit aliorum Episcoporum sententias, si ab ipsis excommunicati vel depositi, in *Apostolicæ Sedis communionem permaneant*. Confer dicta in eodem opere c. 13. n. 60. pag. 178. nec non illa quæ disserui in ejusdem operis Appendice, ubi explicavi, cur, & quibus in circumstantiis absque sanctitatis præjudicio nonnulli Aca- ciani schismatis tempore obierint sine communionem Apostolica, a qua non suo virio, sed aliunde impediabantur.

8 Ex his facile evertitur, quod Febronius ingerit de non metuendis Romanorum Pontificum censuris, quibus ii, qui antiquæ disciplinæ restitutioni obstitunt suam possessionem rueri vellent. Non negat, immo fatetur aperte (ut mox videbimus) necessitatem unitatis & communionis cum Sede Apostolica: perperam vero distinguendam putat Romanam Sedem a præsidente Summo Pontifice, quam distinctionem omnino inanem & rejiciendam pluribus constitui in memorato libro *De primatu* c. 14. §. 8. n. 23. & sequentibus a pag. 241. usque ad pag. 246. Multo autem ineptior est in re præsentis distinctio inter Papam & Curiam Romanam, cum excommunicatio non a Curia, sed a Romano

mani .

(4) Textum dedi lib. *De* scripsimus & explicavimus ibi.
primat. c. 13. n. 27. pag. 127. dem cap. 13. num. 57. pag.

(5) Hujus Sancti verba de 175.

mani Pontificis auctoritate vim habeat. Neque vero minus incongrua eorum est excusatio, qui se eo nomine tutos existimant, propterea quod se non separaverint a Romana communione, sed Papa eos separaverit. Hanc inanimissimam excusationem, quam in ejusdem libri Appendice refutavi n. 7. pag. 333. certe S. Innocentius L. ne cogitavit quidem. Cum enim is Orientalibus S. Joanni Chrysostomo-antea infensus, & a se primum excommunicatis, postea vero data idonea satisfactione restitutionem petentibus eandem concessit hac ratione allata, *ne diu membra, quæ requisierint sanitatem, ab unitate corporis habeantur aliena*; nonne eos ab Ecclesiæ corpore judicavit præfisos, licet non ipsi se separarint a communione cum Papa, sed Papa ipsos a sua communione segregasset?

9 Quam necessaria sit cum hoc catholicæ communionis centro communio & unitas jure primatus ipsius proprio, ut in tota Ecclesia unitas conservetur, & schismaticis subtrahatur occasio; omnium catholicorum, & Gallicanorum quoque consensu probatum fuit in allegato opere *De primatu* c. II. §. I. Febronius itidem idipsum inficari non ausus, eam, quæ * loco memorato scripsit, non eo sensu accipienda affirmat, *quasi non querenda, aut omni studio servanda sit communio cum ipso Papa sedente*; at mox id restringit hac conditione: *Et illa utique cum hoc habenda (communio) tum scilicet quamdiu Spiritum Sanctum Sedis & Ecclesiæ ejus sectatur*; secus vero *cum a doctrina & a genuina Ecclesiæ disciplina* (antiquis canonibus constituta) *se separaret*: perinde ac si tunc communicatio cum ipso catholicæ communionis centro necessaria non sit, & excommunicationes ejusdem tunc tamquam certo & palam injustæ non sint metuendæ, ipsique adhuc resisti queat in restitutionem disciplinæ absque periculo schismatis. Exempla Asianorum, qui non fuerunt schismatici, licet pro sua disciplina conservanda in celebrando die paschali restiterint Victori Papæ, quasi is in eos excommunicationem tulerit, nec revocaverit; & similiter exempla S. Cypriani & aliorum Africanorum atque Cappadocum, qui restiterunt Stephano Pontifici in questione de baptismo, quasi is quoque eos actuali excommunicatione ab unitate præcidisset, inutilia sunt, cum falsa vel saltem in-

De necessitate communionis cum Sede Apostolica.

* c. 9. §. 7. r. 2. pag. 103.

certa nitantur hypothesi. Falsa quidem quoad Stephanum, quem in Cyprianum ceterosque Africanos atque Cappadoces actualem excommunicationem, quam minatus fuerat, haudquaquam tulisse satis probasse mihi videor in libro *De primatu* c. 13. n. 53. Falsa vero aut saltem incerta quoad Victorem Papam, qui in quaestione de die paschalis S. Irenæo agente vel non excommunicavit Asianos, ut Valefius aliique contendunt; vel, si excommunicavit, ita mox communionem restituit, ut a communionis unitate *aliquando discessum* fuisse S. Cypriani tempore non recoletur, quem admodum ex Firmiliani litteris collegit P. Cōstantius in Victorem num. 7. Auctoritas Basileensium, qui Eugenium certum Pontificem deferentes in apertum schisma proruperunt, Febronio nihilum prodest, & multo minus ratio, qua iidem Basileenses schismatis notam diluturi, scissuræ causam in Eugenium dissolutionem concilii decernentem rejecerunt; cum ex celebri S. Augustini sententia præcendendæ unitatis & schismatis conficiendæ nulla sit iusta necessitas & ratio, nec schisma proprie dictum cadere queat in Papam qui (6) aliquos a sua communione segregat, sed in eos quæ a Papa communionis centro se dividunt.

10 Fortius videtur illud, quod e ratione Febronius profert, nimirum haud metuendas esse censuras, vel excommunicationem, cum iniusta est, testante Augustino: * *Si quisquam fidelium fueris anathematatus injuste, ei potius ob-eris, qui faciet, quam ei qui hanc patietur injuriam.* Injustam autem censuram, atque excommunicationem esse existimat illam, qua Papa Episcopalia (aut metropolitica- rum) prerogativarum debitam restitutionem impedire nitere- tur. Hæc vero ratio ut vim haberet, vide, quam mul- ta pro-

* *Fragment.*
ep. 150. p.
2. col. 879.
De censuris
injustis.

(6) *Aliquos*, inquam. Si enim Papa a sua communione segregaret omnes, vel fere omnes catholicos, & idcirco se separaret ab Ecclesia catho-lica (quod nulli saltem certo Pontifici contigit), tunc Ec-

clesiæ ipsius caput, & commu-
nionis centrum esse desineret,
decideretque a Pontificatu, qui
in sola Ecclesia catholica ex
Christi promissis numquam de-
fectura inveniri potest.

ta probanda essent omnino certa, quæ tamen nec probavit, nec probare potuit Febronius: ex præmissis autem in hisce *Vindiciis* patere arbitror omnia potius esse penitus falsa. Probandum scilicet esset, Quid probandum, ut in casu censuræ probarentur ipsæ.

I. Summis Pontificibus jus nullum esse in limitandis, sive reservandis quibusdam Episcoporum facultatibus, quæ licet in origine Episcopis competant jure divino, quoad usum tamen & exercitium in bonum Ecclesiæ subordinatæ sunt jurisdictioni Summorum Pontificum, & eatenus pertinent ad disciplinam, quam Christus Ecclesiasticæ auctoritati disponendam reliquit.

II. Eisdem Pontifices, cum eas facultates limitarunt aut reservarunt, quæ ex antiqua disciplina competeabant Episcopis, nulla ratione quantumvis iusta potuisse eidem disciplinæ derogare, & novam inducere, quasi disciplina antiqua mutatis licet circumstantiis locorum vel temporum immutabilis sit; Pontificum autem suprema potestas ita subsit auctoritati antiquorum non tam generalium, quam particularium synodorum, in quibus veteris disciplinæ canones fuerunt conditi, ut nulla iusta de causa poterint aliter disponere, & constituere.

III. In materia ejusmodi facultatum Episcopaliū, quæ quoad istarum usum & exercitium est materia mutabilis disciplinæ, nullam vim habere potuisse Episcoporum cessionem, aut consuetudinem, nullam item vim deduci posse ex præscriptione, nullam ex ipsis nedum particularibus, sed neque ex generalibus conciliis, quæ a multis sæculis hanc disciplinam receperunt, ac ex ea canones edidere.

IV. Pseudo-Isidori decretales, quæ supposititiæ sunt, totam vel potiorem causam dedisse mutandæ ac inducendæ novæ disciplinæ; hanc autem, quæ a pluribus sæculis viget, etsi confirmatam non solum consuetudine diuturna, sed etiam conciliorum approbatione, & decretis eidem coherentibus, non constituere legitimum jus, quod jure servari, defendi, & vindicari possit.

V. Abusus, qui in hac disciplina offensionem pariunt, ipsi novo juri, & non potius vitio abutentium esse tribuendos, nec posse illis remedium apponi nisi restituendo Episcopis ac Metropolitibus antiquum suarum facultatum

exerc-

exercitium & usum, quasi sub iisdem pares abusus abutentium culpa nequeant induci, vel etiam majores.

VI. Pontifices etiam Sanctos ac doctos, qui hoc novum jus retinuerunt, sine justa causa & injuste retinuisse, nec antiquum Episcopatum aut metropolitancarum facultatum usum restituisse Episcopis, ac Metropolitans absque gravi injuria & culpa; etiam si id non fecerint, vel eo quod jus suum tot rationibus munitum judicaverint legitimum, vel quod in ejusmodi restitutionem majora scandala variis ex capitibus oritura, & maxime cavenda metuerent.

II Hæc omnia & ejusdem generis alia nisi Febronius vel alius quispiam apte probet; quis injustitiæ damnare potest illas censuras, quibus Pontifices suam possessionem, suumque jus vindicandum existiment? Quis eas tuta conscientia posse negligi atque contemni jure suaserit? Nemo negarit posse quempiam contra abusus præstare & urgere remedia licita: at num remedium licitum erit censurarum contemptus, qui Apostolicæ auctoritatis contemptum bono publico exitialem involvit atque inducit? Si in conflictu potestatum ac juriū, ubi res esset maxime dubia, superioris jus prævalere deberet juri inferioris, qui in usu & exercitio suarum facultatum superioris potestati naturali ac divina lege debet esse subordinatus; quanto magis id dicendum, ubi agitur de jure Summi Pontificis, cujus potestas in ferendis censuris, & in limitandis Episcoporum facultatibus certa est; nec ipsarum censurarum justitia pro vindicando eodem Pontificio jure, ejusque possessio daturna revocari potest in dubium, quin ex pertinaci resistantia & contemptu impetatur summa ejus potestas in conservationem unitatis, ac in totius Ecclesiæ bonum maxime necessaria?

n. 2. 25. 193

Febronii
sententia de
schismate
rejecta.

12 Neque hic quempiam decipiat illa Febronii propositio, qua cap. 9. §. 7. n. 8. proposita questione de schismate, num in casu excommunicationis schisma esset ex parte Papæ excommunicantis; an ex parte Episcoporum, qui Papæ resisterent; negat schisma posse adscribi Episcopis, qui de *reducenda sana disciplina*; & *moribus institutionis Christi conformibus serio cogitant, huncque in finem apta remedia in medium proponunt*; & *in usum redeunt*. Omnia falsis hypothesebus innitantur. Ubi de disciplina dispu-

disputatio est, ac de moribus pertinentibus ad disciplinam, quam Christus non instituit, sed dispositioni Ecclesie reliquit; nec antiqua neque posterior aut nova disciplina instituto Christi potest attribui: unde variare & mutari pro circumstantiis potuit, quin Christi institutio læderetur. Monarchicum regimen despoticum & arbitrium si defenderem, quo Episcoporum proprium & ordinarium jus destrueretur, id quidem pugnaret contra illam divinam institutionem, qua Episcopi a S. Spiritu positi fuerunt regere Ecclesiam Dei. Verum ejusmodi regimen non defendimus; sed Episcoporum tantummodo subordinationem supremo Hierarchæ quoad designationem diœceseos, & quoad usum ac exercitium facultatum Episcopaliū tantum, & supremam in hoc ejusdem Hierarchæ potestatem, debito tamen moderamine intra quosdam naturalis ac divini juris limites coercendam, propugnāvimus. Qui subordinationem, & potestatem ejusmodi moliuntur evertere, num *de reducenda sana disciplina & moribus instituto Christi conformibus servio cogitare dici possunt?* Num in hunc finem apta dicenda sunt remedia a Febronio producta, & hoc capite discussa? Quæ quam sint inepta, nec non injuriola etiam Apostolicæ auctoritati, hætenus dicta ita evicisse videntur, ut opus non sit diutius immorari in mediis ceteris ab eodem indicatis, quæ ex præcedentibus animadversionibus satis a quolibet judicari queunt.



CAPUT VIII.

Observationes in alia quædam Febronii loca, quæ etſi in antecedentibus prætermiſſa ſint tamquam non neceſſaria confutando illius ſyſtemati, poſſunt tamen aliquam difficultatem facere.

§. I.

Quam male ex textu Actorum c. 8. v. 14. Febronius cum Gerſone colligat, S. Petrum fuiſſe ſubditum Apoſtoliſ (ſeu Eccleſiæ) qui cum cum Joanne miſerunt Samariam.

FEBRONIUS recitato textu Actorum c. 8. v. 14. Cum audiſſent Apoſtoli, qui erant Jeruſolymis, quod recepiſſet Samaria verbum Dei, miſerunt ad eos Petrum & Joannem; hanc Gerſonis explicationem ſubjecit: *Miſerunt in Samariam Petrum & Joannem tamquam ſubditos Eccleſiæ, id eſt Apoſtolorum, qui eos in Samariam miſerant. Si ille, qui mittitur, ſubditus dicendus eſſet ejus, qui mittit; Dei Filius, qui a Patre miſſus fuit in mundum, ſubditus Patris dici deberet, quod a catholica doctrina abhorret. Adverſarii, qui vocum quæſtiones reprehendunt, & in juridiſtionis primatu, quem Petro denegari non poſſe fatentur, verba, quæ imperium, dominatum, ac typhum ſuperbiæ ſpirant, deteſtantur; voce miſerunt, quæ per ſe indiſſerens eſt, abutuntur, ut Petrum*

cap. 1. §. 4.
n. 3.

trum

trum haud dubie Apostolorum Principem jure primatus, ipsis Apostolis & Ecclesiae subditum indicent. Id profecto alienissimum fuit ab Apostolorum spiritu, qui Christi doctrina & exemplo imbuti, nihil contententes quis inter ipsos esset major vel minor, didicerunt majorem ex humilitate debere minora officia suscipere, nec ea refugere, quæ inferioribus solent convenire. Cum Apostoli Petrum & Joannem miserunt in Samariam, nec majoris nec minoris personam respiciebant, sed de conversione eorum, qui in Samaria receperant verbum Dei gaudentes, missione Petri & Joannis Apostolicam curam & sollicitudinem ad hoc perficiendum necessariam, ab aliquibus inter ipsos præstandam censuerunt; eamque Petrus licet major una cum Joanne libentissime suscepit. Velim adversarios congruentiora cogitare, præsertim de Apostolis, quos cum pares potestate esse contendunt excepto primatu, ipsa vero alienos sateri debent a judicando sibi subditum ipsorum Principem, qui primatu jurisdictionis omnibus præminebat. Istud judicium solis adversariis familiare ex eo falso principio originem ducit, quo concilium generale in eo Apostolorum conventu considerantes, jus eidem in summum Pontificem tribuunt, quod in missione Petri & Joannis ab Apostolorum mente alienissimum fuit.

§. II.

In illa Febronii c. 2. §. 3. quibus contendit Ecclesiam posse transferre primatum a Romano ad alium Episcopum.

Et si primatus Petri & successorum ejus alligatus fuit Romanæ sedi probabilius ex facto Petri, qui ibidem posremo sedem fixit, & obiit; certum tamen est eum ab ipso Christo fuisse attributum Petro & successoribus ejus, qui post ejus mortem ipsi legitime fuissent subrogati. Quam-

F f diu

diu Petrus fuit Hierosolymis, aut Antiochiæ, vel alibi; primatus eidem collatus a Christo, personæ ejus adhaesit, antequam Romæ sedem figeret. Cum autem Romæ ita fixisset, ut ibidem moreretur; primatus in eadem sede quodammodo depositus, in eos transiit, qui ei in eadem sede successerunt. Non locum aut materialem cathedram, sed successorum personam primatus sequitur tamquam ejusdem dignitatis & auctoritatis heredem. Hinc jure Bellarminus in textu, quem Febronius recitat & laudat, scripsit: *Successio ergo ipsa ex Christi instituto & jure divino est, quia Christus ipse instituit in Petro Pontificatum duraturum usque in finem mundi; ac proinde quicumque Petro succedit, a Christo accipit Pontificatum.* Extra hanc successionem Pontificatum seu primatum constituere, & transferre ad alium Episcopum, qui successor Petri non sit, contra Christi institutionem esset. Hanc vero translationem Febronius Ecclesiæ voluntati ac beneplacito tribuit ex eo principio, quo *potestatem clavium, & omnem Ecclesiasticam jurisdictionem ipsi Ecclesiæ immediate traditam autumat*; ita ut non minus electio successoris S. Petri, quam determinatio loci & Episcopi, cui primatus competat, ab ejusdem Ecclesiæ dispositione pendeat, *cuicumque demum loco Ecclesia primam Sedem affixerit*, ut loquitur cap. 9. §. 87. Num id fieri possit voluntate Pontificum, si Romanam Sedem deferentes, aliam Sedem perpetuo retinendam eligerent, in quam S. Petri successionem & primatum transferrent, non est facile decidendum. Certe cum Romana Sedes per tot sæcula in possessione sit ejusdem primatus, & series Episcoporum Romanorum semper posita sit prærogativa primatus; non expediret hanc alio transferre, ne magna in Ecclesiis gigneretur confusio. Alligatio enim primatus alicui particulari Sedi ea de causa fuit quodammodo necessaria, ne vagus incertusque esset Summi Pontificis locus, quo in gravissimis Ecclesiæ necessitatibus ex remotis quoque regionibus tute confugeretur. Cum autem a tot sæculis omnes Ecclesiæ agnoscant Romanam Sedem illam esse, quæ Petri successionem & primatum obtinet; non sine maxima & evidenti necessitate hanc successionem cum primatu ad aliam Sedem transferre liceret. Auctoritati autem Ecclesiæ, si Ecclesia separatim a Summo Pontifice consideretur, id
tubui

Febron. 2.
pag. 47.

tribui non potest, non solum quia Febronii hypothefim de clavibus immediate traditis Ecclesiæ alibi expunximus; verum etiam quia quacumque de causa alio transferri non posset primatus, nisi Pontifex ipse ante mortem sedem suam cum primatu sibi annexo alio transfuisset. Sede enim ejus nondum translata, ubicumque ille obiret, sive Mediolani, sive Neapoli, sive Parisiis &c. semper Romana Sedes vacaret, & qui in demorui locum esset electus, is non Mediolanensis, non Neapolitanus, non Parisienſis, sed Romanus Episcopus esset S. Petri successor, in quem ex institutione Christi, cui derogare nequit Ecclesia, primatus jure ſucceſſionis tranſiſſet. Nihil ergo ſuccenſendum erat Benedic-
Lib. 2. de
Synod. Diacon.
cap. 6. 1.
 XIV. ſi reſutandam credidit eorum opinionem, qui prædictam adnexionem primatus Romanæ Sedi factam aſſerve-
 runt *ita eſſe de jure humano, ut poſſis ab Eccleſia diſſol-
 vi, & una ab altera ſeparari.* Recte autem Febronius, cum confeſſus ſit talis tranſlationis legitimam cauſam ha-
 ctenus deſuiſſe, Chriſtumque primatus auctorem atque con-
 ſervatorem voluiſſe Romanæ Sedi ac ſucceſſioni, non ob-
 ſtantibus tot tantique viciffitudinibus, ſuam conſtare firmi-
 tatem; non dubitandum quin eodem protegente futuris quo-
 que temporibus eadem firmitas ſit conſtitura.

§. III.

*Animadverſio in verba alloquutionis S. Cypriani
 ad Patres concilii III. Carthaginenſis, & in
 commentarium a Febronio iſdem verbis ſubje-
 ctum cap. 2. §. 1. n. 1. tom. 1. pag. 71.*

Celebria ſunt illa S. Cypriani verba ad Patres concilii Carthaginenſis tertii, quibus propoſita de qua agebatur quaſtione circa baptiſma, num collatum extra Eccleſiam eſſet irritum, ait: *Supereſt ut de hac ipſa re ſinguli quid ſentiamus proferamus, neminem judicantes, aut a jure communicationis aliquem, ſi diverſum ſenſerit, amoverentes.* Ne-

F f 2 que

que enim quisquam nostrum Episcopum se esse Episcoporum constituit, aut tyrannico terrore ad obsequendi necessitatem collegas suos adigit, quando habeat omnis Episcopus pro licentia libertatis & potestatis suæ arbitrium, tamque judicari ab alio non possit, quam nec ipse potest aliterum judicare. Sed expectemus universi judicium Domini nostri Jesu Christi, qui unus & solus habet potestatem, & præponendi nos in Ecclesiæ suæ gubernatione, & de actu nostro judicandi. Et si his verbis indirecte pun gere voluisse credatur S. Stephanum Papam, qui excommunicationis minas in Africanos intenderat, nisi a sententia de irritis hæreticorum baptismo, quæ re ipsa falsa erat, recederent; cum tamen hæc verba non ad Stephanum, sed ad Africanos ejus concilii Episcopos directa fuerint, quorum nemo ex institutione Christi alii erat superior; nemo se Episcopum Episcoporum credere poterat, cui scilicet jus in alium competere. Cum vero idem S. Cyprianus Romani Pontificis primatum, seu, ut Febronius ibidem vocat, *principatum in universali Ecclesia* agnosceret; & principatum quidem *ex institutione Christi*, ut ex aliis ejusdem Martyris testimoniis explorare erui idem Febronius fateatur; hic locus æque Stephano Papæ ac aliis Africanis Episcopis aptari nequit. Romanum quidem Pontificem ob divinæ institutionis primatum seu *principatum in universali Ecclesia* adeo supra Episcopos jurisdictionem habere Cyprianus credidit, ut in causa Marciani Arelatensis ad Papam scripserit, cum auctoritate sua compri meret, atque deponendum præciperet. Quod ergo de Episcopis inter se æqualibus affirmavit Cyprianus, de Summo Pontifice interpretandum non est. Si vero de Episcopis potestate æqualibus vera est prima illa pars, quæ pronuntiavit nullum posse judicari ab alio potestatis æqualis; secunda certe pars, quæ dixit judicium ejusmodi *uni & soli Deo* esse reservatum; cum non est vera generatim de ipsis Episcopis, quos Papæ judicio subiectos idem Cyprianus agnovit, ut gesta de Marciano patefaciunt; tum vero de solo Romano Pontifice verissima est, cum ob potentiorē divinæ institutionis primatum nulli potestati Ecclesiasticæ subsit, ut suo loco probavi.

Ut au-

Ut autem intelligantur apertius recitata Cypriani verba, iuverit ejus mentem intimius inquirere & declarare. Cum sciret quanta esset apud omnes Pontificie Sedis auctoritas, quæ suæ sententiæ adversabatur; vidit in hujus patrocinium perutile futurum contraponere Stephano omnium suæ frequentissimæ synodi Episcoporum consensum, qui concitatas illius minas posset efficacius temperare, & forsitan etiam reprimere. Ne vero hic omnium consensus in suspensionem veniret; dum suffragia illorum petiit, ut hæc non favore aut metu extorta, sed omnino libera esse apud omnes constaret, eisdem initio certos facere voluit se neminem a sua communione amoturum, etiamsi contra suamet ipsius sententiam in eadem alloquutione expressam congregati Episcopi pronuntiarent. Hæc satis obvia laudati loci explicatio nonne Cyprianum, in sui defensionem tantummodo intentum, ab impetenda Apostolica auctoritate alienum præfert? Sed de Cypriani verbis & consilio satis.

Explicatio
Cypriani
mens.

Nunc addenda nonnulla de commentario Febronii, quo ex recitatis verbis manifestum fieri affirmat, S. Cyprianum licet alias primatum Romani Pontificis probe recognosceret, verumtamen imperiam & externam coactionem ab eo exclusisse. Talem scilicet hic Sanctus Martyr præterproprie ferebatur principatum Summi Pontificis in universali Ecclesia, qualem Cyprianus gerebat in Africana, qui æqualitatem & libertatem Episcoporum Africæ non infirmabat, sed jus solum dabat concilia convocandi, illisque præstendi, Coepiscopos fraterne admonendi, similiæque, quæ Romano Pontifici per totam Ecclesiam competunt, in sua Africana exercendi, eo semper salvo, quod Stephani Romani Pontificis universalis primatus sit ex institutione Christi, Cyprianus e contra humanæ ordinationis. Optime quidem his verbis latetur Febronius primatum seu principatum Summi Pontificis in universali Ecclesia ex institutione Christi. Peto autem, num primatum meri ordinis & honoris, quem hæretici & schismatici Romanis Pontificibus concedere non dubitarent, an vero etiam intelligat primatum veræ peculiaris jurisdictionis, quem vel ipsi adversarii omnes catholici eidem vindicant cum catholica Ecclesia? Si Febronius abhorrens a nomine jurisdictionis mallet uti voce

Commentarium Febronii rejedam.

Vide lib. de
vi primat.
cap. 2.

ancito.

auctoritatis, ut ibidem significat n. 2. dum re conveniamus, *inutilis*, ut ipse ait, *esset concertatio*. Cum vero Summis Pontificibus denegat verum imperium, quod *omni jurisdictioni mere tali connatum* (idest connaturale) eodem loco pronuntiat; propriæ & veræ jurisdictionis primatum denegare videtur. Diceret forsitan jurisdictionis nomen sibi displicere, quatenus imperium in subditos, & aliquem dominatum a spiritu regiminis Ecclesiastici alienum videtur adstruere, non ita vero auctoritatis vocabulum, quod convenit etiam patribus in filios, dominis in servos &c. qui tamen jurisdictione in ipsos propriè dicta non gaudent. Hoc sensu noster auctor c. 5. §. 4. n. 8. loquens de obedientia Romanis Pontificibus debita, *constare ait non omnem abedientiam supponere aut involvere ex opposito jurisdictionem*: hoc patet in *patre*, *vero*, *magistro* &c. Ita jurisdictionem propriam Pontificio primatui iterum videtur adimere, sicut & connaturale jurisdictioni imperium atque coactionem externam superiori textu negavit. Hæc tamen propositiones incaute exciderint homini, quem a catholica de primatu sententia nihilum abesse certissime judico. Neque enim crediderim ipsum reipsa velle potestati Ecclesiasticæ, quæ est potestas ligandi & solvendi, ferendi leges, præcipiendi, judicandi &c. hæc jura adimere, quæ jurisdictionis & imperii propria sunt. Hæc autem si non neget Romanorum Pontificum primatui, seu *principatui in universali Ecclesia*; non video quomodo verum imperium, & externam etiam coactionis vim pœnis, si opus sit, ac censuris Ecclesiasticis inferendam negare possit: & siquidem ipsi primatui subest *universalis Ecclesia*; noane omnes, qui sunt in Ecclesia, ipsorum spirituali regimini subditi sunt, & dici queunt? Textum quem eodem num. 8. recitat ex S. Bernardo lib. v. *de Considerat.* c. 1. imperium typhi sæcularis & effrænis, atque arbitrarii dominatus extrudit, non vero imperium in unitatis bonum & in ædificationem Ecclesiæ. Hoc si utantur Pontifices supra ipsos etiam majorem Sedium Episcopos, quis reprehendere potest, quasi a primatus potestate exorbitans & extraordinarium?

Gesta S. Cypriani, cum S. Stephanum excitavit ad præcipiendam Gallicanis Marciani Arelatensis depositionem, noane imperii & externæ coactionis potestatem confirmant?

Neque

Neque dicant, S. Cyprianum non excitasse S. Stephanum ut hanc depositionis sententiam ferret per se, sed ut eo præcipiente a Gallicanis in provincia ferretur. Cur id non egerint Gallicani per se se, si id tunc proprio jure agere potuissent? Cur scripserunt ad Stephanum, & cum ipsis Sanctus quoque Cyprianus apud eundem intercessit, ut daret ad ipsos litteris *absentio* (idest deposito) *Marcianus alius in locum ejus substitueretur*? Quæ sane Pontificiam auctoritatem eo casu exercendam declarant. S. Cyprianus certe id agere ausus non est, cum jus, quod sibi humana institutione competeat, extra Africam non extenderetur. Ex zelo scribere & excitare Stephanum poterat, Marcianum deponere, aut depositionem ejus Gallicanis præcipere, aliumve substituere non poterat. Gallicani autem, quos ad Stephanum ea de re scripsisse S. Cyprianus testatur, ea forte de causa confugerunt ad Stephanum, quia jus, quod primis illis sæculis aliquando exercuerant nonnulla Episcoporum concilia in Episcopos provinciæ, cum humanæ institutionis esset (solus nimirum Romanus Antistes S. Petri successor Episcopis jurisdictione præstat jure divino) poterat vocari in dubium apud Gallos, qui tunc nullum forsitan inter suos exemplum ejusmodi depositionum novebant; at jus Pontificium supra quoscumque universalis Ecclesiæ Episcopos, quod e. divinæ institutionis primatu oritur, nulla Ecclesiastica institutione aut exemplo poterat infirmari, aut in dubium adduci. Num Papa hoc jus exerceret per se Romæ, an vero exercendum crederet per Episcopos provinciæ, eo quod hæc methodus facilius magis expediret, juris Pontificii substantiam nec immutat nec infirmat. Hoc factum ex Cypriano deductum inanem detegit Febronii nimum, quo ex ejusdem Martyris gestis colligi ait, hunc Romanum primatum *jus solum dedisse concilia convocandi, illisque præsidendi, Coepiscopos syærne admonendi, similiaque præstandi*, quæ cum primatum meri honoris & ordinis congruunt, tum vero imperium, & externam coactionem, quæ in depositione Marciani exerenda erat, nequaquam præferunt. Quod si S. Cyprianus in litteris ad Stephanum, a vocibus imperii & coactionis abstinens, communem in eo omnium Episcoporum sollicitudinem commendavit; non ideo parem cuique Episcopo ac Stephano auctoritatem asse-

asseruit. Commune omnibus vigilantiz debitum & officium in eo collocat, quatenus omnes Ecclesiæ ubilibet laboranti ex communi zelo debent subvenire; Stephano autem, quem in Episcopali ordine *præminere* affirmavit *celsoque fastigio*, eam præcipiendi & deponendi auctoritatem vindicavit, quam ex potentiore primatu eidem competere non ignorabat.

§. IV.

Num Tridentinum generale concilium supra Papam auctoritatem exercuerit. In cap. 6. Febronii §. 1. num. 5. t. 1. pag. 181.

Quod hic affirmat : *Ipsam Concilium Tridentinum superioritatem in Pontificem actu exercuisse variis locis deprehenditur*, falsissimum est. Fallaciæ, quæ Febronio fucum fecit, origo si detegatur, omnia facile intelligentur. Concilii generalis nomine accipiendi non sunt soli Episcopi ad Concilium convocati separatim a Papa, qui tamquam caput eidem concilio vel per se vel per suos legatos non solum adesse, verum etiam præesse ita debet, ut decreta tum fidei tum disciplinæ vi generalis synodi careant, si ejus assensus vel confirmatio desit. Vide lib. *De potest. Eccles.* quoad definitiones fidei c. 2., & cap. 4. quoad canones disciplinæ. Cum itaque sermo est de decretis concilii œcumenici, non est sermo de decretis latis a solis Episcopis adunatis in synodo, sed de decretis latis simul a Papa assentiente seu confirmante eadem decreta vel per se vel per legatos, quæ Papæ sententiam suo calculo protulerunt : hæcque sententia ceterorum singularium Episcoporum sententiis ita præstat, ut quidquid ceteri sine ipso constituerent; nullam vim generalis synodi propriam obtineret. Quod autem ipso assentiente ratum est, adversariis non prodest : sicut enim in
con-

consentientem, aut in seipsum nemo habet imperium, ita ex decretis synodi, quæ Papa consentiente vel confirman- te œcumenicæ synodi vim habent, ejusmodi concilii auctori- tatis seu coactiva vis supra Papam nequit inferri.

Hoc uno principio omnia Febronii objecta enervan- tur. Quæcumque enim decreta & canones generalis concilii nomine editi, non Episcoporum tantum, sed Papæ etiam auctoritate & assensu editi intelliguntur. In hac uni- tate maxima conciliorum generalium vis est, quæ cum au- thoritati Papæ his decretis maxime necessariæ nihil præju- dicat, tum vero nocet Febronio, nisi probare possit decreta a solis Patribus edita sine consensu Papæ, vel contra ejus sententiam, generalis synodi vim obtinere, ipsumque Pa- pam etiam invitum per se cogere. Dico *per se cogere*; si quid enim aliquando exigeret, ut in quibusdam negotiis disciplinæ Papam se se accommodaret sententiæ plurimorum, ne scissuræ & scandala excitarentur; id non auctoritati Pa- trum concilii tribuendum esset, sed illi altiori divino & naturali juri, quo scissuris & scandalis obviam ire etiam ipse summus Pontifex obligatur: nec tamen, si se hac de causa accommodaret plurimorum sententiæ, assensus ejus sufficiens deesset, ex quo decreta concilii ipsi quoque essent tribuenda. Hinc si conciliorum decreta edita leguntur non Papæ, sed concilii œcumenici nomine, nihil obest; cum nomine generalis concilii non Episcoporum tantum, nec solius Papæ intelligatur auctoritas, sed Episcoporum sal- tem plurium & Papæ in eandem sententiam consensus, seu (ut Galli adversarii explicare solent) consensus cor- poris Episcoporum cum capite. Hinc quando Tridentina synodus abolevit quædam mandata Apostolica, mentales re- servationes, accessus & recessus, qui eo ævo a Pontificibus concedebantur, coadiutorias, vel alia hujusmodi, exempto- rumque privilegia in aliquot capitibus restrinxit; cum hæc Papa assentiente facta fuerint, quis concilium exercuisse su- pra Papam jurisdictionem concludat? Non absimili æqui- vocatione *Ecclesiæ* nomine, quod Tridentina synodus al- licubi adhibet, Febronius abutitur, cum jus Ecclesiæ me- moratur in iis, quæ facultates Pontificias tangunt, ac si hinc probetur jus coactivum, seu proprie dicta jurisdic- tio supra Papam, & in facultates Pontificias.

Gg

§. V.

§. V.

*De potestate jurisdictionis distinguenda
a potestate ordinis.*

1. Distinctionem apud Theologos solemnem inter potestatem ordinis & jurisdictionis perstringit Febronius c. 7. §. 1. n. 9. c. 1. pag. 6. Licere quidem ait distinguere *duplicem potestatem Episcopalis officii* in eam quæ est ordinis, & quæ jurisdictionis: at eas dividere *nefas esse* contendit, & *ejus nature repugnare*: quasi natura Episcopatus utramque potestatem ita requirat, ut Episcopalis ordo sine jurisdictione stare non possit, & jurisdictionem Episcopalem ab ordine separare *dilaceratio sit Episcopalis dignitatis a Christi instituto aliena, easque dissociare, & inter se quodammodo discindere sit piaculum*. Hæc si stricte accipienda essent, non sine piaculo quispiam Episcopatui cederet: cessione enim jurisdictionis, cui cedens renuntiat, sejungitur ab ordine, qui numquam amittitur: & ita culpandi essent non pauci Sanctissimi viri a Febronio quoque laudati c. 4. §. 7. n. 2. qui justis de causis Episcopatum dimiserunt: nec eximi possent a gravi censura Nicæni & Africani Patres, qui Episcopos a schismate, in quo Episcopali jurisdictione fruebantur, redeuntes ad catholicam unitatem, in gradum simplicis presbyterii recipientes, Episcopalem jurisdictionem ab ordine dissociarunt. Christus quidem Apostolis ordinem simul & jurisdictionem contulit, eorumque successores Episcopi cum *non sine certæ jurisdictionis* & diocæseos attributione consecrentur, utramque simul & ordinis & jurisdictionis potestatem accipiunt. At hanc utriusque potestatis connexionem ita esse necessariam jure divino, ut alteram ab altera disjungere criminofum sit, affirmari non potest. Si hæc Febronius eo consilio tantopere inculcavit, ut facilius suaderet eas Episcopales facultates, quæ ad jurisdictionem

tionem pertinent, non potuisse a summis Pontificibus limitari atque restringi, falso principio laborasset. Sicut enim iusta de causa ab Episcopatus ordine potest separari (ex gr. per cessionem) tota Episcopalis jurisdictio ; ita iustis de causis poterit ex parte limitari atque restringi ab ea auctoritate, quæ Episcopis superior est : & siquidem hac ratione eam potuerant limitare vel restringere concilia etiam provincialia ; cur non potuerunt summi Pontifices , qui jure primatus ipsis conciliis provincialibus sunt superiores ?

§. VI.

In textum Febronii c. 8. §. 3. ubi nonnulla quorundam antiquorum sanctorumque Pontificum gesta augenda potestatis consilio attribuit.

Cum Febronius de Pseudo-Isidoro queritur, ac si suis supposititiis decretalibus monarchica Romanorum Antistinum potestas superstructa fuerit & ad excessum aucta ; tum vero antiquorum sæculorum atque Pontificum, qui hæc comamenta ignorarunt, disciplinam & moderationem identidem laudat. At c.8. §. 3. humanæ imbecillitatis vitium perstringens, quo superiori potestati plerumque incitamenta addantur ad se se alius efferendum cum pressione inferiorum, hujusmodi, ut vocat, augmentorum initia deducenda putavit ex seculo II. in Victore, ex III. in Stephano, ex V. in Innocentio I. & Bonifacio I, seu potius in Zosimo, in Celestino, in Leone Magno & Gelasio, & ex VI. sæculo in Gregorio Magno. Quis vero ex ipsis tantorum ac tam antiquorum Pontificum nominibus, quos tamquam sanctos & ex parte etiam martyres tota veneratur Ecclesia, quosque ab omni fastu ac dominatu alienos ipsorum gesta testantur ; quis, inquam, non statim intelligat, excessivo pruritu carpente potestatis Pontificiæ Febronium abreptum, qui incompetētis auctoritatis augmentum, & usurpationem quandam

in indicatis ab eo illorum gestis detegere sibi visus est? Incompetens potestas affirmari non potest: in iis, quæ illi gesserunt, nisi generatim negetur potestas illorum suprema in Episcopos, quam jure primatus ipsis attribuendam probavimus; neque potestatis abusus iisdem appingendus, nisi negetur, justam fuisse causam agendi, cujus defectu potestate alias competenti utendum non fuisset.

De potest.
Epi. 6. 5. 5.

De causa Vi-
ctoris Papæ
circa diem
paschalem.

Cum S. Victor obligare volebat Polycratem Ephesiorum Episcopum, ut in celebrando paschate se conformaret diei, in quo non solum Romana cum omnibus Occidentalibus, sed aliæ etiam pleræque conveniebant ipsius Orientis Ecclesiæ; nonne hæc fuisse omnium in tanta solemnitate celebranda consensus, justa ratio credenda est, qualem sane ita justam approbavit Nicæna synodus, ut eundem diem edito decreto in tota Ecclesia servandum edixit? Si quid in Victore hac occasione gestum non omnino probandum videatur, illud unum est, quod in hac materia, non fidei sed disciplinæ, quæ & antiquorum auctoritate, & insignium Ecclesiarum consuetudine fulciebatur, non expediret cum tot Ecclesiis pacem & unitatem abrumpere, uti (ne hac de causa abrumpetur) ante aliquanto ab Aniceto Pontifice obtinuerat S. Polycarpus Episcopus Smyrnenfis: lege epistolam S. Irenæi ad ipsum Victorem apud Eusebium. lib. 5. c. 24. Verum hæc non potestatem impetunt, sed potestatis usum ad normam ejus, quod expedit, exigendum insinuant: in quo cum aliis aliter citra culpam videri possit, non est absolute damnandus Victor, si eam rationem per se justam, sibi que maxime probabilem sequutus est.

De causa Ste-
phani I. circa
baptisma
collatum ex-
tra Ecclesiã.

Multo autem justior fuit causa Stephani I. cum in Africanos, vel Asianos excommunicationis minas intendit, ut eos removeret a praxi baptizandi redeuntes ad Ecclesiam, qui extra Ecclesiam fuerant baptizati. Hæc enim praxis innitebatur sententiæ catholico dogmati contrariæ, at nondum tum definitæ, & magnis hinc inde concertationum nebulis involutæ, atque magnis & synodorum particularium, & insignium Ecclesiarum auctoritatibus comprobatæ, quarum causa si S. Dionysius Alexandrinus bono pacis se se apud eundem Stephanum interponens instituit, ne excommunicationem in illos actu ferret, non potestatem nega-

negavit, sed potestatis usum, ex eo quod non expedire existimabat, coercuit. Hac de re vide lib. *De v^o primatus* c. 13. num. 53. pag. 163. 164. Hac eadem œconomia, quæ potestati nihil præjudicii affert, usi sunt alii plures & sancti Episcopi, qui communionem non duxerunt abrumpendam, etiam ubi causa erat iustissima, cum gravius scandalum timeretur.

Si S. Innocentius I. scribens ad Decentium Occidentis Ecclesias ad disciplinæ ac rituum unitatem, quæ dissensionibus aliisque scandalis obviaret, revocare studuit; quis cum Febronio id ei succensendum putet? Nonne disciplinæ consensio ad muniendam ipsam unitatem communionis & fidei conspirat? Nonne præter universalis primatus jus peculiari jure patriarchico in Ecclesias Occidentales Romanus Pontifex fungebatur, quo in idem unitatis bonum eandem in disciplina consensionem æquissime procuraret? Nonne saltem hic muniendæ utriusque unitatis scopus aptam rationem præfert, ne Innocentii studium ad ostensionem & augendæ Apostolicæ auctoritatis consilium traducatur?

Etsi Africani in litteris ad Bonifacium & Cœlestinum se se opposuerint appellationi Apiarii, seu inferiorum clericorum ad sedem Apostolicam; nihil tamen in illis detegit, quo Apostolicum jus vocaretur in dubium, sed omnia referri ad impedienda improba ipsorum clericorum effugia & fraudes, quæ in eadem Apiarii causa fuerunt detectæ, probavi lare in *Observationibus* ad dissertationem V. Quenelli part. 1. c. 6. n. 30. pag. 971. & seqq. tom. 2. Operum S. Leonis novæ edit. Venetæ insertis. Immo Romanæ auctoritati in ea ipsa causa quantum re ipsa detulerint Africani, ibidem explicatum invenies. Qui ex hujusmodi gestis jure Pontificum non potest inficiari, incompetentis moliminis aut ambitiosi vitium Pontifici nequit imputare, etiamsi aliquid minus rectum ex aliena fraude aut deceptione subreptisset.

Quid Febronium reprehendere velit in Bonifacio I. seu potius Zosimo ex cap. 5. §. 6. n. 5. ignoro: neque enim loca ab ipso hic allegata ad hos Pontifices pertinent. Si vero respicit factum Cœlestii, qui Romam profectus Zosimum Papam dolo malo decepit, & a decepto litteras obtinuit, quæ postea detecta fraude revocatæ & correctæ fuerunt;

De Innocentio I.

c. 1. §. 2. n. 2.

De Afis se se opposuerint appellationi Apiarii.

Reprehensionem in Bonifacium & Zosimum diluit.

runt; non video cur hoc factum adversario profit. Nihil hic gestum ad offensionem & augmentum juris; sed unum illud exinde consequitur, summos Pontifices in judiciis circa personas posse decipi, & aliquid perperam errore facti scribere, quod melius instructi corrigant.

Quam male
reprehensus
S. Leo.

* t. 2. Oper.
S. Leonis.

Censuram contra S. Leonem M. a Febronio ingestam ob judicium Romæ institutum adversum S. Hilarium Arelatensem prolixè refutavi in *Observationibus* ad Dissertationem V. Quesnelli, ad quam idem Febronius lectores remittit. Has observationes jam ab an. 1756. Venetiis * editas, quæ non solum particularem Hilarii causam explicam, sed Apostolicum quoque in ea aliisque Episcopatum appellacionum causis jus luculentissime vindicant, si legisset Febronius; nescio, utrum tam confidenter ponisset sanctum Pontificem vellicare.

cap. 110. inter
Leon.

cap. 114.

Aliam censuram, qua cap. 5. §. 4. n. 3. eundem sanctum Pontificem punit, ac si *auctoritatis suæ commendandæ multum studiosus NON PETITAM concilii* (Calchedonensis) *confirmationem suæ impertitus*, ipse S. Leo solvit apertissime, cum eam a Marciano Imperatore * petitam, non alio fine se dedisse protestetur, nisi ut iis obviaret, qui dubium sparserant, num definitionem fidei a Concilio editam approbare, dum disciplinæ canonibus novitatem inducentibus acriter restitisset. Id Leonis studium in custodienda & vindicanda fide commendat, non vero amplificandi juris nifum subindicat.

Sed quid in his Febronii nifibus excutiendis moramur pluribus? Ille certe nifus mirificus videri debet, quo amplificatoribus Pontificiæ auctoritatis accensendum credidit etiam S. Gregorium Magnum, cujus studium a dominatione & ab augenda sua auctoritate alienissimum testimonium de humilitate ejusdem ab ipso Febronio laudata manifestum faciunt.

§. VII

In quædam loca Febronii, ubi auctoritatem Pontificum in provinciales synodos & in majoribus causis vellicat.

Negari non potest, quin olim & per multa sæcula pleraque in Ecclesiis gererentur auctoritate Episcoporum & Conciliorum particularium; Romanorum vero Pontificum auctoritatem, etsi summam ac plenam per se in universa Ecclesia, non tamen fuisse passim, nec ab omnibus requisitam. Serius quædam inducta, & ab illis gesta, quæ prius non obtinuerant. Cum vero distinguatur potestas a potestate usu (potest enim quis etiam diutius non uti ea potestate qua fruitur); adversarii Pontificiæ auctoritatis male prorsus ipsi potestatem multis in facultatibus ex eo denegant, quia antiquis sæculis eisdem facultatibus usa non est. Supremam plenamque potestatem, qua summi Pontifices jure primatus poterant moderari ac restringere Episcoporum facultates, superius probavi, etsi prioribus sæculis ipsam non exercuerint. Eadem ratione potuerunt pariter moderari atque certis conditionibus coercere facultates quoad Episcopos collectos in particularibus synodis, quibus non minus quam Episcopis ipsis potestate præstare certissimum est ex constitutis in præmio *De potest. Eccles.*, licet olim nihil tale ab ipsis gestum legeretur. Multitudo ac distantia provinciarum atque regionum, temporum vicissitudines, diligentior disciplinæ custodia, aliæque circumstantiæ in causa fuerunt, ne potestatem ejusmodi olim exercere utile vel necessarium crederetur. Id autem non impedit quominus aliis atque aliis oborientibus causis ac circumstantiis, ubi expediret publico bono, potuerint Pontifices circa ipsa particularia concilia quædam statuere, & facultatem, quam ant-

Non neganda potestas Pontificia ex non usu priorum sæculorum.

terio.

terioribus sæculis non exercuerant, exerere & exercere.

Restric-
tio
potestatis
con-
cilio-
rum
pro-
vincia-
lium
nec
minus
ex-
tra-
pro-
vincia-
lium.

Locus Socra-
tis
discutitur.

Queritur Febronius de illa aliquot apocryphis Pseudo-Isidori decretis inserta sententia, qua traditur concilia etiam provincialia celebrari non posse absque assensu vel auctoritate summi Pontificis. Duo hic in reprehensionem adduci queunt, restrictio potestatis conciliorum provincialium, & novitas anterioribus sæculis ignota. Si hæc restrictio sub Pseudo-Isidori ævum fuisset inducta, nulloque antiquo exemplo fulciretur; nonne æquitatem ipsius satis vindicaret ratio, ob quam ab ipso Pseudo-Isidoro restringenda visa est generalis & illimitata illa eorumdem conciliorum auctoritas, ne tam facile Episcopos opprimerent, quod explicavi cap. 5. §. 1. De æquitate satis. De novitate autem plura & apertiora proferre licet. Testimonium enim valde antiquum in eamdem sententiam invenio apud Socratem lib. 2. cap. 8. ex versione Epiphani Scholastici in Tripartita lib. 4. c. 9. *Regula Ecclesiastica jubet, non oportere præter sententiam Romani Pontificis concilium celebrari.* Licet græcus Socratis textus vocem *concilium* non præferat; sententiam tamen eandem continet, quæ ad concilia pertinet: *Cum ecclesiastica regula vetet, ne absque consensu Romani Pontificis quicquam in Ecclesia decernatur*, utique in conciliis: occasione enim Antiochenæ synodi hæc regula producitur. Quamvis hic Socratis textus multis materiem dederit disputandi; constat nihilominus hanc regulam esse valde antiquam, & Pseudo-Isidoro multo anteriorem, & apud ipsos Græcos vulgatam, & a Socrate receptam, qui ante Calchedonensem synodum scripsit. Idem principium aliis licet verbis repetit idem Socrates lib. 2. cap. 17. & legitur etiam apud Sozomenum lib. 3. cap. 10. Ex utroque autem liquet hanc regulam deductam fuisse ex Julii I. epistola ad Orientales Antiocheni concilii, in qua conquestus de Eusebianorum Orientalium synodis, a quibus S. Athanasius inconsulto Romano Pontifice depositus fuerat, ait: *An ignoratis hanc esse consuetudinem, ut primum nobis scribatur, & hinc quod justum est decernatur?* Quod hic Julius affirmavit de synodis Orientis, dum ageretur de judicio contra Alexandrinæ sedis Episcopum, Socrates & Sozomenus generatim de quibuslibet particularibus synodis accipendum putarunt. Huic juri, quod Julius sedi Apostolicæ as-

ferit

serit ex consuetudine, suffragantur pariter gesta alius vetustioris Alexandrini Episcopi Dionysii, qui, ut notavit P. Coustantius, cum in suspicionem venisset hæreseos, ad Dionysium Papam delatus, se se purgare non distulit. Quod autem idem Coustantius subdit, hoc Apostolicæ sedis speciale jus posse referri ad Alexandrinæ Ecclesiæ originem, quæ S. Marcum S. Petri discipulum fundatorem habuit, non omnino probandum est: idem enim jus ratione originis competit non solum in Alexandrinæ, sed etiam in Antiochenæ sedis Episcopos, quam idem S. Petrus fundavit, sicut & in omnes Occidentis Ecclesias, quæ a sede Apostolica habent originem, ut Innocentius I. prodidit. in ep. 1. fol. 2 col. 286. non v

epist. ad Demost. c. 1.

autem ac generalis hujus prærogativæ ratio ex primatu divinæ institutionis est deducenda, quo Romani Pontifices successores S. Petri in singulas tum Patriarchales, tum Metropolitanas, tum Episcopales sedes jurisdictionem obtinent.

Ratio sane, quam pro suæ sedis jure præmiserat idem Julius in causa Athanasii aliorumque, quos Eusebiani impetiverant, his verbis exprimitur: *Oportuit omnibus nobis scripsisse, ut ita ab omnibus quod justum est decerneretur. Episcopi enim erant, qui potestabantur, nec vulgares Ecclesiæ, quæ vexabantur, sed quas ipsi Apostoli per se gubernarunt.* Ubi vides idem jus sibi asserere, primum generatim in causis Episcoporum, multo autem magis in iis, quæ spectarent ad Episcopos Ecclesiarum non vulgarium, ac tandem magis multo in causis Episcoporum Apostolicarum sedium, qualis erat illa S. Athanasii Alexandrini, in quam Pontificia auctoritas non ex jure patriarchico Romani Præfulis in solas Occidentales Ecclesias competenti colligi potest; sed ex jure divino primatus ipsa etiam consuetudine firmato; cui cum patriarchicum jus præjudicare non potuit, tum vero male Febronius multos actus jurisdictionis in Occidentales aut Orientis Ecclesias ad patriarchicum jus perinde retulit, quasi nihil exinde inferri possit pro jure primatus, vel patriarchicum jus jurisdictionem primatus excludat. In Romano enim Pontifice utrumque jus probe coheret, ita ut qui actus illi non competunt ex jure patriarchico extra dioccesim Occidentis, competant ex jure primatus, quod extenditur in universam Ecclesiam.

Jus primatus cum potestate politico in Romano Pontifice.

Locus Sozo-
meni expli-
catus.

Cum Sozomenus loco laudato eam Julii rationem, qua Orientalium Synodorum contra Athanasium ausus repressit, sic exposuit: *Legem esse Pontificiam* (apud Nicephorum melius *Ecclesiasticam*) ut pro irritis habeantur, quæ præter sententiam Episcopi Romani fuerint gesta; prævit certissime illis quarundam Pseudo-Isidori decretalium sententiis, quibus conciliorum gesta Apostolica approbatione ita indigere dicuntur, ut nihil sit ex illis ratum, cui non accesserit Apostolicæ Sedis auctoritas. Cum autem Julius loquatur de Episcoporum causis, quæ inter majores censentur; de his tantum Sozomeni locus est accipiendus, non vero de quibuscumque aliis provincialium Conciliorum judiciis & causis. Id sane, quod tamquam novum op-

l. l. c. 4. §. 8.
n. 5. pag. 99.

De causis
majoribus R.
Pontifici re-
servatis.

ponit Febronius, nullas Synodos nec ipsarum decreta rata esse posse, si careant auctoritate & confirmatione Apostolica; ad judicia potissimum de Episcopis pertinet & ad majores causas, de quibus alia atque alia Pseudo-Isidori decreta ab eodem memorantur, atque carpuntur. Novitatem vero hac in materia purgant illa, quibus majores causæ & Episcopales præsertim in Occidente vel olim ad Sedem Apostolicam delatæ fuerunt non solum in causa appellationis, verum etiam in quibusdam Episcoporum causis primæ cognitionis, de quibus egi in Observationibus ad disert. v. Quenelli tom. 2. editionis S. Leonis. Maximas quoque Orientalium Ecclesias in magnis negotiis, in quibus opus esset disceptatione majore, sedem semper consuluisse Romanam; & quoties usus exegit, ejus auxilium postulasse,

Ep. 15. edit.
Constant. col.
3043. c.

Il. ep. 14. n. 1.
not. 852.

testatur Bonifacius I. Quis ignorat hac in re aliarum insignium Sedium Orientalium prærogativam? Antiochenæ Sedis, quæ S. Petrum habuit auctorem, nonne hoc jus in toto Oriente ejusdem Sedis Antistiti Alexandro asseruit Innocentius I.? Ut sicut metropolitanos auctoritate ordinas singulari, sic & ceteros non sine permissu conscientiaque tuas sinas Episcopos procurari. Et rationem post pauca addit: Quo enim te maxima expectas (idest, ut explicat Constantius, ad te pertinet) cura, præcipue tuum debent mereri judicium. Quem textum non immerito commendavit Nicolaus I. epist. 42, n. 9.

Quid dicam de CP. Episcopo, postquam Constanti-nopolim Imperii Sedes translata est? Socrates lib. 3. c. 28. legem

legem memorat Attico Episcopo, *qua sancitum est ne præter sententiam Episcopi Constantinopolitani ulla fiat Sacerdotis (idest Episcopi) ordinatio*. Extat quoque Theodosii lex ad Philippum Præfectum prætorio Illyrici præcipiens, ut in Illyricianis provinciis, *siquid dubietatis emergerit ; id oporteat non absque scientia viri reverentissimi sacrosanctæ legis antistitis urbis Constantinopolitane, quæ Romæ veteris prærogativa letatur, conventui sacerdotali sanctoque judicio reservari*. Hæc reservatio ei fundamento innixa, quod Constantinopolitana urbs *Romæ veteris prærogativa letatur*; nonne eandem prærogativam jure potiori tributam præsumit Romanæ urbis Episcopo, ut in causis difficilioribus nihil absque ejus scientia atque consensu fieret? Revocata quidem eadem Theodosii lex fuit, non tam epistola Honorii ad eundem Theodosium, quam rescripto Theodosii ipsius: sed cum revocata fuerit, ne Romani Episcopi prærogativis præjudicio esset; hujus jus præcipue in Episcoporum, aliisque difficilioribus causis, cui præservando ea lex rescissa fuit, confirmatur. Mirandum itaque maxime est, Febronium ausum fuisse hoc antiquissimum jus Romanorum Pontificum tribuere supposititiis Isidori decretis, & ausum quoque fuisse notare non solum Innocentium III. sed etiam Tridentinam synodum, quæ idem jus in causis majoribus Apostolicæ auctoritati tribuit, ac si Isidorianis commentis docepta, jus probaverit, quod nunc detecta ipsorum decretorum falsitate corrigendum esset. Ita præjudicium male constituti systematis hominem huc adduxit, ut œcumenicam quoque synodum totius Ecclesiæ veneratione consecratam docere, & ad sui systematis regulas jure evocare se posse censuerit. Alias ipsius Febronii animadversiones, & correctiones ejusdem concilii videlicet cap. 1. §. 8. n. 10., & cap. 8. §. 5. n. 5.

*Cod. Theod.
lib. 16. tit. 2.
L. 45.*

*Ex collect.
Helfenii.*

*Febronii nota
contra
ipsam Synodum Tri-
dentinam re-
prehensæ.*

§. VIII.

Num auctoritas Pontificia utilitati aut necessitati Conciliorum generalium opponatur.

Hæc quæstio de utilitate ac necessitate conciliorum generalium, de qua nonnulla ingeruntur a Febronio, non erat prætermittenda, ne auctoritati Apostolicæ obesse credantur ea quorundam antiquorum testimonia, quæ utilitatem aut necessitatem illorum commendant. Expendenda res est tum in fidei materiis, tum in canonibus disciplinæ.

*lib. 4. contra
epi. Pelagia-
notum n. 34.*

In quæstionibus fidei ad has dirimendas absolute necessariam non esse concilii generalis auctoritatem testatur Augustinus, probatque evidentissime antiquis exemplis, animadvertens plerasque hæreses sine concilio generali fuisse sopitas. Romanæ sedis fides a summis Pontificibus definita, cum qua omnes debent unitatem servare, deberet per se sufficere ad controversiam finiendam, ut ne generalis concilia convocatione opus esset, quemadmodum S. Flavianus in causa Eutychis scripsit. Ubi vero ei auctoritati quamvis infallibili dissidentes non pareant, vel maioribus turbis excitatis gravius resistent; utilia vel etiam necessaria haberi queunt, & habita sunt ejusmodi concilia, ut dissensiones componerentur facilius, & vel dubitantes ad unitatem adducerentur, vel pertinacium contumacia palam fieret. Hoc novum examen arque judicium, sicut nihil præjudicat auctoritati & infallibilitati conciliorum generalium, post quæ aliqui dubia & difficultates produxerunt, ut de Calchedonenſi definitione vidimus, post quam ob compescendos Eutychianorum motus novum judicium Leone Imperatore postulante ab omnium provinciarum Episcopis habitum.

Novum examen in conciliis non præjudicat infallibilitati Pontificii in definitionibus fidei.

bitum fuit ; ita nec præjudicant infallibilitati Apostolicæ generalium conciliorum judicia , quæ novo examine causæ in eundem finem aliquando fuerunt instituta .

Quandoque etiam potest esse utilis vel necessaria generalis synodi convocatio , antequam Pontifex definitivam sententiam pronuntiet in materia fidei , si de quæstione dogmatica agatur adeo implexa & obscura , ut Papa judicet non esse decidendam , aut non expedire ipsam decidere , absque consultatione synodi œcumenicæ , in qua Episcopis totius Ecclesiæ rem discutientibus , catholica traditio & veritas facilius certiusque dignoscatur ab omnibus , & oppositiones contrariæ manifestius solvantur , aditusque præcludatur novis difficultatibus atque gravioribus scissuris , quæ Ecclesiam turbarent . Hinc sicut infallibilitas Papæ in materia fidei conciliorum generalium auctoritati non opponitur , nec infallibilitas conciliorum repugnat infallibilitati Papæ (neque enim duo infallibiles pugnant inter se , neque repugnare queunt) : sed altera alteram juvat , validiusque corroborat , ac ex utraque in unum conspirante maxima soliditas & certitudo exoritur , qualis vel ab adversariis admittitur in unitate membrorum cum capite . Neque alterutra superflua dici potest , sed utraque aliquo modo necessaria , ne sublata ex una parte infallibilitate Papæ oporteat semper convocare generale concilium , ut diffidia circa fidem peremptorio decreto definiantur ; ex altera vero ne in generalibus conciliis desit auctoritas , qua diffidentes facilius certiusque instruantur , & contumacium detegatur perversitas , & comprimat .

In materiis quoque disciplinæ , in quibus unitas omnium non ita est necessaria , ut in negotio fidei , utile vel necessarium multo magis judicari potest generale concilium , ubi statuum sit aliquid novum , quod obliget omnes . Potestas scilicet Papæ licet per se sufficiat ad generales leges ferendas , cum toti præsit Ecclesiæ ; cum tamen ei potestas tradita fuerit in ædificationem Ecclesiæ , non vero in destructionem ; ubi aliquam legem in dissensiones cessuram timeri possit , ferenda non est : ac propterea Romani Pontifices leges ejusmodi consueverunt suspendere atque deferre , quoad eas tunc ac pacifice & utiliter edi posse cognoscant . Id aliquot in casibus non sine generali concilio fieri

Num & quando concilia generalia ante sententiam definitivam Papæ possint esse necessaria, vel utilia.

fieri posse intellexerunt, vel non sine prævia illarum Ecclesiarum seu Episcoporum consultatione, a quibus contradictio timeatur. Licet Benedicto XIV. persuasum esset minuendum dierum festorum numerum; noluit tamen generalem diminutionem constituere, sed per litteras exquirendam antea credidit hac in re Episcoporum aliorumque celebrium virorum sententiam; iisque solis eam diminutionem concessit, qui annuerent, eos vero, qui repugnarent aut difficultates opponerent, data lege non cogendos duxit, ne scandala excitarentur. Hæc pauca intelligentibus sufficient.



APPENDIX

DE INFALLIBILITATE PONTIFICIA
IN DEFINITIONIBUS DOGMATICIS.

1. The first part of the paper is devoted to a discussion of the various methods of determining the rate of reaction. The second part is devoted to a discussion of the various methods of determining the order of reaction. The third part is devoted to a discussion of the various methods of determining the activation energy of a reaction.

APPENDIX

DE INFALLIBILITATE PONTIFICIA IN DEFINITIONIBUS DOGMATICIS,

Qua brevius explicatur atque statuitur, quænam & qualis auctoritas summis Pontificibus tribuenda sit, quando ex fine & officio primatus ob conservandam in tota Ecclesia fidei unitatem definiunt controversias dogmaticas.



Hæc additio maxime utilis, vel etiam necessaria quodammodo judicabitur, ut brevius proponantur præcipua capita atque principia, quæ circa auctoritatem infallibilitatemque Pontificiam in definiendis fidei quæstionibus fufius protuli in libro *De vi & ratione primatus*; sicque istud sit veluti compendium, quo totum systema ibidem propositum, ac totius systematis vis facilius percipi ac retineri possit. Hanc additionem subijcio *Vindiciis*, in quibus capite primo de auctoritate & infallibilitate Romanorum Pontificum circa fidei materias contra Febronium disserui; & juxta propositam mihi methodum totam ratiocinationem conte-

xam ex principiis, in quibus idem Febronius & ceteri adversarii catholici mecum conveniunt.

Nonnulla etiam per adversarios catholicos certa præmittitur.

Jam apud istos ex Patrum traditione & catholicæ Ecclesiæ doctrina certum, est Pontificum Romanorum primatum a Christo fuisse institutum ob custodiendam in tota Ecclesia unitatem. Cum porro unitas Ecclesiæ potior, quæ maxime conservanda est, sit unitas fidei; certum pariter esse debet, ipsum primatum fuisse institutum ob conservandam potissimum in tota Ecclesia unitatem fidei. Dissensiones circa fidem, quæ dum in partes dividunt, præjudicant unitati, compescendæ sunt, ut unitas custodiat & conservetur in Ecclesia. Hæ autem ut compescantur, & provideatur unitati fidei; definitionibus dogmaticis legitima auctoritate editis efficiendum est. Non aliud medium Concilia, non aliud summi Pontifices aut Episcopi præsto habent. Hanc auctoritatem Romanis Pontificibus competere non negant adversarii, immo præcipuas partes iisdem tribuendas jure primatus ultro farentur. Quænam vero & qualis auctoritas ipsis tradita fuerit a Christo in decidendis controversiis fidei, cum primatum instituit ob cu-

* *Bossueti verba sunt ex lib. 10. c. 15. Defens. c. 1.* * *maxime in fide, nunc explicandum & constituendum est.*



§. I.

PRIMA PROPOSITIO.

Pontificia auctoritas, instituta ob finem conservande unitatis maxime in fide, esse debet per se sufficiens ad hunc finem obtinendum.

NEMO id negare potest aut in dubium revocare. Communis enim & apud omnes certa doctrina est, Deum, cum aliquem eligit ad dignitatem vel officium aliquod in aliquem finem, præstare etiam eidem media, quæ ad ipsum finem consequendum per se sint apta & sufficientia. Qui nimirum serio vult finem, nisi impotens aut improvidus sit (quorum neutrum convenire potest Deo), vult simul media sufficientia ad finem. Non discordat Febronius: immo id necessario sequitur ex illo ejusdem principio, quod omnino indubitatum ponit cap. 2. §. 4. *Cum genuinum fundamentum primatus in bono unitatis invenerimus; hinc pro principio statuemus, omnia illa & sola esse primogenea & essentialia jura primatus, sine quibus unitas non potest servari.* Sine auctoritate vero per se sufficienti ad unitatem obtinendam ipsa unitas servari non potest. Auctoritas igitur *per se sufficiens* ad custodiendam unitatem fidei, ob quam præcipue primatus fuit institutus, *primogenea & essentiali* primatus juri nequit denegari. Vide hac de re librum *De vi primatus* c. 9. in quo aliquot adversariorum testimonia attuli, & præsertim illud Nicolii in nonum articulum Symboli c. 2. *Oportet igitur bocce caput (idest Papam) auctoritate frui quæ ipsi necessaria est, ut unitatem conservet:* hujusque auctoritatis vim non solum sufficientem utcumque esse debere existimat, sed talem, quæ per se satis sit *ad unitatem efficaciter conservandam:* subjicit enim, *juris esse divini*

divini & ex institutione Christi, ut (Papa) omni potestate & prerogativis ad unitatem EFFICACITER conservandam necessariis praeditus sit. Concinit etiam recentior Anonymus auctor *Dissertationis Isagogicae* Italica lingua editae scribens cap. 2. *E' indubitato, che l'essenza del Primato consiste in una preeminenza fornita di tanta potestà, quanta bisogna per la conservazione dell'unità.* Tota ergo difficultas sita est in explicando & constituendo, quatenam sit illa Romanorum Pontificum auctoritas per se sufficiens ad conservandam in tota Ecclesia unitatem praesertim in fide; de qua tantum hic disputandum est, cum in hoc tantum sit & esse possit cum adversariis catholicis quaestio.

§. II.

SECUNDA PROPOSITIO.

Ut auctoritas summorum Pontificum sit per se sufficiens ad conservandam in tota Ecclesia unitatem fidei, debet esse non meri ordinis & honoris prerogativa, sed jurisdictionem aliquam peculiarem sibi competentem requirit, quae per se exigit & obliget ad fidei unitatem.

*Philib. De vi
primat. c. 2.*

Meri ordinis & honoris prerogativa ii tantum contenti esse queunt, qui cum sectariis merum ordinis & honoris, non autem peculiaris jurisdictionis primatum agnoscunt. Qui autem cum catholica Ecclesia, adversariis quoque assentientibus, fatentur verè jurisdictionis primatum a Christo fuisse institutum; hi jurisdictionem eidem primatu annexam debent concedere, eamque aptam ac per se sufficientem in finem conservandae unitatis, quae sine jurisdictione

dictione seu vi coactiva servari non potest. Febronius et si vim *directorii* summis Pontificibus competentem fere solam inculcet & efferat; vidit tamen *aliquid amplius*, idest aliquod jus coactivum requiri in finem & conservationem unitatis, quod ad jurisdictionem referendum sit, ne merum primatum ordinis & honoris videretur adstruere. Jurisdictio sine vi coactiva, quæ scilicet obliget, ex eodem Febronio intelligi nequit. S. Irenæus jurisdictionem primatus aptissime expressit duobus verbis *potentioris principalitatem*, ubi *principalitas* primatum, *potentior* vero jurisdictionem præstantiorem præcipuamque significat. Vim autem coactivam ad fidei unitatem expressit manifestius, cum necessitatem conveniendi cum Romana fide jure primatus impositam tradidit, de quo inferius plura.

§. III.

TERTIA PROPOSITIO.

Auctoritas, quæ in definiendis fidei controversiis sit per se sufficiens ad exigendam & conservandam fidei unitatem, ita per se sola debet obligare atque sufficere, ut alius auctoritatis præsidio non egeat: ac propterea Pontificia auctoritas, quæ per se sufficiens est, ac dici debet ad conservandam & exigendam fidei unitatem, ad hunc finem obtinendum nequit egere consensu Ecclesiæ.

Hæc propositio, quæ evertit conditionem consensus Ecclesiæ, quam adversarii requirunt, ut definitiones Pontificiæ absolute obligent ad unitatem, maximi momenti est, & id.

& idcirco exactius probanda. Auctoritatem, quæ alieno præsidio indiget, ut unitatem exigat, atque sua vi consequatur, ad hunc finem obtinendum per se non sufficere certissimum est. Hinc si ex præcedenti propositione auctoritas Apostolica in definiendis fidei quæstionibus per se sufficiens dicenda est ad custodiendam unitatem fidei, ob quam a Christo instituta, & idonea ac sufficienti vi prædicta fuit; consensu Ecclesiæ non debet indigere. Dicere cum adversariis auctoritatem primatus per se sufficientem, si Ecclesiæ accedat assensus, idem est ac negare eam per se aptam ac sufficientem in finem, propter quem talis auctoritas a Christo instituta ab ipsis adversariis conceditur. Vel ergo negandum est primatum institutum fuisse ob conservandam in Ecclesia unitatem potissimum fidei: vel, si hoc negare vetat Patrum traditio & Ecclesiæ doctrina, quam & adversarii amplectuntur; fatendum profecto est eundem primatum fuisse instructum auctoritate (1) per se sufficienti & idonea ad exigendam & conservandam fidei unitatem, ut ne egeat præsidio, seu accessione consensu Ecclesiæ.

Hæc quidem conditio ab adversariis requisita novum inventum est, quod ignoravit antiquitas. * S. Flavianus. Episcopus CP. ita per se sufficientem habuit definitionem S. Leonis, quam petebat contra errores Eurychis, ut non crederet opus concilii generalis præsidio. Idem censuit etiam S. Leo, cum convocationi generalis concilii se se opposuit. Quod si huic putaret vim per se sufficientem ad obligandum deesse suæ definitioni, de qua in concilio quæstionem ac dubium moveri noluit, sed ne obviaret Marciani.

* ep. 36. inter
Leon.

Leop. 82. c.
3.

(1) Quantum vel olim habita sit per se sufficiens Apostolica auctoritas, declararunt, antiquisque exemplis confirmarunt Euthérius Thyanensis Episcopus, & Helladius Tharsensis in epist. ad Xyitum III. (apud Coustant. epist. 4. n. 2.

col. 1246.) Olim siquidem sepius jam ex Alexandria hujusmodi hæreticis rixantibus insurgentibus SUFECIT vestra Apostolica sedes per univærsum tempus illud ad mendacium convincendum impietatemque reprimentem &c.

ciani Imperatoris consilio, qui medium hoc utile ac pene necessarium putabat ad conciliandam unitatem & pacem. Summi Pontifices cum suam potestatem ad unitatis finem institutam sciverint; omnia media sibi tentanda duxerunt, nullum negligendum, ut dubitantes vel repugnantes ad unitatem adducendos curarent; neque ob id suam auctoritatem per se insufficientem censuerunt ad obligandum, neque obligandi vim pendere existimarunt a cuiusquam consensu. Væ auctoritati superiorum, etiam Principum, si vim obligandi non haberent eorum præcepta aut leges, nisi subditorum consensus accederet. Vis obligandi ab ipsa potestate a Deo instituta proficiscitur, ac proinde a Deo, qui cum ipsam instituit, vim eidem indidit obligandi: unde eos, qui potestati resistunt, Dei ordinationi resistere Paullus docuit.

Pontificiam potestatem, quam Christus instituit, cum Petro claves Ecclesiæ, & potestatem ligandi atque solvendi tradidit, adeo per se sufficientem ad obligandum crediderunt semper antiqui Pontifices, ut consensum definitionibus Apostolicis debitum subscriptionibus præstandum exegerint vi ipsius auctoritatis per se, etiam si nondum adesset ille consensus, qui ad vim omnino coactivam ab adversariis requiritur. Exempla definitionum Innocentii, Zosimi, Cælestini, Leonis, aliorumque subsequentium Pontificum, qui ad subscriptiones coegerunt, notissima sunt. Cogere enim ad subscriptiones, est cogere ad consensum; hæc vero coactio ante Ecclesiæ consensum fuisset injusta, si Apostolica auctoritas, ut legitimam vim obligandi haberet, indigeret præsidio seu conditione consensus.

Hanc quidem conditionem non minus evidenter requirit S. Irenæus eo testimonio, quo necessitatem conveniendi, seu consentiendi cum Romanæ Ecclesiæ fide omnibus undique fidelibus, omnibusque Ecclesiis impostam, non in consensum aliarum Ecclesiarum retulit sed in *potentiorum principalitatem*, id est in potentiorum auctoritatem propriam primatus, quæ ipsam consensus necessitatem seu obligationem affert. Vide ipsa ejus verba & explicationem in libro *De vi primat.* c. 13. §. 1. Primatus, qui vi sua hanc obligationem imponit, vi sua exigit ipsum consensum; neque hæc vis exigendi consensus deduci potest ab ipso consensu,

Locus S. Irenæi ad vim coactivam non exigit aliarum Ecclesiarum consensum.

sensu, quem cum exigit producit, ne hic consensus sui ipsius causa simul sit & effectus. Adeo vero hanc primatus auctoritatem vim habere per se sufficientem credidit Irenæus, nulloque aliarum consensu indigere, quo ad unitatem obligaret omnes, ut aliarum consensum inquirere & cognoscere necessarium non duxerit (cum omnium fidem ac traditionem inquirere atque cognoscere nimis esset longum & fere impossibile); sed satis esse crediderit unam Romanæ Ecclesiæ fidem cognoscere, quæ cum sola per se tanta vi prædita sit propter *potentiorē principalitatem*, idest ratione primatus, ut omnibus Ecclesiis necessitatem unitatis & consensus imponat; hac una fide cognita, aliarum omnium consentiens traditio & fides simul cognoscitur. Non ergo vim cogendi omnes ad unitatem Irenæus deduxit ex istarum consensu, quem nec inquirere nec cognoscere opus esse putavit; sed hunc consensum ex vi coactiva Romanæ fidei atque primatus deducens, vim per se sufficientem ad obligandum omnes ipsi Romanæ fidei & primatui attribuit. Hinc frustra hunc Irenæi locum nobis extorquere nituntur, qui dicunt eundem loqui de Romana Ecclesia, seu de Romanæ Ecclesiæ traditione ac fide, non de fide Romanorum Pontificum, nec de definitionibus istorum in materia fidei. Quidquid enim auctoritatis in unitatis bonum Romanæ Ecclesiæ vel fidei tribuitur propter *potentiorē principalitatem*, seu propter primatum, qui in bonum unitatis fuit institutus a Christo, pertinet ad Romanos Pontifices, in quibus tantum residet primatus vis & auctoritas; & ideo Romanæ Ecclesiæ fides, cum qua ex Irenæi doctrina omnes convenire & concordare necesse est propter primatum, alia non potest intelligi, nisi fides, quam Pontifices jure primatus in unitatis bonum definiunt, ut fidei unitatem in tota Ecclesia custodiant.

Totam vim
tribuit pri-
matui.

Obiectio &
interpretatio
ab obvio sen-
su aliena.

Neque vero ob adstruendam ex ipso S. Irenæo conditionem consensus ingeras illa, quæ idem Sanctus post assertam necessitatem unitatis cum Romana Ecclesia statim subjicit: *In qua semper ab his, qui sunt undique, conservata est ea, quæ est ab Apostolis, traditio*; perinde ac si his verbis significetur Romanam fidem ideo exigere unitatem ab omnibus, quia omnes *undique* confluentes Romanam,

mam, omnium Ecclesiarum consensum ad eam attulerunt. Quis autem hanc interpretationem ab obvio verborum sensu & a contextu alienam poterit approbare? Verba, quæ unice tradunt fidem Apostolicam conservatam ab omnibus undique fidelibus in Romanæ Apostolicæ Ecclesiæ fide, omnium quidem Ecclesiarum consensionem & unitatem cum fide Romana certam præsumunt, at non idcirco causam & obligationem consentiendi, seu vim coactivam ad hanc consensionem & unitatem in ipsum omnium consensum referunt. De hac necessitate seu vi coactiva iisdem verbis non agit Irenæus, sed præcedentibus, quibus eam vim atque necessitatem, uti notavimus, non consensui, sed primatus auctoritati asseruit, *propter potentiorum principalitatem*. Cum porro ob potentiorum vim primatus *neceffe sit omnem Ecclesiam, hoc est omnes qui sunt undique fideles convenire*, seu unitatem tenere cum Romanæ Ecclesiæ traditione ac fide, quæ ab Apostolis Petro & Paulo originem ducit; certum efficitur eos omnes, qui hanc debitam unitatem custodiunt, custodire eam quæ est ab Apostolis fidem: & e contra eos, qui hanc unitatem deserunt, aut deseruerunt hæretici, a vera Apostolica fide defecisse convincuntur. Ita porro in unitate Romanæ fidei ab omnibus qui sunt undique fidelibus custodita est vera fides Apostolica, ut ipse Ecclesiæ Apostolicæ, quæ fidem acceperunt ab Apostolis, conservarint veram fidem, quamdiu Romanæ fidei adhæserunt; ex quo autem hanc unitatem deseruerunt, a vera Apostolica fide defecerint.

Obrudat nunc quispiam & ingerat alium ejusdem Irenæi locum, ubi alias quoque Ecclesias Apostolicas laudans, harum traditionem consulendam significat. Id sane tunc poterat jure fieri, cum illæ tenebant necessariam cum Romana fide unitatem. Nunc vero postquam ab hac unitate desciverunt; & sola Romana veram Apostolicam fidem una cum ceteris catholicis Ecclesiis tenet, semperque tenebit immotam & integram; quis catholicis ad eas consulendas hæreticos provocat? Hinc certe Irenæus etsi suo ævo laudatorialium Apostolicarum Ecclesiarum traditionem; non tamen de illis, sed de sola Romana affirmavit necesse esse cum fide ipsius unitatem tenere, & affirmavit quidem propter potentiorum primatum, qui soli Romanæ Ecclesiæ,

Alia obiectio
solvi-
tur.
Lib. 3. de
hæres. c. 4.

seu solis ejus Pontificibus competit. In refellenda conditione consensus Ecclesiæ, quam multis rejeci lib. *De vi primatus* c. 14. num. 27. & in celebri Irenæi testimonio quod eodem in libro fuscè exposui, iterum hic diutius aliquando immorandum fuit, ne forte aliquod subterfugium subinde detectum, si non dilueretur, quempiam impediret: sicque certa remanet tertia propositio, quæ Apostolicam auctoritatem ita per se sufficientem esse debere statuit ad unitatis finem exigendum, ut alius cujusquam auctoritatis præsidio aut conditione consensus non egeat.

§. IV.

QUARTA PROPOSITIO.

Auctoritas, quæ sit per se sufficiens ad exigendam & conservandam fidei unitatem in tota Ecclesia, ea vi prædita esse debet, quæ ad unitatem obliget non aliquos tantum, sed omnes Christianos, non tam distributive quam collectivè sumptos, ex quibus sumptis collectivè constet ipsa catholica Ecclesia.

Si quos enim non posset ad fidei unitatem vi idonea obligare, non esset auctoritas per se sufficiens ad custodiendam in tota Ecclesia unitatem fidei, quæ non ex aliquorum tantum, sed ex omnium Christianorum fide coalescit (2). Specialem difficultatem nonnulli adversarii cum Febro-

(2) Ut in tota Ecclesia una fervetur ab omnibus, definitio-
 sit omnium Christianorum fi- nes fidei, quas ob conservan-
 des, & hæc fidei unitas con- dam in tota Ecclesia hanc fidei

Febronio movere solent quoad Episcopos, qui cum jure divino sint judices præsertim in materia fidei; judicis naturam non pati existimant, ut ad assentiendum definitionibus Pontificiis obligentur, ita ut ab ipsis dissentire non possint. Hanc vero difficultatem penitus sublatam reor ex his, quæ disserui in lib. *De potest. Eccl.* cap. 2. n. 3. pag. 28. Cum Christus ob conservandam in Ecclesia fidei unitatem Petro in mandatis dedit, ut in fidei dissensionibus a demone excitandis confirmaret, hoc est, in vera fide, seu in unitate ejusdem fidei contineret *fratres*; fratrum profecto nomine Apostolos & Apostolorum successores Episcopos indicasse, & in id exequendum ex fine & officio primatus auctoritatem per se sufficientem, sine qua unitas non potuisset conservari, Petro ejusque successoribus traditam ab eo fuisse dubitare non licet. Necessitas conveniendi cum Romanæ Ecclesiæ fide, quam vi potentioris primatus omnibus undique fidelibus impostam affirmavit S. Irenæus laudatus paragrapho præcedenti, Episcopos non excipit. Immo hos potissimum obligari fandum est. Cum enim ipsi sint præcipua Ecclesiæ membra, at subordinata supremo capiti in idem unitatis bonum, ut in custodiam unitatis potissimum fidei cooperentur, atque cum ipso in unum conspirent; cavere vel maxime debent, ne a debita cum eo unitate umquam declinantes, scissuras foveant præsertim in fide. Subscriptiones definitionum fidei, quas ab Episcopis præcipue exigere antiquissimus mos fuit, jus in hoc Pontificium obligandi ipsos Episcopos aperte testantur.

K k 2

§. V.

unitatem edunt Pontifices jure primatus, ea vi prædita esse debent, & ita obligare omnes, ut in tota collectione Ecclesiæ nullus sit, qui post definitionem licite possit dissentire a dogmate definito, uti ante definitionem poterat. Id est, quod dici solet obligare omnes non *distributive* tantum, sed

collective: nec aliter ipsæ definitiones conciliorum generalium, quæ tunc totam collectionem adstringunt, obligant omnes *collective*. Hanc Pontificiam auctoritatem in omnes *collective* ex proposito constitui in opere *de potest. Eccl.* cap. 4. §. 3.

§. V.

QUINTA PROPOSITIO.

Auctoritas, quæ in conservationem unitatis fidei definitiones dogmaticas edit, his definitionibus dogmaticis, ut in conservandam fidei unitatem sufficiant, obligare debet omnes, non ad meram exteriorem observantiam, sed ad assensum & obsequium mentis: quod cum fidei necessarium sit, sine eo fidei unitas servari non posset.

Hoc mentis obsequium, quod ipsæ definitiones Apostolicæ exigunt, ut Apostolica auctoritas sit per se sufficiens ad conservandam unitatem fidei, omnino necessarium. comprobatur debitu obedientiæ, quam eidem auctoritati definiendi aliquod dogma deferendam interno *mentis obsequio* seu assensu vel adversarii Galli sarentur. Vide lib. *De vi primat.* c. 23. n. 74. & seqq. ubi inter alia attulimus trium & triginta Episcoporum Galliæ testimonium in litteris ad Innocentium X. scriptis an. 1653. die 15. Julii; eandemque obedientiam deferendam ex *subordinatione hierarchica* ipsi Episcopi testati sunt in aliis ejusdem temporis litteris ad Episcopos regni, de quibus vide lib. *de potest. Eccl.* c. 2. n. 4. Idipsum quoque confirmant Gallicani occasione celebris *casus*, ut vocabant, *conscientiæ*, qui cum externum, non autem internum obsequium definitionibus Romanorum Pontificum exhibendum præferret, iisdem Gallicanis postulantis Pontificia auctoritate damnatus, & damnatio ab illis non solum recepta, sed laudata etiam fuit, ut explicavi in lib. *De vi primat.* loc. cit. Nemo ab hoc debito mentis obsequio subtrahendos puer Episcopos, qui *hierarchica*

ethica subordinatione eidem obedientiæ præstandæ, quam jurjurando sponponderunt, non minus quam laici, sed multo magis obligantur.

Qui ex doctrina Synodi Constantiensis ipsas (3) particulares Ecclesias ac Synodos particulares Apostolicæ auctoritati subiectas agnoscunt, dubitare nequeunt quin omnes saltem particulares (quantumvis Episcopi) definitionibus Apostolicis obligentur. Ii tantum, qui cum * Febronio & Gersone existiment eas definitiones obligare (4) *saltem* * Cap. 1. §. 4. n. 4. pag. 31. l. 1.

ad

(3) Si nemini particulari liceat dogmatizare contra definitiones Apostolicas, quamdiu Ecclesia non reclamât, adeo ut (quod dicit Febronius) *provisorie illis obsequendum sit*; quomodo fieri possit ut aliquando reclamet Ecclesia, quis congrue explicet? Numquam profecto id eveniet, nisi quidam in particulari ante contradictionem Ecclesiæ incipiant se se opponere, & contra editam definitionem aliquid declarare contra superioris sententiam, quod particularibus saltem illicitum esse adversarii negare non possunt. Nec vero ex illicita aliquorum particularium contradictione expectari potest juridica contradictio Ecclesiæ, quæ semper adhæsit, & adhæsurâ est centro unitatis fidei, quocum omnes undique fideles, ipsamque Ecclesiam convenire necesse est *propter potentiorē principalitatem*. Ii soli se se opponere audebunt, qui nec potestatem primatus potentiorē ac per se sufficientem agnoscunt, nec se quamvis

particulares eidem potestati subiectos, nec debitz unitati atque obedientiæ mentis quoque obsequium exigenti obnoxios arbitrentur.

(4) Hæc thesis, qua cum Gersone asserit Febronius, definitionibus iudiciisque dogmaticis Summorum Pontificum esse obsequendum *provisorie*, saltem non dogmatizando *contrarium*, quamdiu non reclamât Ecclesiæ, a nemine conciliari poterit cum illis ejusdem Febronii verbis cap. 2. §. 8. t. 1. pag. 62. *Si ex insperato Pontifex extra concilium ita ediceret, ut in ejus eloquio Ecclesiæ suam traditionem non recognoscerent, his competit jus contradicendi*. De particularibus Ecclesiis seu Episcopis Febronium hic loqui indicant sequentia, quibus *justam* hoc casu Ecclesiarum particularium contradictionem appellat. Votes autem præmissæ ex insperato ediceret: definitionem vix editam innuunt, antequam posset innotescere dissensus, seu contradictio catholicæ Ecclesiæ. Si particularibus saltem Ecclesiis non li-

ad non dogmatizandum contrarium, quamdiu Ecclesia non reclamaret; contenti esse videntur obsequio illo externo, quod contradictionem exteriorem impediatur. At in exteriori huiusmodi obsequio, cui non respondeat obsequium & assensus mentis, nonne simulationis & mendacii vitium includitur? Quenam esset isthæc obedientia arque subordinatio hierarchica, quæ simulando & mentiendo obsequeretur?

2. Cor. 10. 5. Certe unitas fidei, quæ ex Apostolo *captivatur omnis intellectus in obsequium Christi*, præter externum obsequium, assensum interiore efflagitat, ut omnes in materia fidei *idipsum invicem sentiamus, & idipsum dicamus omnes*.
 Rom. 1. 12. Huius ergo unitati in tota Ecclesia servandæ si vis per se sufficiens Apostolicæ auctoritati attributa dicenda est; negari non potest definitiones Apostolicas obligare ad assensum etiam internum, sine quo unitas fidei servari non posset.

§. VI.

oet *dogmatizare contrarium*, antequam reclamet Ecclesia; quomodo licere eisdem potest contradicere, si ante detestam contradictionem Ecclesiæ suam traditionem in definitione vix edita non recognoscant? In eo, qui falsam sententiam propugnat, quam facile est contradictionem aliquam invenire! Neque Febronium juvar conditio, si in Pontificia definitione particulares illæ Ecclesiæ suæ traditionem non recognoscere. Nonne ex S. Irenæo didicimus certam regulam veræ fidei discernendæ ab errore esse Romanæ Sedis

traditionem, cum qua ob primatus vim potentior omnes undique fideles, & Ecclesias omnes convenire necesse est, & in qua semper ab his qui sunt undique conservata est ea quæ est ab Apostolis traditio? Nonne ex hac regula ad eandem traditionem Romanam exigenda est particularium Ecclesiarum traditio, ita ut si qua cum ea non concordet, tamquam error repudianda sit? Quis defendere iuste potest contradictionem iis definitionibus, quibus debetur unitas & obedientia fidei?

§. VI.

PROPOSITIO SEXTA.

Pontificia auctoritas, quæ ab omnibus Christianis etiam Episcopis exigit obsequium & assensum internum proprium fidei erga definitiones a Summis Pontificibus editas, omnem dubitationem debet excludere, ita ut dubitare non liceat, num illi cum fidei controversias definiunt, in ipsa definitione errant.

Assensus internus proprius fidei, quo captivandus est intellectus in fidei obsequium, cum dubitatione conjungi nequit; ac propterea simplex dubium circa aliquod dogma sufficit ad violandam fidem. Auctoritas autem, quæ omnem dubitationem debet excludere, omnimodam certitudinem afferat necesse est: alias esset insufficiens per se ad conservandam in Ecclesia fidei unitatem. Porro definitiones Apostolicas circa fidem per se omne dubium excludere, & omnimodam certitudinem parere ex antiquis exemplis & Patrum testimoniis liquet. Sic S. Augustinus definitione Apostolica contra Pelagianos causam finitam, totamque dubitationem sublatam prodidit. Vide lib. *De vi primat.* cap. 13. n. 50. & 51. Similiter S. Cælestinus, & S. Leo, cum definitiones ediderunt, unus contra errorem Nestorii, alter contra illum Eutychis, eas ita certum assensum exigere crediderunt, ut noluerint in ipsis generalibus Conciliis Ephesino atque Chalchedonensi de Apostolicis judiciis questionem moveri & judicari. Vide ibidem n. 59. & 66. Idem est de aliis aliorum Pontificum definitionibus dogmaticis, quas si quan-

si quandoque novo examini in œcumenicis synodis aliquatenus subijci passi sunt; non ea de causa id permiscere, quasi licere crederent de iisdem ambigere, sed ut nova discussione dubitantes aut repugnantes convicti, ad unitatem adducerentur; aut eorum pervicacia atque perversitas evidentius patefieret, ne ignavis aut minus cautis succum facerent. Unitatis bonum, ob quod vindicandum Pontificia auctoritas fuit instituta, Romani præfules ita præstare censuerunt, ut (quod §. 3. monuimus) media omnia sibi tentanda duxerint, ex quibus unitas sperari posset, etiamsi aliquod forte sue auctoritatis dispendium, seu offensio aliqua exinde timenda videretur apud eos, qui fortassis ex novæ huius discussionis indulgentia Apostolicas definitiones non omnino certas deducerent. Has autem ita certas per se se habuerunt Episcopi Gallicani, ut suam fidem in Eutychis causa certam omnino & catholicam agnoverint, ex quo ipsam cum fide a Leone definita concordem deprehenderunt; non autem e contra fidem a Leone definitam certam habuerint ex eo, quod cum suarum Ecclesiarum fide conveniret. Vide ibidem n. 76. & 77. (5). Id ex principio antiquissimi Gallicani Episcopi S. Irenzi didicerunt, qui veritatem ab errore discernendam docuit ex concordia cum Romana fide, ita ut certa regula dignoscendæ veræ fidei sit Romanæ Ecclesiæ fides. Cum enim ex ejusdem Irenzi doctrina necesse omnino sit omnes undique fideles, & Ecclesias omnes concordare cum Romana fide; aliarum utique omnium catholicarum Ecclesiarum fides eadem esse debet ac fides Romana: quod idem est ac dicere Romanam fidem eandem esse ac fidem omnium catholicarum Ecclesiarum, idest ipsius Ecclesiæ catholicæ. Fidem autem catholicæ Ecclesiæ cum veram fidem esse certissimum sit; certissimum quoque erit veram fidem esse Romanam, cum qua omnium aliarum catholicarum fides debet concordare; ac pro-

(5) Hinc Romanæ fidei nimium non tribuit Gerson in sermone, quem habuit coram Alexandro V., cum ab ea

certitudinem fidei petendam pronuntiavit: *A qua fidei certitudo petenda est.* Tom. 2. edit. Dupin. p. 136.

ac propterea ad veram catholicam fidem certo dignoscendam non sit opus inquirere, quænam sit aliarum Ecclesiarum fides; sed Romanæ fidei inquisitio & cognitio sufficiat.

Traditionis testimonia fufe descripta in alio opere *De vi primat.* c. 13. dum probant necessitatem unitatis fidei cum Romana fide, quam in controversiis definiunt Summi Pontifices, probant simul certum assensum fidei definitionibus Apostolicis præstandum, & omnis dubitationis expertem.

§. VII.

PROPOSITIO SEPTIMA.

Auctoritas Pontificia, cujus definitiones dogmaticæ in conservationem unitatis fidei editæ obligant totam Ecclesiam ad assensum fidei ipsius definitionibus præstandum, omni dubitatione exclusa, in definiendo infallibilis dicenda est, ut ipsa Ecclesia ex promissis Christi est infallibilis.

In hac propositione infallibilitatem definitionum, quas edunt Summi Pontifices, ex infallibilitate totius Ecclesiæ, quam omnes catholici ex certis promissis ipsi Ecclesiæ factis indubie fatentur, deducimus. Si enim ex constitutis hætenus vis & ratio primatus, instituti ob conservandam unitatem potissimum fidei in tota Ecclesia, vim per se sufficientem requirit ad exigendam hanc unitatem & fidei assensum a tota Ecclesia præstandum definitionibus Apostolicis; tota vero Ecclesia ex Christi promissis infallibilis in errorem fidei nequeat deduci; infallibilis profecto dicenda erit in his definitionibus Apostolica auctoritas, ne si in

L I istas

istas posset fidei error irrepere, Ecclesia catholica, quæ ad assensum obligatur, in errorem inducatur. Hæc prerogativa peculiaris auctoritatis Pontificiæ per se, quippe quæ per se obligat totam Ecclesiam, non est communis aliis Episcopis, aut conciliis particularibus, quæ non obligant nisi suos subditos atque Ecclesias particulares. Hæc nimirum Ecclesiæ cum non ita sint infallibiles, ut universalis Ecclesia infallibilis est; illorum auctoritatem infallibilitatis privilegio gaudere opus non est: ac proinde errare possunt Episcopi & concilia particularia, uti sane multi subinde errarunt Apostolicarum etiam Ecclesiarum Episcopi cum suis particularibus Ecclesiis: immo jam hoc tempore omnes aut fere omnes a verâ fide aberrasse dolemus, & ab Ecclesia catholica defecisse. Si autem quæras, cur defecerint & aberraverint; invenies hanc veram causam fuisse, quia cum Romanâ Ecclesia catholicæ fidei centro non custodierunt fidei unitatem, quam cuique servandam ex prerogativa primatus non solum Irenæus, sed universalis etiam traditio docuit.

Hinc patet distinctio inter definitiones editas a Romano Pontifice & illas ab aliis particularibus Episcopis aut synodis; & cur ex Pontificii primatus auctoritate, non vero ex auctoritate Episcoporum aut synodorum particularium definitionum infallibilitas consequatur: quia videlicet Romani Pontificis auctoritas obligat ad unitatem & assensum universam Ecclesiam, auctoritas vero aliorum Episcoporum aut synodorum particularium per se non obligat omnes, nec totam Ecclesiam, sed suos subditos & suas Ecclesias particulares, quæ non sunt infallibiles, uti est infallibilis Ecclesia catholica.

Fateor antiquos, cum vim obligandi tribuerunt Episcopis etiam particularibus, haud existimasse necessarium affirmare ipsos, ut ad unitatem suos subditos obligarent, esse infallibiles; sed credidisse sufficere in id eorum potestatem a Deo institutam, cui inferiores debent obedientiam, & in materiis fidei legitimum etiam mentis obsequium præstare ex illis Evangelii: *Qui vos audis, me audis* &c. ut cum Petro Aurelio * Febronius notavit. Cum vero particulares Episcopi per se non obligent ad unitatem totam Ecclesiam, neque idcirco ita infallibiles dicendi sint,

Luc. 11. 16.

* ep. 4 §. 2.

n. 13.

di sint, ut tota Ecclesia est infallibilis; sed eorum auctoritas non extendatur per se extra suos subditos & Ecclesias particulares: sicut non repugnat hos & has errare circa fidem; ita in his infallibilitas certa non est nisi ea conditione, si concordent cum fide Ecclesie catholice, seu cum Romana, quacum totam Ecclesiam catholicam convenire necesse est, adeo ut ex concordia cum hac discernendum sit, quanam Ecclesie particulares teneant veram fidem, & e contra ex cognoscantur a vera fide descivisse, quæ cum Romana non conveniunt. Hinc unitas cum Romana fide absolute necessaria est: ac proinde infallibilitatis prærogativa absoluta illi est tribuenda, & vis coactiva ad fidei unitatem pariter (6) absoluta; sicuti absoluta est item infallibilitas & vis coactiva ipsius Ecclesie catholice, quæ Romanæ fidei adhæreat oportet, ut ex Irenæo accepimus.

L I 2

§. VIII.

(6) Alia ratione hanc infallibilitatem fidei a Romanis Pontificibus definitæ ex eo deducere libet, quia Romana fides ab illis definita eadem est ac fides totius Ecclesie catholice. Duo in hanc rem concinentia S. Irenæi & S. Augustini testimonia expendenda sunt. Cum S. Irenæus loco sæpius laudato docuit, necesse esse omnes qui sunt undique fideles, omnesque proinde Ecclesias convenire cum Romanæ Ecclesie fide; proculdubio significavit omnium catholicarum Ecclesiarum fidem eandem esse cum Romana, ideoque hanc præcipue commendavit, inquit Bossuetus lib. 10. al. 15. Defens. c. 14., cum profecto certum esset non potuisse fieri, ut a reliquis Ecclesiis discreparet (Romana traditio)

in qua omnes unitatem servare debeant. Quod de fide ac traditione Romana scripsit S. Irenæus, S. Augustinus expresse prodidit de fide, quam Romani Pontifices definiunt. Etenim lib. 11. in Julianum cap. 2. loquens de definitione Innocentii ad Africanos missa contra hæresim Pelagianam ait: *Quid enim potuit ille vir Sanctus Africanis respondere conciliis, nisi quod antiquitus Apostolica Sedes & Romana cum cæteris tenet perseveranter Ecclesia?* Quam belle concinit Augustinus cum Irenæo? Ex textu Irenæi omnium catholicarum Ecclesiarum fides, convenire debet cum Romana; & ex Augustino Romana fides ab Innocentio definita, non potuit non convenire cum fide cæterarum Ecclesiarum, quam

§. VIII.

PROPOSITIO OCTAVA.

Eadem Pontificum infallibilitas evincitur vel maxime ex promissis Christi factis S. Petro, ac ex traditione Patrum.

Romanorum Pontificum infallibilitas in definitionibus fidei ex Ecclesie catholice infallibilitate ac ex promissis Christi factis Ecclesie hactenus deducta, innitur etiam duabus illis ejusdem Christi promissionibus S. Petro factis, *Et porta inferi non prevalebunt adversus eum; Et oravi pro te, ut non deficiat fides tua.* Non inficiantur adversarii hæc Evangelica testimonia pertinere ad primum, quem horum verborum contextu Christus instituit in Petro, ac proinde jure a catholicis ea afferri ad probandum ipsum primum. Hæ itaque promissiones Christi ad primum referendæ sunt: ac proinde non ad unum S. Petrum sunt restringendæ, sed peræque spectant ad omnes Romanos Pontifices, qui eodem primatu fruuntur. Enimvero cum ejusmodi promissiones factæ fuerint Petro in bonum unitatis fidei ab eodem custodiendæ in Ecclesia catholica jure primatus; proculdubio pertinent etiam ad ejus successores

Romana CUM CETERIS tenet perseveranter Ecclesia. Romana ergo fides, quam Pontifices definiunt, eadem est ac fides aliarum catholicarum Ec-

clesiarum, ac proinde est eadem ac fides totius Ecclesie catholice. Infallibilis igitur sit oportet, ut Ecclesie catholice fides infallibilis est.

cessores, qui ex officio & sine primatus unitatem fidei in tota Ecclesia debent custodire. Neque enim dubitare licet, quin Christus, qui primatum instituit ob conservandam in tota Ecclesia unitatem *maxime in fide*, promissiones in eundem finem Petro factas ad omnes ipsius successores extenderit: cum præsertim auctoritas omnino tuta in Petri successoribus eo magis esset necessaria quam in aliis Episcopis successoribus Apostolorum, *quo minus eorum fides erat confirmata, quam fides Apostolorum*, ut Bossuetus * notavit. Hinc sane eas promissiones Petro factas successoribus ejus aptavit traditio, quam explicavi in libro *De vi primatus* c. 15. §. 2. & 3. Immo etiam Gallicani Episcopi eas ab ipso Christo præsumperunt, & indicarunt aptatas, cum in litteris ad Innocentium X. scriptis die x. Julii an. 1653. affirmarunt, judicia Sedis Apostolicæ in negotio fidei a Pontificibus Romanis edita, non solum *summa & divina auctoritate*, sed etiam **CHRISTI POLLICITATIONE NIXA**, ita ut his de causis ipsum mentis obsequium requirant. Idipsum comprobant ea Patrum traditio, quæ Bossueti cum ceteris adversariis assentiente Romanam fidem a S. Petro in Apostolica Sede depositam *immutam & indefectibilem* esse & semper futuram pronuntiat; idque Christi promissis attribuendum agnoscens in libro *De promissis Christi factis Ecclesie* ubi agit adversus hæreticos, qui Ecclesiam visibilem in fide posse deficere autumant, indefectibilitatem fidei ejusdem Ecclesie, quæ cum Romana fide unitatem custodit, ex promissis Christi deducens scripsit: *Si ergo firme adharebimus huic cathedræ (idest doctrinæ ex hac cathedra editæ) tuti erimus ex Jesu Christi promissis*. Apertius vero lib. 12. al. 15. Defensionis c. 7. ex veteri formula fidei, quam omnes Ecclesie subsignarunt, & tota Ecclesia approbat, minime dubium esse pronuntiat, *Sedis Apostolicæ & Ecclesie Romanæ fidem integram & perfectam soliditate constare, ac NE UMQUAM DEFICIAT, CERTA DOMINI POLLICITATIONE FIRMATAM*. Fidei, quæ *certa Domini pollicitatione firmata est, ne umquam deficiat*, nonne certa infallibilitas est asserenda? Neque reponas, his testimoniis sermonem esse de fide Sedis, seu Ecclesie Romanæ, non de Pontificum fide, seu definitione ab ipsis edita. Quidquid enim ad Sedem, cathe-

* Medit. in
Evang. ver-
ba recitavi.
De vi pri-
mat. c. 14.
n. 22.

Textum de-
di lib. de vi
primat. c. 14.
p. 254 not. 1.

cathedram, Ecclesiamque Romanam pertinet vi & ratione primatus, Romanis Pontificibus (ut sæpe diximus) tribuendum est : vi autem ac rationi primatus tribuitur, quidquid pertinet ad custodiendam unitatem maxime in fide. Quis igitur Pontificiam infallibilitatem tam certis promissis, ac traditione, ipsiusque Bossueti non obscura confessione probatam repudiet? (7)

IX.

(7) Scio eundem Bossuetum lib. 10. *Defensionis* c. 15. tom. 2. pag. 208. non modicum niti, ut traditionem Patrum, qui promissiones Christi Petro factas Summis Pontificibus aptant, ea interpretatione distorquant, quæ eæ formulæ apud ipsos Patres non certam fidem, aut omnimodam certitudinem alibi significant, sed piam fiduciam tantum, & meram præsumptionem, qua scilicet pie creditur numquam futurum, ut judicia ipsorum etiam circa fidei controversias a veritate deficiant, ut ne exinde infallibilitas proprie dicta deduci queat. Duo in id assert, I. non absumiles fere formulas a quibusdam antiquis applicari particularibus Episcopis, quos tamen nemo infallibiles somniavit: II. quandoque etiam legi de Summis Pontificibus in aliis materiis, in quibus eos posse errare omnes nobiscum fatentur. Qui vero his moventur, non advertunt magnum, quod interest, discrimen inter alios atque Episcopos Romanos Pon-

tifices; & inter definitiones proprie dictas, quæ ab istis eduntur in negotio fidei, ac inter opiniones seu alia documenta ab iisdem scripta in aliis materiis.

Qui prima animadversione moventur, considerent dicta §. 7. pag. 266. ubi explicavi discrimen & rationem discriminis inter Papam & alios Episcopos, dum ferunt sententiam in materia fidei; & intelligent cur Papæ, non vero aliis particularibus Episcopis judicantibus aliquod fidei dogma, infallibiliter tribuenda sit jure primatus, & ex promissionibus Christi, quas & Gallicanos Apostolicis de fide judiciis asseruisse, & Bossuetum quoque eisdem factis aptasse hoc paragrapho indicavimus: quæ non piam fiduciam, aut probabilem tantum præsumptionem, sed certam fidem, & fidei certum assensum requirunt. Qui autem altera animadversione impediuntur, si considerent Christi promissiones ac traditionem Patrum respicere solas defini-

§. IX.

Effugium Bossueti distinguendis inter seriem & personas Pontificum quam inane & repugnans.

Scio movere errores quibusdam Pontificibus attributos, quibus Bossuetum adeo permotum fuisse * vidimus, ut ne secum, & cum traditione ac promissis Christi a se quoque agnitis videretur repugnare, distinctionem plane novam invexerit, qua Romanorum Pontificum fidem immotam & indefectibilem dicendam esse affirmavit in eorum serie ac successione, non vero in singulis Pontificibus, cum quosdam ex ipsis in fide defecisse ex aliquot gestis negari non posse arbitretur. Hæc vero distinctio, quæ ex ipsa novitate suspecta esse debet, eo solum consilio potissimum inducta, ut Patrum traditionem, quæ Romanæ fidei indefectibilitatem apertissime testatur, cum præsumptis quorundam Pontificum erroribus aliquatenus conciliaret, penitus rejicienda cognoscitur, quum ipsi traditioni opponatur manifestissime. Ex traditione enim concedendum creditur, Romanam fidem immotam & indefectibilem esse. Cum porro eodem Bossueto auctore * concedatur, Romanam fidem non esse distinguendam a fide, quam Summi Pontifices docent; istorum fidem in docendo esse immotam & indefectibilem est pariter concedendum. Quomodo autem eadem fides immota & indefectibilis

* De vi prelat. c. 15. n. 18.

* l. 20. al. 15. Defens. c. 3. Confer. dicenda §. 124

tiones fidei editas ex finæ & officio primatus, quæ unitatem exigunt fidei, non vero opinioniones; aliæ documenta Pontificia a definitione fidei di-

versæ, quibus non ita debetur unitas uti definitionibus fidei; omnis difficultas protinus evanescet.

* Confer
De vi. pri-
mat. c. 15.
n. 28.

stibilis concipi potest in serie Pontificum, si aliquis ipso-
rum Ecclesiam docens deficere posset, & pro fidei dogma-
te errorem doceret ac definiret? Nonne quicumque inter
illos deficeret, ad ipsam seriem pertineret? Nonne Christus
ob conservandam unitatem fidei instituens auctoritatem pri-
matus, hac auctoritate, quæ * in aliquibus deficeret, mi-
nus congrue eidem unitati providisset? Neque dicas hoc ca-
su Romanam fidem immotam adhuc & indefectibilem fore,
unitatique satis provisum, quia Pontifex, qui erravit,
vel per se errorem corrigit, vel a successoribus error cor-
rigetur; sicque indefectibilis semper erit vera fides in ipsa
serie, si non physice, certe moraliter; quæ moralis indef-
ectibilitas ad traditionem Patrum, & promissiones Chri-
sti explicandas sufficit. Hæc vero alia distinctio cum op-
ponatur fini primatus, quem declaravit traditio, commen-
titia & rejicienda cognoscitur. Quomodo enim primatus
auctoritas, quæ in aliquo Pontifice fidem docente defice-
ret, & errorem fidei contrarium proponens, unitatem non
posset exigere, ad fidei unitatem servandam esset per se
idonea atque sufficiens? Hoc certe Pontifice auctoritas, quæ
ex Christi institutione esse deberet potestas in conservatio-
nem unitatis, nonne esset medium in ipsius destructionem
& scandalum? Si hac in circumstantia remedium expectan-
dum esset a correctione, quam vel idem Pontifex, vel ali-
quis ejus successor, aut alius quicumque postea faceret; non-
ne antequam hæc correctio fieret, vera fides in serie Pon-
tificum defecisset, & auctoritas, quæ per se habet vim
obligandi, ad errorem deberet interim obligare?

§. X.

*Errores Pontificum, qui ab adversariis opponun-
tur, ut in rem præsentem probarent aliquid,
duo probanda essent: I. errorem, qui opponi-
tur, ita esse certum errorem fidei ut nulla
possit apta interpretatione purgari: II. esse
præter-*

præterea errorem definitionis dogmaticæ. Unus ejusmodi error congrue probatus, ad evertendam propositam thesim sufficeret. Nullus vero adversariis prodest, cum ex omnibus, qui obijciuntur, erroribus nullus sit error fidei certus, vel non sit error definitionis dogmaticæ.

Systema de infallibilitate Pontificia in definiendis controversiis fidei, ex vi & ratione primatus deductum, & promissis Christi ac traditioni innixum, de quo in præcedenti libro *De vi & ratione primatus*, & hac in Appendice egimus, nonne demonstratum dici potuit? Quid demonstrationem ex certissimis principiis legitime constitutam posset infringere? Soli errores id possent: iique soli adversarios moverunt. Omnes siquidem conditiones & distinctiones, quibus vel principia ipsis opposita restringere, vel consequentiam ex principiis deductam studuerunt enervare, ad errores revocantur. Ideo enim debitum unitatis & obedientiæ definitionibus Apostolicis alligantur conditioni consensus Ecclesiæ, quia Ecclesia errare non potest; Pontifices autem in fide posse errare ex præsumptis erroribus certissimum judicant. Hæc quoque errorum certa præsumptio causam dedit distinctionibus inter Sedem Apostolicam & Præsidentem, inter infallibilitatem seriei seu successionis, ac illam singulorum Pontificum. Ut autem præsumpti errores vim demonstrationis constitutæ eliderent, & contra ipsam evincerent aliquid, duo essent præstanda.

I. Errores, qui opponendi credantur, deberent probari errores fidei ita certi, ut nulla congrua interpretatione possent explicari atque defendi. Si qua enim congrua ratione explicari & intelligi queat, quod errori tribuitur, cur pro certo errore traducatur; cum ex certa regula in dubio pro superiore semper sit præsumendum, nec in deteriore partem sit accipiendum, quod in saniolem sensum explicari possit? Id autem tanto magis dicendum, ubi de thesi agitur, quæ ex certis principiis, nec non ex Christi promissis ac traditione Patrum demonstrata videtur: si-

M m

quidem

quidem contra demonstrationem nulla obiectio per se insolubilis potest inveniri, adeo ut si præsto non occurrat vera solutio, non idcirco reipsa deesse dicenda sit, nec de eo, quod demonstratum est, sit dubitandum.

II. Quod si certus esset & evidens error in materia fidei, nihil ramen nostræ thesi ac demonstrationi obesset, si nequeat simul probari esse errorem in definitione fidei. Cum enim auctoritas Romanis Pontificibus tributa sit ad custodiendam in diffidiis unitatem fidei, unitas vero fidei in diffidiis seu controversiis circa fidem ab Ecclesiæ Præpositis non alia ratione vindicetur nisi expresse definiendo, quid vel credendum vel damnum sit ex catholico dogmate; idque ita expresse atque præcise, ut obligatio assentiendi, unitatisque præstandæ ex ipsis verborum formulis innotescat; quidquid extra huiusmodi definitionum terminos est, nec satis exprimit debitum unitatis, sicut non refertur ad finem primatus, ita nec ex ea auctoritate primatus editum dici potest, cui infallibilitatis prærogativa tribuenda sit. Qui hanc restrictionem infallibilitatis ad solas definitiones fidei veluti novam atque violentam male audiunt, velim considerent duo. Primo animadvertant in utroque Evangelico textu, qui duplicem Christi promissionem ante memoratum continet, sermonem esse de varietate opinionum in materia fidei, quæ unitatem discinderet; & in utroque item promissiones Christi respicere fidem Petri, cui tamquam fundamento & centro unitatis omnes adhæreant, & quæ omnes ex præcipuo fine primatus in ejusdem fidei unitate confirmet, quod definitionibus efficitur. Adeo solas ejusmodi definitiones promissiones Christi respiciunt, & in his solis infallibilitas Pontificum requirenda. Secundo cogitent communem esse Theologorum doctrinam, in ipsis generalium conciliorum actis solas definitiones fidei vim infallibilem habere, & ad assensum cogere, nec obesse, si vel ratio definiendi, vel alia quædam actis obiter inserta difficultatem facessant, aut a veritate abesse videantur. Vide, quæ in hanc rem Bossuetus cum Cano monuit lib. 3. Defensionis c. 1. & quæ eodem libro addit c. 24. ubi de quadam Bonifacii VIII. constitutione sermonem faciens, distinguenda esse ait, quæ Pontifex exponit in exordio, ab iis quæ definit: *Hæc enim non ejusdem virtutis esse &*

sepe

*Cur solis definitionibus fidei infallibilitas tribuenda.

rom. 5. pag.
270. nova
edit.
pag. 319.

sæpe diximus, & OMNES consentientur. Confer conditiones, quas ad propriè dictam definitionem fidei idem Bosfuetus requirit, & ego quoque cum ipso requisivi in lib. *De vi primatus* cap. 13. pag. 315. ut error probetur in definitione fidei. Confer potissimum ibidem notata num. 36. pag. 377. ubi quamplurima Pontificia documenta a definitionibus segreganda ostendi. Ex his autem principiis contra infallibilitatem nihil probare potest error, qui vel certus omnino non sit in negotio fidei, vel ad propriè dictam definitionem nequaquam pertineat. Si non sufficit error, qui alterutra ex parte deficiat: multo minus sufficiet error, qui deficiat ex utraque.

Eja nunc percurrere singulos, qui opponuntur, errores; & invenies ne unum quidem reperiri, qui non ex uno, vel utroque etiam ex capite claudicat. Ne repetam, quæ dixi in libro *De vi primatus* c. 15. §. 7. & seqq. ubi præcipua errorum objecta expendi, hic tantum pauca adiciam de lapsu, qui Honorio oppositus, etsi potissimam & efficaciorum obiectionem continere videtur, non una tantum, sed utraque ex parte laborat. Nimis profecto iniquum censorem ille se præferret, qui voces *unius voluntatis* in litteris ad Sergium ab Honorio usurpatis contenderet, ut Monothelítico sensu excluderetur Christo voluntatem humanam; cum ex contextu manifestum sit ipsum eam solam voluntatem humanam expunxisse, quæ ex originali culpa ac vitio divinæ voluntati repugnat: aut ex alia parte vellet definitionem ab eodem propositam pro asserenda Monothelítico sensu voluntate una, & operatione una; cum constet eum, qui nec unius, nec duplicis operationis aut voluntatis voces adhiberi volebat, nihil quoad hoc definisse, sed harum vocum usum spectasse, quas non ideo *ineptas*, & supprimendas censuit, perinde ac si nec unam, nec duas operationes ac voluntates in Christo extitisse crederet, qui duas naturas cum proprietatibus cujusque propriis confessus est; sed quia in illis circumstantiis, quæ spem asserabant pacis conciliandæ, minus aptus videbatur earundem vocum usus, qui unitati impedimento esset, nec dogmati quoad substantiam aliis verbis satis explicato necessarius putaretur. Hæc interpretatio, litterarum Honorii contextui congruens, ita Monotheliticum errorem saltem quoad substantiam abster-

M m 2

git,

De Hono:
rio.

git, ut nonnisi iniquiori explicatione certus error prætendi possit. Cum autem quoad voces, tum unius, tum duarum operationum ac voluntatum appellationem Honorius removerit; palam fit eum nihil de hac ipsa verborum questione (8) definire voluisse, ex quo error, quicumque aliquot æquivocis verbis inesse cupiam videatur, non definitionis error sit, sed omissionis, vel etiam subreptionis, & facti, seu æconomice dispensationis, quæ ad fidem non pertinent, ut pluribus explicavi loco laudato c. 15. n. 35. Neque insistas verbis Honorii in epistola ad Sergium, quibus dum affirmavit, *Hæc nobiscum vestra fraternitas prædicet, sicut & nos ea vobiscum unanimiter prædicamus*; eandem sibi & Monothelitis sententiam videtur asserere. Ex contextu enim liquet *unanimitem* his verbis indicatam referri tantummodo ad suppressionem vocum: *unius aut gemine voluntatis ac operationis*, quam Sergius petierat, nec non ad eorundem rationum vel momentorum usum, quæ ad ipsam suppressionem inducendam conferrent. Erravit quidem Honorius, dum suppressionem præscripsit earum vocum, de quibus erat questio. At cum ex ipsa suppressione cognoscatur eum nihil utrinque definisse, immo a definiendo æconomice causa censuisse abstinendum; quis errorem, quicumque ei adscribendus credatur, errori definitionis potius, quam omissionis adjudicare potest? In questionibus quandoque excitatis circa voces aliquas aut sententias, quæ nunc in bonum, nunc in prævum sensum accipi queunt, error ex prava interpretantium mente dependet. Cum itaque ex earum vocum suppressione, aliisve Honorii vocibus minus caute usurpatis, ne quoad ipsam questionem non malo consilio quicquam definiret, Monothelitz suo errori patrocinium quaerierint; totus error contrarius catholico dogmati prave interpretantium error fuit, non autem Honorii, neque definitionis, a qua apertissime & consulto abstinuit. Quid dicendum de ejus condemnatione facta in Concilio VI. œcumenico, explicavimus satis in præmissis.

(8) Hinc in secunda ad Sergium Epistola bis protestatur, *non debemus definire, non oportet definire.*

misso opere *De potest. Eccl.* c. 5. not. 2. Sed de Honorio nimis multa.

Similia de aliis Pontificibus, quibus errores opponuntur, asserri possent, & vel ab aliis infallibilitatis Pontificiæ vindicibus, vel etiam a me loco indicato allata fuerunt: (9) contra quæ si quis contentiosius insistat, nullo certo errore circa fidem probato, nulla producta definitione certa, in qua certus error insit, in cassum laborabit. Quod si adhuc non aquiescat ex quamplurium errorum præsumptione; indicet, quæso, unum suo iudicio evidentem, qui sit ita certus, ut nulla possit interpretatione congrue purgari, sitque error certæ definitionis dogmaticæ; & nihil dubito quin aptæ probationes vel alterutra, vel utraque etiam in parte deficient. Si autem ne uno saltem in errore id ex æquo præstare se posse deprehendat; infallibilitati Pontificiæ neu resistat diutius, nec sententiam nostram, qua illam vindicare studui, veluti exilem aut despera-

(9) Quicumque ex. gr. absque præiudicio expenderit Nicolai III. decretalem *Exiit*, qua S. Francisci regulam explicat, eamque contulerit cum decretalibus Joan. XXIII. *Cum inter nonnullos*, & *Quia quorundam* tit. *De verborum significatione*, inueniet illum non accepisse voces *simplicis saltem* pro usu rei alienæ invito Domino, qui sane usus fuisset iniustus & illicitus, neque hunc usum tam iniustum tribuisse Christo vel Apostolis, aut Franciscanis Apostolicam perfectissimam paupertatem professis, quod apertam hæresim contineret, ut Joannes XXIII. definiuit: sed e contra illis vocibus accepisse licitum & moderatum rerum usum eisdem Franciscanis concessum *duran-*

te, ut idem Nicolaus declarat, *concedentis licentia*, quæ significatio nihil iniustum, vel illicitum, nihilque hæreticum præfert. Ita inter Joan. XXIII. & Nicolaum III. quoad substantiam nihil dissidii, etsi quædam verba separatim considerata aliquo modo dissidere videantur: nihilque superest, ex quo Nicolaus in hæresis suspicionem a Joanne adductus credatur. Hæc addenda fuere, ut paucis & clarius expungantur quæ cum aliis aduersariis ingessit Bosluetus in *dissert. prævia* §. 46. & in lib. 9. *Defensionis* c. 41. & seqq. tametsi in eadem dissertatione dubium notaverit, an duo illi Pontifices ea in quaestione *summa consentiant; verbis litigent.*

Proprie dictæ defini-
tiones fidei
quam raræ.

desperatam traducat. Non ignoro quosdam, contrariæ opinionis præjudiciis occupatos, de memoratis conditionibus & restrictionibus, quæ errores, qui obijci solent, a quæstione præsentī alienos declarant, fuisse conquestos, eo quod hac methodo paucae, immo nullæ sint veræ & proprie dictæ definitiones, quæ aliquem certum fidei errorem contineant, unde absoluta illis infallibilitas tribui non possit. Non abnuo. Immo ita his solis definitionibus infallibilitatem asserendam affirmo, ut si velint (10), in ceteris quæ non sunt proprie dictæ definitiones fidei, nec omnino exigunt unitatem & assensum fidei præstandum ex fine & officio.

(10) In Pontificiis decretis, quæ veræ certæque definitiones fidei sunt, non minus quam in veris certisque definitionibus conciliorum generalium, quibus infallibilitatem omnes catholici adversarii asserunt, nullus fidei error invenitur. Quæ vero Pontificia decreta, ab iisdem opposita, aliquod erroris dubium inspergunt, non ad certas & proprie dictas definitiones pertinent, sed fere ad opiniones, quæ contineri solent in Pontificiis rescriptis atque responsis præsertim circa casus practicos, in quibus Romanos Pontifices consulere antiquus mos fuit. Cum enim illi ad Petri Sedem provecti nec humanam conditionem deposuerint, nec facultatem opinandi; in casibus autem practicis, in quibus tanta sententia quæritur, ad licite ac tute agendum non sit necessaria certitudo fidei, nec metaphysica, immo nec physica, sed moralis sufficiat, ut

multis probavi in libro *Moralium actionum regula in opinionabilibus* c. 2. Romani Pontifices in rescriptis ejusmodi respondere consueverunt, quod opinando ex prudentiæ regulis pro circumstantiarum varietate moraliter certum, seu probabilius crediderunt, vel tutius; idque fecerunt pariter in aliquot speculativis quæstionibus circa materiam fidei, in quibus certum dogma declarare & constituere ob vindicandam fidei unitatem necessarium non iudicabant. Hinc illæ solæ definitiones fidei sunt, in quibus doctrinam fidei se declarare & decernere certis vocum aut formularum characteribus significant, ut ex officio ac fine primatus fidei unitatem custodiant & vindicent. Cum id in rarissimis casibus præstiterint; nil mirum, si veræ & certæ definitiones Pontificiæ, quibus absoluta infallibilitas competit, rarissimæ sint; cumque in rescriptis ac

facio primatus, Pontifices errare posse non negem, uti neque alii Pontificæ infallibilitatis propugnatores inficiantur: & siquidem hac ratione cum adversariis conveniamus, nulla in hoc erit amplius nobiscum quæstio. Satis nimirum mihi ceterisque ejusdem infallibilitatis propugnatoribus est, si hoc privilegium iis decretis Apostolicis asseratur, ad quæ promissiones Christi, & finis ac officium primatus refertur; promissiones autem Christi & primatus officium ac finis ea solum Pontificia decreta respiciunt, quibus in controversiis & dissidiis circa fidem Pontifices fidei unitatem vindicare & custodire student: quod solis definitionibus propriè dictis assensum fidei exigentibus fit, cum ob dirimenda dissidia quid credendum aut condemnandum est, expresse declarant atque decernunt. Adversarii, qui vellent definitionis nomen indicatis conditionibus haudquaquam restringi, idcirco vellent, ut error aliquis in fide facilius inveniretur, quo infallibilitas Romanorum Præsulum manifeste revinceretur. Sed non excurrendum extra præmissos verarum definitionum limites; nec ad probandum contra propositam thesism idonei erunt errores, qui certi non sint in materia fidei, nec sint definitionum errores. Si autem nulli ejusmodi errores opponi queunt; nihil superest, ex quo Pontificia infallibilitas in definiendis controversiis fidei in dubium revocetur.

Si ita est (inquit fortasse quispiam), eritne infallibilitas Pontificum in definitionibus omnino certa; & credendum ne assensu fidei, quicquid Pontifices circa fidem definiunt? Non dico credendum ex catholica fide, Papam in decidendis controversiis fidei esse infallibilem: fidei quippe* dogma non est, quod inter catholicos controversitur, & ab Ecclesia nondum est expresse definitum: unde hæretici non habentur adversarii ceteroquin catholici, qui sententiam infallibilitati Pontificæ contrariam propugnant. Dicota-

* *Præf. de
pæst. Eccl.
6. 3. n. 2.*

decretis, quæ obiici solent, omne dubium non circa definitiones, sed circa opiniones versari præmissa verarum definitionum notio patefaciat; hæc (etiãsi errorem aliquem continerent) extra propositum opponi manifestum est.

eo tamen obediendum esse Papæ, cum ex fine & officio primatus definit aliquid credendum vel damnandum ex catholica fide; & obediendum quidem his Apostolicis iudiciis etiam assensu fidei & obsequio interno, ut vel Galliani Episcopi confessi sunt; & ita præstandam ipsis eam fidei unitatem, quam cum centro catholicæ unitatis necessariam traditio docet. Infallibilitatem Papæ in ejusmodi definitionibus atque iudiciis hinc sequi atque deduci legitima & evidenti ratiocinatione demonstratam existimo. Si vero hujus corollarii atque demonstrationis evidentiam, quam ipsis etiam Christi promissis & oratione confirmavimus, adversarii præjudiciis impediti non percipiunt; non multum sortassis refert ad praxim, dum fidei unitatem, quæ *propter potentiorum principalitatem*, ut Irenæus loquitur, est penitus necessaria, & obedientiam cum assensu cordis dogmaticis Apostolicæ sedis iudiciis debitam præstent. Illud porro serio animadvertant, non peccari tantum, quando quis contra propositiones certa fide propositas aut definitas agit aut sentit, sed etiam quando se se opponit propositionibus, quæ ex certis Theologicis principiis legitime deducuntur & evidenter sunt demonstratæ. Quæ culpa in re præsentis eo magis evidens agnoscetur, si adversarii iis principiis, quæ non inanibus ratiociniis, sed certissimis auctoritatibus ac documentis nixa, ab ipsis adversariis concedenda fuere, se se opponant, idque non methodica ipsorum principiorum discussione, ad quam provocavimus, sed aliquot tantum præsumptis erroribus, ad quos totam revocarunt questionem, qui tamen non sunt certi errores fidei, nec ad fidei definitiones pertinent, de quibus solis est disputatio. Illud tandem oppositores, si qui erunt, moneo, etiam atque etiam videant, qua se possint æqua ratione ab omni culpa purgare coram Deo, dum infallibilitatem Pontificiam eo nomine impugnaturi, quia dogma catholicum non est, non paucos hoc tempore erga Pontificiam auctoritatem non bene animatos excitabunt ad eam contemnendam atque carpendam in ipsis definitionibus fidei, siquæ a debita fidei unitate atque obedientia plurimos retrahent. Si de solius disciplinæ materiis, in quibus unitas cum Romana sede omnibus Ecclesiis jure divino necessaria non est, tota esset concertatio (salva tamen semper Apostolica potestate,

testate, & debita moderatione adhibita); non esset magnopere laborandum. At certamen in materia fidei, in qua unitas cum Romana fide catholicæ unitatis centro est maxime necessaria, certamen, inquam, eorum, qui huic unitati impedimentum afferunt, quis excusare & defendere potest? Nonne id est apertissime se se opponere institutioni & consilio Christi Domini, qui Pontificio primatu unitati potissimum fidei prospicere voluit; ut omnes cum ea potestate conspirantes, eidem unitati custodiendæ cooperentur, nulli autem resistentes & oppugnantes, in ipsa fidei unitate scissuras & dissensiones pariant aut foveant?

6. XI.

Num sententia, quæ infallibilitatem Pontificiis definitionibus in materia fidei tribuit, antiquis fuerit ignota.

Ab hac Appendice calammum nequeo subducere, nisi prius a sententia, quæ infallibilitatem Romanis Pontificibus in fidei definitionibus asserit, novitatis notam abstergam, ejusque antiquitatem aliqua non obscura ratione confirmam. Ut autem hujus sententiæ probetur antiquitas, haud opus est eam expresse infallibilitatis vocabulo inveniri apud antiquos, sed sufficit, si æquivalentibus verbis atque sententiis satis declarata vetustis testimoniis monstretur, nihilque solidum ex antiquis Scripturibus contra opponi queat. Antiquitatem sane ejus sententiæ nonne æquivalentibus verbis atque sententiis satis declarant antiqui illi Patres, qui Romanam fidem immortam, indefectibilem, perpetuo conservatam, petramque solidissimam testantur, contra quam non prævalebunt unquam portæ inferi, & pro qua Christus rogavit, ne deficeret; nec non ii, qui has Christi promissiones aptarunt fidei, quam Pontifices Romani Petri successores docent atque definiunt, ut unita-

De primat.
c. 15. §. 4.

ib. c. 2. & 3.

De primat.
15. 6. 4.

Fig. 2, C & 3.

tem ejusdem fidei ex fine & officio primatus custodiant ;
De primat. & ita aptarunt , ut affirmarint S. Petrum in ipsis fidem
c. 13. §. 14. definitentibus loqui & docere fidei veritatem ? Adversarii ,
 qui tot antiquorum testimonia a me allata in libro *De vi*
& ratione primatus eludere nisi sunt eo nomine , quod lo-
 quantur de fide sedis seu Ecclesiæ Romanæ , non de ipsis
 definitionibus Pontificiis ; perinde ac si prærogativæ com-
 petentes sedi aut Ecclesiæ Romanæ ratione primatus , non
 sint alligatæ personæ ipsorum Pontificum , vel fides sedis
 aut Ecclesiæ Romanæ alia sit a Pontificum fide , ipso Bos-
18 c. 15. n. 17. sueto hanc distinctionem reprobante , rejiciendi sunt : sicuti
 non minus ineptam ac repugnantem ostendi aliam ejusdem
 Bossueti distinctionem , qua fidem seriei ac successionis sum-
25. n. 18. morum Pontificum infallibilem & indefectibilem agnoscen-
 dam concedens , distinguendam credidit a fide singulorum
 Pontificum , quorum aliquos in fide errasse ac defecisse exis-
 timat. Hæ nimirum distinctiones aliaque ejusdem generis
 effugia ab adversariis excogitata , ut antiquæ traditionis tes-
 timonia de indefectibilitate fidei Romanæ cum sua senten-
 tia aliqua ratione conciliarent , cum per se se sint inania
 & imbecillima , nulloque idoneo antiquo teste fulciantur ,
 ipsam nostræ sententiæ antiquitatem non destruunt , sed po-
 tius confirmant .

Sola facta errorum probarent aliquid contra infalli-
 bilitatem , tot licet antiquis Patrum sententiis ac testimoniis
 fultam , si vel unus saltem esset error certus in aliqua cer-
 ta definitione fidei : cujusmodi nullum ab adversariis oppo-
 situm hætenus vidimus . Testimonia vero antiqua , quæ
 contra nos valerent non modicum , nulla pariter sunt ,
 cum nulli antiqui errores definitionum accusaverint , atque
 impetiverint pertinaciter , nisi hæretici , cum se damnatos
 viderunt : quorum auctoritatem allegare omnes catholicos
 pudebit . Immo si qui etiam ex catholicis aliqua particula-
 ri opinione , antequam definiretur , occupati , certæ defini-
 tioni subinde editæ restituisse invenirentur , minus apti testes
 essent , sicut nec idonei iudices habentur , qui præjudicio an-
 tecedenti occupantur .

Cum itaque neque facta errorum , neque idonei testes
 antiqui ullum certum definitionis errorem evincant , nulla-
 que proinde fuerit unquam questio , qua fides ab Aposto-
 lica

lica sede definita, & Pontificia infallibilitas traditione ac promissis Christi munita vocaretur in dubium; nonne hæc sententia ab antiquitate nuda, novitatis nota perstringi nequit; sed hoc nomine potius rejicienda adversariorum sententia, quæ antiquæ traditioni, & Christi promissis opposita, veterum suffragiis caret, & posterioribus temporibus inducta probari potest.

§. XII.

Quant sera contrariæ sententiæ initia, & quatenus inter catholicos recipi atque in scholas induci & propagari coeperit, veteri sententia ac traditione non omnino exclusæ.

Cum infallibilitas Pontificia, quam propugnavi, solas proprie dictas fidei definitiones a summis Pontificibus editas respiciat; ex iis tantum, qui in aliqua propriè dicta definitione eosdem Pontifices errasse aut errori obnoxios prætulere, contrariæ nobis sententiæ origo deduci potest. Ab iis porro, qui vel olim alicui definitioni Pontificiæ se se opposuere, quando suos errores ab aliquo Pontifice damnatos viderunt, originem ducere opus non est; cum apud catholicos nullius auctoritatis fuerint, nec eorum sententia infallibilitati dogmaticarum definitionum contraria inter catholicos fuerit recepta aut propugnata. De illis tantum videndum, qui inter catholicos recensiti, eam sententiam ita in scholas catholicas invexerunt, ut sensum aliquot peculiaris famæ Theologos non tam partiarios, quam vindices & propugnatores obtinuerit. Dimissis autem Okamo aliisque Fraticellis schismaticis, qui a Joanne XXII. condemnati, plures errores summis Pontificibus ipsique potissimum Joanni objicere ausi, contrariæ nobis sententiæ auctores a nonnullis traduntur; dubitari non posse videtur, quin eadem sententia inter catholicos Theologos irrepserit,

N n 2

ac

ac invalescere cœperit eodem fere tempore, occasione eadem, iisdemque auctoribus, quibus sub Pisanam synodum & Constantiensem indulta fuit opinio de conciliorum generalium auctoritate supra ipsum Romanum Pontificem. Petrus enim de Alliaco, & Joannes Gerson, alique eorumdem partium, qui ob inveniendum diuturno & perniciosissimo schismati efficax remedium, contententes de Paparu subjiendos crediderunt in casu schismatis auctoritati concilii œcumenici, eosdem quoque huic auctoritati subjici putarunt in casu hæresis, quæ a schismate pertinaci vix separari potest, ac propterea eos in errorem fidei posse cadere præsumperunt: qua in hypothesi summos Pontifices errantes circa fidem a generali saltem synodo posse judicari, &, si pertinaces invenirentur, posse etiam deponi existimarunt. Quo vero sensu hæc conciliorum generalium auctoritas in casu hæresis possit in ipsum summum Pontificem a fide devium exeri, explicavimus in dissertatione *De potest. Eccles.*, ubi etiam ostendimus eos non posse circa fidem errare, cum aliquid circa fidem definiunt: quidquid sit, num errare possint opinando, seu extra materiem ac terminos definitionum fidei.

Id. l. 9. §. 2.

Sententia
Petri de Al-
liaco.

Cum porro præsens quæstio non in eo versetur, utrum Papa opinando, aut extra terminos definitionis, sed utrum definiendo errare queat, aut erraverit aliquando, idque ex Christi promissis ac traditione probarimus impossibile; non omnino esse certum affirmare me posse reor, Petrum de Alliaco, ac Joannem Gersonem, qui inter Theologos magni nominis primi infallibilitatem Pontificiam expresse impetiverunt, judicasse Romanos Pontifices errori obnoxios etiam, cum proprie dictas definitiones ex primatus sine atque officio promulgant. Certe Petrus de Alliaco Gersonis Magister, antiquorum traditionem de indefectibilitate Romanæ fidei, Christi pollicitationibus sultam, suo quoque ævo obrinentem deferere non ausus, in legatione, quam adversus Montefonium Universitatis Parisiensis nomine Avenione gessit ad Clementem VII. eandem traditionem sequutus, Christique promissis innixus affirmavit: *De qua sede (Romana) in persona Petri in ea sedentis dictum est: Petre rogavi pro te, ut non deficiat fides tua.* Et similiter in tractatu, quem in eadem legatione ad Papam

pam & Cardinales edidit, eadem Christi promissione laudata, approbat quod in cap. *Hæc est fides* de Romanæ fidei fide traditur: *Ipsa semper immaculata permansit, & in futuro permanebit*; insertque statim, *Ex quibus omnibus satis patet, quod ejus numquam deficit fides*, uti Christus promiserat. Non absimiliter Joannes Gerson in sermone coram Alexandro V. die Ascensionis Domini habito, rationem redditurus, cur Græca Ecclesia erroribus fidei vitata fuerit, non autem Latina; Romanæ fidei indefectibilitatem exinde deducit, quia *Latinitas ipsa purior & immaculata sedem habet Petri, pro cujus fide ne deficeret, specialiter oravit ille, qui in omnibus exauditus est pro sua reverentia*.

Similis Gersonis sententia.

Quomodo hæc conciliari queant cum sententia, qua hi auctores aliis in operibus Romanos Pontifices in fide posse errare propugnant, explicari solet (1) distinctione foremni inter fidem sedis seu cathedræ Romanæ, & fidem Pon-

(1) Hac distinctione inter sedem & Præsidentem ex S. Leone sumpta adversarii nimium abutuntur, cum definitionum Pontificiarum errores, quos possibiles præsumunt, non sedi Apostolicæ, sed ipsis Pontificibus attribuant. S. Leo eam distinctionem inter sedem & Præsidentem perinde accipit, ut distinguendum indicarit inter legitima jura sedium, & inter vitia seu demerita Præsidentum, quæ legitimis sedium juribus nihil præjudicant. Vide lib. *De vi primatus* c. 14. n. 24. Id generatim convenit omnibus Ecclesiæ Præsidentibus in iis actibus, in quibus proprio vitio vel defectu aliquo potestate abuterentur, aut errarent. Ab hoc numero non

sunt exeiendi summi Pontifices quoad eos actus, in quibus sive ex obreptione, sive ex subreptione, sive opinionum præjudicio, aut vitio aliquo in Apostolicæ auctoritatis usu errarent, uti multis in capitibus eos posse errare negari non potest. Cum vero errare nequeant in proprie dictis, quas explicavimus, definitionibus fidei, de quibus vis & ratio primatus, de non promissiones Christi, atque traditio cavent; in his ea distinctio, qua definitionum errores præsumuntur, tamen ne unum probare licuerit, locum non habet, nec habere potest; ac propterea in rem, de qua nunc agimus, est prorsus inepta.

Ad Launoj.
part. 5. epist.
2. ad Anton.
Marill. Du-
pin. de Antip.
Eccles. discipl.
differt. 5. ad
object. Niro-
lai I. pag.
374. Grad ob-
ject. S. Bern-
nardi pag.
372.
Bossueti te-
stimonium.

lib. 10. De-
fensio. 12. p.
223.

Pontificum. Quam conciliationem afferunt vel illi acerbiores Pontificie infallibilitatis impugnatores * Launojus, atque Dupinius, cum explicaturi quorundam Patrum testimonia, quibus oratio Christi pro fide Petri numquam defectura ingeritur, hæc accipienda affirmant de sede Petri, non de successoribus ejus, quos in fide posse deficere, & aliquando defecisse non dubitant. Ita omnes ex traditione Patrum, atque oratione Christi immotam & infallibilem præsumunt Romanæ sedis, non autem Pontificum fidem. Eandem conciliationem ingerit etiam Bossuetus, dum loquitur de textu Petri Cardinalis de Alliaco, qui memorata distinctione inter sedem & sedentem utens, huic conciliationi primus aditum aperuit: unde in ejus verba Bossuetus notavit: *Cum ergo ex Petro Alliacensi, aliud sit sedes, aliud sedens; non mirum est aliud convenire sedi, quod sedenti non convenias, nempe ut sedes deficere non possit, cum sedens sit deviabilis etiam in judicio de fide.* Mirum autem vel maxime esse debet, eundem Bossuetum hanc conciliationem ducere ex ea distinctione inter fidem *sedis* Apostolicæ seu Romanæ, fidemque in ea sedentium Romanorum Pontificum, quam idem aperte destruit lib. 10. Defensionis c. 5. illis verbis: *Neque vero distinguimus a Romanorum Pontificum fide Romanæ Ecclesiæ fidem, quam scilicet non aliter, quam a Petro primo atque a Petri successoribus Romani didicerint, traditam scilicet ex sede Petri, quam a persona Pontificum haud distinguendam ibidem præmiserat scribens: Neque propterea dicimus ipsam sedem aliquid exercere posse potestatis aut jurisdictionis. aliter quam per ipsum Præsidentem.* Hac itaque conciliatione repudiata, si eut & illa est repudianda, quam idem Bossuetus induxit, allata alia distinctione inter fidem seriei & successionis Pontificum, ac fidem singulorum, perinde ac si illa immota & indefectibilis sit, & dici possit, etiam si aliqui separatim aliquando deficiant (quod non minus ineptum atque repugnans * ostendimus): ut constet certa traditio de immota & indefectibili Romanæ sedis seu Ecclesiæ fide, quam hi ipsi adversarii præsumunt certissimam, & consent certæ Christi promissiones, quibus eadem traditio innuitur; consent, inquam, componanturque aliquo modo cum illorum sententia, qua Pontifices definiendo fidei dogmata errare

* *Supra §. 5.*

errare posse & aliquando errasse arbitrantur, alia aptiori si fieri potest, nec repugnante conciliatione utendum est.

Non alia autem præsto esse videtur nisi distinctio inter definitiones, quas Pontifices edunt, ut fidei unitati ex officio primatus custodiendæ prospiciant, & inter cetera documenta, quæ vel ad fidem non pertinent, vel nihil certi dogmatis in conservationem unitatis constituunt. Hanc distinctionem ex primatus natura ac fine, nec non ex circumstantiis ipsarum promissionum Christi erutam nemo jure rejiciet; & hoc quidem sensu quicumque eos Theologos explicandos, contrariasque eorum, uti videntur, sententias conciliandas putet, inveniet quomodo ipsi veterum traditionem reipsa non deseruerint, sed continuarint, ita ut contentio tota & contradictio in verborum tantum significatione & interpretatione diversa posita sit. Quodsi hæc conciliatio abhorreere prorsus credatur ab eorundem auctorum sensu, qui infallibilitatem Pontificiam in ipsis proprie dictis definitionibus reipsa videantur impetere; id ipsorum inadvertentiæ tribuendum, qui pro apta & congrua distinctione atque conciliatione certis principiis repugnantem ar- tulerunt.

Id autem quodcumque sit, eorundem sententiæ nihil proderit. Semper enim hæc contrariæ nobis sententiæ origo inductam ab ipsis novitatem antiquorum traditioni oppositam, & promissis Christi contrariam satis reprobat, & circumstantiæ difficillimi schismatis, quæ ejusmodi novitati occasionem seu causam dederunt, quibusque verus traditio deferenda visa est, excusare quidem eos aliquatenus poterunt, non autem novitatem in tuto ponere. Neque invictam auctoritatem ipsis præstare credendum est Concilium Constantiense, uti a nonnullis perperam præsumitur. Nam etsi sessionibus quarta & quinta statuatur decretis generalium conciliorum circa fidem ipsos Pontifices obligari (quæ propositio per se verissima est, ut explicavi c. 8. n. 9.); non tamen hinc sequitur eosdem in definiendis fidei dogmatibus posse errare; neque hac in re quicquam ibidem aut alibi uspiam decretum invenietur, quod œcumenicæ synodi, aut dogmaticæ definitionis vim habeat, uti colligere est ex dictis in opere *De potestate Ecclæ.* c. 7. & 8. Hinc quidem statim etiam post eam quoque

quoque synodum licuit semper veterem traditionem atque sententiam sequi, quam plerique amplexi fuerunt etiam in Gallia, adeo ut inter ipsos Gallos omnes fere Scriptores sive Theologi sive Canonistæ Pontificum infallibilitatem defenderint usque ad an. 1682. Claudio Florio teste differt. 9. in Historiam Ecclesiasticam: *In Gallia vix reperiatur Regularis, cui certa non sit Romanorum Pontificum infallibilitas. Non Regulares tantum, sed presbyterorum etiam (secularium) qui privilegiis carent, & Episcopis subsunt, cæcis, in hanc sententiam tamquam pietati magis conformem inclinant.* Ita multo magis in aliis universæ Ecclesiæ regionibus potestati Apostolicæ magis addictis, veteri traditione retenta, omnes ferme in infallibilitate Romanæ fidei defendenda perstiterunt. Post declarationem vero Cleri Gallicani anni 1682. nihil mirum si non pauci ex Gallis contrariam sententiam cœperunt fortius ingerere & vindicare, cum auctoritas ejusmodi Comitiorum (licet certam fidei doctrinam * non condidissent) apud eosdem Gallos prævaleret, & quodammodo cogeret. Cum autem postea ejusdem declarationis *Defensio* olim a Bossueto luculentissime scripta, & subinde auctior edita duobus magnis voluminibus profluerit, & toto Orbe fuerit vulgata; summa tanti viri auctoritas, & multo magis modus tractandi hanc materiem effecit, ut eadem sententia extra ipsam Galliam facilius persuaderetur, & persuaderetur non paucis, qui antea nostram veterumque sententiam propugnabant. Licet Magnus Bossuetus de Ecclesia catholica, ac de fidei dogmatibus, pro quibus contra Novatorum errores invictè dimicavit, benemeritis, auctoritate plurimum valeat; non tamen in hac causa tanti est, ut ejus gratia antiquorum sententia de Romanæ fidei firmitate atque infallibilitate in definiendis catholicis dogmatibus, quæ promissis Christi, antiquorum traditione, ac principis nostri systematis adversariorum consensu demonstratis legitimeque deductis fulcitur, deferenda sit.

Qui Bossueto ipsi plurimum deferunt, ponant tria illa principia, quæ de Romana fide idem Auctor certissima statuit. I. Certum esse S. Petrum semper in successoribus vivere, atque in ipsis loqui, & loquuturum semper eam fidem, quam Christus bono unitatis fidei in Petro ac suc-

* Vid. Bossueti differt. De sens. novæ ed. præmissam §. 6.

* Vid. textus De vi primæ cæc. 14. §. 4.

cessoribus ejus ratione primatus totius Ecclesie fundamentum instituit. II. Certum quoque esse eandem fidem in cathedra Petri depositam, & ad eosdem successores transmissam esse petram illam firmam, stabilem, & immotam, supra quam Christi pollicitationibus & oratione munitam atque firmatam ita Ecclesia edificata est, ut contra ipsam portæ inferi prævalere non possint, nec unquam sit defectura. III. Certum tandem esse hanc fidem perinde firmatam & indefectibilem * non esse distinguendam a fide, quam o Petri Sede successores ejus Romani Pontifices docent, & ex fine primatus definiunt, ut in dissensionibus & controversiis fidei fratres in unitate fidei contineant atque confirmant. Hæc tria si certissima ipsius Bossueti auctoritate commendanda sint, nonne definitionum Apostolicarum infallibilitas, quæ exinde necessario sequitur, certissima pariter dicenda erit? Nonne sperandum est fore ut illi, qui eidem Bossueto maxime deferentes, ejus potissimum auctoritate ab antiquorum sententia ac traditione recesserunt, mero præjudicio ac studio partium se permotos agnoscentes, in veterem sententiam cum primatus ratione ac promissis Christi coherentem, sibi redeundum intelligant?

*APT. 174.
n. 17.

Concludam hanc Appendicem testimonio Romani Sacramentarii omnium antiquissimi, quod S. Leoni attributum tomo secundo operum ejusdem Pontificis recudimus. In præfatione Missæ XIV. die natali SS. Petri & Pauli hæc leguntur. *Qui secundum promissionis tue inviolabile constitutum Apostolice confessioni superna dispensatione largiris, ut in veritatis tue fundamine solidata, nulla mortifera falsitas juxta prævaleant; & quantalibet existas errantium multitudo, illi sine redemptionis tue filii, & illis Ecclesia tota numeretur, qui ab electorum tuorum PRINCIPALI traditione non dissonant: ipsaque sis sacri corporis ubique vera compago, quæ te dispensante devota obsequitur, quidquid sedes illa censuerit, quam tenere voluisti totius Ecclesie PRINCIPATUM.* Hæc quæ S. Leonis stilum exhibent, cum vetustissimum Romanæ Ecclesie præferunt; tum infallibilitatis Pontificiæ fundamenta, quæ præmissus, satis indignant. Verba: *qui secundum promissionis sue inviolabile constitutum, infallibilitatis funda-*

t. 2. Leon. e
dit. Ben. col.
40.

mentum Christi promissioni innixum declarant. Hujus promissionis effectum & efficaciam indicant sequentia, quibus *Apostolica confessio*, seu fides ex promissione inviolabili in Romana Ecclesia ac principali ejusdem Ecclesie traditione ita *solidata* dicitur, ut nulla falsitatis jura prævaleant nec contra ipsam, nec contra illos, qui ab eadem fide ac *principali traditione non dissonant*: quæ verba unitatem cum fide ac traditione Ecclesie principalis necessariam adstruunt. Ut autem inter errantium ac dissidentium multitudinem discernatur, *quænam sit sacri corporis ubique vera compago*, hoc est vera Ecclesia Christi ubique diffusa, contra quam in fidei dissidiis falsitas non prævalebit; ea esse subjicitur, *quæ se dispensante, devota obsequitur, quidquid sedes illa censuerit, quam tenere voluisti totius Ecclesie principatum*. Nonne hæc unitatem fidei cum obsequio mentis debitam significant decretis dogmaticis, quæ e sede Apostolica summi Pontifices edunt, ac debitam quidem ratione *principatus* seu primatus, quem ob unitatem potissimum fidei in tota Ecclesia conservanda ipsorum persone adnexum, idonea auctoritate prædicit, & promissis ac oratione Christi munitum vidimus? Quam belle hoc unum Romanæ veteris traditionis testimonium totam Appendicem confirmat!

F I N I S.

INDEX

INDEX

RERUM MEMORABILIUM.

A

Abusus potestatis. V. *Potestas*.

Africani quantum detulerint Romanæ sedis auctoritati. *20.* *22.* quatenus obstituerint appellationi Apicarii. *202.* *237.*

de Alliaco Petri Cardinalis Cameracensis sententia de infallibilitate Romanæ sedis tributa. *284.* Quomodo conciliari soleat cum locis, in quibus eam negare videtur. *286.* Verior conciliatio. *287.* Decreta Constantiensis sessionum IV. & V. de auctoritate generalis concilii supra ipsum Papam non credidit *propofita* tamquam dogma fidei. *115.* nec questionem hac in re definitam. Ibid.

Alvari Pelagii sententia, cur ligandi potestas Petro data separatim ab aliis, aliis autem data una cum Petro. *15. not. 8.*

S. Anselmus: laudatus. *14. not. 7.*

Apostoli subordinati erant S.

Petro: ratione primatus. *8.* *9.* in. not. *16.* *18.* *164.* fuerunt potestate pares excepto primatu proprio solius Petri. *166.* qui cum primatus fuerit non meri honoris seu ordinis, sed præcipue jurisdictionis, jus aliquod peculiare Petri proprium agnoscendum est, quod aliis Apostolis non competebar, & quale. V. *Primatus*.

Apostolorum potestas in totam Ecclesiam jus extraordinarium fuit, quod in Episcopos ipsorum successores non transivit. *11.* illis initiis quam necessarium. *163.* quoad solum Petrum fuit jus ordinarium, quod in Romanos Pontifices Petri successores manavit. *11.* *163.* Cur nulli successori aliorum Apostolorum jus competat supra alios Episcopos iure divino, soli autem Romano Pontifici competat. *11*

O o 2 Non

- Non omnia Apostolorum precepta sunt divini juris. [160](#)
- Apostolicarum Ecclesiarum traditio : quantum præster Romanæ Ecclesiæ traditio aliarum Ecclesiarum Apostolicarum traditioni. [257.](#)
- Auctoritas Pontificia in unitatis bonum instituta, debet esse per se sufficiens ad hunc finem obtinendum. [251.](#) Cum finis præcipuus sit conservatio unitatis *maxime in fide*, ad hunc finem conservandum debet per se sufficere, & obligare ad unitatem, neque in id obtinendum debet indigere consensu Ecclesiæ. [253.](#) Vim habet obligandi per se omnes Christianos collective. [258.](#) etiam Episcopos. [259.](#) Obligat ad assensum fidei, nec sufficit obsequium externum. [260.](#)
- Aviti Viennensis testimonium in causa Symmachi. [76.](#)
- S. Augustini loca explicata. [2.](#) & [4.](#) not. [3.](#) [176.](#) not. [1.](#)
- B.
- S. Bernardus laudatus. [43.](#) [44.](#) not. [2.](#) [184.](#)
- Bonifacii VIII. diffidium & gesta quædam indicata. [82.](#)
- In eo fuerunt sparsa semina, ex quibus schisma originem duxit. [63.](#) not. [6.](#)
- Inde exortæ quædam opinionones contra Apostolicam auctoritatem. Ibid.
- Bossuetus laudatus. [15.](#) [27.](#) [41.](#) [105.](#) [113.](#) Bossueti loca discussa. [38.](#) [42.](#) [51.](#) [68.](#) [107.](#) [120.](#) [121.](#) [277.](#) not. [2.](#)
- C
- Canon *Si Papa* apud Gratianum casum hypotheticum ponit de errore Pontificis circa fidem. [129.](#)
- Causæ majores reservatæ sedi Apostolicæ. [242.](#)
- Censuræ injustæ ex Augustino plus obsunt ei, qui eas fert, quam ei in quem feruntur. [220.](#)
- Claves Ecclesiæ pro potestate Ecclesiastica quo sensu dicantur datæ Ecclesiæ. [2.](#) [3.](#) [5.](#) quibus traditæ Christo. [165.](#) V. *Jurisdicci Ecclesiastica.*
- Cleri Gallicani Comitia an. 1728. laudata. [17.](#)
- Communione necessitas cum sede Apostolica. [219.](#)
- Concilii VIII. generalis canon, quo statuitur quid agendum in controversiis cum Romano Pontifice. [72.](#) Bossueti explicatio expuncta. [73.](#)

Con-

Concilia Orientalium ex approbatione Romanorum Pontificum evaserunt generalia. **23**

Concilii generalis notio ac natura. **51. 141.** Papa quam necessarius tamquam caput, ut concilia sint generalia. **52.** Cur. 90. non ob præsentiam tantum. **2.** sed etiam ob directionem & assensum. **53.**

Concilia generalia à quò convocanda. **83.** Quinam convenire debeant, ut concilium sit œcumenicum. **89.** De jure & qualitate suffragii Episcoporum ac Papæ in concilio generali. **92.** Néc solius Papæ, nec Episcoporum tantum suffragia constituunt sententiam aut definitionem, quæ constituat, & sit sententia, aut definitio concilii œcumenici. **34. n. 8.** Unitas & consensus Papæ cum Episcoporum suffragiis parit robor invictum. **37. 53.** De necessitate confirmationis, seu assensus Romani Pontificis ad vim & infallibilitatem definitionum fidei, quæ in conciliis eduntur. **36. n. 10.** Cur necessaria judicata fuit expressa & nova confirmatio Papæ Leonis pro definitione Calchedonenſi, licet ex aliis gestis de ea

confirmatione dubitari non possit. **37. not. 4.**

Conciliorum confirmatio Pontificia tribus modis data, vel ab ipso summo Pontifice per se, vel per legatos, vel per litteras confirmationis. **37**

Conciliorum generalium utilitas quæ & quando. **244.** Sententia de auctoritate conciliorum generalium supra Papam contradictionem quamdam involvit. **141.** quam fero indicta, & qua occasione **66.** & seqq. Sententia hanc conciliorum superioritatem negans, ad quatuor principia revocatur, quæ demonstrationem quamdam constituunt. **141**

Concilium generale Papam superiorem agnoscit. **50**

Conciliorum generalium potestas in materiis fidei. **32.** Concilii Hierosolymitani exemplum explicatur. **27.** Quænam dissensio in his materiis possit contingere inter Papam & Episcopos Concilii œcumenici. **32.** Numquam inter ipsos dissensus fuit aut esse potuit definiendo fidei dogmata. **33.** Semper Patres concilii generalis concordabunt, & concordarunt cum definitione Papæ, nisi dolus aut vis impediatur; quo casu

- casu, non est concilium, sed conciliabulum. Ibid. In concilio V. discordia Patrum a Vigilio Papa non fuit discordia in materia fidei, sed in questione de personis. 33. not. 2.
- Conciliorum generalium canones in materia discipline, quibus Papa assensum præbuit, quo sensu obligant ipsum Papam non jure coactivo, sed directivo, quod in naturali ac divino jure fundatur. 41. Qui carent assensu Papæ, non habent vim generalis concilii. 49. De Calchedonenſi canone, quem S. Leo reprobavit. Ibid. Duo Bosſueti effugia rejecta. Ibid. De necessitate approbationis Pontificiæ in canonicis disciplinæ. 51. & seqq. In Calchedonenſi approbatio, reservata fuit Papæ, Anatolio. CP. teste. 50. Comitibus Gallicana anni 1681. confirmationem Apostolicam necessariam præferunt. 56. Num necessaria admittenda sit concilii generalis auctoritas supra Papam saltem in casibus extraordinariis, qui nominantur in decretis Constantinensibus. 120
- Concilia particularia ex Constantinensi nullum jus, potestatem nullam habent supra Pontificem. XXII. 69. 74. Quid si Papa se eisdem subſcribat. 75
- Conciliorum provincialium antiqua potestas cur, & quam æque restricta. 240. hæcque restrictio non a Pseudo-Isidoro inducta, sed testimoniis antiquioribus probata. Ibid.
- Conscientia perplexa quæ, & quid agendum in dubio, ubi duo præcepta pugnare videntur. 213. not. 2.
- Constantiensis synodi decreta sessionum IV. & V. quorū difficultatibus & defectibus laborant. 101. His defectibus sanandis necessaria fuisset approbatio Apostolica, quæ tamen defuit. 103. 104. Certe: eadem decreta non constituunt dogma: fidei. 107. Quid significet ea formula, qua eadem decreta dicuntur edita per modum constitutionum synodaliū. 105. 109. Fuerunt edita tamquam opinio, quæ tunc videbatur medium necessarium ad tollendum schisma. 113. & seqq. Hæc ratio probabilis tantum visa est sufficiens ad opinionem, at inepta ad definiendum dogma de fide certum. 112. 114. Hinc non habiti hæretici qui contrarium sentiebant. 115. nec questio hæc plane definita

finita credita fuit. Ibid.

Tota ratio decretorum explicata, & sensus, in quo hæc recte per se intelligi, & vera haberi queunt. 113

Constantinopolitanae sedis prerogativa statuta canone Calchedonensi inducta contra jus antiquum, neque tamen hæc nova disciplina, postquam obtinuit, habita jus spurium, & cur. 202

S. Cypriani loca explicata.

2. not. 1. 9. Ejus alloquutio ad Patres Concilii Carthaginensis III. & Febrii in eam commentarium expensa. 217. In causa Marciani Arelatenfis jus Papæ agnitum a Cypriano. 230

D

D Amasi causa ad concilium delata ipsius consensu ob probandam & prædicandam ejus innocentiam. 75

Decretales supposititiae a Pseudo-Isidoro confictæ. 192. Non fuerunt confictæ ad augendam potestatem Pontificiam. 193. Num contineant disciplinam omnino novam, quæ antea nulli usu recepta, aut audita fuerit. 195. De au-

ctore earundem falsarum

Decretalium. 197. Num disciplinæ novitas, siquæ ex ejusmodi decretalibus invaluit, usque posterorum temporum obtinuit, constituat jus falsum & spurium; & sit corruptela.

198. Impostoris consilium quodnam fuerit. 194

Definitiones seu decreta fidei quænam sint. 112. Non omnia decreta, quæ versantur circa fidei materiam, sunt definitiones dogmaticæ. Ibidem. Cur plura Pontificia monumenta, rescripta, sermones &c. non sint accensenda proprie dictis definitionibus fidei. 278. not. 10. quibus solis infallibilitas est asserenda, & cur. 279

Definitiones fidei a summis Pontificibus editæ quatenus cogant ad unitatem. 27.

V. *Auctoritas Pontificia.*

Certitudinem pariunt, & debent esse infallibiles. 263.

264. De distinctione inter definitiones fidei, quas edunt Romani Pontifices, & illas quas alii Episcopi particulares proferunt. 266.

Definitiones fidei editæ a Patribus concilii generalis, ut infallibiles judicentur, exigunt consensum sedis Apostolicæ 35. n. 9.

Defi-

- Definitiones fidei** quando differri soleant. [32](#)
- Depositiō Romanorum Pontificum** non competit electoribus ipsorum. [82. not.](#)
- 4.** Unicum certumque Pontificem nemo potest deponere. [122](#)
- Depositiones contententium de Papatu, & recusantium renuntiationem tempore schismatis a Gallicanis primum proposuit.** [86](#)
- Depositionum facta in conciliis** non sunt definitiones fidei, nec probant jus. [305.](#) Cur depositio Joannis XXIII. facta in Constantiensi dicta fuerit canonica. Ibidem. scandala & pravi mores Pontificis non dant jus inferioribus ad eum deponendum. [123](#)
- Dioceseon designatio facta Episcopis** non est juris seu institutionis divinæ. [163.](#) Cur necessaria. Ibi. Relicta dispositioni Ecclesiasticæ, & cur sublit juri primatus Pontificii. Ibi.
- Discipline materies mutationi** obnoxia; & quantum discrepet a materia fidei. [160.](#) Non semper mutatio discipline ad destructionem refertur. [184](#)
- Disciplina canonum antiquorum** num sit revocanda. [205.](#) Num hujus restitutio facienda sit ob tollendos
- abusus. Ibi. Ad bonam Ecclesie referendum majora mala & scandala impedire. [206.](#) Vetus disciplina etsi melior, non idcirco obligat ad eam revocandam. [209](#)
- Dispensandi potestas in materia discipline** statuta canonibus conciliorum etiam generalium Romanis Pontificibus negari non potest. [42.](#) Cur dispensationes non passim, nec sine justa causa sint concedendæ. [43. 44. 47. 184.](#) Quo jure ad id quoque obligentur summi Pontifices. [45.](#) Criminatio, quæ hac in re multorum odio exponit auctoritatem Apostolicam, expungitur. [46](#)
- Distinctio inter sedem Apostolicam & seriem, seu successiōem Pontificum Romanorum** in quæstione de definitionibus fidei quas illi ediderunt, quam inaninis. [271.](#) De alia distinctione inter sedem & præfidentem, seu personam Pontificis. [269. 285. not. L.](#)

Eccle-

E

Ecclēsia quo sensu claves accepit. 2. 3. Cum claves dicuntur datę Ecclesię, haud credendum est, laicis vel mulieribus datam potestatem clavium.

4. 165.

Ennodii Ticinensis testimonium in causa Symmachi Papę.

76

Episcoporum jurisdictio, licet in origine sit institutionis divinę, quoad usum tamen & exercitium facultatum Episcopaliū subest potestati summorum Pontificum. 17. Potest ab ipsis moderari & restringi iusta de causa. Ibidem.

23. quatenus id referendum ad materiam disciplinę 22. n. 16. Explicatur textus *Sicut misit me Pater, & ego mitto vos* eo sensu oppositus, quasi Episcopi nulla restrictione facultatum mittendi sint, sicut nulla fuit restrictio in potestate Apostolorum. 17. not. 9. Antiqua restrictionum exempla. 16. n. 13. 17. n. 14. 20. Quantum in hoc detulerint Africani auctoritati Apostolicę. 20.

21. Episcopi suberant etiam limitationi conciliorum particularium. 24.

Episcopi priscorum etiam seculorum quantum Pontificię auctoritati subessent.

172.

Episcopi subordinati Papę ita ut nihil jure possint nisi in unitate cum sede Apostolica, non autem contra unitatem. 14. V. Subordinatio.

Episcopi quomodo in conciliis generalibus sint veri iudices, licet a definitionibus fidei ante concilium editis discordare non possint. 28. Judicis ratio non exigit ab Episcopo, ut possit dissentire a definitione Pontificis; & quatenus verum iudicium feratur ab eo qui debet assentiri. 30. 31.

Episcopi non propter se, sed propter subditos a Deo prepositi; ut utilitati, vel necessitati istorum inserviant. 186

Errores in fide summis Pontificibus tributi, ut infallibilitatis prerogativam expungerent, deberent esse omnino certi, qui nulla congrua explicatione possent purgari; ac pręterea deberent esse errores in aliqua proprie dicta definitione fidei. 273. 274.

Pp Ne

Ne unus quidem talis probatus est. [275](#)

Eugenius IV. non approbavit decreta Constantiensia inserta gestis Basileensibus. [106](#).

Excommunicatio num aliquando non sit actus jurisdictionis. [217](#). Distinctio inter excommunicationes latus a Papa, vel ab Episcopis. [1bi](#).

Exemptionum privilegia. [19](#). [187](#).

E

Febronii opus *De statu Ecclesie* &c. quantum detrahat legitimæ potestati Romanorum Pontificum in decidendis controversiis fidei. [153](#). Verbis aliquatenus concordat cum sana doctrina, re ipsa discordat. [154](#). Deterior ejus sententia, quam aliorum catholicorum adversariorum. [156](#). Primatum meri honoris & ordinis videtur admittere. [159](#). Quantum Apostolicæ auctoritati detrahat in materiis disciplinæ. [160](#). Ejus fundamentum, quo vult eandem potestatem esse revocandam ad normam antiquorum canonum, quam

fit infirmum. [165](#). Ejus molimina, ut antiqua Pontificum gesta tum in Occidente, tum in Oriente subtrahat a jure primatus.

[168](#). Revocat fere omnia ad disciplinam meri juris Ecclesiastici, quæ primatum divini juris excludunt. [Ibidem](#). Legum ferendarum potestatem nedum in Papa, sed in ipsis etiam conciliis generalibus infirmat. [169](#). Ejus mens de restituenda veteri disciplina ob tollendos abusus.

[214](#). Media ab ipso proposita quot difficultatibus obnoxia. [215](#). Quam male quorundam antiquorum & sanctorum Pontificum gesta augendæ potestatis consilio attribuit. [235](#). Febronianæ censure contra ipsam Synodum Tridentinam. [243](#)

Feneloni Archiepiscopi Cameracensis testimonium de subscriptionibus, quas Episcopi subiciebant definitionibus fidei. [31](#)

Fidei definitiones. V. *Definitiones*.

Fidei certitudo ex unitate cum fide sedis Apostolicæ. [26](#). not. [3](#).

Florentini concilii decretum de unionem Græcorum, ac de auctoritate Pontificia explicatum & vindicatum.

tum . 58. Genuina ejus
læſio autographis codici-
bus confirmata . 59. not.

4.

Florii Cláudii confefſio de
ſententia infallibilitatis Pon-
tificæ ante annum 1681.
apud ipſos Gallos commu-
ni. 288

G

Galicani Cleri Comitia
anni 1681. laudata .

41.

Gallicani Epifcopi quomodo
judicarint poſt definitio-
nem S. Leonis. 31

S. Gelafius laudatus. 42

Gerſonis teſtimonium de cer-
titudine fidei ex Romana
fide . 36. not. 3. Alius
ejuſdem locus laudatus. 19.
Ejus ſententia de infallibi-
litate Romane ſedi attri-
buita . 285. Negata vero
Romanis Pontificibus quam
incohærenter , & quatenus
conciliari poſſit. 287. In-
terpretatio ipſius in textum
Act. Apoſt. c. 8. expun-
gitur. 224

S. Gregorius Magnus cur re-
fugit titulum *Epifcopi u-*
niverſalis. 180. ſine præ-
judicio primatus. Ibi.

Gregorius XII. tempore ſchiſ-
matis probabilius fuit ve-

rus Pontifex . 135. pot.

4

H

Hæretici Papæ caſus hy-
pothetici . 127. 129.

Si Papa in hæreſi parti-
nax eſſet, quod remedium
adhibendum. 127

Hierarchici Epifcoporum gra-
dus inſtituti in Eccleſia ju-
re Eccleſiaſtico , & cur .
12. Inſtituti ob idem bo-
rum unitatis, propter quod
Pontificius primatus fuit
a Chriſto inſtitutus , ei-
dem unitati conſervandæ
debent favere & coopera-
ri, non autem contraire,
aut eam impedire. 13. 14.
Omnes ſunt ſubordinati ju-
ri ſummorum Pontificum.
14. 175. V. *Subordina-*
tio.

Honorius Papa, & de ejus
condemnatione in concilio
VI. 68. Error in fide ipſi
oppoſitus idcirco infallibi-
litati non præjudicat, quia
nec certus eſt error dog-
maticus , nec fuit error
definitionis fidei . 275.
Verba, quæ maxime mo-
vere ſolent , explicata .
276.

I

- I**nfalibilitas Pontificia in materia fidei cur ad solas proprie dictas definitiones fidei sit restringenda. 274. 279. Est certa ex promissis Christi, ac ex traditione Patrum. 268. Hanc traditionem adversarii quam perperam nitantur distrabare. 270. not. 7. Confirmatur ex eo, quod fides a Romanis Pontificibus definita, est semper eadem atque catholica fides. 267. not. 6.
- I**nfalibilitas Pontificia in definitionibus fidei est absoluta. 267. Num sit credenda ex catholico dogmate. 279. Origo sententiae quae infalibilitati opponitur quam nova. 281. Unde nata. 280. Loca adversariorum qui infalibilitatem sedi Apostolicae tribuunt, Pontificibus vero negant quam incoherencia, & inania. 269. 285. not. 1. Qua ratione non incongrua possent conciliari. 287. Quinam errores Pontificiam infalibilitatem extruderent. V. *Errores*.
- I**nfalibilitas promissa Apostolis & Ecclesiae exigit unitatem cum fide Petri, eisque nequit attribui qui se separant ab unitate fidei Petri. 35
- Inferior de superiore non potest judicare. 74. 142. nisi auctoritas in superiorem probetur ipsi ab eo collata, qui superiori iure praestat. Ibidem. Conditiones, quibus inferior superiori potest resistere causa gravaminum ne imponantur. 211. vel ob restitutionem veteris juris. 212.
- Innocentii III. locus de Papa si in haesum caderet. 127. not. 1. Hic casus hypotheticus. 129. not. 3.
- Innocentius I. vindicatus. 237
- Joannes XXII. nihil damnavit tamquam haereticum contra decretalem *Exiit* 277. not. 9.
- Joannes XXIII. tempore schismatis Pontificatui renuntiavit. 135. not. 5.
- Joannis de Parisiis liber *De potestate Regia & Papali*: in quo opiniones quaedam notatae. 82. not. 4.
- Isidori, seu potius Pseudo-Isidori decretales supposititiae. V. *Decretales*.
- S. Irenaeus laudatus. 30. Ejus testimonium de necessitate conveniendi cum Romana fide, ad vim coadjuvam

vam non exigit aliarum Ecclesiarum consensum . 255. Istam vim tribuit primatui . 256. Obiectio ex interpretatione , quæ ab obvio verborum sensu abhorret . Ibi . Alia obiectio soluta . 257

Judicium de personis summorum Pontificum Deo reservatum . 80

Julii I. locus explicatus . 241

Ivonis Carnotensis loca laudata . 77. 78. 107

Jurisdictio Ecclesiastica , quæ Christum habet auctorem , immediate fuit tradita S. Petro & Apostolis , & quando 1. Non autem tradita immediate Ecclesie , ita ut Petrus & Apostoli illam acceperint ab Ecclesia . 2. V. *Claves Ecclesie* . Ea jurisdictio Petro & Apostolis immediate collata , non debebat cum ipsis interire , sed ad eorum successores transire . 5

Jus primatus Pontificii in totam Ecclesiam junctum est cum Patriarchico in Occidentem . 241

Jus spurium quodnam dicendum , & quod genuinum in materia disciplinæ , quæ mutabilis est . 198. Non damnandum jus posterioris ætatis , etiamsi ex apocryphis invaluisse . 199. Quatenus jus novum

possit prescribere contra jus vetus . 200. Distinguendum jus novum a novi juris abusibus . 199

L

Legislator supremus quo sensu debeat suas leges primus servare . 41

Legum vis non pendet a subditorum consensu . 160

S. Leo M. laudatus . 13. Quam male reprehensus a Febronio . 238

M

Petrus de **M**arca laudatus . 15.

Marcianus Imperator cur a S. Leone petierit confirmationem definitionis Calchedonensis , uti necessariam ad tollendum omne dubium . 37. not. 4

Martinus V. num , & quatenus approbaverit Constantiense concilium . 104

Monarchicum regimen quodnam repugnet statui Ecclesie , quem Christus instituit . 180. Instituit autem Christus regimen mixtum ex monarchico & aristocratico . 181. Non

Pp 3 omnis

omnis monarchia exclu-
denda ab Ecclesia. 199

N

Necessitas remedii non
dat jus ei, cui aliun-
de non competit. 121.
Distinctio inter casus ex-
traordinarios & ordinarios
rejecta. 121

Nicæna Synodus generalis I.
Pontificiam auctoritatem in
omnes Ecclesias agnovit.
59. not. 5.

Nicæna generalis II. affir-
mat legem conciliorum es-
se, ne rata sint synodo-
rum generalium decreta,
quæ carent auctoritate Pon-
tificia. 37

S. Nicolai I. testimonium de
judiciis Apostolicis ab in-
feriore non retractandis.
76.

Nicolai III. decretalia *Exiit*
ab errore vindicata. 277.
not. 9.

Nicoliis laudatus. 15
Novitas in materia discipli-
næ, quando vim juris ac-
quirere possit. 202. Quan-
do & quomodo novitati
obstare liceat. Ibi.
ovitas sententiæ in mate-
ria fidei est erroris nota.
66.

Obedientia superioribus
præstanda. 213. Quid
in dubio, num quod præ-
cipitur liceat. Ibi not. 2.
De obedientia præstanda
definitionibus fidei editis a
sede Apostolica. Ibi.
Obedientiæ subtractio a Pon-
tificis. 83. not. 5. 216

P

Papa num & quatenus
possit fieri schismaticus.
137. vel hæreticus. 127
Petavius laudatus. 5

Petrus de Luna in schisma-
te dictus Benedictus XIII.
cur in Constantiensis dam-
natus fuit tamquam hære-
ticus atque schismaticus.
136. 138.

S. Petrus super omnes a Chri-
sto præpositus *sine restri-
ctione ulla*. 41. Jurisdi-
ctionem peculiarem super
iplos Apostolos habuit ra-
tione primatus a Christo
traditam, non acceptam
ab Ecclesia. 2. quænam
hæc fuit. 6. 7. & seqq.
Pisana synodus cur generalis
concilii auctoritate careat.

93. Ejus gesta quatenus obfint ſententiæ, quæ tribuit jus conciliorum generalium in Papam. 97
 Pontificatus renunciatio num liceat. 84
 Potestas Pontificia in quibusdam caſibus non neganda, eo quod antiqui temporibus in actus non prodit. 239
 Potestas ſuprema Romano- rum Pontificum. 16. cur ſit vere *ſuprema* in Eccleſia. 171. non tamen ſola. 177. Cur ſit etiam plena. Ibi.
 Potestatis Pontificiæ plenitudo explicata, & vindicata. 178. quo ſenſu poſſit omnia. Ibi. Cur non aſſeratur impotentem & arbitrarium dominatum. 179.
 Diſtinctio inter uſum & abuſum potestatis. 185.
 Objeſtio ex præſumptis Pontificiæ potestatis abuſibus expenditur. 181. Ab- uſuum origo unde. 189.
 Ex abuſibus non neganda potestas aliunde certa. 190.
 In materiis diſciplinæ quæ moderatio potestatis ſit adhibenda. 184
 Præſcriptio num habeat locum in canonibus diſciplinæ. 200
 Primatus a Romano Episcopum nequit in alium Episcopum, aut aliam ſedem

auctoritate Eccleſiæ trans- ferri. 225
 Primatum Romanum S. Cy- prianus vocat *Principatum in univerſali Eccleſia* in- ſtitutum a Chriſto. 228. eique jurisdictionem pecu- liarem competere agno- vit. 229. Diſcrimen in- ter Petrum & alios Apo- ſtolos ratione primatus quale. 7. Jus primatus eſt jus in omnes etiam col- lective ſumptos. Ibi. 56.
 61. Censura aſſicta pro- poſitioni 41. inter damna- tas in Conſtantiensi, quæ exprimit ſolas Eccleſias particulares, quomodo ni- hil obſt. 60. n. 9. Di- ſtinctio ab adverſariis in- geſta de omnibus distribu- tive, non autem collecti- ve ſumptis rejecta. 63. n. 12. Opponitur naturæ & fini primatus. 61. n. 10. & 63. Jus in omnes collective ſumptos non tam ex divino jure provenit, quam ex naturali ordinis jure. 8. not. 5. Id expli- catur ex Paulo. Ibi. & ex neceſſitate ſubjectionis atque ſubordinationis, quæ ab inferioribus debetur ſuperiori potestati. 9
 Primatus vis quatenus vigeat etiam ſede vacante. 6. not. 4. Papa vi primatus ſuperior eſt quolibet con- cilio

cilio. etiam generali. 141.
Jurisdictio primatus non ab
electoribus Papæ, sed a
Deo. immediate collata e-
lecto. 223 Nulli homi-
ni tradita a Deo potestas
supra Papam. 143. Ver-
ba. Christi Matth. 18. *Si
peccaveris in te frater tuus*
&c. *Dic Ecclesie*, perpe-
ram allata, quasi idem
Christus constituerit gene-
rale concilium tamquam
tribunal supra Papam.
144. not. 1. Antiqua ge-
sta Pontificum Rom. jure
primatus in Occidente &
Oriente vindicata. 168.
Febronii nifus ut ea a ju-
re primatus abstrahat, re-
tunditur. Ibi. Antiqui a-
ctus jurisdictionis Pontifi-
cia in tota Ecclesia jure
primatus, eoque ordina-
rio, uti primatus in Pa-
pa est jus ordinarium.
173. 174. Comparatio a-
liquot gestorum, quæ alii
Episcopi extra propriæ
diocæseos terminos perege-
rant, quam inepta. 163.

Q.

Quintilimburchensis con-
cilii decretum ne ma-
jor a minore judicetur. 77

R.

Reservatio graviorum cri-
minum, & majorum
causarum ex suprema po-
testate Romanæ sedis com-
petens. 18. 186

Richerianum systema de cla-
vibus reprobatur. 2

Romanorum Pontificum ju-
risdictio. V. *Jurisdictio*.
V. *Primatus*.

Romanæ synodus in causa
Damasi Papæ. 75. Alia
in causa Symmachi. Ibi-
dem. Alia in causa Leo-
nis III. noluit judicare,
nisi ipse voluntarie judi-
cium petiisset. Ibi.

Romani Sacramentarii om-
nium antiquissimi textus
de fide Romanæ sedis in-
defectibili, & de unitate
cum eadem fide. 289

S.

Schismatis initia sub Ur-
bano VI. 84. Quatenus
tunc utilis, aut necessaria
synodi congregatio; &
quodnam jus tunc fuisset
concilii Patribus absque
ullo præjudicio auctorita-
tis Apostolicæ. 85. Qua-
nam

nam fuerit Constantiensis concilii utilitas in schismate pertinacissimo. 133
 Schismatis fautores quatenus habiti heretici. 99. Remedium in casu schismatis, quo duo vel plures de Papatu contenderent. 130. Num in schismate *Papa dubius sit etiam nullus*. 131.

Socratis locus de non celebrando concilio præter sententiam. Papæ discussus. 240.

Sozomeni locus de eadem re explicatus. 242

S. Stephani Papæ gesta in questione de baptismo vindicata. 236

Subordinatio inferiorum debita superioribus. 8. 9. Quid exigit ab Episcopis subordinatis summo Pontifici. 14. 15. not. 9. erga definitiones fidei a summis Pontificibus editas 29. 30. Omnium Ecclesiasticarum potestatum Papa inferiorum subordinatio auctoritati Pontificiæ quam necessaria. 161.

T

S. **T**homas laudatus. 14. not. 5.

Tridentinæ synodi locus explicatus. 43. 44. Hæc synodus auctoritatem non exercuit supra Papam. 232. Febronii notæ audaces in hanc synodum. 243.

U

S. **V**ictoris Papæ gesta in questione de die paschali vindicata a censura Febronii. 236

Unitatis figura & typus in S. Petro non excludit jus coactivum proprium primatus. 3. not. 2.

Unitas fidei cum Romanæ sedis fide quam necessaria etiam in generali concilio, semperque servata. 33.

Omnium graduum hierarchicorum institutio eo directæ, ut omnes unitatem servarent cum centro unitatis catholicæ. 12.

Usus & exercitium potestatum Episcopaliū subordinati primatui. 164. 175. Nihil hinc contra institutionem.

306 INDEX RERUM MEMORABILIVM.

tutionem Episcoporum di-
vinam. 165

Ufus facti simplicis probatus
a Nicolao III. quinam
fuerit. 277. quis a Joan-
ne XXIII. damnatus. Ibi-
dem.

Ufus potestatis distinguendus
ab abusu. 165

Z

Zosimus Papa in causa
Cœlestii. 237



NOI

RIFORMATORI

Dello Studio di Padova.

A Vendo veduto per la Fede di Revisione ed Approvazione del P. F. Filippo Rosa Lanzi Inquisitor Generale del S. Offizio di Venezia nel Libro intitolato: *De potestate Ecclesiastica Summorum Pontificum & Conciliorum Generalium. Accedunt Vindiciæ potestatis Pontificiæ contra opus Justini Febronii, cui titulus: De statu Ecclesiæ, & legitima potestate Summi Pontificis &c.* ms. non v'esser cos'alcuna contra la S. Fede Cattolica, e parimente per Attestato del Segretario Nostro niente contro Principi e buoni costumi, concediamo Licenza a Marco Moroni Stampator di Verona, che possi essere stampato, osservando gli Ordini in materia di Stampe, e presentando le solite Copie alle Pubbliche Librerie di Venezia e di Padova.

Dat. li 6. febbrajo 1767. M. V.

(SEBASTIAN ZUSTINIAN Rif.

(ALVISE VALLARESSO Rif.

(FRANCESCO MOROSINI IL. Cav. Proc. Rif.

Registrato in Libro a c. 339. al num. 2375.

Davidde Marchesini Segr.

44 971792

